

h .K .~~13~~

~~14~~ 2 K 10





R. P. MARTINI
DE ESPARZA
Artieda Societatis Iesu.

QVAESTIONES
DISPUTANDÆ
DE
ANGELIS

Donum S. D. N. Alexandri VII.

2-7-31 783 1/2

1000 1000 1000

1000 1000 1000

1000 1000 1000

1000 1000 1000

1000 1000 1000

1000 1000 1000

1000 1000 1000

1000 1000 1000

1000 1000 1000

1000 1000 1000

1000 1000 1000

1000 1000 1000

1000 1000 1000

1000 1000 1000

1000 1000 1000

QVAESTIONES
DISPVTANDÆ
D E
A N G E L I S

Auctore.

R.P. MARTINO DE ESPARZA
Artieda Societatis IESV.



R O M Æ;

Typis HH. Corbelletti. 1659.

Superiorum Permissio.

1875/10 24/10/1875

1875/10 24/10/1875

1875/10 24/10/1875

1875/10 24/10/1875

1875/10 24/10/1875

1875/10 24/10/1875

1875/10 24/10/1875

1875/10 24/10/1875

1875/10 24/10/1875

1875/10 24/10/1875

1875/10 24/10/1875

1875/10 24/10/1875

1875/10 24/10/1875

1875/10 24/10/1875

1875/10 24/10/1875

1875/10 24/10/1875

1875/10 24/10/1875

1875/10 24/10/1875

1875/10 24/10/1875

GOSVVINVS NICKEL
Societatis Iesu Præpo-
situs Generalis.

CVM Quæstiones de
Angelis P. Martini
de Esparza Artieda nostræ so-
cietatis sacerdotis aliquot eius-
dem societatis Theologi reco-
gnouerint, et in lucem edi-
posse probauerint, potestatem
facimus, ut typis mandentur,
si ita ijs, ad quos spectat, vi-
debitur. Dat. Romæ 26, Iu-
ni 1659.


Gosvvinus Nickel.

INDEX

Imprimatur.

Si videbitur Reuerendissimo P.
Magist. Sac. Pal. Apost.

M. A. Oddus Episc. Hierap. Vicesg.



Imprimatur.

Fr. Raymundus Capisaccus Ord.
Prædic. Sac. Palat. Apost. Mag.

IN

INDEX

Quæstionum de Angelis.

Q Væst. 1. Vtrum sint pos-
sibiles, & dentur de fa-
cto substantiæ creatæ puræ
spirituales, & incorporeæ?
pag. 1.

**Q. 2. V. Angeli sint compositi
ex materia, & forma? p. 52**

**Q. 3. V. Angeli sint incorrup-
tibles, ac indefectibiles ex
sua natura? pag. 61**

**Q. 4. V. Angeli sint multipli-
cabiles secundum speciem?
pag. 76**

**Q. 5. V. Sint possibiles plures
Angeli intra eandem speciẽ
innumam? pag. 97**

Q. 6.

Q. 6. V. Dentur de facto plu-
res Angeli eiusdem speciei ?
pag. 121

Q. 7. V. Angeli assumant cor-
pora ? pag. 127

Q. 8. V. Duratio Angeli sit in-
diuisibilis ? pag. 140

Q. 9. V. Angelus sit in loco ?
pag. 156

Q. 10. V. Angelus possit mo-
ueri, & transire de loco in
locum, quin transeat per
medium ? pag. 175

Q. 11. V. Substantia spiritualis
sit ex conceptu suo intelle-
ctualis, & intelligens actu ?
pag. 184

Q. 12. V. Angeli intelligant per
species sibi superadditas ?
pag. 198

Q. 13. V. Species Angelicæ sint
inæquales pro inæqualitate
Angelorum. pag. 216

Q. 14.

Q. 14. V. Angelus cognoscat
naturaliter omnia intelligi-
bilia ? pag. 226

Q. 15. V. Intellectus Angelicus
sit capax compositionis, &
diuisionis, discursus, & falli-
tatis ? pag. 255

Q. 16. V. Angelus possit eadē
obiecta cognoscere mediatē
& immediatē ? pag. 272

Q. 17. V. Substantia intellecti-
ua sit ex conceptu suo voli-
tiua ? pag. 289

Q. 18. V. Intellectus, & volun-
tas Angeli sint potentiae di-
stinctae inter se, & ab eius
substantia ? pag. 302

Q. 19. V. Angeli sint praediti li-
bero arbitrio ? pag. 324

Q. 20. V. Angelus naturaliter
diligat alios Angelos, sicut
se ipsum, & Deum plusquam
se ipsum ? pag. 329

Q. 21.

Q. 21. V. Angeli loquantur inter se sola voluntate reuelandi proprios conceptus? 344

Q. 22. V. Angeli fuerint creati in gratia? p. 363

Q. 23. V. Angeli meruerint suam beatitudinem? p. 381

Q. 24. V. Angeli consecuti sint gratiam, & gloriam inæquales, iuxta inæqualitatem naturæ? p. 397

Q. 25. V. Angeli sint peccabiles? p. 411

Q. 26. V. Angeli potuerint peccare pro primo suæ existentiae instanti? p. 439

Q. 27. V. Primum peccatum. Demonum fuerit superbia? pag. 467

Q. 28. V. Gloria, & poena Angelorum statim post vnicū actum meriti, & demeriti inductæ sint, idque ex natura

ra ipsa rei propter immutabilitatem eorum? p. 497

Q. 29. V. Dæmones verè cruciuntur igne inferni? p. 518

Q. 30. V. Detur aliquis ordo inter Dæmones. p. 538

Q. 31. V. Angeli, & dæmones possint aliquid agere circa corpora, præter motum localem? p. 544

Q. 32. V. Omnes homines sub sint custodiæ Angelorum, & impugnationi demonum. pag. 565

Q. 33. V. Angeli superiores influunt in inferiores, sicut infimi influunt in homines? pag. 584

De his questionibus agunt Theologi, cum Mag. in 2. d. d. 2. Et cum D. Th. 1. p. d. q. 50. ubi eorum citationes subintelligentur.

QVAE.





QVAESTIONES

DISPVTANDAE

De Angelis.

QVAESTIO I.

*Vtrum sint possibiles, & dentur de
facto substantia creata purè
spirituales, & incorporeae?*

 IDENTVR non dari de
facto, nec esse possibiles. 1.
 Quia homo, inter omnia
creata, est antonomastice
imago, & similitudo Dei,
iuxta illud Gen. 1. 26. *Faciamus hominem
ad imaginem & similitudinem nostram. Crea-
uit Deus hominem ad imaginem, & similitu-
dinem suam*; Si autem darentur Angeli,
ipsi potissimum essent imago, & simili-
tudo Dei, utpote perfectiores, ac pro-
pinquiores Deo.

2. In eodem loco Genesis enumerà-
tur singillatim, quæ Deus creauit initio.
Et quod nullum genus operum enume-
randum ulterius superesset, apparet ex
illa totius enumerationis clausula, quæ

subiungitur in fine capitis: *Viditque Deus cuncta quae fecerat, & erant valde bona.* Et clarius initio capitis sequentis: *Completique Deus die septimo opus suum, quod fecerat & requieuit die septimo ab universo opere, quod pararat.* Et benedixit diei septimo, & sanctificauit illum. Quia in ipso cessauerat ab omni opere suo, quod creauit, ut faceret. In illa autem enumeratione non exprimuntur Angeli, nec fit vlla de ipsis mentio. Ergo Angeli non continentur inter opera Dei.

3. Substantiae purè spirituales, & incorporeae non pertinent ad perfectionem, & complementum vniuersi. Quia, quae ad illud pertinent, possunt ab homine naturaliter cognosci cognitione certa, ac euidenti; Quandoquidem ita cognoscere potest (vti ponderatum est quæst. 2. de Deo art. 24.) hoc vniuersum auctore habere Deum, cuius perfectæ sunt opera, & à quo nihil imperfectum, ac incompletum esse potest. Substantiae vero purè spirituales, & incorporeae non possunt ab homine naturaliter cognosci certò. Quia homo nihil certo cognoscere potest naturaliter, nisi mediante sensu atque sensibilia, cum non sint causæ, neque effectus substantiarum purè spiritualium inferiorum Deo, nullâ præcontinet in se participationem perfectionis propriæ, ac peculiaris ipsarum, ideoque manuducere naturaliter nequaquam possunt

De exist. & incorp. Ang. 3

sunt ad earum cognitionem, saltem certam, ac euidentem. Quæ autem non pertinent ad perfectionem, & complementum vniuersitatis rerum creatarum, non dantur de facto. Alioquin Deus fecisset, quod fieri ab eo non potest, cum mulum effectuum dissonum, ac monstruosum, ut potè nulla mutue perfectionis, ac perfectibilitatis habitudine, & nexu colligatum vniuersaliter, & continentem in se aliquid redundans atque superfluum, qualis est manus sex digitorum. Ergo substantiæ creatæ pure spirituales, & incorporeæ nullæ dantur de facto.

4. *Omnis creatura certis sua natura circumscripta est limitibus* ut dicit Ambr. l. 4. lib. 1. de Spir. Sanc. cap. 7. initio Omne autem, quod circumscribitur, est corporeum; cum posse circumscribi sit proprietas omnis, & solius corporis. Id quod expressit clarius Elias in orat. 1. Nazianz. *S. nihil enim nisi solus Deus, ait circumscriptionis expers est, quia solus propriè corpore vacat. Circumscripti autem Angeli, quia nec incorporei, propriè sunt, etiam si nostri respectu incorporei dicantur.* Eandem Angelorum circumscriptionem, & corporeitatem tradunt non semel Orig. Basil. August. Bernard. & alij apud Suarez, lib. 1. cap. 6. initio. Ergo Angeli sunt corporei.

5. Intellectus humanus est omnia fieri, & est quodammodo omnia, ut dicit

cit Philosophus. Vnde ita se habent omnia ad esse sicut se habent ad intelligi, & quæ ex sua natura non cadunt in intellectum, seu quibus intellectus ex sua natura assentiri nullatenus potest, quod solum provenit ex implicatione terminorum, eo ipso repugnat, ut sint, suntque chimerica, & repugnantia ex terminis. Repugnat autem, ut aliquid intelligatur intellectu humano independentem à corpore, cum intellectus humanus in omni actu suo dependeat à sensu, & sensibili. Repugnat igitur, ut aliquid sit independentem à corpore, ac proinde omnia possibilia fieri sunt corporea, vel dependentia à corpore, ideoque corporalia.

6. Omnes effectus, qui communiter attribuuntur Angelis, & ex quibus existentia eorum communiter arguitur, habent alias causas sufficientes ex se. Quia motus Coelorum, ex quo arguit Philosophus, & post ipsum plerique alij provenit ab ipsis Cælis in genere causæ efficientis, & materialis ut moderni Astronomi manifestissimis indicijs efficacissimè persuadent,

Similiter opera arreptitiorum, necnon magorum, & incantatorum, quæ humanas omniumque aliarum causarum corporalium vires superant manifestissimè, & ad quæ propterea recurrunt Vaquez, & nonnulli alij, profecto non superant vires animarum separatatum.

Quæ

Quæ videlicet, & linguas norunt omnes, & actiua passiuis omnia applicare pro libito congruenter possunt, vt potè dominante, corporibus propter excessum perfectionis, quo ea longè superant. Quid quòd Philosophus eosdem istos effectus attribuit humoribus melancolicis eorumque prædominio respectu hominum, in quibus talia deprehenduntur. Nihil igitur superest, ex quo Angelorum existentia, quam patet, non innotescere nobis immediate, efficaciter colligatur mediatè.

7. Quodlibet incorporeum præeminet cuilibet corporeo. Nihil autem est inter omnia creata, quod præemineat homini, qui vtique est corporeus. Quod patet ex Augustino dicente cap. 34. *de quantitate animæ initio. Quemadmodum fatendum est, animam humanam non esse quod Deus est; ita præsumendum nihil inter omnia, quæ creauit Dsō esse propinquius.* Similia tradit lib. 3. de lib. arb. cap. 11. lib. 83. quæst. 54. & lib. 3. contra Max. cap. 25. Idem disertè asserit Bernard. lib. 5. de considerat. cap. 3. nihil igitur creatum est prorsus incorporeum.

8. Siquæ essent substantiæ penitus incorporeæ, tales certissimè essent soli Angeli. Angeli autem non sunt penitus incorporei. Quia illud Gen. 6. 2. *Videntes filij Dei filias hominum, quod essent pulchre, ecceperunt sibi uxores; videtur intelligen-*

dum de Angelis, maxime reponentibus
70. *Angeli Dei*, ubi dicitur; *filij Dei*. Manifestum verò est uxores accipi non potuisse à substantijs penitus incorporeis, multoque minus ex ea coniunctione nasci potuisse Gigantes, ut idem mox perhibetur. Accedit Ioannem Thessalonicensem relatum in 1. Synodo dixisse Angelos pingi posse, quia sunt corporei, atque Patres concilij amplexos deinde fuisse sententiam eius. Nullæ igitur dantur substantiæ penitus incorporeæ.

9 Ad complementum, & perfectionem vniuersi pertinet, ut dentur substantiæ ex vna parte intelligentes independentes à sensu, minimèque sentientes, & ideo homines superiores; simulque ex alia parte habentes potentiam loco motiuam ac progressiuam, & ideo præditæ corpore. Substantiæ autem superiores homine, sunt soli Angeli, atque Angelis nihil est superius infra Deum. Nullæ igitur dantur substantiæ creatæ expertes corporis. Assumptum suadet Caietanus, circa illud ad Ephes. 2.2. *Secundum Principem potestatis aëris huius spiritus*, hac ratione. Ad complementum, & perfectionem vniuersi spectat, ut detur vegetatiuum sine sensu, & sensitiuum sine motu locali proprio, & sensitiuum se mouens sine ratione, & sensitiuum se mouens cum ratione. Ergo similiter spectat ad complementum, & perfectionem
vni-

vniversi, vt detur intellectuum, se mouens localiter, ac progressiue sine sensu.

10. Rationes a priori ex perfectâ similitudine Dei in rebus creatis, & ex necessitate perfectionis in omni genere ad totale vniversi complementum, quæ communiter adducuntur pro existentia Angelorum, æqualem habent vim ad probandum, necesse esse ex natura rei vt detur omnes species rerû absolutè, & simpliciter possibiles; ac proinde, vt detur vnio hypostaticea, & visio Dei aliaque dona supernaturalia, necnon substantia purè creata intrinsecè impeccabilis, sancta, & beata, si ea est absolutè possibilis. Hoc autem est manifestè absurdum, minimeque ferendum in Theologia. Ergo & id vnde sequitur.

Art. 1. Respondetur. Multa sunt, quæ Angelorum existentiam efficaciter persuadent, & ad assensum eius fortiter impellunt. Sed sunt pauci, qui efficaciam eorum agnoscere valeant, velintque cedere fortitudini. Nempè homo, & arduus intellectu, & sensu repens, ad substantias sibi, quâ maximè præstat, affines, ac propitias multisque indicijs manifestas, magno fertur pondere. At indidem vi reuocat haud quaquam minori sensus, vmbrarum & nullitatis, ac fictionis inculans, quæcumque carent corpore, quod ipsi est limes, & iusta mensura realitatis, ac veræ entitatis. Ex isto mu-

tuo intellectus multa cogitantis. & sensus illum deprimentis conflictu subortii sunt in primis apud gentiles tot illi Dij, Deæque penetrabilitate, agilitate, fortitudine, futurorum contingentium certa, ac immediata prænotione supra conditionem corporum euecti, quo parti intellectuali hominis satisfaceret; simulque vilitati corporum, nihilominus obnoxij, propter cibum, & potum discrimina sexuum, concubitus, passionēs, & multiplicem earum effectum, quibus admissis: & non aliter, stulta sensuum persuasio sublimiora illa facile permetteret;

Art. 2. Et quidem gentiles volentes in vna, eademque re constituere indiuisim limites potentiarum inuicem disparium, nec intra eandem spheram contentarum atque confundentes supremum intelligibile cum supremo sensibili, perabsurdè confinxere eiusmodi prædicatorum inuicem pugnantium identificatas combinationes, & neutri potentiae assignauere obiectum adæquatum sibi congruens, dum, utrique indulgent ex æquo; nec seruitutem respectu sensus totaliter professi, nec spirituales intellectus amplitudinem, ac libertatem perfectè secuti. At Sædæci nihil assurgentes supra sensum, eique penitus succumbentes, nihil esse dixerunt nihilque esse posse præter corpora, omnia que putauerunt esse chymærica, quæ corpora, purèque corpora non essent, iuxta illud

illud Actorum 23, 8. *Sadducaei dicunt non esse resurrectionem neque Angelum, neque Spiritum.* Platonici è conuerso vsque ad eo intellectui adhæsere, vt modis intelligendi nostris omnes rerum essendi modos conformari: ijsdemque eisdem penitus metiri voluerint. Vnde quia intellectus à corporibus in se indiuiduis abstrahit rationes communes, cum præcisione ab hic, & nunc contrahibiles per indiuidua, posuerunt substantias separatas esse species exemplares corporum ex quarum participatione corpora subsistant omnia, vt refert D. Tho. quest. 50. Art. 3. initio. ex philosopho fusius id exponente 1. metaph. à tex. 6. Eadem diuersitas apparentiæ rerum ex sensu, & intellectu peperit similiter multiplices, & inter se discordes opinandi modos circa proprietates, & operationes Angelorum non solum mirabili vbertate apud Theologos scholasticos, sed etiam ex parte apud Sanctos PP. alijs pleraque omnia trahentibus ad conditionem corporum, & apparentiam sensus, alijs nimium, vel non satis, idque dispariter indidem recedentibus; vt non pauca, nec paucorum asserta circa Angelos videri, ac meritò dici possint reliquæ, vel Sadducæorum, vel Platoniorum.

Art. 3. Medium veritatis iter feliciter præcæteris tenuere, idemque posteris circumquaque commonstrant illustrius.

Diuus in primis Dionysius, & deinde D. Thomas, præcelso vterque illimi, ac Angelico ingenio præditi, atque dininitus illustrati circa istam specialiter partem Thologiæ. Cuius obiectum est imperium sensibus, sicut Deus, nec apparet ex vllis suis sensibilibus effectibus, quibus impertierit participationem sui, atque impresserit similitudinem, sicut impertitus est, atque impressit Deus respectu sui. Et tamen sublimes duæ illæ mentes de eo egere melius etiam maiorique cum compræhensione, & quasi dominio, quam agant plerique alij de ijs, quæ, & cernimus oculis, & tangimus manibus. Quapropter præcipuum in omnibus hisce quæstionibus studium nostrum erit, vt documenta Dionysij potissimum & post ipsum D. Thomæ, & eruamus diligenter & religiosè obseruemus. Præferemus verò vbiq; de more, sed cum obseruatione magis accurata, si quid ex sacris litteris, & Concilijs, vel manifestè innotuerit, vel latenter transparuerit, vt certitudine, & illustratione, ac manuactione diuinæ reuelationis dirigatur, fulciatur ac promoueatur specialis in hac materia debilitas, & fluctuatio rationis humanæ.

Art. 4. Præferendum itaque initio est dari substantias creatas, idæoque inferiores Deo; quæ simul sint homine superiores, atque intrinsecè perfectiores. Notum namque primò est, vt apparebit

ex

ex pluribus testimonijs indicandis in progressu, dari substantias creatas, quæ communiter dicuntur Angeli, id est missi seu nuncij, nomine officij notioris translato ad significationē naturæ minus notæ, ut liquet inter alios PP. ex Ambr. in cap. 1. Epist. ad Hebr., v. 7. circa illud ex Psal. 103. *Qui facit Angelos suos spiritus* Idem frequenter traditur ab interpretibus circa illud eiusdem capituli, sine: *Nonne omnes sunt administratorij spiritus in ministerium missi propter eos, qui hereditatem capiunt salutis?* Ex quo testimonio innotescit præterea, quod in progressu manifestabitur magis, nomen Angelorum, ita ex officio accommodari de facto naturæ istarum substantiarum, ut non sit ex se alienum ab eadem ipsarum natura secundum se. Quia nimirum eiusmodi substantiæ ex natura sua hoc habent intrinsecè ac determinatè, ut sint administratorij spiritus, utque mittantur, & nuncient. Vnde non eo omnino modo dicuntur Angeli seu missi, & nuncij, sicut homo dicitur miles, quod est exemplum Ambrosij, sed tantum cum proportionequadam analogica.

Art. 5. Certum rursus est Angelos esse homine superiores, ac perfectiores substantialiter. Quia Ps. 8. præmissa admiratione v. 5. *Quid est homo, quod memor es eius, aut filius hominis, quoniam visitas eum?* Immediate subiungitur v. 5. *Minuisti eum*

paulo minus ab Angelis, gloria, & honore coronasti eum. Vbi non dubium est quin in priori parte iuxta sensum litteralem, cōponatur homo cum Angelis, eisdemque postponatur quoad naturam, & perfectionem substantialem; sicut in posteriori parte extollitur absolutè quoad dona gratiæ. Tametsi enim in Hebræo, loco Angelorum ponatur Deus, seu Dij, sensus tamen eodem proculdubio redit: tum quia Angeli, sicut, & homines iusti, necnon Principes supremi nonnunquam vocantur Dij in Scriptura: tum quia 70. & Vulgata voci Hebrææ substituunt Angelos tanquam quid æquiualens, ac synonymum: tum quia non paulò, sed infinitè minoratus est homo à Deo Optimo Maximo, atque à solis Angelis paulò minus minoratus dici potest: tum denique quia Apostolus ad Hebr. 2. 7. accommodans Christo patienti prædictum Psalmi locum, utpotè pertinentem ad ipsum, iuxta sensum allegoricum, ut notant ibi Bellarminus, & alij, ponit similiter Angelos & non Deum, dicens: *Minuisti eum paulo minus ab Angelis.* Certum igitur est Angelicam naturâ naturæ humanæ præmineri.

Art. 6. Accedit, Apostolum toto c. 1: eiusdem Epistolæ quater cū Angelis conferre Christum Dominum, ut ostendat dignitatem eius, & excellentiam super omnia purè creata, utque concludat ad-

uer-

uersus incredulitatem Hebræorum contemptricem Christi, & crucis, ac doctrinæ eius, sicuti concludit initio capituli secundi his verbis; *Propterea abundantius oportet obseruare nos ea, quæ audiuiimus; ne forte peresumamus. Si enim qui per Angelos dictus est sermo, factus est firmus, & omnis prauaricatio, & inobedientia accepit iustam mercedis retributionem; quomodo nos effugiemus? si tantam neglexerimus salutem?* Fuiſſet autem in idonea ea comparatio pro scopo proposito, & conclusio inefficax, ac enervis, si Angeli non tenerent primum locum inter omnia purè creata, ut per se patet. Certè si homines essent Angelis superiores, eisdemue pares; cum ipsis potissimè facienda fuisset comparatio, ut ex notissimis duceretur argumentum eoque ad instruendum, ac permouendum euaderet efficacius. Quæ eadem profecto de causa assumpsit Apostolus circa Angelos, quæ erant, & præ cæteris illustriæ, & apud Hebræos notissima; Primum negatiuè v. 5. *Cui enim dixit aliquando Angelorum? filius meus es tu &c.* Deindè positiuè eligendo testimonia maximè honorifica respectu Angelorum, eaque conferendo cum alijs augustioribus circa Christum Dominum testimonijs; idque nullo, aut loco aut auctore determinatè indicato. quia erant ex celebrioribus, ac notissimis apud Hebræos, ut obseruat ibi D. Thomas, nec non alij frequenter ad illud capi-

pi is 2. 6. Testatus est autem in quodam loco quis. Supponit ergo similiter Apostolus tanquam notissimum Angelos præeminere rebus omnibus alijs pure creatis, atque adeo, & homini quoad perfectionem substantialem naturæ.

Art. 7. Idem docet ex professo, & exponit luculenter Dion. cap. 4. de Diuinis nom. & ex eo D. Tho. quæst. 75. art. 7. & quæst. 93. art. 3. quibus vnanimi consensu suffragantur cæteri, tum SS. PP. tum Theologi scholastici. Confirmatur ex 2. Petri 2. Vbi malis Angelis, quibus sola relictæ est perfectio naturæ ipsorum propria, tribuitur potestas, & virtus maior potestate, & virtute hominis. Similiter cap. 41. Iob, multis præmissis mirabilibus de fortitudine, virtute, ac potestate Satanae concluditur in fine. *Non est super terram potestas, quæ comparetur ei, qui factus est, ut nullam timeret; utique super terram super quam est homo. Angelica igitur natura, est humana intrinsecè, ac substantialiter superior.*

Art. 8. Substantia autem homine superior nequit esse corporalis, quia homo præeminet inter omnes substantias corporales. Anima namque hominis, penes quam pensatur eius perfectio, minimam omnium habet dependentiam à corpore, quandoquidem est capax ex sua natura, ut super sit, conserueturque separata à corpore, nec ei vnigatur naturaliter, nisi

ad

ad breuissimum tempus, atque dum unita manet, præcipuas suas intelligendi, & volendi operationes exercet independenter ab organo corporeo, ut dictum est in qq. de anima. Quæ quidem est minima omnium, quæ cogitari possunt dependentia à corpore. Necesse igitur est ut forma maioris aliquatenus perfectionis, quam sit anima humana, qualis utique forma est substantia Angelica, à qua videlicet paulò minus diminutus est, homo, ut dictum est: Necesse inquam est, ut talis forma sit, penitus independens à corpore, atque omnino incorporea, purusque spiritus. Dantur igitur substantiæ purè spirituales, & incorporeæ, quas dicimus Angelos.

Art. 9. Pluribus in locis suffragantur aperte huic veritati sacræ litteræ. dum Angelos dicunt spiritus. Spiritus enim, & spirituale iuxta proprium, ac germanum sensum significant genus rerum, oppositum corpori, & corporali; atque verba Scripturæ accipienda sunt in sensu proprio, ac germano, nec sunt ad metaphoras traducenda, iuxta celebre Augustini documentum, dum neque contextus, nec testimonium aliud clarius eiusdem scripturæ, neque ratio aliqua manifeste ad id omnino cogunt. Cuiusmodi certè nihil adest circa sequentia testimonia: ad Hebr. sine. *Nonne omnes sunt administratores spiritus?* Act. 8. 39. *Dixit au-*

*com Spiritus Philippo Et rursus v. 39. Cū autē
 ascendissent de aqua, spiritus Domini rapuit
 Philippum, & amplius non vidit eum eun-
 chus. Apoc. 14. Septem Ecclesijs, quæ
 sunt in Asia, salutem dicit Ioannes his
 verbis: Gratia vobis, & pax ab eo qui est,
 & qui erat, & qui venturus est, & à septem
 spiritibus, qui in conspectu throni eius sunt.
 Et cap. 5. 6. præmissis figuris symbolicis
 septem Angelorum, subiicitur immédia-
 tē: Qui sunt septem Spiritus Dei missi in om-
 nem terram. Sed & malis Angelis (quibus
 profecto nulla insunt dona gloriæ valen-
 tia reddere corpus quodammodo spiri-
 tale, iuxta illud 1. ad Corinth. 15. 44.
 Surget corpus spiritale) tribuitur eodem
 modo ratio spiritus tum alibi sæpē. tum
 maxime Matthei 5. 16. Ejciebat spiritus
 verbo Et cap. 10. 1. Dedit illis potestatem spi-
 rituum immundorum, ut ejcerent eos. Lucæ
 10. 20. Spiritus vobis subijciuntur. Et cap. 11.
 24. Cum immundus spiritus exierit de ho-
 mino perambulat &c. Et assumit septem alios
 spiritus nequiores se. Cum igitur spiritus, ut
 dicit Christus Lucæ 24. 39. carnem, & ossa
 non habeat; id est sit corporis expers; at-
 que ad excludendam corporeitatem tri-
 buatur ratio spiritus, tum Deo, qui est
 remotissimus à corporis imperfectione,
 ut apparet inter alia ex Ioan. 4. 24. Spiri-
 tus est Deus, tum animæ humanæ, quæ &
 ipsa est secundum se incorporea, licet sit
 unibilis corpori, Iacobi 2. 26. Sicut anima
 corpus*

corpus sine spiritu mortuum est, & alibi frequenter & insuper in loco Actorum indicat: supra art. 2. ad exprimendum errorem Sadducæorum nihil agnoscunt, præter corpora, dicatur, ipsos negare resurrectionem, Angelum, & spiritum. Cum inquam hæc ita se habeant, dubitari minimè potest, quin Angeli, qui toties dicuntur spiritus, sint prorsus incorporei.

Art. 10. Magna vi hoc ipsum persuadet Conc. Later. sub Innoc. 3. Quia capite 1. quod continet professionem fidei, Deus Trinus, & Unus dicitur, *Creator omnium invisibilium, & visibilium, spiritualium, & corporalium.* Et deinde subiungitur immediatè: *Qui sua omnipotenti virtute simul ab initio temporis, utramque de nihilo condidit creaturam, spiritualem, & corporalem: Angelicam videlicet, & mundanam ac deinde humanam quasi communem ex spiritu, & corpore constitutam.* Quibus nihil clarius, aut efficacius pro re proposita dici potuisse videtur. Quia creaturam spiritualem, & Angelicam contraponit corporali, ac mundanæ, tanquam ab ea non nindò diuersam. Et ne superesse posset dubitatio de pura prioris extremi spiritualitate, ac incorporeitate, comparat subinde utrumque extremum, cum natura humana, eamque dicit utrique quasi communem, quatenus constituta est ex spiritu, quo conuenit cum spirituali, &

Angelica creatura, & ex corpore; quo similiter conuenit cum creatura corporali, & mundana. Manifestè igitur profitetur Concilium Deum auctorem, & ex nihilo conditorem triplicis differentiae rerum, pure spiritualium purè corporaliū, & ex spiritu, & corpore constantis.

Art. 11. Censent nihilominus Carranza in annotationibus, Canus lib. 5. de locis cap. 5. Sixtus Senen. lib. 5. bibl. annot. 8. nec non Valentia, & nonnulli alij in præsentī, nullam inde certitudinem huius rei haberi posse. Nempè Concilium nihil de hoc puncto definire, aut tanquā dogma fidei profiteri voluisse; sed vnice intentum ex professo ad articulum Dei, vt auctoris rerum omnium creatarum, cætera obiter adiunxisse maioris claritatis gratia iuxta sensum magis communem Doctorum. Quo pacto in Concilijs, non paucis reperiuntur plura, articulis ac definitionibus fidei interiecta, quæ non propterea censentur, aut sunt re ipsa de fide, vtpotè accidentaliter, ac purè materialiter se habentia ad scopum Conciliorum præcipuum. Id quod in genere est inconfesso apud omnes, nec in re præsentī adest vlla ratio specialis, quæ vetet, quominus idem absque absurditate dicatur.

Art. 12. Verum responsio ista, vt possit videri probabilis relatè ad priora illa

ver-

verba Concilij: *Creator visibilibus, & invisibilibus; spiritualium, & corporalium*, quatenus hæc illorum extremorum in obliquo positorum distinctio potest censerī non intenta ratione sui, sed accidentaliter tantum superaddita ad clariorem, ac commodiorem declarationem, ac perceptionem sui recti: Relatè tamen ad posteriorem integram propositionem: *Qui sua omnipotenti virtute simul ab initio, &c.* Non video, qua ratione subsistere possit, aut tolerari eadem interpretatio. Quia independenter ab ista propositione erat iam per priora verba, sufficienter declaratus articulus creationis rerum omnium. Vndè apparet eam propositionem superadditam, ac intentam fuisse ratione sui, ad exponendam, ac determinandam distinctionem, & naturam rerum ipsarum creatarum, cuius notitia est necessaria, tum ad excludendum errorem Sadducæorum, aliorumque sternerentium sibi viam ad negandam existentiam Dei negata existētia creaturarum purè spiritualium, tum ad legitimam intelligentiam plurium illorum de spiritibus locorum sacre Scripturæ. Profecto cum reliquæ omnes propositiones Concilij, & priores & posteriores contineant singulæ singulos articulos fidei ex indubitata omnium confessione; nec possent negari absque hæresi, tametsi ex nullo alio testimonio constaret de certitudine ipsarum; atque hæc

hæc ipsa propositio, de qua agitur, con-
tineat constitutionem hominis ex spiritu
& corpore, quæ est similiter de fide; nec
dubitari possit, quin intentio Concilij
fuerit, illam profiteri, ac statuere tan-
quam dogma fidei, irrationabiliter om-
nino eximitur eadem propositio quoad
priorem partem, per voluntariam absque
speciali fundamento exceptionem a vera,
ac propria professione, & definitione fi-
dei Catholicæ.

Art. 13. Non tamen ob hæc ausim af-
firmare, assertam Angelorum puram spi-
ritualitatem, & incorporeitatem esse certò
de fide: tum propter auctores indicatos
id negantes: tum maximè, quia D. Tho-
mas, qui fuit prædicto Concilio pluribus
annis posterior, dicit quæst. 16. de ma-
lo Art. 1. initio, ex Augustino lib. 21. de
Ciu. cap. 10. *Non multum referre ad fidem
christianæ doctrinam, siue daemones habeant
corpora sibi naturaliter unita, siue non habeant;*
atque inibi in responsione ad 1. in con-
trarium, addit, fore, ut daemones pos-
sent dici absolutè spiritus, tametsi habe-
rent corpora sibi naturaliter unita. Quia
videlicet non subderentur corporibus, si-
cut nos, sed magis ea haberent sibi subie-
cta, ut tradit Augustinus, ideoque præ-
valente ratione spiritus, dici possent ab-
solutè spiritus; tametsi homines ob con-
trariam rationem spiritus dici non pos-
sint. Ex quo patet aditus ad interpreta-
tio-

tionem testimoniorum scripturæ, quæ superius ponderata sunt, quoad Angelos etiam bonos. Ut ut autem hæc habeant, res est iam plena temeritatis, ne quid dicatur seuerius, negare puram Angelorum spiritualitatem, & incorporeitatem consentientibus iam in eam Doctoribus catholicis vniuersis post Mag. diu. 8. & D. Thomam quæst. 50. art. 1. cum n. agno fundamento in doctrina reuelata, ut appa-
ruit superius. & conformiter ad expressam, & sæpe, ac multiplicate repetitam doctrinam Dionysij cap. 4. de diu. nom. & cap. 3. ac 2. de cælesti Hierar.

Art. 14. Dux sunt præcipue rationes naturales, quæ in idem tandem incidunt re ipsa, quibus D. Thomas in illo art. 1. & lib. 2. contra gent. cap. 46. & alibi, atque alij communiter auctores probant existentiam Angelorum, seu substantiarum purè spiritualium, ac intellectualium, atque supposita creatione aliquarum rerum necesse fuisse ex natura rei, ut eiusmodi substantiæ crearentur. Altera ratio petitur ex intentione Dei in condendo vniuerso; altera ex perfectione intrinseca eiusdem vniuersi. Intentio Dei condentis vniuersum tendit ad producendam perfectam similitudinem sui. Quia omne agens intendit propagare se ipsum imprimendo effectibus suis. atque in eis exprimendo similitudinem sui, quantum potest. Similitudo autem effectus cum
causa

causa attenditur penes id, per quod eadem causa operatur, & in quo perfectio eius causatiua principaliter consistit. Cū igitur Deus operetur per intellectum, & voluntatem atque in ijs perfectio eius causatiua principaliter consistat, vt liquet ex dictis quaest. 26. de Deo, necnon quaest. 36. ad 3. patet in toto vniuerso, quod est effectus Dei adæquatè sumptus deesse minimè posse substantias perfectè intellectuales, ac volitiuas, atque istius modi substantiarum existentiam intendisse principaliter Deum in creatione vniuersi. Substantiæ autem imperfectæ intellectuales, ac volitiuæ necessariò sunt penitus incorporeæ. Quia intellectus, & voluntas exercent suas operationes independentes ab organo corporeo, & dependentia intellectus a phantasia; eiusdèque intellectus coniungibilitas naturalis cum corpore est argumentum, & causa imperfectionis in opere intelligendi, iuxta illud Sap. 9. 15. *Corpus, quod corrumpitur aggrauat animam. & terrena inhabitatio deprimat sensum multa cogitantem.* Quod licet directè referatur ad statum hominis, corporisque humani quatenus deprauati, ac depressi per peccatum originale; indirectè tamen ostendit, maximè opere impediri intellectualitatis præstantiam ex coniunctione cum corpore, nondum glorioso. Quia ratione peccati originalis non est inducta penitus de nouo, sed solum

lum creuit vsi impeditiua, ac retardatiua, seu depressiua intellectualitatis, quæ vis naturaliter inest corpori respectu formæ intrinsicè ordinatæ ad suum complementum substantiale. Quod nimirum efficit ex natura rei, ne veritates vniuersales necessariæ ac æternæ, idest præstantissimæ omnium intelligi possint, nisi obnubilatæ, ac infeliciter trāsformatæ umbris, ac ænigmatis rerum singulariū contingentium, ac corporalium. Necesse igitur est ex natura ipsa rerum, intentionisque diuinæ volentis creare, & educere aliquid extra se, vt dentur substantiæ intellectuales purè spirituales, atque omnino incorporeæ, in quibus reluceat perfecta, quoad fieri potest similitudo cum Deo, quoad intellectum, & voluntatem.

Art. 15. Altera ratio, seu modus alter arguendi pro existentia Angelorum, ex perfectione vniuersi est manifestior, ac dilucidior, quia resoluitur in principia notiora, magisque obuia. Manifestissimū namque primo est vniuersum istud, idemque dicitur de qualibet alia collectione rerum creabili à Deo, esse vndequaque perfectum, idque ei conuenire necessario, ac intrinsicè ex sua ipsa natura. Quia vniuersum istud essentialiter est opus Dei. Quod est certum ex fide, atque ratione euidenti alibi demonstratum. *Dei autem perfecta sunt opera*, & Deuter. 32. 4. nec fieri potest, vt aliquod opus Deum habeat aut

auctorem, & nihilominus non sit eate-
 nus perfectam iuxta naturam, & exigen-
 tiam suam intrinsecam, vti pluribus ex-
 positum, & confirmatum est quæ. 26. &
 28. de Deo, atque magnificè prædicatur
 sæpius in sacris litteris; maximè verò Ec-
 cl. 42. à v. 15. vbi incipit: *Memor ero igitur*
operum Domini, circa quem locum mul-
 ta in eam re valde opportuna videri pos-
 sunt apud Cornelium à Lapide, aliosque
 interpretes. Manifestum rursus est, de
 cōceptu operis perfecti vniuersaliter esse
 vt nihil ipsi desit eorum, sine quibus esset
 ineptum ad suum finem, nec posset ad
 illum seu peruenire, seu perducī; vtque
 nihil eidem perperam inest. Nihil namque
 notius est, quàm esse imperfectum, tum
 quod est ineptum, seu insufficienter dis-
 positum ad suum finem, tum cui aliquid
 inest inutiliter omnino, ac superuacaneè
 nihilque conferens ad finem ipsius.

Art. 16. Ad perfectionem vero operis
 diuini adæquatè sumpti, seu vniuersi cu-
 iusvis spectat præterea specialiter, vt in
 eo emineat omne genus perfectionum ab-
 solutè possibilium, atque inuicem con-
 possibilium. Quia opus respectiue perfe-
 ctum dicitur, in quo apparet, imperfe-
 ctum verò, in quo non apparet, quan-
 tum fieri absolutè potest, tota perfectio
 præexistens in causa, totaque artificis pe-
 ritia. Id quod comparatione Dei, ope-
 risque diuini specialis ratio efficaciter
 per;

persuadet. Quia videlicet omnes effectus ex sua natura est ostensius, ac commendatius perfectionis præexistentis in causa; idque conuenit essentialiter, ac primario effectibus Dei comparatione ipsius utpote essentialiter ordinatis ad laudē, & gloriam Creatoris. Patet autem imperfectè fungi hoc munere effectum in quo non apparet; perfectè, cum solum, in quo apparet, quantum absolutè fieri potest, tota perfectio præexistens in causa, totaque artificis peritia; atque adeo priorem effectum esse imperfectum, solumque posteriorem esse perfectum comparatione suæ causæ, seu perfectione relatiua effectus ad causam. Quæ quidem perfectio, & imperfectio in effectibus Dei quatenus comparabilibus cum ipso Deo, coincidit cum perfectione, & imperfectione ipsorum absolutè, & simpliciter ratione, modò indicata. Cum igitur Deus contineat in se essentialiter, ac indiuisim omne genus perfectionis, necesse utique est ex natura ipsa rei, ut in effectū adæquato, seu in qualibet tota collectione rerum à Deo producta dentur entitates, & perfectiones omnis generis.

Art 17. Superest, ut ostendatur existentiam Angelorum esse necessariam ex natura ipsa rei ad perfectionem vniuersi, iuxta singulas ex tribus notionibus perfecti, quæ præmissæ sunt. Quod ad primum attinet de fine vniuersi, Notum

est, quod nuper iterum dicebatur, finem
 primarium rerum omnium creaturarum es-
 se laudem, & gloriam Creatoris, iuxta
 illud Prou. 16. 4. *Vniuersa propter semetip-
 sum operatus est Dominus*; nempe propter
 semetipsum manifestandum, & glorifican-
 dum siquidem nihil aliud haberi potest
 ex creaturis respectu Dei. Vnde Hatac.
 3. 3^o dicitur: *Operuit Caelos gloria eius, &
 & laudis eius plena est terra*. Cuiusmodi
 sunt alia plura facile obuia in sacris litte-
 ris praesertim in Psalmis. Hic autem finis
 obtineri nequaquam potest; nisi inductis
 in vniuersum substantijs intellectualibus.
 Quae nimirum solae cognoscere æstimare,
 confiteri, ac celebrare possunt ex crea-
 turis potentiam, sapientiam, & maiesta-
 tem Creatoris; cum Deus non ex creatu-
 ris, sed ex se praecise agnoscat, & glori-
 ficet se ipsum; quae vero intellectualia
 non sunt, sint prorsus incapaces percipiendi
 titulos, seu merita laudis, & gloriae,
 & vtramque exhibendi, praeterquam
 obiectiue tanquam materia, ac motuum.
 Sed neque natura intellectualis corporea
 est sufficiens adtribuendam Deo totam
 eam laudem, & gloriam, ad quam vniuersum
 creatum ipsaque maximè natura intellectua-
 lis corporea apta est mouere, quantum est
 de se. Quia natura intellectualis corporea
 tum intellectualitas est immersa corpori,
 nihil cognoscere potest ex natura rei, nisi
 dependenter à sensu, ideoque praestantissimas
 quas.

quasque veritates, non nisi ænigmaticè, inadæquatè, ac valde imperfectè cognoscere potest; atque forma intellectualis naturaliter vnibilis corpori, dum est in statu separationis ab ipso, nihil magis, aut melius cognoscere potest, vt docet D. Thomas, certè non multo plus cognoscere potest, quam dum est vnita corpori, de qua alibi ex communi consensu. Cum ergo laus, & gloria Creatoris deriuabilis ex creaturis commensuretur necessariò perfectioni cognitionis circa ipsas, subortæ ex vi motiua earundem; concluditur, res creatas non posse naturaliter consequi perfectè, & adæquatè suum istum præcipuum finem laudis, & gloriæ Creatoris, nisi dentur substantiæ creatæ purè intellectuales, atque omnino incorporeæ, quæ illas, tum singulas seorsim, tum omnium simul ordinem mutuum eorum, & harmoniam, totamque pulchritudinem adæquatè cognoscere, & comprehendere possint, atque ita laudare, & gloriaficare Creatorem, eiusque potentiam, artificiosam prouidentiam, iustitiam, &c. quantum laudabilis, & glorificabilis est ex vi motiua, earundem rerum creatarum. Qua de causa Regius Psaltes volens ps. 14. 8. inuitare omnia creata ad laudem, & gloriam Creatoris merito incipit ab Angelis, tanquam ad id maximè idoneis non aliundè quam ex pura intellectualitate omnino incorporea

dum dicit : *Laudate Dominum de calis, laudate eum in excelsis. Laudate eum omnes Angeli eius, laudate eum omnes virtutes eius.*

Art. 18. Hinc sponte apparet secundum inconueniens de aliquo perperam existente in vniuerso, si in eo non darentur substantiæ purè intellectuales, atque omnino incorporeæ. Quia non datis huiusmodi substantijs non posset reduci in actum secundum, ac proinde existeret perperam vis motiua, quæ inest reliquis creaturis, ad cognitionem comprehensiuam, tum vniuscuiusque ex illis seorsim, tum omnium collectivè, atque ordinis mutui, & pulchritudinis ex omnium proportionem, connexionem, & iusta correspondentiam confurgentis, cum virtute inducendi æqualem ei cognitioni delectationem. Quapropter si Deus condidisset vniuersum non inductis in ipsum substantijs incorporeis, ac purè intellectualibus, perinde fecisset, atque si pictor exponeret picturam artis eximiæ solis cæcis, & cæcutientibus, aut musicus delicatissimi concentus chorum solis exhiberet surdis, ac surdastris, & sic de similibus, in quibus manifestissimum sit sensibile aliquod, aut intelligibile, præsertim eximium, ac valde delectabile superare magno excessu captum eorum omnium, quorum tantummodo gratia existit. Eo namque ipso manifestissimum erit, inutiliter, ac insipienter tantam operi perfectionem, tantam

tamque vim sensum, aut intellectum delectabiliter permouendi adiectas fuisse. Perperam igitur, & insipienter fecisset Deus, quod absit, si condidisset vniuersum illud sensibile vique adeo perfectum, mirabile, ac delectabile, & glorificatiuum ipsius, si non induxisset simul substantias purè intellectuales, atque omnino incorporeas, quæ solæ sunt capaces, vt coopererentur adæquatè toti cognoscibilitati, ac delectabilitati eiusdem vniuersi.

Art. 19. Simile argumentum conficitur ex dirigibilitate, & indigentia directionis, quæ inest rebus inanimatis, atque omnibus vniuersim rationis expertibus. Nempè inanimata, atque omnia vniuersim rationis expertia ex vna parte retinent, quantum est de se, vniformem semper operandi modum, nec possunt ex se præcisè inducere vllam vnquam operationum, atque effectuum diuersitatem, præterquam vniformiter distortam redeuntibus semper in orbem ipsidem effectuum, parium ac disparium, vicissitudinibus; nec fieri potuit, vt causæ libertatis, ac electionis expertes, vi, & impetu proprio sibi relicto, aliter operentur. Ex alia vero parte eadem omnia existunt immediate propter hominem qui non est semper vniformiter dispositus, ac affectus, sed varietatem subit propè innumerabilem, tum quoad corpus, tum maximè quoad animam, ideoque indiget

vt pro diuersis temporibus cum proportionali varietate subueniant sibi, atque inferuiant, quæ sunt infra ipsum omnia, atque ita iuuent, tum ad tuendam salutem corporalem. tum maxime ad correptionem, & correctionem prauorum morum atque ad bonorum fomentum, & promotionem; ad coercitionem, & poenam impietatis. atque ad pietatis stimulos, & remunerationem. Id quod fieri minimè potest ob rationem modò præmissam, nisi adsit causa prædita libertate, & electione, quæ propterea sit idonea ad inducendas in principijs. & subiectis libertatis expertibus varietates dispositionum, & operationum opportunè congruentes varietatibus prædictis, quas homines, partim naturali necessitate patiuntur, partim libertate sua in se ipsos inducunt. Hæc de causa cōcessum est homini, prout perhibetur Gen. 1. 26. & 28. vt præsit, ac dominetur vniuersæ terræ, atque omnibus, quæ sunt, & mouentur super terram. Vt nimirum præsidendi officio, & dominatione sua dirigeret omnia, atque determinaret, applicando actiua passiuis, quantum, & qualiter sua, atque humani generis interesset; id est quantum, & qualiter opus esset, vt ea omnia suum proximum finem creatum consequerentur.

Art. 20. Verum homo non sufficit ad tantum, & tam perfectam rerum inanimatarum, ac irrationabilium directionem

nem quanta, & quam perfecta opus ipsis absolute est, relate ad finem prædictum. Primo quia homo, (idemque dicitur de quavis alia, siquæ præterea possibilis est, substantia intellectuali corporea) nequit exactè, & adæquatè inter se conferre omnes, & singulas quasque mundi huius sensibilis partes, ut potè non cognitæ sibi exactè, & adæquate. Deinde ut ea omnia exactè, & adæquatè complecti intelligendo posset, destituitur tamen virtute, & actiuitate physica ad eadem omnia vniuersaliter permouenda, atque inuicem contemperanda, prout oportet; inductis pro loco, & tempore, & pro humanis vbique gentium meritis, ac demeritis, tempestate, & serenitate pluuiis, & sic citate; fame, & abundantia; salubritate, & insalubritate, ac peste, ventorumque vi, seu frænata, seu laxata, & mari, & terra. Demum cæli, qui & ipsi sunt dirigibiles à principio libero quoad plures ipsorum motus, ac dispositiones, à quibus sublunaria omnia dependent, non possunt sub esse directioni humanæ, cum captum hominis, & manifestius actiuitatē eius physicam longissimè superent. Necessè igitur est, ut dentur in vniuerso substantiæ purè intellectuales, atque omnino incorporeæ, quæ ad ea omnia sufficiant; ne perperam data sit dirigibilitas cælestium, & sublunarium corporum excedens capacitatem intellectualem.

& actiuitatem physicam hominum, atque commensuratum capacitati, & actiuitati substantiæ creatæ purè spiritualis, utque potentia illa passiuæ reducatur in actum secundum per huiusmodi potētiam actiuam, quæ sola intra Deum explere illam iussit & exercere adæquatè potest.

Art. 21. Venio ad tertium. & postremum caput de necessitate perfectionum omnis generis, ut vniuersum sit perfectum. Genus quoddam vnum peculiare, seu specialis gradus, & classis perfectionis dicitur vnaquælibet peculiaris ratio pluribus inter se essentialiter diuersis communis, quatenus continens in suo conceptu plus perfectionis, ac æstimabilitatis, quam quæ eidem superadditur per rationes differentiales eorum, quibus ipsa est communis. Vnde & omnia, & sola dicuntur absolute contineri intra vnum, idemque genus, gradum, & classem perfectionis, quorum ratio aliqua vniiformiter communis præeminet omnibus rationibus differentialibus eorundem. Quæ vero ita inter se comparantur, ut alicui, vel aliquibus eorum insit plus perfectionis, penes rationem suam differentialem, quam penes prædicata omnia iisdem omnibus communia, dicuntur absolute diuersorum generum quoad perfectionem, & æstimabilitatem; tametsi logicè, & quoad prædicabilitatem sub vno, vel multiplici eodem genere contineantur. Itaque limites

res vniuscuiusq; generis quoad perfectionem, & æstimabilitatem sunt omnes, & solæ rerum species; quæ plus inter se conueniunt, quàm differunt, seu pluris æstimantur ratione alicuius communis, quàm ratione differentiarum. Pertinent verò è conuerso ad diuersa genera, quæcunque plus differunt inter se, quàm conueniunt, seu quorum aliquod pluris habetur ratione suæ peculiaris differentię, quam ratione communium. Hoc modo omnes plantæ dicuntur habere perfectionem eiusdem generis, atque absolute contineri sub vno, eodemque gradu, & classe perfectionis. Quia ratio viuētis, quæ est illis omnibus cōmūnis, est maioris perfectionis, plurisque habetur, quàm vlla differentialis ratio, cuiusquam plantæ particularis. Rursus omnia bruta dicuntur similiter eiusdem generis. Quia ratio animalis, in qua conueniunt, præponderat omnibus eorum inter se differentiis. Bruta verò, & plantæ non sunt eiusdem generis quoad perfectionem, & æstimabilitatem, quia nihil est vtriusque commune, quod præmineat prædicatis omnibus, per quæ differunt inter se. Patet enim brutum esse præstabilius, quia animal est, vnde differt à plantis, quamqua viuens præcisè est, per quod vltimo conuenit cum ijsdem.

Art. 22. Patentius vero multo est substantiæ intellectuall creatæ, quæ talis est

inesse genus perfectionis longè diuersum à perfectione rerum omnium, quæ intellectuales non sunt. Quia intellectualitas continet in se amplitudinem quandam essendi quodammodo infinitam, ac interminatam, quatenus omnia, & quælibet intelligendo potest eadem omnia sibi ex se quodammodo adiungere ac superaddere per similitudines, & imagines ipsorum, quas actiuitate sua exprimere atque ex sua essendi, & perfectionis vasta plenitudine expromere potest; cum bruta sint restricta ad sola immediate sensibilia, quæ vero cognoscitiua non sunt, sint adhuc restrictiora incomparabiliter, utpotè modis omnibus coarctata ad vnicum determinatum genus non contentium generum aliorum vllò modo. Præeminet itaque intellectualitas omnibus alijs prædicatis, quæ sunt communia substantijs intellectualibus, & non intellectualibus: cum nullum aliud prædicatum continere in se, atque intellectualitati superaddere possit tantumdem præstantissimæ, ac planè mirabilis amplitudinis essendi, & quæ ad eam consequitur capacitatis, ut eleuetur ad videndum, possidendumque perfectè Deum. Vnde substantiæ intellectuales certissimè constituunt genus quoddam speciale entis, & perfectionis. Cum igitur necesse sit ex ipsa natura rei, ut detur in vniuerso omne genus entis, ac perfectionis iuxta positionem præmissam

Art. 16 Necesse utique est ex natura ipsa rei, ut dentur in vniuerso substantiæ intellectuales. Immo quia genus istud entium distat multo magis magnitudine, & amplitudine perfectionis, ut apparet ex ratione nuper ponderata à reliquis omnibus rerum generibus, quam distant inter se quælibet alia duo rerum genera; maior omnino, certè manifestior longè est necessitas naturalis, ut dentur substantiæ intellectuales datis substantijs non intellectualibus, quam ut dentur res vllæ aliæ datis rebus aliquibus alijs.

Art. 23 Ista porro eadem ratione maioris perfectionis cōuenientis generi substantiæ intellectualis, quam vlli alij rerum creatarum generi conficitur, sub isto potius quàm sub vlllo alio debuisse constitui differentias, & extrema, perfecti & imperfecti, inuicem sibi opposita. Quod enim prædicatum aliquod genericum, maioris est perfectionis, eò plurimum est earum diuisionum in species diuersas, magisque indiget diffusionem suam per differentias summæ, infimæ, & mediæ perfectionis, ut totum intuentibus explicatissime appareat, vimque suam totam exerat completè, ac cumulatè uti distinctius exponetur quæst. 4. In generibus autem ignobilioribus vniuersim omnibus rerum, quæ, sub sensum cadunt, manifesta experientia, deprehenditur istud artificij ordinis distribuētis vnumquodque genus

in extrema summæ, & infimæ perfectionis. Quorum alterum maiori suæ vilitatis, atque in nihilum decliuitatis conspuitate distinctius referat originem totius generis ex nihilo. Alterum verò illustrioris suæ dignitatis, atque ad purum esse, ascensionis prominentia clarius manifestet auctorem totius eiusdem generis summum. Et sic ex mutua vtriusque extremi comparatione innotescat clarissimè terminus à quo, & per quem, & ad quem extrahuntur, diriguntur. ac eleuantur creata omnia; atque oppositis, vt dicitur iuxta se positis vtrique ea extrema tam indicatiua quam indicata magis elucescant, & vilissimorum comparatione maxima quæque emineant augustius in omni genere ad eum modum, quo circumiectis vmbris solent pictores attollere, & quali accendere. ac venustiores reddere nobiliores quasque imaginum parietes

Art. 24: Huc spectat ex communi interpretum intelligentia illud Eccl 45.25. *Omnia duplicia vnum contra vnum, & non fecit quidquam deesse*. Quod non tam de rebus singulis, quam de omnibus, & singulis rerum generibus continentibus, lege vbique vniformiter inuiolabili, binarium differentiarum, alterius perfectæ, & alterius imperfectæ, accipiendum esse, idque doceri requisitum ex natura rei, ne quid desit vniuerso, nempe pulchritudinis,

nis, & perfectionis pertinentis per se ad complementum eiusdem vniuersi, ostendit præ alijs accuratè atque inductione vniuersali dilucidè confirmat Fran. Vale-
sius sacræ Phyl. cap. 75. Sed iuuerit magis auscultare concinnam expositionem, & sententiam Aug. lib. 11. de Ciu c. 18. circa similem aliam diuini artificij commendationem ex c. 33. eiusdem libri v. 15. *Antitheta enim, præmittit, qua appellantur in ornamentis elocutionis sunt decentissima, qua latinè appellantur opposita, vel quod expressius dicitur contrapositiona* - Et post pauca subiungit: *Sicut ergo ista contraria contrarijs opposita sermonis pulchritudinem reddunt; ita quadam non verborum, sed verum eloquentia, contrariorum oppositione saculi pulchritudo componitur. Apertissime hoc positum est in libro Ecclesiastico hoc modo: Contra malum bonum est; & contra mortem vita: Sic contra pium peccator Et sic intueri in omnia opera Altissimi, bina, & bina, vnum contra vnum.*

Art. 25. Necessè igitur est ex natura rei, vt sub genere etiam substantiæ intellectualis detur differentia perfectæ, & imperfectæ; corporalis, & spiritualis, seu compactæ ex corpore, & spiritu penitusque incorporæ. Immo quia in omni genere imperfectum est propter perfecti, atque necessitas finis est maior quam mediocritatis; multo magis necessè est, vt dentur Angeli purè intellectuales, penitusque

que incorporei, quam ut detur homi-
ni, quæ est altera differentia imperfecta, nem-
pe intelligentis corporei, ideoque intelli-
gente imperfectè propter dependen-
tiam a sensu.

Ad 1. Ratio imaginis Dei cõuenit pro-
culdubio perfectius Angelo quàm homi-
ni, dicente Dion. cap. 4. de diu nomin.
*Angeli ad Dei similitudinem, quoad eius ser-
uipotes, expressi sunt, bonitatisque speciem pra-
ferunt.* Et rursus: *Imago Dei est Angelus,
latentis lucis declaratio speculum nitidum,
perlucidissimum, integrum, incorporeum, non
inquinatum, quod recipit uniuersam, si fas
est dictu, figura diuina bonitatis pulchritudi-
nem.* Vnde omnes Theologi dicunt cum
D. Thoma quæst. 93. art. 3. Angelum
magis esse ad imaginem Dei, quàm ho-
minem. Cæterum respectu intellectus
humani magis conuenit ratio imaginis
Dei ipsi homini, quàm Angelo. Quia
homo magis cognoscitur ab homine,
quàm Angelus, ideoque manuducitur
magis ad cognitionem Dei, cognitione
naturæ humanæ, quàm Angelicæ. Quia
vero liber Genesis scriptus est, sicut, &
reliqua scriptura, ad eruditionem homi-
nis, propterea ipsi potissimum homini tri-
buitur vnicè quod sit ad imaginem Dei,
præscindendo interim ab Angelis, non
vero idem de iisdem negando.

Ad 2. Communis, vera certaque sen-
tentia est Angelos creatos à Deo fuisse
simul.

simul cum Cælo, & terra, eisque præterea longè probabilius nõ fuisse prætermissam à Moyse creationem eorum, sed nomine cæli comprehensam simul fuisse, vti videri potest apud Suarez lib. 1. de opere sex dierum, apud Molinam, aliosque communiter cum D. Thoma quæst. 61. a. 3. Ratio autem, ob quam non exprimuntur Angeli nomine proprio à Moyse, sed lateenter sub nomine Cæli comprehenduntur, tamquam eius incolæ, hæc communiter redditur. Quod nimirum liber ille dirigeretur ad instruendum rudem Hebræorum populum, qui propterea docendus erat directè, ac immediate de creatione rerum sensibilium, eoque facilius perceptibilium, quibus deinde mediantibus possent peritiores conscendere ad cognitionem Angelorum, & creationis eorumdem.

Ad 3. Negandum est non posse intellectum humanum pervenire ad cognitionem certam existentie, & nature Angelorum mediantibus rebus sensibilibus. Patet enim in primis à posteriori per experientiam ex dictis superius pervenire omnino posse. Deinde à priori, quia non sola causalitas efficiens, & physica sufficit ad cognoscendam causam ex effectu, sed etiam causalitas finalis, ac intentionalis licet hæc posterior sit latentior, ac profundior, quatenus media, & ratio artificiosi, nõ ita participant perfectione propriam

priam finis, & artificis, sicut participant perfectionem propriam causæ cuiusque efficientis effectus per ipsam producti. Res autem sensibiles ordinantur ad Angelos, tanquam ad finem suum secundarium, atque ab eisdem fortiuntur concinnitatem, & ordinem mutuum sibi congruentem, uti superius insinuatum est, & in progressu declarabitur vberius. Possunt igitur Angeli, tametsi spirituales, & omnino incorporei sint, cognosci ab homine mediante sensu, tanquam pertinentes, & requisiti, prout re ipsa pertinent & requiruntur ad complementum universi, uti superius ostensum est.

Ad 4. D. Ambrosius inmediate post illa verba obiectionis subdit sic: *Siquidem & illa invisibilia opera, quæ non queunt locis & finibus comprehendî, substantia sua tamen proprietate clauduntur. Quomodo quis audeat creaturam appellare Spiritum Sanctum, qui non habeat circumscriptam, determinatamque virtutem!* Ex quibus manifestè apparet Ambrosium non tribuere Angelis circumscriptionem localem, quæ est propria corporum, sed solam circumscriptionem perfectionis, quæ convenit omni enti creato, ac finito, siue corporali, siue purè spirituali. Eodem sensu nonnulli etiam alij SS. PP. usurpant circumscriptiōem, dum eam attribunt Angelis. Alij vero corporeos dicunt Angelos corporeitate latè sumpta pro vera realitate,

tate, & quam substantialitate essendi. Alij vero eandem locutionem vsurpant de Angelis comparatione Dei, vt solam significant imperfectionem eorum, & potencialitatem, quę est maximę propria corporum, & ratione cuius Angeli comparati cum Deo, qui est purus actus, puręque perfectio, apparent corporei, quatenus Angeli sunt re ipsa medij inter Deū & res proprię, ac strictę corporeas, atque medium interdum extrema comparatum cum altero eorum induit apparentiam oppositi extremi, vt obseruat D. Thomas quęst. 50. art. 1. ad 1. & traditur non semel à Philosopho. Negari nihilominus non potest, quin aliqui SS. PP. Platonice documentis vehementer addicti tribuerint Angelis corpora proprię talia, vel homogenea cum sublunariis, vel certę subtiliora. Sed quia iamdiu preualuit in Ecclesia Dei maxima sanctarum scripturarum inclinatio in puram spiritualitatem Angelorum, atque illi accessit Concilij Lateranensis vsque adeo clara, & efficax determinatio, & ad eam subsecutus est vnanimis eandem in partem Theologorum omnium consensus, ac demum Platonice eatenus doctrinę fundamenta euidentibus rationibus conuulsa sunt, nulla ex eorum Patrum auctoritate probabilitas manet corporeitati Angelorum, seu compositioni eorum ex corpore, & spiritu, præsertim cum

eidem

eide refragentur Dionysius^{us} superius productus, necnon Athanas. Nazianz., Nys-
sen. Chrysost. Hier. Ambros. Greg. Mag.
alijque SS. PP. apud Suarez cap. illo 6.

Ad 5. Distinguentus est in intellectu humano, dum est vnitus corpori, modus cognoscendi, ac apprehendendi à modo affirmandi, ac iudicandi. Plura enim cognoscit ænigmaticè ad modum aliorum; per quorum proprias species ad cognitionem illorum perducitur, quin tamen illis iudicando attribuat modum essendi conformem modo apprehendendi suo. Atq; ita contingit in apprehensione, & cognitione, tum Dei, tum Angelorum, quos cognoscit per species rerum corporearum. Ideoque ad instar corporum. quin, amè affirmet de ipsis corporeitatem, & modum essendi corporeum, sed magis eundem neget ratione deducta ex iisdem rebus corporeis, vt superius innotuit, & Pro dignoscenda autem natura cuiusque rei non tam est attendendus modus, quo ea cognoscitur ab homine, sed quale sit prædicatum, quod de eadem ab eodem cognoscitur, eidemque iudicando attribuitur.

Ad 6. Ex ijs, quæ superius producta à nobis sūt: liquet superesse rationes efficaces pro incorporeitate Angelorum. . demptis illis duabus, quæ tanguntur in obiectione. Vnde responderi primò potest; transeat eas duas rationes esse prorsus

ius inefficaces, ac inutiles. Deinde tanetsi ratio Philosophi de necessitate Angelorum pro motu cœlorum probari mihi, aut firma omnino reputari nō possit, quatenus cœlis nullum motum localem concedit ex propria ipsorum actiuitate, actione, & reactione, ob ea, quæ alibi suffus discutienda sunt; super est nihilominus necessitas Angelorum ad dirigendos motus Cœlorum, sicut & corporum sublunarium pro multiplici mutuo eorum occurſu inextricabili, ac indeterminabili absque interuentione agentis libertate, & electione præditi, vti obseruatum est superius art. 19. & 20. atque fusius expositum est qu. 29. De Deo. Quoad alteram rationem de arreptitijs fateor similiter, plures vulgo arreptitios putari, & obfessos à dœmone, qui solis vexantur humoribus melancholicis, solaque laborant læsione phantasie. Cæterum negari non potest, quin plures verè obsideantur à dœmone, seu spiritu malo, in quibus videlicetprehenduntur effectus peritiæ linguarum, alijsque superantes omnem vim naturæ. & qualitatū, atque affectionum corporearum. Quia vero eiusmodi effectus, nec Deo tribui possunt, cum plerique manifestè tendant in malum sintque inhonesti, nec ab animabus separatis prouenire possint, cum animæ separatæ non plus possint in corpus, & circa res corporales quam dum essent vnitæ

nitæ corporibus, & præterea animæ beatæ eadem ratione, qua Deus excludantur ab eiusmodi operibus, reprobatæ vero detineantur in Inferno, nec permittantur saltem ordinariè redire sub aërem istum, rectè concluditur, tales effectus provenire ab alia specie substantiarum, easque esse pure spirituales, & incorporeas, quandoquidem naturaliter penetrantur cum corpore humano, necnon secum invicem in maximo numero, ut apparet ex 8. Lucæ, ubi traditur legionem integram demoniorum intravisse in vnum hominem, quæ tam numerosa eorū penetratio fuisset naturaliter impossibilis, si essent corporei. Patet igitur utramque eam rationem esse absolute utilem, & efficacem. licet nonnulli utramque plus iusto amplificent.

Art. I Ad 7. Observanti totū superiore Augustini contextum immediate præcedentem ad caput illud 34. de quantitate animæ, haud obscure apparet, conferri ab ipso cum anima humana cætera omnia creata, quoad differentias ipsorum proprias secundum se præcisè consideratas, & præscindendo à prædicato capacitatis, contemplandi, & videndi Deum, quod est eidem animæ commune; solumque negare voluisse, nullam dari, nullamque esse possibilem substantiam creatam, cui ex sola sua ratione differentiali cōveniat maior perfectio, maiorque ad Deum

propinquitas, quàm quæ inest animæ humanæ ex suo conceptu adæquato. Quod merito, verissimeque negatur, ut liquet ex dictis supra art. 21. & 22. & apparebit clarius ex dicendis quæst. 1. præteritum ad 1. Verum id non tollit, quominus sint possibiles, & dentur substantiæ, quæ secundum suum conceptum adæquatum contineant in se absolutè aliqualem substantialis perfectionis excessum respectu animæ humanæ. Fieri namque potest, ut substantiæ aliæque res quibus est uniformiter commune prædicatum, quod est in vnoquoque eorum præcipuum, ac præeminens, differant nihilominus dispariter quoad prædicatum, aliud minoris ex se præcise perfectionis; atque ratione prioris uniformitatis quoad prædicatum præcipuum dici haud absurdè possunt absolutè æquales, maxime ubi prædicatum idem præcipuum ac vni forme fuerit notabiliter notius, ac discernibilius, quàm rationes differentiales. ut euenit in re præsentis. & tamen ratione conceptus differentialis disformis, ac inæqualis quoad prædicatum minus præcipuum, dici etiam poterunt inæquales absque falsitate, aut absurditate.

Art. 2. Facit hoc Augustinus quoad utrâque partem. Quia sicut in testimonio. beatitudinis affirmat æqualitatē, & excludit inæqualitatem inter animam humanam, & alios spiritus: ita præeminentiam, & excessum

An.

Angelorum respectu eiusdem animæ tradit disertè lib. 11. de Civ. cap. 5. dicens: *Angelica natura omnia cetera, quæ Deus condidit, natura dignitate præcedit.* Eodem pertinet, quod habetur lib. 1. retract. cap. 26. ubi recognoscens, quod dixerat quæst. illa 54, *Nihil est rationali anima melius nisi Deus;* subdit sic: *Ubi dixi, quod omni anima melius, id Deum dicimus, magis dici debuit, omni spiritui melius.* In summa intentio Augustini quod eos loquendi modos, qui indicantur in obiectione, hæc proculdubio fuit, animam humanam à nulla alia substantia creata superari posse eo modo, quo superantur ab eadem anima omnia irrationalia, siue animata, siue inanimata, siue sensitiva, siue sensus expertia. Quod est verissimum. Quia anima humana secundum suam præcisè rationem intellectualitatis, qua differt ab omnibus illis, includit in se perfectionem longe maiorem, quàm sit tota irrationalium quorumlibet perfectio; idque ipsum nulli alij substantiæ intellectuali convenire potest respectu eiusdem animæ, ut dictum est. Idem sensus legitimè accommodatur Bernardo, & si quis alius similiter locutus est. Alios exponendi, ac conciliandi modos, sed in modum prædictum necessario reducendos, videre licet apud Suarez lib. 1. cap. 1. fine, apud Franciscum de Lugo, aliosque in præsentia.

Ad 8, Communis interpretatio illius

loci Genesis intelligit nomine filiorum Dei, vel posteros Seth, vel viros quosuis fortes, ac potentes; nomine vero filiarum hominum, vel foeminas descendentes à Cain, vel quasuis alias viles, ac tenuioris fortunæ. Ratio est, quia progenies Seth fuit pia, & iusta, ac placens Deo. Homines autem iusti appellantur in Scriptura filij Dei, nec non & Angeli. Atque hoc ipsum Angelorum nomen accommodatur nonnunquam viris etiam potentibus, ac præ eminentibus inter alios; foeminae vero venientes à Cain, qui receperat à Deo originariam præritatem suis moribus referebant, ideoque filiae hominum ibi vocantur per antithesim ad filios Dei, quasi non filiae Dei; idemque nomen filiarum hominum congruit, propter utilitatem, abiectioribus quibusque foeminis. Iam viri prioris utriusque conditionis abstinere, per aliquod, tempus à matrimonijs cum foeminis posterioris utriusque conditionis, impediente eam, tantam coniunctionem diuersitate, magnaque distantia, vel morum, vel fortunæ. Sed postea crescentibus in dies viribus concupiscentiæ, & prævalentibus respectu honesti, ac decentis, in ea tandem matrimonia, aut qualemcumque mutuam commisionem ventum est. Inde vero orti sunt Gigantes, nempe viri insigniter proceri, ac robusti, propter impetum matui inter parentes amoris nimium æstuan-

estuantis ; atque largius transmittentis
 praefertim spiritus vitales in p. olem. Ij-
 dem fuere insuper praepotentes propter
 confluxum in ipsos factionum prius diuer-
 sarum , atque inuicem oppositarum pro-
 uenientem ex coniunctione parétum, al-
 terius ex vna , & alterius ex opposita fa-
 ctione , Auctores huius quoad substantiã
 expositionis videri possunt apud Suarez
 sect. illa 6. in fine, & apud Pererium, Fer-
 nandez, aliosque interpretes eius loci cõ-
 muniter . Sed alia praeterea ratione An-
 geli sumpti pro substantijs homine supe-
 rioribus intelligi in eo loco nullatenus
 possunt, Quia boni iam eo tempore erant
 beati, ac impeccabiles . Mali vero dici
 non possunt, nec vnquam in scriptura di-
 cuntur filij Dei . Quod ad testimonium
 attinet Ioannis illius Thessalonicensis cu-
 ius contextum integrum ex scribit Mol-
 na quaest. 50. art. 1. notissimum est Patres
 aliosque suffragatores Conciliorum sole-
 re, ante definitionem dogmatum addu-
 cere pro eorum veritate . ac definibilita-
 te varias pro cuiusque captu , & princi-
 pijs rationes alias legitimas, & alias ille-
 gitimas, à quibus deinde abstrahit Con-
 cilium , dum tandem concipit definitio-
 nem fidei, ita vt teneatur conclusio suffra-
 gatorum , non tamen propterea appro-
 bentur praemissae , ex quibus ea à singulis
 deducta fuerat . Hoc igitur pacto septi-
 ma Synodus amplexa est definiendo con-
 clusio;

clusionem, quam suadebat theologus ille circa imagines Angelorum, atque picturas, quin propterea amplecteretur, aut approbaret rationem eiusdem fundatam in corporeitate Angelorum.

Ad 9. Negatur assumptum. Probationi Caietani conceditur antecedens, & negatur consequentia, Quia substantia intellectualis non indiget corpore, ut transeat ex vno spatio ad aliud spatium, ut patebit ex quæst. 9. & 10. & apparet clarè in anima humana transeunte cum moritur homo ex spatio corporis, ad spatium cælorum, vel inferorum. Quod autem eadem anima, dum est vnita corpori moueatur motu propriè locali, ac progressiuo, hoc pertinet ad puram imperfectionem corporis, quia separata à corpore mouetur perfectius, ac velocius. Quare si substantiæ intellectuali adijceretur corpus præcisè ad motum localem progressiuum, adijceretur vtique complementum sibi, & connaturale, & purè nocivum. Quod repugnat. Quia purum nocumentum nulli potest esse connaturale, nec ad complementum eius intrinsecum pertinere. Vnde patet differentiam intelligibilis corporei, qualem intendit Caietanus non posse pertinere ad complementum, & perfectionem vniuersi cum sit differentia entis intrinsecè absurda, & chimærica.

Ad 10. Illi obiectioni indulget nimium

Suarez disp 35 Metaph. sect. 3. Admittit enim eadem ratione, & æquè oportuisse, vt daretur vnio hypostatica, & fore vt porteret existere substantiam creatam intrinsece impeccabilem, ac beatam, seu intuitiuam Dei, si ea esset absolute possibilis, qua oportet vt dentur substantiæ purè intellectuales, atque omnino incorporeæ. Quod licet idem auctor confidere, ac lenire, vtcumque molietur de more adiunctis nonnullis obseruationibus, quæ substantiam doctrinæ præmissæ non tangunt, ferendum nequaquam videtur. Quia vnio hypostatica, & cætera omnia, & quælibet dona supernaturalia superadduntur à Deo reliquis partibus vniuersi purè gratuito, & liberaliter, nec consequuntur necessariò necessitate ex natura rei ad donum creationis, vt pluribus dictum est cum Augustino in qq. de Gratia, maximè 6. & 7. Rationes autem, quæ adducuntur pro existentia Angelorum, ad hoc tendunt, vt ostendant necesse esse ex natura rei, quod dentur substantiæ intellectuales incorporeæ datis rebus sensibilibus, ac corporeis. Neganda itaque, est sequela. Quia res sensibiles, & corporeæ haberent in se aliquid perperam, ac inutiliter, nisi illis adiungerentur substantiæ eiusmodi purè spirituales, vt apparet multipliciter ex superioribus nostris argumentis. Id autem ipsum nequaquam sequitur si eadem substantiæ spiri-

tua-

tuales simul cum rebus corporeis existerent absque ullo ente supernaturali. Quia totam suam vim actiuam, & passiuam, exercere possent adæquatè adæquatione virtutis ipsarum independenter ab existentia donorum omnium supernaturaliũ seu rerum, quales proponuntur in obiectione, vt in ijsdem qq. de gratia ostensum est, præsertim in 7. Progressus porò in infinitum ipsarum substantiarum, purè intellectualium, & perfectiorum sine fine quomodo, & vbi cohibendus, ac terminandus; quod nonnulli non parum vexat, declarabitur quæst. 4.



Q V A E S T I O II,

Utrum Angeli sint compositi ex materia, et forma.

CONFIDENTVR esse compositi 1. Quia in omni motu
V datur materia, vt dicitur
 12 metaph. tex. 7. Angeli
 autem sunt mutabiles de
 vn loco in alium, ex vna differentia in
 aliam, ex vna cognitione, & volitione
 in aliam. vt infra dicetur: Necessse igitur
 est, vt in Angelis detur materia, quæ
 sit subiectum educationis, & receptionis
 eorum motuum;

2 Vbicunque datur agere, & pati, datur etiam materia, & forma, quia ratio agendi est forma, & patiendi materia. Datur autem in Angelis agere, & pati, quia datur intelligere, quod est quoddam pati, & velle, quod est propriissimè agere, iuxta doctrinam Philosophi. Ergo datur in Angelis materia, & forma. Confirmatur ex Boetio dicente lib. de Trinit. ante medium formam simplicem subiectum esse non posse.

3 Angelus non est actus purus. Quia hoc est proprium solius Dei. Ergo Angelus est compositus ex actu, & potentia. Ratio autem actus conuenit formæ, & ma-

materiæ ratio potentiæ, vt dicitur in 1.
Ph, f.

4 Repugnat vniuersaliter enti completo, vt sit pura potentia, cui nullus insit actus. Ergo repugnat similiter omni enti creato, vt sit purus actus, cui nulla insit potentialitas. Patet consequentia quia non minus est de cōceptu entis creati potentialitas aliqua, cum sit ex nihilo quam sit de conceptu entis vt sic, aliqua actualitas.

5. Datur in Angelis compositio ex genere, & differentia, ergo datur in eodem compositio ex materia, & forma. Patet antecedens, quia in Angelis dantur plura prædicata quibus conueniunt vniuoce inter se, & cum alijs rebus, nec non alia prædicata per quæ differunt inter se, & à varijs rebus; Idque est habere prædicata generica, & differentialia. Patet item consequentia, quia genus sumitur ex materia. & differentia ex forma, vt dicitur 8. Metaph. text. 6.

6. Sensibilia omnia, ac materialia constant materia, & forma sensibilibus, ergo spiritualia omnia creata constant similiter materia, & forma spiritualibus. Suadetur consequentia; tum quia non apparet ratio maior eiusmodi compositionis in sensibilibus, quàm in pure intelligibilibus seruata proportionem partium componentium; tum quia ratio finitæ ac limitatæ perfectionis in qua fundatur ne-

cessitas compositionis, & repugnantia, simplicitatis substantialis in rebus corporalibus ac sensibilibus, perinde reperitur in omni ente creato, etiamsi pure spirituale, ac intelligibile sit.

7 Forma terminatur, ac limitatur per materiam. Si ergo substantia Angelica esset pura forma absque materia, eo ipso esset illimitata, ac infinita. Quod tamen repugnat enti creato.

Art. 1. Respondetur, Materia sumitur dupliciter. Primo pro substantia, seu completa, seu incompleta habente, partes extra partes, & capaci trinæ dimensionis. Sub quo conceptu communiter dicitur corpus. Quapropter ostenso in quæstione præcedenti, Angelos esse omnino incorporeos, & neque adæquatè, neque inadæquatè corporeos esse, nulla modò superest quæstio de compositione ex eiusmodi materia. Secundo sumitur pro qualicumque parte substantiali naturæ compositæ magis indifferenti ad alteram partem eiusdem naturæ, quàm è conuerso, siue vtraque pars sit expers partium extra partes, atque trinæ dimensionis, seu molis, & quantitatis, siue non sit, atque in hoc sensu superest noua difficultas, diuersa, ac independens à difficultate quæstionis præcedentis, aientibus nonnullis dari in Angelis veram compositionem ex eiusmodi materia, & forma, cum Alensi, D. Bonau, Ricchardo, & Aureo-

Aurelio postquam Avicembron tametsi ijdem dicant Angelos esse prorsus incorporeos. Dicendum autem est cum D. Th. qu. 50. a. 2 alijsque communiter ibidem. Angelos esse substantialiter omninò simplices quo ad suam naturam, nec materiam habere ullā, per quam intrinsecè compleatur vis intellectiva, quæ in ipsis habet rationem formæ. Quod in primis colligitur, ex Dionysio dicente de Angelis cap. 4. de div. nom. *Sicut incorporeales, & immateriales intelliguntur, & cap. 7. Ab omni materia soluta, sine materia & qualiter &c.* Suadetur præterea primo quia anima humana cum separatur à corpore, manet sine vlla prorsus materia ex omnium consensu, de quo in libris de anima. Angeli autem sunt perfectiores anima humana, ut liquet ex questione præcedenti, atque invariabiliter manet semper ad eum modum, quo anima humana manet post separationem à corpore. Ergo Angeli multo magis sunt expertes materiæ, omnisque compositionis essentialis.

Art. 2. Idem rursus probatur, quia si in Angelis daretur materia, ea deberet inferuire operi intelligendi, cum forma intellectiva non possit vñiri alicui parti non intellectivæ ex se, nisi propter utilitatem eius, & usum accommodatum ad intelligendum. Alioquin enim materia non esset propter formam, sed forma esset propter materiam, quia hæc esset

ipsi utilis, & perfectiva, non verò è conuerso. Id autem est absurdum cum imperfectum sit propter perfectum, & minus perfectum propter magis perfectum; non verò è conuerso. Materia autem non posset inferuire operi intelligendi, nisi esset organica, & idonea ad recipiendas species obiectorum, quæ deinde post perceptionem eorum materiale intelligenda essent. Ratio autem organici, ac disponibilis ad receptionem specierum, & perceptionem obiectorum prauiam ad intellectionem intelligi non potest absque dispositione partium extra partes id est absque corpore. Exclusa igitur ab Angelis corporeitate propriè tali nulla potest admitti in ipsis, aut excogitari vllius generis compositio materialis, vt optimè inferunt post D. Thomam quæst. 59. a. 2. Suarez Molina, & alij communiter. Demum modus operationis indicat modum substantiæ, atque ad eum consequitur cū iusta inter vtramque proportione, vt optimè assumit ibidem D. Th. Intelligere est operatio prorsus immaterialis, vt apparet ex obiecto primò ac per se intelligibili. Quia per intellectionem abstrahuntur ipsa etiam obiecta in se à parte rei individualia, ac materialia ab omnibus conditionibus indiuiduantibus, ac materialibus; ita vt quæ materialia, ac individualia sunt in se existant in intellectu vniuersaliter, ac omino immaterialiter. Ergo
sub-

substantia purè intellectualis, qualem dictum est esse Angelum, ex suo conceptu est omnino immaterialis adeoque essentialiter simplex.

Ad 1. In illo loco Metaphysicæ agitur de motu substantiali, per quem fit transitus ab vna substantia, ad aliam substantiã, quod fieri nõ potest absque materia] vtrique communi. Alia ratio est de motu accidentali, eoque vitali: Quia hic motus potest recipi in eodem adæquate sumpto, a quo efficienter procedit. Motus autem Angelorum sunt, huius posterioris generis, & non prioris. Hinc etiam patet ad 2. Quia non est de conceptu actionis, & passionis, vt sic & in communi, vt diuini correspondant materiæ, & formæ licet sit de conceptu formæ vis actiua, passiuæ vero de conceptu materiæ. Boetius autem loquitur de forma omnimodè simplici nõ solum substantialiter, & quoad naturam, sed etiam accidentaliter, & vndeque. Ex quo vltèrius patet ad tertium. Quia vt aliquid sit purus actus non sufficit simplicitas substantialis naturæ, sed requiritur præterea exclusio compositionis ex natura, & subsistentia, necnon ex substantia, & accidenti; Maxime vero requiritur exclusio potentialitatis, seu capacitatis ad non esse simpliciter. Nihil autem horum conuenit Angelo, licet non conueniat materiæ cuius proprium est, vt sit potentia ad formam substantia-

tem, de qua sola potentia agitur in 1. Phys.

Ad 4. Non ita est de conceptu perfecti, ut sit propter perfectibile, sicut est de conceptu imperfecti, ut sit propter perfectiuum. Potentia autem ex suo conceptu est imperfecta, & actus perfectio. Ergo licet potentia foret perperam, nisi ordinaretur ad actum, quo compleri, ac perfici posset; non tamen est de conceptu actus, ut similiter ordinetur ad potentiam, sitque perperam, nisi coniungatur cum aliquo potenciali, & incompleto respectu sui. Iam potentialitas ad nihilum quæ est essentialis enti creato non est propria materiæ, nec prouenit vniuersaliter ex materia, sed ex quauis indiscriminata limitatione perfectionis finitæ, qualis utique est perfectio Angeli, licet sit simplex quoad naturam.

Ad 5. In ijs quæ componuntur ex materia, & forma, de quibus agit Philosophus genus desumitur potissimum ex materia, & differentia ex forma, quatenus materia est magis indifferens respectu formæ, quàm forma respectu materiæ; sicut genus est magis indifferens respectu differentiæ, quàm è conuerso. Cæterum compositio ex genere, & differentia ex suo conceptu est compositio tantum logica, solumque rationis nostræ concipientis eandem totam entitatem, modo relatæ ad accidentia, & operationes, seu ad
con.

connotata magis vniuersalia, & quæ in pluribus vniiformiter reperiuntur, modo relatæ ad connotata minus vniuersalia, seu quæ in paucioribus reperiuntur. Vnde eadem entitas concepta priori modo dicitur genus; differentia vero prout concepta posteriori modo. Patet autem diuersos istos concipiendi modos dari posse independentem à compositione substantiæ ex materia, & forma. Quia independentem ab eadem substantiali compositione dari potest vniuersitas illa accidentium, seu connotatorum magis, & minus communium, vt infra patebit, præsertim quæst. 4. Circa hoc argumentum differit latè Vasquez in præsentis integræ de eo instituta disputatione.

Ad 6. Quæ sunt diuisa in inferioribus, ac imperfectioribus, in superioribus, ac perfectioribus existunt indiuisa. Quia est proprium imperfecti indigentia plurium, vt completè, & intra suum genus, perfectè existat. Quapropter ex necessitate sensibilem, atque corporaliū rerum, vt componantur ex partibus essentialibus, non arguitur necessitas similis compositionis in spiritualibus, adeoque perfectioribus substantijs. In quibus nimirum militat opposita ratio Quod additur de compositione fundata in conceptu finitæ, ac limitatæ perfectionis, non convincit. Quia ad limitationem propriam perfectionis finitæ non est præ-

estè necessaria compositio essentialis, sed sufficit quævis alia compositio observata, atque attributa Angelo in respons. ad 1. finem.

Ad 7. Esto substantiæ intellectuales, maxime vero, quæ sunt pure intellectuales sint quodammodo, & secundum quid infinitæ, ac illimitatæ, quatenus infinita ipsæque per essentiam simpliciter infinitum Deum intelligere, ac velle possunt; Absolutè tamen sunt finitæ, ac limitatæ, tum quia finitè intelligunt, & volunt biectum infinitum; tum quia non continent in se omne genus perfectionis, sed sub determinato genere continentur. Quod quidem est commune omni enti creato, quia creatum est, atque essentialiter dependens ab alio. Quia eo ipso dæit hæc saltem perfectio sufficiens sibi se solo, nec dependentis ab alio, eodemque indigetis. Non ergo requiritur materia ad huiusmodi limitationem, ac finitionem.



Q V A E S T I O I I I.

*Virum Angelisint incorruptibiles,
ac defectibiles ex sua natura.*

IDENTVR non esse in-
defectibiles ex sua natura,
sed ex sola gratia Dei. 1.
quia res creatæ absque vlla
exceptione dependēt à libe-
ra, & pure gratiosa voluntate Dei nō mi-
nus quoad conseruationē ipsarum, quam
quoad primam earundem productionē,
vt apparet, ex Sapient. 11. & Actor. 13.
Nihil autem creatum necesse est, vt exi-
stat simpliciter, & absolutē ex natura
ipsa rei.

2. Confirmatur ratione paritas in-
prædictis auctoritatibus contenta, quia
creaturæ postquam iam existunt nullam
habent vim maiorem permouendi vo-
luntatem diuinam ad conseruationem
sui, quam prius haberent permouen-
di ad primam suam existentiam. Quia
non habent bonitatem maiorem po-
stea, quam antea, sed semper habent
omnino eandem. Neque vero ex vi pri-
mæ productionis, quæ fuit omnino gra-
tiosa, vllum ius acquiri illis potuit ad vl-
terius conseruationis beneficium. Quia
nihil gratuitum grauat, aut reddit debi-
torem auctorem gratiæ, Ergo quælibet

creatarum, ac proinde, & Angelorum
conseruatio est gratiosa, & liberalis non
minus aut aliter, quàm prima existen-
tia.

3. Sophronius in Epistola, quæ habe-
tur in 6 Synodo act. 15. & approbatur
act. 17. *Nullatenus quidem moriuntur*, inquit
de spiritualibus creaturis, *neque corrumpuntur iuxta quod sensibilia defluunt, &que
transeunt; non tamen sunt immortalia per
naturam, nec in essentiam incorruptibilem trã-
seunt, sed gratiam eis largitus est Deus à cor-
ruptione ea, & à morte coercitatem* spirituales
i. itur seu Angelicæ creaturæ hoc solum
differunt à sensibilibus istis, & subluna-
ribus rebus, quod non habent intrinseca-
m necessitatem transeundi, seu intere-
undi; sed non, quod præterea habeant
necessitatem aliquam intrinsecam non
transeundi seu non intereundi. Alioquin
non ex gratia, sed ex debito esset, vt à
corruptione & à morte coercerentur,
contra quàm illi Synodo visum est.

4. Plures SS. PP. gratiæ Dei simili-
ter tribuunt quod Angeli nunquam defi-
ciant, cur tamen non tribuuntur, quæ ne-
cessitate naturali consequuntur ad aliquid
sicut calor ad ignem, motus sursum, ac
deorsum ad leuitatem, & grauitatem.
Audiatur inter alios Bernardus lib. 5. de cõ-
s. l. cap. 4. *Corporeo aethereas: dicit Angelos,
immortalitate perpetuos, impassibiles. nõ crea-
tos, sed factos, id est gratia, non natura.* Si-
militer

milit er Damascenus lib. 2. fidei orth. c. 3.

Angelus est substantia per gratiam non per naturam, immortalitatem consecuta. Ergo immortalitas non consequitur naturali necessitate ad existentiam Angeli.

5. Proprietates cuiusque rei ideo ad ipsam consequuntur naturali necessitate, quia eidem inest sufficientia intrinseca, ad illas sibi superaddendas. Nempe, quæcunque superant sufficientiam, & vim actiuam unicuique intrinsecam, eo ipso sunt gratiosa, nec est aliud caput agnoscendi gratiam Dei propriè talem in concessione, ac supererogatione aliquius deni. Angeli autem non habent in se sufficientiam sibi intrinsecam ad conseruationem, sed sola Dei actiuitate superaddi illa potest primæ ipsorum existentiae. Ergo conseruatio, & perpetuitas Angelorum non naturali necessitate subsequitur, sed ex gratia Dei propriè tali vnice prouenit.

6. Angeli possunt annihilari de potentia saltem absoluta Dei, vtque annihilabiles ita sint conuenit ipsis intrinsece ex sua natura, ac essentia. Nulla igitur annihilationis impossibilitas conuenire potest Angelis ex sua præcisè natura, ac essentia.

7. Si Angeli essent ex sua natura immortales, ac indefectibiles, non solus Deus esset immortalis. Solus autem est immortalis vt liquet ex illo 1. ad Timoth.

moth. 6. *Qui solus habet immortalitatem,*

Art. 1. Respondetur. Certum primum est Angelos non esse essentialiter indefectibiles ita ut nec de potentia absoluta annihilari possint. Hoc enim ex locis indicatis Sapientiae, & actorum, alijsque pluribus sacris testimonijs pertinet ad articulum fidei quoad omnia vniuersim creata. Et ratio est manifesta, quia omnia creata pendent essentialiter ab influxu actuali Dei, quam quo minus suspendat, quando libuerit, utque libeat, nulla vis, nullaque ratio prohibere omnino potest. Certum rursus est nullius causæ creatæ vi, & actiuitate corrumpi, aut quoquo modo destrui posse Angelos. Quia adæquatè dependens à sola Dei causalitate, contra quem nulla alia causa præualere potest. Et præterea carent corpore, nec subsunt contrarietati qualitatū inuicem pugnatium. His autē seclusis nullus est locus corruptioni, aut destructioni ulli inducendæ per causas secundas, ut potè agentes dependenter à præsupposito subiecto, & inducendo alterationem per contrarias qualitates. Unde Angeli proculdubio sunt incorruptibiles, ac indestruibiles comparatione causarum secundarum, nec ex se ipsis naturali necessitate tendunt ad corruptionem, & mortem sicut homo.

Art. 2. His suppositis nulla superest controuersia realis apud eos auctores, qui
nullam

nullam in Deo agnoscunt necessitatem ad ea quæ unicuique connaturalia sunt superaddenda potius, & concedenda, quàm neganda, ac detrahenda. Verum quia hæc opinio pluribus efficaciter reiecta est quæst. 28. de Deo, ubi demonstratum est dari in Deo necessitatem aliquam peculiarem subinducendi, ac superaddendi quæ sunt unicuique connaturalia, nec fieri ullatenus posse, ut ea negentur à Deo, nisi rarenter, & facta compensatione ut minimum æquali; discutiendum re ipsa superest an tali aliqua necessitate adstringatur Deus ad æternam à parte post Angelorum conservationem ex suppositione, quod eos purè gratiosè & absque vlla prorsus necessitate, sed cū omnimoda libertate, ac indifferentia, semel produxerit; ita ut ex natura ipsa rei secundum se præcisè considerata, spes naturaliter certa solumque miraculosè frustrabilis concipi possit de æterna eorum duratione, & conservatione? Dicendum autem est, Angelos eo sensu esse incorruptibiles immortales, ac indefectibiles, ita docet D. Thomas quæst. 50. art. 5. & 2. contra gent. cap. 54. & alibi sæpè alique Theologi communiter aduersus Vasquez, & paucos alios. Probatu, primo ex potestate Angelorum ad peccandum, & honestè operandum. Nempe Angelis debetur ex natura rei potestas proxima ad actiones, tum lethales, pec-

peccaminosas, tum honestas, ac merito-
rias. Actionibus autem lethaliter pecca-
minosis debetur iidem ex natura rei pe-
na æterna, ac per consequens actioni
contrariæ honestæ, ac meritoriae debe-
tur præmium æternum. Cum ergo An-
gelo naturaliter repugnet, ut existat abs-
que alterutra ex ijs duabus operationi-
bus; repugnat utique naturaliter, ut de-
sinat aliquando esse postquam iam semel
existit. Manifestum namque est substan-
tiæ connaturaliter mortali, ac defectibili,
seu non immortalis, ac indefectibili
connaturaliter non posse naturali neces-
sitate convenire operationes habentes de-
vinctam sibi ex natura rei æternitatem
sui principij, ac subiecti. Pater rursus æ-
ternitatem à parte post debitam connat-
uraliter alicui coniuncto non posse esse
indebitam naturaliter parti, cui est debi-
bita coniunctio cum altera parte. Sub-
stantiæ autem Angelicæ ut coniunctæ cū
cum peccato lethali cum merito opposi-
to est debita connaturaliter æternitas à
parte post, ut dictum est in illa quæst. 26.
de Deo, & liquet ex dictis in qq. de
merito ex communi Theologorum con-
sensu; atque ut coniungatur cum alteru-
tro ex ijs extremis est eidem similiter de-
bitum ex vnanimi omnium consensu. Est
igitur debitum ex natura rei substantiæ
Angelicæ ut æternum maneat, duretque
indefectibiliter,

Art. 3. Idem efficaciter persuadet ratio qua secundo loco utitur D. Thomas, Nempe prioris rationis efficaciam, & convenientem limitationem ego nec apud ipsum assequor satis, nec apud commentatores. Ratio autem illa posterior desumitur ex natura operationis Angelicæ quatenus modus operationis manifestat modum, & naturam operantis. Modus vero, & natura operationis innotescit ex obiecto eius. Obiectum autem operationis Angelicæ est æternum, & indefectibile. Quia Angelus per intellectionem cognoscit veritates necessarias, ac indefectibiles abstrahentes à loco, & tempore, atque per amorem ad easdem afficitur. Ergo natura Angelica est intrinsece indefectibilis, & æterna, nec naturaliter fieri potest, ut aliquando desinat esse. Confirmatur, quia Angelus naturaliter cognoscit possibilem semper esse ulteriorem sui conservationem, eamque ita sibi propositam naturaliter appetit. Quia unumquodque naturali necessitate propendit in suum esse, & conservationem, quantum possibile est, tam per appetitum elicited, si intellectu præditum sit, quam per innatum. Ne igitur perperam, & ad puram torturam inditus sit Angelo, talis cognitio, & appetitio necesse est, ut eius substantia sit naturaliter indefectibilis, æternumque manens. Huiusmodi porro argumenta quam plura cõfici mul-

tioli.

tripliciter possunt ex possibilitate, & plurimum sine fine reflexionum supra quamlibet intellectionem directam, ex vi memorativa semper ulterius superfluitate circa quamlibet operationem, ex providentia semper simuliter possibili circa futurum, ex possibilitate mutui affectus amicabilem inter Angelos appetentes mutuo permanentiam indetectibilem exque alijs eiusmodi.

Art. 4. Non est prætermittenda post hæc ratio alia communis Theologorum desumpta ex defectu contrarij: Repugnat enim ex natura rei ut id destinat esse, cuius nullum est contrarium in rebus creatis seu cuius æternæ permanentiæ in esse nihil creatum adversatur, neque directe, neque indirecte. Quia Deus nihil corrumpit eorum, quæ ipse facit, quantum est ex se præcise, quia nihil odit eorum, quæ facit, sed diligit omnia quæ sunt, atque sine poenitentia sunt dona Dei. Quæ sunt principia reuelata, & ratione naturali congruentia manifestè, quatenus nihil defævit sponte in opus suum, nec facit quidquam, ut destruat, nulla ratione destruendi aliunde superveniente de novo. Angelica autem natura, siquidem est simplex, & caret materia formarum contrariarum capaci, ut dictum est, nullum habet contrarium nec vlla causa creata inducere potest vi sua formam, aut effectum ullum impossibilem cum existentia, & con-

conseruatione eius; quandoquidem nulla causa creata agere quidquam potest nisi dependenter à mate ia, & subiecto cōmuni. Sed neque indirecte deficere potest Angelica natura propter defectum, aut absentiam suæ causæ ad eum modum, quo deficit lux solaris abeunte sole. Quia Angelus causam adæquatam, & auctorem sui vnicum habet; Deum essentialiter indefectibilem, & vbique præsentem semper. Accedit Angelum existere primario gratia sui comparatione aliarum omnium rerum creatarum, vt pote amicabiliter diligibilem à Deo, & sic dilectum, nisi obstat peccatum. Quæ autem existunt gratia sui, nullis sunt ex se præcisè circumscripta limitibus certè, ac determinatæ durationis. Accedit rursus vniuersitatem rerum creatarum esse naturaliter indefectibilem, ac æternam. Rationes autem prepositæ in quæstione præcedenti ab art. 17. pro necessitate existentiae Angelorum ex suppositione, quod existat reliqua vniuersitas rerum, æqualiter persuadent, vt apparet consideranti, eamdem necessitatem permanentiæ Angelorum quousque manet idem vniuersum.

Art. 5. Probatur postremò hæc veritas naturalis immortalitatis, ac indefectibilitatis Angelorum auctoritate in primis Conc. Later. 3. sub Leone 10. sess. 8. ubi sic definitur de anima rationali, *Cum diebus nostris nonnulli ausu fiat dicere de natu-*

*ea anima rationalis quod mortalis sit &c. sacro approbante Concilio damnamus, & repro-
bamus omnes asserantes animam intellectiuam
mortalem esse. Natura autem Angelica est
perfectior, magisque intellectiua, quam
anima rationalis. Ergo à fortiori negan-
dum est eam esse mortalem. Quod autem
negatur esse mortale, eo ipso dicitur esse
immortale. Et rursus aliud est esse mor-
tale, vel immortale, & esse, vel non es-
se moriturum, vt ponderat alicubi Au-
gustinus. Quia esse mortale, vel immor-
tale refertur ad exigentiam intrinsecam,
atque ad intrinsecam necessitatem, vel
impossibilitatem moriendi, ac deficien-
di. Esse vero, vel non esse moriturum
dicitur relatè ad extrinsecam, & accidē-
talem determinationem causæ libere re-
spectu interitus, vel conseruationis. Con-
uenit ergo Angelis sicut & animæ huma-
næ immortalitas sumpta pro æterna inde-
fectibilitate naturali ad eum modum, quo
conuenit homini mortalitas sumpta pro
naturali necessitate intereundi. Accedit
auctoritas Dionysij dicentis cap. 4. de
diu. nom. intellectuales substantias vitam
habere indeficientem, & ab vniuersa corrup-
tione, morte, & materia, & generatione
mandas existere; Ac deinde superaddit,
animam humanam post Angelos habere im-
mortalem vitam, vt sit, & possit ad Angelo-
rum aspicere vitas. Eadem immortalita-
tis voce vtuntur circa Angelos Augustin.*
lib. 125

lib. 12. de Ciuit. cap. 15. aliquæ plures SS. PP. nec est vlla ratio, quæ cogat ad dimouendam eam vocem à propria sua, & communiter ab omnibus vsurpata significatione, quæ nuper obseruata est immo adest ratio in contrarium, vt patet ex dictis. Certissime igitur tenendum est. Angelos ex sua natura esse naturaliter indefectibiles, seu incorruptibiles, & immortales, quod & plerique Philosophi docuere olim teste Eugubino lib. 8. de perenni Philosophia.

Ad 1. Auctoritates illæ solum asserunt annihilationem rerum omnium possibilem de potentia Dei absoluta, nihil derogando indefectibilitati earum conaturali, iuxta documentum Cyrilli lib. 3. Thesauri cap. 2. *Quæ naturis præcipuè insunt, ea respectu Creatoris nihil sunt. Quare sicut ignis combustinus quidem est, sed nō Deo, sic etiam Angelus immortalis quidem est, sed non Deo.* Sicut ergo non obstante potentia Dei ad impediendam combustionem, ignis naturali necessitate comburit; ita non obstante eadem potentia ad annihilationem Angeli, Angelus naturali necessitate æternum manet, Alioquin vbi-
cumque sacræ litteræ commendant potentiam Dei ad effectus, & euentus, qui non nisi miraculosè existerè possunt, docerent eo ipso nullam rebus creatis inesse necessitatem naturalem ad effectus, & euentus oppositos. Quod est absurdum.

Qua-

Quapropter ea paritas, & coniunctio quoad existentiam, & conseruationem non est totaliter vniformis quoad vtrumque extremum, sed solum adstruit potentiam simpliciter circa vtramlibet, & circa vtraque.

Ad 2. Illi rationi fusè, ac plenè satisfactum est quæst. illa 28. de Deo præsertim ad 1.2.& 3. In summa nullum ius acquirit aduersus Deum vlla creatura ex vi primæ existentiae suæ. Deus tamen eadem sua voluntate, qua tribuit rebus existentiam, imponit sibi voluntariam necessitatem operandi iuxta naturam, & exigentiam intrinsecam ipsarum, quatenus opus est, ne quid perperam fecerit. Ostensum autem est hoc modo necessariam esse conseruationem Angelorum, supposita eorum existentia. Necessaria igitur est eorum conseruatio aliqua peculiari necessitate, qua necessariam nequam fuit, vt existerent absolutè.

Ad 3.& 4. nomé gratiæ aliquoties, nec absurdè, accommodatur donis, quæ per diuinam potentiam absolutè negari possunt, licet debeantur ex natura rei, vt dictum est quæst. 1. de gratia ex August. Epist. 95. & 106. Oportuit verò immortalitatem hoc sensu Angelis gratiosam, & definiri à Concilio, & deceri à SS. PP. propter quosdam olim existimantes cum Philosoph. 1.2. de cœlo tex. 36. & lib. 12. Metaph. tex. 44. eorum immortalitatem esse

esse essentialem . Quod est hæreticum . Eiusmodi autem error nunquam extitit de alijs donis connaturaliter, debitis, ea- que propter similes de illis nec definitio extat, nec vsurpatur locutio . Hoc pacto rediguntur in concordiam sententia illa eius Synodi ponderata in obiectione, & hæc alia eiusdem Synodi definitio ibidem; *Deum animas, & Angelos condidisse immortales*; nec non testimonia illa Bernardi, & Damasceni, & ea quæ superius insinuata sunt pro nostra sententia. Nec obstat, quod præcipuè expendit Martinon, illa antithesis; *non natura, sed gratia*. Quia tò *natura* perinde est atque essentialiter, seu per essentiam cum Metaphysica necessitate, quo sensu nihil creatum est indefectibile . Confirmatur quia Cyrillus est vnus ex PP. vtentibus illa contrapositione, *non natura, sed gratia*; Et tamen Angelos vult eo modo esse immortales, quo ignis est combustivus, vt liquet ex verbis relatis ad 1. solus Damascenus videtur prorsus alienus ab hac expositione. Verum quia eius contextus non solam præsefert indifferentiam, vt patet legenti, sed etiam naturalem necessitatē Angelum ad interitum intra tempus determinatum, quod omnino exorbitat à vero, & probabili; propterea vel maxime est piè vtcumque interpretandus.

Ad 5. Vt aliquid consequatur naturali necessitate ad aliquid aliud nō est præcisè

necessarium, ut posterius contineatur in priori in genere causæ efficientis, ut patet in necessitate, qua consequitur creatio, existentia. & unio animæ rationalis ad corpus quatenus congruenter organizatum, ac dispositum. Sufficit ergo mutua proportio intrinseca inter prius, & posterius, fundans exigentiam, & appetitum innatū prioris respectu posterioris; ita ut negato posteriori perperam aliquid datum fuerit in entitate prioris. Patet autem ex dictis, adesse in Angelo eiusmodi proportionem respectu æternæ suæ durationis. Deinde licet Angelus non possit actiuitate sua conseruare se æternum, habet nihilominus actiuitatem sufficientem ad collectionem, & species operationum, quæ ex sua natura postulant æternam, ac indeficientem permanentiam operantis, ut multipliciter innotuit supra.

Ad 6. Plura pluribus repugnant physice, & ex natura rei, quæ non repugnant metaphysicè, ac essentialiter. Quod est omnibus notissimum. Quod ergo Angelus annihilari possit de potentia absoluta, id est non repugnet metaphysicè annihilatio, idque ei conueniat ex sua natura, ac essentia, nequaquam probat id ipsum eidem non repugnare physicè & ex natura rei, aut hoc ei non conuenire ex sua ipsius natura,

Ad 7. Deus habet immortalitatem
qua-

qualis nulli rei creatæ conuenire potest ratione magnitudinis suæ perfectionis. Habet enim immortalitatem essentialiter repugnantem definitioni suæ, & non tantum ex natura rei; proptereaue verissimè dicitur per antonomasiam, ac excellenter solus habere immortalitatem; tametsi immortalitas ex natura rei tantum & absolutè dependens à voluntate, & potentia alterius sit communis alijs substantijs. Quo videlicet pæcto plura alia prædicata exponuntur in sacris litteris tanquam propria solius Dei tametsi cum aliqua simili limitatione, iam expressa, iam subintellecta, attribuuntur creaturis, vt quòd solus sit bonus, & iustus, solus potens &c. Hoc modo exponit textum illum Pauli inter alios Isidor, lib. I. sentent. cap. I. *Angeli, & anima immortales sunt, sed immutabiles non sunt ideoque solus Deus dicitur immortalis, quia solus est immutabilis.* Similiter dici potest Angelus ens necessarium non simpliciter, sed ex suppositione quòd iam semel extiterit, idque exprimendo simul, vel subintelligendo limitationem, ex natura rei, seu connaturaliter.

Q V A E S T I O IV,

*Vtrum Angeli sint multiplicabiles
secundum speciem?*

IDENT V R esse, immul-
tiplicabiles secundum spe-
ciem. i. Quia quaecunque cō-
ueniunt quoad prædicatum,
quod in eis vniformiter om-
nibus est nobilissimum, & præcipuum,
sunt eiusdem infimæ speciei. Differen-
tia enim specifica vniuscuiusque est supre-
ma, & vltima eius perfectio, & compa-
ratur cum prædicatis omnibus genericis,
sicut comparatur forma cum materia, vt
paulo prius dictum est ex Philosopho, a-
liorumque communi sensu. Omnes au-
tem substantiæ intellectuales creatæ cō-
ueniunt inter se quoad prædicatum, quod
in eis est præcipuum, ac nobilissimum.
Conueniunt enim quoad intellectualita-
tem, cui nullum aliud prædicatum po-
test superaddere tantundem perfectionis,
atque præsupponitur in ipsa intellectua-
litate secundum se, vt patet ex dictis
quæst. 1, a. 22. & ad 7. Omnes igitur sub-
stantiæ intellectuales creatæ sunt eiusdē
infimæ speciei.

2. Quo aliquid est propinquius Deo;
adedque similius ipsi, qui est essentiali-
ter

ter omnibus modis inmultiplicabilis, eò est minus multiplicabile, minoremque subire potest rationem diuisionis, ac multiplicitaris. Angeli autem sunt propinquissimi, & simillimi Deo inter omnia creata. Distinctio verò, & multiplicitas specifica est maxima distinctio, & multiplicitas; certè distinguit, ac diuersificat multò magis, quàm distinctio, & multiplicitas pure individualis. Ergo in Angelis sola est possibilis distinctio, & multiplicitas pure individualis, & non etiam quoad speciem.

3. Differentia, penes magis, & minus tantum, non est differentia specifica, vt patet in qualitatibus magis, & minus intensis. Angeli autem solù differunt penes magis, & minus. Nempe quatenus vnus perspicacius, & alius minus perspicaciter intelligit. Ergo nulla differentia possibilis inter Angelos, est sufficiens ad specificam inter ipsos diuersitatem.

4. Visiones Dei, licet in diuersis beatis sint inæquales iuxta inæqualitatem meritum, quibus cum singuli decedunt; omnes tamen sunt eiusdem infimæ speciei propter identitatem obiecti formalis adæquati, circa quod versantur, vt dictum est quæst. 13. de Deo præsertim ad 3. Simili igitur ratione omnes substantiæ intellectuales, vtcumque inter se diuersæ, sunt eiusdem infimæ speciei. Quia videlicet omnes vniformiter am-

plectuntur totam latitudinem entis. Omnis enim, & cuiusvis substantiæ intellectualis obiectum adæquatum est ens ut sic, prout complectitur sub se omnes universim rerum differentias.

5. Substantia intellectualis dividitur adæquatè in incorpoream, & corpoream, tanquam in partes inuicem oppositas. Altera autem ex his differentia, nempe corporea comprehenditur tota sub vnica specie infima, quæ est homo nec sunt possibiles duæ animæ rationales dissidentes inuicem specie. Ergo altera quoque differentia, ad quam pertinent Angeli, comprehenditur similiter sub vnica specie infima, nec sūt possibiles duo Angeli dissidentes inuicem specie. Patet consequentia, quia oppositorum eadem est ratio, & disciplina; & insuper, quia maiori perfectioni magis repugnat multiplicitas ut nuper dicebatur; atqui perfectio Angelorum est maior, quam perfectio hominum.

6. Si quæ admittatur diuersitas specifica inter Angelos, sequitur admitendum esse processum in infinitum Angelorum magis, & magis perfectorum absque villo limite. Nulla namque ratio reddi potest, nulla certè hucusque inuenta est, ob quam dicantur possibiles, aut existentes de facto decem, viginti, aut centum species Angelorum gradatim inæqualium, & non dicantur possibiles similiter, aut
exi-

existentes de facto multo plures nempe mille centum millia, &c. Quæ sequela est manifestè absurda. Quod autem dicitur communiter à modernis Theologis Deum libera sua voluntate constituisse numerum determinatum specierum Angelicarum, quantos sibi placuit absque vlla ratione exigente talem numerum, potius quàm alium maiorem, vel minorem, non videtur rectè, sapienterque dici. Quia Deus necessariò facit sapientissimè quicquid facit, atque *omnia in mensura, & numero, & pondere disposuit*, vt dicitur Sap. 11, 21. Vnde irrationabiliter dicitur Deum aliquid sua voluntate specialiter disposuisse in aliqua materia absque peculiari ratione convenientiæ ex parte ipsius. Id porrò magis necessarium est fieri de substantijs spiritualibus, quarum est maior perfectio, maiusque momentum, quàm de rebus corporalibus, quas patet optima ratione fundata in intrinseca earum exigentia tales, tot, & tantas constitutas esse de facto.

Art. 1. Respondetur. Sicut corpus quodlibet, quò maius est, eò est diuisibile in plures partes, quarum singulæ per se seorsim subsistere possunt; ita genus quodlibet perfectionis, quò maior ipsa est, eò est diuisibile in plures species, quæ sunt veluti partes generis quarum singulæ per se seorsim subsistere possunt. Ita viuentium sunt plures species, quàm

non viuentium, nec non animalium, quā plantarum, & sic de similibus, Similiter quia Deus est infinitæ perfectionis, sunt possibiles infinitæ eius participationes inter se dispares, ac dissidentes inuicem specie, Cum igitur genus substantiæ intellectualis creatæ sit summæ perfectionis infra Deum, dicendum est sub hoc genere esse possibiles plures species inter se diuersas, quā sub vllō genere inferiori pluresque de facto dari sub illo, quā sub vllō alio. Ratio huius rei vltior à priori est. Quia sicut agentia physica, distinguuntur inter se specie penes virtutes actiuas inter se dispares ad producēdos effectus magis, & minùs perfectos essentialiter, & plures, aut pauciores cæteris paribus; ita substantiæ intellectuales distingui possunt inter se specie, penes virtutem intellectiuam magis, & minus secundam ad cognitiones, & effectiones magis, & minus perfectas, & plures, vel pauciores cæteris paribus. Cum ergo possibile spontè appareat, vt vna substantia intellectualis possit plura simul, ac præstantiora complecti indiuisim vnica cognitione, quā alia substantia intellectualis; & similiter de amore; ac proinde vt vna plures species cognitionum, & amorum elicere possit; patet possibiles esse substantias intellectuales specie inter se dissidentes, tantamque esse amplitudinem diuersitatis huius specificæ, quan-

2a est possibilis diuersitas, & inæqualitas
eiusmodi cognitionis. Quæ enim vero
possibilis diuersitas cognitionum inuicem
disparium, idemque dicitur de affectio-
nibus, procedi in infinitum, certè est mul-
tiplicabilis multo magis quam diuersitas
possibilis obiectorum directè cognosci-
biliun. Quia combinationes, & disun-
ctiones possibiles circa quamlibet deter-
minatam collectionem rerum sunt incom-
parabiliter plures quàm res in collectio-
ne contentæ; atque cognitiones, & po-
tentia cognoscitiuæ sunt multiplicabiles,
& variabiles totidem vt minimum modis,
vt patet ex ratione proposita. Substantiæ
igitur intellectuales sunt multiplicabiles
specie, multò plus, quàm substantiæ, &
res omnes materiales.

Art. 2. Licet autem ab intellectu hu-
mano determinari, & comprehendì mi-
nimè possit, quod idetur de facto spe-
cies Angelorum; A quo nimirum neque
species rerum corporalium, nec omnes
vniuersim, nec quæ ad vnumquodque
determinatum genus, & classem perti-
nent, determinari, & comprehendì pos-
sunt. Legitima nihilominus ratione dedu-
ci potest qualent oportuerit esse speciem
tum supremam, tum infimam Angelorũ.
Nani quod ad infimam attinet, constat
eam esse paulò perfectiorem, quàm sit
homo. Primo quia ex testimonio Davi-
dico ponderato supra quæst. 1. art. 5. con-

stat hominem paulò minùs ab Angelis minoratum esse, ac proinde infimum Angelum esse paulò perfectiorem hominem. Deinde quia in rebus omnibus alijs apparet manifestè principium illud derivatum à Dionysio, quod supremum infimi attingit infimum supremi. Ergo homo qui est supremus inter corporalia pertingit proximè infimam speciem substantiarum pure spiritualium. Quod autem attinet ad supremam Angelorum speciem: Sicut supremum, & maximum corpus est, quod ambit, & continet intra se reliqua omnia corpora: Ita supremum intellectuum creatum credendum est, esse, quod vno intuitu comprehensivè cognoscere, & adæquatè complecti potest se, & omnes, & singulas res creatas pertinentes ad perfectionem, & complementum connaturale huius universi. Et quidem quod necessaria sit ex natura rei substantia aliqua intellectualis creata capax vastæ eiusmodi latèque potentis comprehensionis efficaciter concluditur iisdem illis rationibus, quibus existentia Angelorum universaliter comprobata est quaest. 1. art. 17. 18. & 19. maximè verò 20. Quia totum istud univèrsum adæquatè sumptum fundat specialem laudem, & gloriam creatoris, eamque maiorem, quam quæ nititur singulis quibusvis eius partibus seorsim sumptis, atque est capax quantum est de se, ut moueat ad cognitionem attributi-

uam

wam totius eius laudis, & gloriæ. Vnde si non daretur substantia intellectus in creatura, quæ posset cooperari toti illi virtuti motuæ vniuersi totius, atque eade cognitionem comprehensionem ipsius adæquate sumpti aliquid existeret perperam in ipso vniuerso, nempe virtus eiusmodi motiva ad cognitionem tantæ perfectionis. Rursus ad perfectam directionem rerum creaturarum non sufficit vis directiua perfecte comprehendens singulas quasque partes vniuersi, sed necesse insuper est, ut detur vis directiua comprehendens perfecte omnes simul, & singulas partes eiusdem vniuersi, ipsumque vniuersum. Perfecta namque directio alicuius totius indiget cognitione eiusdem totius adæquate sumpti ultra cognitiones singularium seorsum partium; sicut perfecta directio exercitus indiget supremo Duce totum ipsum exercitum considerante ultra centuriones, & alios inferiores administratos, qui incumbunt determinatis exercitus partibus. Necessaria igitur est ex natura rei existentia Angeli tantæ perfectionis, qui valeat indiuisim comprehendere perfecte totam totius ordinis naturalis vniuersitatem.

Art. 3. Quod autem hanc mensuram nullius Angeli existentis de facto perfectio excedat, ex eo concluditur efficaciter. Quia res omnes creatæ ita sunt inuicem ordinatæ ex natura ipsa rei, ut

nulla excedat iustam reliquarum propor-
 tionem, sed omnes concinnè ac harmoni-
 cè sibi inuicem correspondent perfectis-
 simo, & suauissimo concentu. Nulla igitur
 est, nec potest esse ex natura rei sub-
 stantia intellectiua, quæ perfectione, &
 virtute intelligendi prætergrediatur li-
 mites intelligibilitatis, & virtutis moti-
 uæ ad intelligendum, quæ conuenit to-
 ti ordini naturali rerum creatarum adæ-
 quatè sumpto. Confirmatur quia si da-
 retur substantia intellectiua superans vir-
 tute intelligendi totam intelligibilitatem
 totius ordinis naturalis rerum sibi coexi-
 stentium, non posset naturaliter reduci
 in actum secundum, quoad excessum il-
 lum. Quia nullum daretur obiectum,
 creatum, quod vi sua motiua cooperari
 illi eatenus posset, vt per se patet; nullus-
 que intellectus creatus potest elicere ali-
 quam cognitionem, aut pertingere ad ali-
 quem cognitionis gradum, nisi coope-
 rante obiecto motiuo quoad omnem for-
 malitatem, & gradum cognitionis. Esset
 igitur perperam ex natura rei excessus
 eiusmodi virtutis cognoscitiuæ. Neque ve-
 ro dici potest fore, vt prædictus exces-
 sus virtutis cognoscitiuæ exerceretur, aut
 circa Deum, aut circa ipsius Angeli sic
 excedentis substantiam. Quia nullus in-
 tellectus creatus potest naturaliter attin-
 gere Deum immediatè, eundemue
 cognoscere vltra mensuram cognitionis
 circa

circa res creatas, quibus, solum median-
tibus Deum cognoscere potest. Nec ma-
gis potest substantia aliqua intellectiva
differre ab alia substantia intellectiva,
eamque sua perfectione, superare præci-
sè propter vim reflectendi, seu quasi re-
flectendi supra se ipsam. Quod nimirum
est commune omni substantiæ intellecti-
væ. Præterea sicut repugnat substantia
intellectiva, cui absolute, & adæquate
consideratæ nihil conveniat aliud, quàm
posse se ipsam cognoscere, quia eo ipso
nihil præsupponetur, supra quod cade-
ret cognitio; ita eadem ratione est im-
possibilis peculiaris aliquis gradus perfe-
ctionis in substantia intellectiva, cui nul-
lum peculiare cognoscibile correspódeat
præter seipsum præcisè, vt cognoscibile
& cognoscitium sui, & à se. Hoc igitur
pacto videntur legitimè constitui limites
extremi sursum, & deorsum versus, qui-
bus species omnes substantiarum præ-
ter intellectualium continentur.

Art. 4. Circa numerum specierum
quæ inter ea extrema clauduntur, opinio
Philosophi fuit 12. Metaph. tex. 48. nec
plures nec pauciores illas esse, quàm sunt
motus Cælorum, quod etiam tenuit Ra-
bi Moyses vt refert D. Thomas quæst. 50.
art. 3. Vnde quia censent motus cælestium
corporum esse quadraginta septem, toti-
dem solum species intelligentiarum po-
suere. Cæterum multo plures esse spe-
cies

cies Angelorum communis, & certa. Theologorum sententia est cum D. Thoma bide n art 4. & ratio initio à nobis præmissa efficaciter persuadet. Certe si supponatur sententia eiusdem D. Thomæ aliorumque satis frequens, de qua dicetur in quæst. sequenti, impossibilem esse distinctionem purè numericam inter Angelos, & quotquot distinguuntur inter se realiter dissidere inter se specie, ex principiis fidei deducitur manifestè multitudinem specierum Angelicarum esse valde magnam, & quodammodo innumerabilem, ac infinitam, vt patet ex illo Job. 25. *Numquid est numerus militum eius?* Et Dan. 7. *Millia millium ministrabant ei, & decies centena millia assistebant ei.* Ex quibus locis cum maxima admiratione celebrat Dionys. cap. 14. de Cælesti Hierar. incomprehensibilem Angelorum numerum. Et Gregor. lib. 17. moral. cap. 9. *Supernorum Civium numerus infinitus est, & definitum, exprimitur, vt qui Deus numerabilis est, esse hominibus innumerabilis demonstratur.* Videri ea dē dēre possunt Clemens Rcm. lib. 8. constit. cap. 12. Athanas. sermon. 3. contra Arianos. Hieron. Dan. 7. alijque PP. frequenter. Ex quibus certum est multitudinem Angelorum superari multitudinem rerum omnium corporalium, saltem secundum species ipsarum. Cui documento congruit, quod singulis hominibus existentibus à principio ad finem vsque

que mundi, correspondent ibidem Angelique Custodes, iuxta communem PP. doctrinam, ijque omnes, vel fere omnes sunt ex solo infimo ordine; quo sunt numerosiores ordines superiores, iuxta vim eiusdem illius rationis initio indicatæ. Patet autem numerum hominum superare multitudinem incomparabiliter species corporum. Immo multitudine Angelorum superari multitudinem etiam individualē rerum omnium inferiorum sensit Bernardus Senensis. t. 4. serm. 48. de amore misericordiæ inducta eam in rem auctoritate Dionysij his verbis: *Dionysius in suo libro Hierarchia dicit, quod solum Angeli in Paradiso existentes sunt plures quam sint stella, quam sint arena maris, ac terra, quam sint folia, & herba, & quam sint omnia quacumque creata.* Quod sicut asserere nulla sufficienti ratione positum, ita nec refellere efficaciter facile est. Verba Dionysij, quo nittitur Sanctus Bernardinus ex cap. illo 14. cælest. Hierarch. non continent exacte eam sententiam. tamen si multum in eam inclinent. *Multi sunt aut beati exercitus supernarum mentium, infirmam & constrictam excedentes nostrorum materialium numerorum commensurationem.* Ratio D. Th. prædictæ rationi non re consona est. Quia Deus condidit unicum ex intentione manifestandi magnitudinē suę perfectionis magnitudine perfectionis in illud inducte. Vnde quia nihil unum alicuius generis est satis idoneum ad

ad manifestandam magnitudinem diuinæ perfectionis, oportuit, ut eò plura sub vnoquoque genere crearentur, quo præstabilius ipsum esset. Confirmatur paritate rerum corporalium, inter quas excedit incomparabiliter magnitudo corporum incorruptibilium, quæ sunt præstantiora, magnitudinem incorruptibilium, ut patet ad sensum. Magnitudini autem corporum correspondet multitudo incorporaliū.

Art. 4. Ut ut autem sit de multitudine, & numero Angelorum, cuius supputatio, & comparatio cum multitudinibus alijs est admodum obscura, & anceps, solisque coniecturis leuiter determinabilis, quas prosequitur inter alios fufius. Suarez lib. 1. à cap. 11. Certum est apud Theologos ex doctrina Dionysij à cap. 7. de cæl. hier. totam multitudinem Angelorum, optimæ, atque ordinatissimæ reipublice more, esse distributam in tres Hierarchias, seu sacros Principatus, & collectiones personarum sacrarum sub determinato Principe constitutas; & rursus unamquamque Hierarchiam distribui in tres similiter collectiones, & ordines magis determinatos, ac speciales cum peculiari aliqua convenientia, & similitudine mutua, quo ad munera gratiæ, cuius diuisio in Angelis nunquam prætergreditur a similem eorum diuisionem quoad naturalia, ut apparebit ex dicendis infra.

quæst.

quæst. 24. In prima Hierarchia continentur Cherubim amore Dei, Seraphim sapientia diuinorum, Throni puritate terrenorum affectuum, & diuinis fulgoribus, specialiter in se, & ad aliorum vtilitatem præeminentes. Secunda Hierarchia cõpletur dominationes libertate ab affectu peccati, Virtutes Fortitudine, Potestates constantia, quodam peculiari modo cõspicuos, & ad inferiorum iuuamen intentos. Ad tertiam Hierarchiam pertinent Principatus in perfecta rerum gerendarum executione præcipui, & quoad eandem Archangeli quidem medijs, infirmi verò Angeli, nomine generis ipsis accommodato determinatè, quia maximè omnium, atque immediatè mittuntur ad homines, eisque nunciant diuina saltem, vt plurimum. Circa istam triplicis Hierarchiæ, & triplicis sub vnaquaque Hierarchia ordinis distributionem, & nouenarium ordinum numerum, & circa prærogatiuas, & munera peculiariter, singulis attributa, multi multa dicunt eruditè, & conspicuè, vt videre inter alios licet apud Suarez lib. 1. cap. 13. & 14. Ego libens ea præmitto, quia vix quidquam illorum clara, aut satis firma ratione deprehenditur, aut auctoritate stabilitur nõ multipliciter flexibili.

Art. 5. Duo sunt certa quæ præmitti non debent. Et quidem primum eorum est de fide, nempe prædictos nouem
ordi-

ordines vere existere inter Angelos, quid-
 quid sit de modo singulos distinguendi,
 ac exponendi, ut liquet ex 8. ad Rom. ad
 Colos. 1. ad Corinth. 15. ad Ephes. 1. ad
 Thessal. 1. 4. exque alijs pluribus scriptu-
 ræ locis, in quibus singuli ex prædictis
 ordinibus distincte nominantur ut supra,
 atque diversificantur inuicem. Alterum
 non usque adeo certum est, attributio-
 nes illas præminentiae, quo ad amorem
 Dei, sapientiam diuinorum &c. non esse
 accipiendas de excessu intrinseco, & ab-
 soluto vnus ordinis supra alium; ita ut
 Cherubim superent Seraphinos amore
 Dei, Seraphim vero superent Cherubi-
 nos sapientia diuinorum, & sic de simi-
 libus. Hoc enim est impossibile, quia in
 spiritibus præsertim beatis, quo maior
 est cognitio Dei & diuinorum, eò maio-
 rem esse necesse est amorem Dei, atque
 è conuerso; cum omnes ament Deum,
 quantum possunt. Possint vero amare
 magis, qui magis, meliusque cognoscunt.
 Eadem est ratio de puritate terrenorum
 affectuum, quæ necessario commensura-
 tur amoris Dei, cui simili necessitate com-
 mensuratur libertas ab affectu peccati.
 Nec dubitare licet fortitudinem, & con-
 stantiam, qualium sunt capaces superni
 spiritus radicari in amore, & charitate
 Dei eidemque iuste commensurari. Ea
 itaq; distributio accipienda est in duplici
 priori Hierarchia, sicut accipitur ab om-
 nibus

bus in tertia Hierarchia relatè ad inferiores substantias intellectuales; ita ut quibusdam specialiter demandatum sit ministerium illuminandi inferiores per revelationem, ac manifestationem speculativam mysteriorum Dei. alijs vero ministerium suggerendi, ac inspirandi, unde accendatur amor Dei; vel a terrenis rebus arceatur affectus, & sic de reliquis. Ex quo apparet eam partitionem Hierarchiarum, & Ordinum nulli argumento esse posse ad inducendam distinctionem specificam inter Angelicos spiritus, si aliunde de tali distinctione non constaret, ut iam constitit. Posito tamen, uti positum est dari quam plures diversas Angelorum species, credibile, valde, ac rationabile est distinguere specie, ordines, pro distinctione specifica munerum, ad quæ singuli deputantur, atque præstantioribus quibusque in natura, & gratia præstantiora ministeria committi. Hoc enim potissimum postulat ratio perfectissimæ, & sapientissimæ providentiæ, qualis est divina. Ex his igitur omnibus utcumque liquet de specifica Angelorum diversitate, deque serie, & coordinatione specierum omnium per summa capita.

Ad 1. Ratio generis differentię equiparatur materiæ, & formæ, non quoad omnia, sed solum quo ad maiorem indifferentiam conceptus generici comparatur.

paratione conceptus differentialis, ac specifici, quam è conuerso quatenus eiuſmodi maior indifferentia conuenit etiã materię comparatione formę quam è conuerso. Quia uero ultimo complenti, ac determinanti totum aliquod specialiter attribuitur ratio perfectionis, quę inest ipsi toti p. opterea ratio differentialis, & specifica censetur maximè perfectiua vniuscuiusque rei. Cæterum non est vniuersaliter de conceptu rationis differentialis, vt secundum se præcisè superaddat maiorem perfectionem rationi generi æ, quàm quę præsupponitur in ipsa rãtione generica, vt patet inter alia in brutis, quorum rationes differentiales, manifestum est, non superaddere plus, aut etiam tantumdem perfectionis, quanta illis conuenit quatenus sensitiua sunt. Idem apparet in omnibus vniuersaliter diuisionibus vulgaribus generum, alteram positiuam, & alteram negatiuam. Certum namque est differentiam negatiuè communiter significatam, & prædicatum positiuum speciale, in quo ea fundatur, non continere in se præcisè tantam perfectionem, quanta præsupponitur in genere. Absurdè enim significaretur negatiuè comparatione eius, cui præemineret. Nempe differentia significantur in communibus illis diuisionibus relatè, & comparatiuè ad suum genus. Conceditur itaque omnes Angelos conuenire inter se
quoad

quoad prædicatum, quod est in omnibus & singulis præcipuum, ac nobilissimum. Sed negatur inde sequi non esse possibiles plures eorum differentias essentielles, per quas diuidatur prædicatum illud vniuersale.

Ad 2. Cum dicitur genus intellectuales substantiæ esse propinquissimum Deo inter omnia creata, non significatur aliquid vnum indiuisibiliter continens in se summam propinquitatem ad Deum. Hoc enim de solo supremo Angelo verificatur. Solum itaque intenditur, inter ea prædicata, quæ sunt pluribus communia, & præminent reliquis ipsorum formalitatibus, primum locum tenere intellectualitas. Hinc autem potius infertur. vti illatum est supra, plures esse possibiles differentias participes eius prædicati, quàm sint differentiæ possibiles sub vlllo alio prædicato vniuersali, seu genere. Quia differentiæ inæqualiter, & diuersimode participes perfectionis diuinæ eiusdemque summæ ac infinitæ, simpliciter, infinita simpliciter multitudine diffunduntur. Ex maiori igitur propinquitate Angelorum ad Deum, quam aliarum rerum, solum colligitur, vnumquemque Angelum esse simpliciores in se, & eò magis, quo perfectior est, quam rem vllam corporalem. Quod est verum.

Ad 3. Differentia penes magis, & minus non variat speciem, quando quod
addi-

additur, & cui additur sunt eiusdem rationis; variat vero, quando additamentum est diuersae rationis. Ita magis, & minus album non differunt specie, quia in magis albo additio est eiusdem rationis. Idem vero album differt specie à viridi, & rubro. Quia maior claritas albi quam viridis, & rubri, est diuersae rationis. Hoc autem posteriori modo se habent differentiae penes magis, ac minus, quibus differunt intrinsece Angeli, sicut & aliae quaelibet substantiae. Omnes enim substantiae differunt inter se sicuti numeri ut dicit Philosophus. Numerorum autem omnis differentia est penes magis, & minus, ut per se patet. Minus vero, & magis diuersae rationis, quia numerus maior includit in se identitatem sui peculiaris excessus cum tota perfectione, quae conuenit numero minori, eaque indiuisio vtriusque formalitatis est diuersae rationis à diuisione, quae conuenit minori numero.

Ad 4. Transmisso antecedenti, quod expositum est in loco ibi indicato, negatur consequentia. Ratio disparitatis est. Quia obiectum formale adaequatum omnium visionum Dei est vnum, & prorsus idem. At non est vnum, & prorsus idem obiectum formale adaequatum, ad quod omnes Angeli, per omnes suas cognitiones, ferri possunt. Dictum namque est, & clarius exponetur, ac magis confirmetur.

firmabitur infra quæst. 13. quosdam Angelos posse plura comprehensivè, complecti vnica indiuisim cognitione, quam alios. Quod fieri non potest, quin aliqui eorum comprehendere possint motuum aliquod peculiare, ad cuius comprehensionem alij non sufficiant. Quapropter quod communiter dicitur, & dicitur verè, obiectum cuiusvis substantiæ intellectualis esse ens vt sic, non significat omnes substantias intellectuales ferre, aut posse ferri per omnes, aut aliquas suas cognitiones ad eadem omnia obiecta formalia; quod est falsum; sed solum quamlibet substantiam intellectualem posse aliququaliter attingere quaslibet differentias entis, ipsamque vniuersalissimam entis rationem. Quod nihil nocet multiplicabilitati specificæ substantiarum intellectualium. Alioquin essent etiam omnes eiusdem infimæ speciei cum Deo.

Ad 5. Substantia intellectualis corporea est infima differentia possibilis suo genere substantiæ intellectualis, idque ipsi conuenit, quatenus corporea præcisè est. Substantia autem intellectualis incorporea non est similiter suprema differentia substantiæ intellectualis, neque conuenit ei, vt sit suprema ex eo præcisè quod incorporea est. vt patet ex dictis. Vnde diuisio intelligentis in incorporeum, & corporeum non est diuisio indifferentias, seu quasi partes æquales, sed altera est dif-

differentia subalterna, & altera infima; Sicut si è conuerso diuideretur substantia corporea in intellectualem, & non intellectualem. Iam oppositorum ratio, & disciplina est eadem quoad ea, secundum quæ formaliter opponuntur inter se, non vero quoad ea, secundum quæ disparatè se habent, vti manifestum est accidere, in re præsentì. Quod autem maior sit perfectio intellectualis incorporei, semel atque iterum dictum est, valere potius ad oppositum.

Ad 6. Patet satis ex dictis supra toto art. 3. efficaci namque ratione conclusum ibi est, dari ex natura ipsa rei terminum vltimum in serie substantiarum intellectualium existentium, & potentium conaturaliter existere in hoc vniuerso, quicquid sit de possibilitate absoluta substantiarum intellectualium, & perfectiorum sine vllò limite, ac termino, quatenus possibile similiter est aliud, atque aliud vniuersum perfectius sine vllò limite, ac termino. Profecto sicut collectio rerum sublunarium existens de facto postulat intrinsecè supremum cæleste corpus tantæ determinatè amplitudinis, quanta est de facto atque oppositum perabsurdè diceretur; & nihilominus est absolutè possibile corpus maioris amplitudinis, & capacitatis. quam quod est amplissimum, & capacissimum de facto, quia possibile sunt absolutè corpora sublunaria diuer-

diuersæ rationis, maiorisque perfectio-
nis, & molis: Ita etiam in eundem,
proportionaliter modum est possibilis ab-
solute substantia intellectualis perfectior
quam quæ est perfectissima: de facto, &
tamen hæc exigitur determinate ab hoc
vniuerso, eidemque debetur ex natura
rei, tanquam suprema, nec oppositum,
quantum quidem conijcere mihi licet,
absque absurditate dici potest.

Q V A E S T I O V I

*Utrum sint possibiles plures] Angeli
intra eandem speciem in-
firmam.*

IDENTVR non esse pos-
sibiles 1. quia distinctio spe-
cifica desumitur ex forma,
& purè indiuidualis ex ma-
teria, quæ est vnicum indi-
uiduationis principiū ex Philos. 5 Metaph.
tex. 42. vbi dicit: *Ea sunt unum numero,
quorum est materia una.* Et lib 7. text 28.
*Formam in his carnibus, atque ossibus, dicit,
esse Socratem, & Calliam; & iterum text.
25. Singulare ex vltima materia, iam Socra-
tes est.* Idem principium tradit D. Thom.
in ista quæst. 50. art 4. & cap. 2. de ente,
& essentia, atque alibi sæpe. Angeli au-

tem sunt prorsus expertes materiae, ut dictum est. Repugnat igitur in Angelis distinctio purè individualis sub eadem specie infima.

2. Ex prædicto principio probat idè Philosophus 12. Metaph. tex. 149. primum motorem non posse esse nisi vnum numero. quia est expert materiae, & similiter 1. de cælo cap. 9. probat, non posse esse alium mundum; quia hic mundus totam materiam rerum naturalium complectitur. Ergo ubi non datur materia, nec eius diuersitas, multiplicitas purè individualis dari nequaquam potest. Alioquin dicendus esset Philosophus, inapte argumentatus esse.

3. Intellectus apprehendens substantiam corpoream præscindendo à loco, & tempore, & alijs dependentibus à materia signata, eiusque proprietatibus eo ipso abstrahit rationem communem corporis, & reducit ad unitatem omnia corpora, quæ sunt inter se distincta realiter à parte rei. Quæ de causa dicit D. Thomas quæst. disp. de spiritual. creatur. 2. 8. initio, impossibile esse etiam fingere, quod sint plures Angeli vnius infimæ speciei. Quia si quidem rediguntur ad simplicem unitatem ipsa etiam materialia, quæ sunt in se multiplicia, & individualiter distincta, cum primum abstrahuntur per intellectum à conditionibus, & accidentibus proprijs materiae, multo magis necesse

ceſſe eſt, vt quæ carent materia, & conſequenter omnibus conditionibus, & proprietatibus materiæ, tum in ſe realiter, tum etiam in intellectu, gaudeant eadem vnitatis ratione, tum in ſe, tum etiam in intellectu; ita vt ne apprehendere quidẽ poſſibile ſit Angelos penitus immateriales, ſimulque pure indiuidualiter diſtinctos. Alioquin enim non ſufficeret ad abſtractionem vniuerſalem præciſio intellectus à proprietatibus, ſeu accidentibus proprijs materiæ.

4. Ordo, qui ineſt rebus omnibus vniuerſi eſt præcipuum, & maximum, bonum ipſarum eiſdem intrinſecum; vnde neceſſe eſt, vt mutus ordo rerum perfectiorum ſit perfectior. Ordo autem per ſe eſt perfectior, quam ordo per accidens. Quia in omnibus vniuerſaliter præminet, quod eſt per ſe ei, quod eſt per accidens. Cum ergo ordo eorum quæ diſtinguuntur ſpecie, ſit ordo per ſe quæ verò ſunt eiufdem infimæ ſpeciei ordinentur per accidens, vt pote indifferẽtia, vt quodlibet eorum occupet locum, & ſubeat munus alterius; manifeſtum eſt Angelis qui ſunt potiſſima, & nobiliſſima pars vniuerſi, conuenire ordinem qui ſudatur in diſtinctione ſpecifica, eiſdem repugnare ordinem, qui eſt poſſibilis in ijs, quæ pure indiuidualiter inter ſe diſferunt. Confirmatur, quia in rebus quoque corporalibus perſpicitur hoc diſcrimen,

men, ut quæ sunt ignobiliiores multiplicentur intra eandem speciem, ideoque ordinentur per accidens inter se, ut apparet in omnibus sublunaribus; quæ vero sunt præstantiores non multiplicentur intra eandem speciem, ideoque ordinentur inuicem per se, ut apparet in sole, luna, alijsque omnibus corporibus cœlestibus. Multo igitur magis necesse est hoc ipsum dicere de Angelis, quæ sunt suprema simpliciter, atque optima pars vniuersi creati.

5. Quo aliquid est maioris perfectionis, eò est maioris sufficientiæ in se & respectu aliorum, ut apparet consideranti extrema summæ, & infimæ perfectionis rerum omnium. Deus enim, qui est summè, ac infinite perfectus, sufficit sibi se solo, habetque præterea plenitudinem sufficientiæ respectu aliorum omnium. Res autem corruptibiles vsque adeo sunt insufficientes & sibi, & alijs, ut ad conseruationem sui indigeant pluribus à se distinctis, similiterque indigeant multiplicatione cuiusque speciei per plura individua, ut congruenter inseruiant vniuerso. Ergo Angeli, qui sunt medij inter Deum, & res materiales, habent quidem minorem sufficientiam, quam Deus, proptereaque multiplicari possunt intra idem genus per plures species? habent tamen sufficientiam maiorem, quàm corruptibilia, ideoque sunt incapacia
mul.

multiplicationis pure indiuidualis intra eandem speciem . Nempe non sufficere per simplicem entitatem ad ea omnia, quæ spectant ad totum genus, est minima insufficiencia ; maxima vero quæ non sufficit ad præstandum per simplicem entitatem, quicquid spectat ad vnamquamque speciem infimam .

Art. 1. Respódetur. De multiplicitate pure indiuiduali Angelorú deque inuiduationis principio ingens iam diu contentio viget inter Thomistas , & Scotistas , atque affectas vtrorumque , Thomistis enixè contendentibus repugnare plures Angelos eiusdem infimæ speciei, atque vnicum multiplicatis pure indiuidualis, seu numeralis principium esse materiam signatam, & Scotistis vtrumque pari conatu reiicientibus . Quam enim vero contentionem alit, nisi fallor, fauetque magna ex parte æquiuocatio , tum quo ad rem ipsam , tum maximè quo ad menté Philosophi , & præceptoris angelici , vt paulo post apparebit . Mea olim opinio fuit, plures Angelos eiusdem infimæ speciei esse impossibiles naturaliter, possibiles vero supernaturaliter, & de potentia Dei absoluta. Nunc autem censeo possibiles esse etiam connaturaliter, & sine vlló miraculo , aut dono supernaturali . Prior illa opinio cui plurimum, fauet D. Thom. opusc 36. §. ultimo *restat autem*, & quam tenet Aegidius Romanus cōnuenti-

bus Capreolo, & Ferrariensi, necnon Io. de Sancto Thoma, nitebatur hoc discursu. *Individuum est id, cuius omnes simul proprietates alteri convenire non possunt*, iuxta communem definitionem ex Porphyrio in Isagoge, Boetio, & Alberto Magno. Impossibile autem est naturaliter, supernaturaliter vero possibile, ut duæ spirituales substantiæ completæ sub eadem specie infima contentæ habeant proprietates, quæ simul omnes alterutri earum indiscriminatim convenire non possint. Ergo est impossibile naturaliter, supernaturaliter vero possibile, ut dentur duæ substantiæ spirituales completæ, contentæ sub eadem specie infima, scilicetque individualiter distinctæ. Minor suadebatur. Quia substantiæ contentæ sub eadem specie infima, nullam in primis ex se præcisè determinationem habere possunt ad proprietates alterutri ex illis repugnantes, ut per se patet. Deinde substantiæ spirituales completæ non possunt fortiori naturaliter eandem determinationem ex loco, aut tempore, vllaque alia circumstantia, aut causa extrinseca, licet supernaturaliter possint. Quia cum sint invicem penetrabiles ratione spiritualitatis, possunt adesse simul eodem loco. Quia verò non existunt successive per generationem unius ab alia, possunt, Immo debent, quæ ad eandem rem publicam pertinent, eodem similiter tempore.

pore creari; atque vt crearentur pro diuerſis temporis ſeu durationis cuiuſuis differentijs, nihil propterea in ſe diuerſum haberent neceſſario, ſed ſolam denominationem extrinſecam. Cumque omnibus alijs circumſtantijs, & cauſis, eodem penitus modo, eadem que cum exigentia conſequenter ſubſint, ſubſiſſe certe poſſint, coniunctim eadem omnia ab illis nanciſci poterunt, nec impoſſibilitas, vt eadem omnia ſimultaneè nanciſcantur, poterit eſſe connaturalis. Supernaturaliter autem eiſmodi diuerſitatem proprietatum illis euenire nihil vetat. Quia Deus libera ſua voluntate poteſt aliquid perpetuò tribuere vni, idque ipſum perpetuò negare alteri ex duobus, quantum eſt de ſe indifferentibus ad illud.

Art. 2. In rebus materialibus, ſaut ad materiam intrinſece ordinatis ſecus ſeres habet. Quia omnes res materiales propter impenetrabilitatem exiſtunt in diuerſis locis, atque in illis diuerſimodè plerumque collocantur, & pleræque diuerſis téporibus incipiunt, ac deſinunt eſſe propter ſucceſſiones generationum, ac demum propter diuerſitatem locorum, & temporum, diuerſos aſpectus Cœlorū ſubeunt, aliarumque cauſarum diſpoſitiones multimodè diuerſas neceſſariò reſpectu vniuſcuiuſque. Vnde conſequitur, ſemper vnicuique ſubſtantię materiali ad

esse aliquid, quod iam reliquis, aut alicui reliquorum convenire non possit. Impossibile namque est, ut quæ sunt inuicem impenetrabilia, non sint inæqualiter distantia ab aliqua, vel aliquibus causis, utque influxus causarum in ipsa non sit inæqualis, ac diuersus pro inæqualitate, & diuersitate distantiae; idemque proportionaliter dicitur de diuersitate, quoad tempus. Patet itaque materiam plurimū conferre, atque omnino sufficere, ut quæ sunt participes illius, possint sortiri proprietates, quæ simul omnes nulli alteri, tametsi eiusdem sit infimæ speciei convenire possint; idque ipsum nulli rei independentem à materia convenire posse.

Art. 3. Huic discursui opponeretur, in eo assumi logicā individui definitionem; ideoque solum inde ad summum probari, non posse naturaliter existere duos Angelos eiusdem infimæ speciei, logica individuatione diuersos. Cæterum possibiles nihilominus naturaliter super esse duos Angelos eiusdem infimæ speciei cū individuatione solum metaphysicè diuersa. Quia individuum metaphysicè definitur communiter cum D. Thoma 1. par. quæst. 29 2. 4. *Quod est indivisum in se & diuisum à quolibet alio ultima diuisione.* Indifferentia omnium, & quorūlibet expertium materiæ & dependentiæ, ac ordinis à materia, & ad materiam ad eadem simul loca, tempora, causas, & circum-

circumstantias, non impedit indiivisionem, vniuscuiusque in se, & diuisionem à quocumque alio, tametsi absit omnis diuersitas proprietatum accidentalium, & omnisque necessitas eiusmodi diuersitatis. Vnumquodq; enim, sicut est ens, & aliquid præcisè per se ipsum in genere, causæ formativæ, ita est vnum, quod est proprietas entis, & consequenter indiivisum in se, & diuisum ab alijs per se ipsum præcisè. Non igitur repugnat, vt dentur duo Angeli eiusdem infimæ speciei distincti in cem per suas hæcceitates, seu indiivduationes metaphysicas; tametsi repugnet, propter independentiam eorum à materia, vt fortiantur indiivduationes logicè diuersas.

Art. 4. Verum huic oppositioni non difficulter satisfaciebam hac ratione. Nèpe indiivdua metaphysicè distincta absque distinctione indiivduali logica, sunt obnoxia confusioni, & pluribus inde incommotis contra rectam reliquæ reipublicæ rationalis, eorundemque indiivduorum institutionem. Quia indiivdua eiusdem infimæ speciei omni peculiaris alicuius, vel aliquorum accidentium inseparabilium caractere destituta, licet possint inuicem scèrni, & determinate designari, ac proinde subijci liberæ electioni variis, si vno mentis intuitu simultaneè, & perfectè inspiciantur, atque inuicem conferantur, (qua de causa in-

diuidua etiā pure possibilia discernit optime Deus, atque inter illa eligit liberè; vno tamen eorum occurrente seorsim, ne quidem per intellectum, etiam intuitiue, & comprehensiue cognoscentem discerni illud poterit à reliquis, nec cognosci quodnam determinate sit ex totā multitudine indiuiduorum omnino, tā substantiāliter, quam accidentaliter similitum. Quia nihil habet peculiare, per quod interno-sci, & ab alijs discerni possit. Nempe prædicatum distincti à reliquis conuenit similiter vnicuique coeterorum ex eadē collectione. Qua de causa nullus intellectus creatus distinguere, ac discernere vllum potest inter indiuidua eiusdem speciei, etiam materialia, præcisè vt possibilia, ac proinde adhuc indifferentia ad quaslibet proprietatum, & accidentium collectiones discretiuas vnus ab alio. Ratio est quia imago alicuius, æqualiter eodemque modo est imago quorūlibet aliorum illi omnino similitum. Quare cognitio alicuius obiecti, cum sit imago eius, æquè eodemque modo necessario repræsentat quæcumque sunt illi omnino similia; ac proinde sufficere nequaquam potest ad discernendum illud ab aliquo ex iisdem omnino similibus ipsi. Idem patet experientia manifesta. Quia si cui obijciantur duo ova omnino similia discernere quidem potest vtrumlibet ab altero, dum simultaneè illa intuetur: Ceter-

verum si postea alterum eorum seorsim
aspiciat, discernere nequaquam poterit,
utrum duorum sit, an quod dextrorsum,
an quod sinistrorsum positum prius erat, &
sic de alijs accidentibus. Si igitur daren-
tur duo aliqua indiuidua metaphysicè di-
stincta, simulque destituta indiuiduatio-
ne logica, confusionem ea parerent ne-
cessariò, qualis proposita est.

Art. 5. Quot porrò incommodis pa-
reat istiusmodi confusio aduersus exigen-
tiam intrinsecam, & iura connaturalia
naturæ rationalis, quibus facile depre-
hendet, si consideret propositum de se-
creto committendo, aut commendando
negotio alicui ex indiuiduis eum in modum
inuicem indiscernibilibus, nec non desi-
derium de exigenda ratione, seu secreti
iam commissi, seu negotij iam commen-
dati, aliaque eiusmodi quamplura. Ex
quo liquido apparet pluralitatem eiusmodi
indiuiduorum metaphysicè tantum di-
stinctorum inter se esse impossibilem
cum recta, & sapienti, & qualis à quo-
uis prudenti optabilis est, dispositione, &
constitutione. Quod ex eo confirmari vl-
terius potest, quia in intellectu bene di-
sposito oportet res esse, sicut sunt in se
ipsis, ut dicit Philosophus. Si ergo da-
rentur res ita in se ipsis distinctæ mutuo,
ut in intellectu adesse non possent cum
mutua distinctione, ac discretionem, nul-
lus intellectus creatus posset esse bene di-

Sposirus, sapienterque institutus, Cum igitur ex superiori discursu pateat indiuidua logicè distincta dari naturaliter non posse independenter à materia, & ab ordine ad materiam, supernaturaliter vero posse. Pateat vero similiter ex modo dictis repugnare indiuidua metaphysicè distincta, quin simul distinguantur logicè, concluditur postremo duos Angelos eiusdem infimæ speciei naturaliter dari non posse supernaturaliter posse. Hucusque olim.

Art. 6. Iam ratio ob quam, re melius considerata, censeo naturaliter etiam dari posse plures Angelos eiusdem infimæ speciei, fundatur in ordine, quo Angeli referuntur ad corpora ex sua ipsa natura, Nempe Angeli ex sua natura sunt administratorij spiritus, ut notatum est supra quæst. 1. art. 4. ex Apostolo. Sunt vero administratorij spiritus circa corporalia, & præsertim circa homines, ut pote in ministerium missi propter eos, qui hereditatem capiunt salutis. Quapropter unusquisque Angelus ex ijs, quos quæst. 4. art. 4. in tertia hierarchia conclusimus, refertur ad aliquod determinatum corpus, aut ad determinatam corporum collectionem, atque cum illo, aut illis peculiariter connectitur in ratione motoris, & directoris habetque in se intrinsecè aliquid, per quod à Deo est permanenter destinatus ad talis determinatè corporis, seu cor-

po-

porum curam, & regimen. Vnde vnusquisque Angelus ex tertia hierarchia esset discernibilis à reliquis, atque logicè indiuiduatus; tametsi omnes essent eiusdem infimæ speciei. Essent vero discernibiles, atque indiuiduati non minus quam animæ rationales. Quia sicut animæ rationales referuntur singulæ ad singula corpora, tanquam eorum formæ; ita singuli ex prædictis Angelis referuntur singuli ad singula corpora, aut corporum collectiones tanquam motores, & directores, eorum. Patet autem eos, qui in se habent, quo determinatè referantur aliquo modo ad ea, quæ ratione sui sunt inuicem discernibilia, eo ipso esse inuicem discernibiles. Quia eo ipso inest singulis aliquid speciale diuersum ab ijs omnibus accidentibus, quæ insunt reliquis. Quia vero Angeli supremæ, & mediæ hierarchiæ referuntur in ratione illuminantis ad Angelos tertiæ hierarchiæ, ad eummodum, quo dictum est, posteriores istos referri ad homines, & ad cætera corporalia in ratione directoris, ac motoris; concluditur, Angelos etiam supremæ, & mediæ hierarchiæ posse similiter esse discernibiles inuicem, atque logicè indiuiduatos, tametsi essent eiusdem infimæ speciei.

Art 7. Pro maiori horum omnium claritate, ac firmitate obseruandum est discrimen inter distinctionem, & indiuiduationem.

duationem, seu inter negabilitatem vnius
 de alio, & discernibilitatem vnius ab
 alio; & consequenter inter principium
 distinctionis, seu negabilitatis, & prin-
 cipium indiuiduationis, seu discernibili-
 tatis. & quidem haec duo esse inter se
 valde diuersa liquido apparet ex doctri-
 na Philosophi, & D. Thomae. Quia D.
 Thomas in locis indicatis in prima ratio-
 ne dubitandi docet ex professo, principium
 indiuiduationis esse materiam signatam,
 idemque traditur à Philosopho in locis
 ibidem indicatis; & nihilominus idem
 D. Thomas in hac l.p. quaest. 47. art. 1. do-
 cet ex professo principium, & causam
 distinctionis rerum non esse materiam,
 atque Philosophus distinctionem, & ne-
 gabilitatem vnius de alio docet ubique
 conuertibilem cum ratione entis, cum
 qua certe conuertibilis non est ex mente
 ipsius ratio entis materialis, aut depen-
 dentis à materia. Itaque ad distinctio-
 nem tum specificam, tum numericam suf-
 ficit limitatio entitatis, & perfectionis,
 ratione cuius aliqua entitas non comple-
 ctatur in se totam sui generis, suae spe-
 ciei perfectionem, nec praestare possit se-
 fosa, quantum praestare potest simul cum
 entitate alia eiusdem aut generis, aut spe-
 ciei. Huiusmodi autem limitatio tam
 quoad genus, quam quoad speciem non
 repugnat naturae Angelicae. Quoad ge-
 nus quidem propter ea, quae dicta sunt

in quæst. proximè præcedenti. Quoad speciem vero, quia si Angelo supremæ perfectionis non repugnat insufficiencia, ratione cuius indigeat coexistência Angeli interioris, atque essentialiter inæqualis, nec etiam repugnare potest eidem, aut inferiori Angelo insufficiencia ratione cuius indigeat coexistentia alterius, vel aliorum Angelorum sibi æqualium, atque essentialiter. ac intrinsecè omnino similium. Eadem igitur ratione qua agnoscuntur possibiles plures Angeli inuicem inæquales, atque essentialiter dissimiles. admittendi etiam sunt possibiles plures Angeli inuicem æquales, atque essentialiter omnino similes quoad omnia prædicata identificata realiter cū vnoquoque eorum. Hæc porro limitatio, insufficiencia, atque indigentia aliorum eiusdem, aut generis, aut speciei solet etiam ipsa attribui materialitati, quatenus omnis creaturarum imperfectio est aliquis accessus ad materiam, quæ est summè imperfecta, & quasi pelagus imperfectionum, sicut quævis perfectio est aliquis accessus ad Deum, qui est summè perfectus, & pelagus omnium perfectionum. Qua de causa dixit August. lib. 12. confess. cap. 7. *Materia est prope nihil Angeli autem prope Deum*. Sunt tamen multo magis propinqui materiæ, & qua distant finitè tantum, quam Deo, à quo distant infinitè ideoque sunt magis capaces imperfectionis.

fectionum, quæ sunt propriæ materiæ, & eorum, quæ fundantur in eiusmodi imperfectionibus, quam perfectionum, sunt propriæ Dei, & eorum, quæ fundantur in eiusmodi perfectionibus. Vnde cum imperfectio propria materiæ fundet, vel maximè multiplicitem purè indiuidualem, seu rerum omnino similium inter se, quoad omnia prædicata intrinseca, ac essentialia, secundum se præcisè; perfectioni vero, quæ est propria Dei, repugnet propter suam infinitam magnitudinem eadem multiplicitas purè indiuidualis contraria unitati Dei; Angeli magis affines materiæ, quam Deo, ut dictum est, credendi potius sunt capaces multiplicis purè indiuidualis, seu coniunctæ cum totali æqualitate, ac similitudine, mutua distinctorum quoad omnia prædicata intrinseca ipsorum, si nihil obstat aliud præter magnitudinem perfectionis, quæ cōuenit ipsis ex genere suo. Nihil autē obstat aliud. Quia discernibilitatem mutuan, per proprietates, & accidentia, inherētia sibi permanentes, ac inamissibiliter, sortiri possunt per ordinationem singulorum ad peculiaria corpora, & res physice materiales; quæ ipsis cōueniunt ex natura, & exigentia sua intrinseca, uti expositum, & comprobatum est supra. Possibiles igitur sunt, non solum supernaturaliter, & de potentia Dei absoluta, sed etiam naturaliter plures Angeli eiusdem
 in

infimæ speciei, tametsi immateriales sint seu expertes materiæ habentis rationem complementi substantiali intrinseci respectu ipsorum.

Ad 1. Philosophus ibi agit de multiplicitate numerica rerum corporalium, & compositarum ex materia, & forma. In ijs autem certum est in primis, materiam esse principium sufficiens indiuiduationis, atque multiplicитatis pure indiuidualis, vt liquet ex discursu proposito supra art. 2. Certum iidem est, eandem multiplicitem pure indiuidualem earumdem rerum præcipuè radicari, atque fundari in materia, quæ videlicet est summè imperfecta, atque adeo inductiua principaliter eorum omnium, quæ spectant ad imperfectionem, ad quam dictum est, vel maximè spectare multiplicitem pure indiuidualem, atque insufficienciam vnius tantum indiuidui ad præstanda ea omnia, quæ spectant ad vnamquamque speciem. Optima igitur ratione, materiæ potissimum attribuit Philosophus, atque ex eo D. Thomas, multiplicitem pure indiuidualem, eandemque potissimum dixit principium eiusdem. Cæterum neque Philosophus, neque D. Thomas vlli bi docuit, non esse possibilem pluralitatē indiuiduorum intra eandem speciem infimam absque compositione ex materia, & forma, cum sola habitudine, & ordine extrinseco ad materiam; quem ostē-

sum

sum est, sufficere ad eiusmodi multiplici-
tatem purè indiuidualem. Solùm ita-
que desideratur in Diuo Thoma conside-
ratio ordinis quo Angeli ex sua natura re-
feruntur singuli ad singula corpora, vel
corporum collectionem, coniuncta cum
consideratione sufficienti huiusmodi or-
dinis ad multiplici-
tatem purè indiuidua-
lem. Quod illi accidit ex solita sua adhæ-
sione ad Philosophum in ijs, quæ non
pertinent ad fidem, ideoque non vsque
adeo oportuit ipsum corrigere, vti cor-
rigit fideliter, ac diligenter, vbicunque
in eum scopum necessarium, aut opportu-
num est, Philosophus autem ex conside-
ratione corporalium vix vnquam emergit
& tunc emergit infelicitè, vt apparet ex
erroribus eius, & pluribus, & crassis cir-
ca intelligentias, qui sunt inconfesso apud
omnes Doctores Catholicos. Quare in-
tutum est adhærere, & positiuè, & ne-
gatiuè, dum agitur de intelligentijs, ea-
que omnia, & sola sequi velle, quæ ille
docuit, & quibus doctrinam suam omnem
inædificauit.

Ad 2. Prior ille locus Philosophi, cui
plurimum inter alios fidei à Sancto Tho-
ma est prorsus inutilis pro scopo quæstio-
nis præsentis. Quia Philosophus tex. illo
49. probat primum principium ex eo,
quod non habeat materiam, neque spe-
cie, neque numero multiplicabile esse.
Ipsum verò, ait, cui erat esse primum, non
ba-

habet materiam, cum actus sit. Vnum ergo, tum ratione, tum numero. At exclusio eius materiæ, qua caret Angelus nequaquam probat, aut absolute, aut etiam apud ipsum Philosophum, Angelum non posse specie multiplicari. Non ergo loquitur Philosophus ibi de eiusmodi materia. Accedit, ab eodem in eodem libro 12. tex. 51. proba. i similiter, ex eadem exclusione materiæ, intellectum primi principij esse indistinctum ab obiecto suo, & intellectione. Cum igitur, arguit, non sit diuersum id, quod intelligitur, & intellectus, quacumque non habent materiam, idem erunt ac intellectio una eius, quod intelligitur. Vbi clarè patet, sermonem esse non posse, de materia sola, quæ caret Angelus. Intelligit igitur Philosophus in ijs locis, vti, & sæpe D. Thomas, nomine materiæ potentialitatem, seu capacitatem, vt aliquid perficiatur per aliud. Videatur commentarius D. Thomæ ad vtrumque locum, lect. 10. & 12. paulò ante finem, & patebit ea loca Philosophi esse abs re proinfiruto præsentis. In altero loco ex 1. de Cælo, sicut conclusio de impossibilitate alterius mundi, est falsa, ita ratio de tota materia exhausta de facto per res naturales est insufficiens, & supponit falsum. Deindè auctoritatem Philosophi in hoc puncto nullius ponderis esse posse apud catholicos demonstrat inter alios clarè DerKennis disp. 1. cap. & §. 1. & cap. 4. §. 2.

De mente etiam D. Thomæ multa nonnulli mouent; vt persuadeant ipsum non fuisse constantem vbique in ea sententia de principio indiuiduationis indistincto adæquatè à materia signata, atque in eam rem expendunt locum iam indicatū ex opusculo 16. nec non hæc verba in primum distinct 34. quæst. 1. art. 1. *Hypostasis, ubicunque distinguitur realiter ab essentia, illi superaddit pro indiuiduatione determinationem materia, vel alius, quod loco materia se habent.* Præterea in quæstione de principio indiuiduationis nouiter inuenta, & appensa ad tres tomos opusculorum Caietani editos seorsim Venetijs, origo indiuiduationis reducitur in aliam etiam præter materiam. Verum ego his & similibus non immoror, quando Angelicus Doctor in præsentī, & in quæstione disputata, quam superius indicaui, clarissimè suam mentem exposuit circa repugnantiam multiplicis individualis Angelorum intra eandem speciem infimam, idque vnicè quia carent materia. Satiùs igitur est ingenuè fateri ipsum eatenus aduersari superiori nostræ sententiæ, cui tamen suffragantur Scotus, & Scotistæ omnes, Suarez, Vasquez, alijque omnes Theologi nostri, dempto Granados, & non pauci ex Thomistis.

Art. 3. Non dubium est, quin ipsa etiam materia trine dimensionis capax, seu corpus etiam ipsum indigeat aliquo acciden-

genti, aut accidentium collectione peculiari, vt sit discernibilis ab alijs eiusdē speciei, ac proinde conceptum materiæ abstrahentem ab omni eiusmodi accidenti, & collectione proprietatum, eo ipso redigere omnem materiam, & omne corpus ad vnitatem vniuersalem, qua de causa D. Thomas non qualitercunque dicit materiam esse principium indiuiduationis, sed materiam signatam, id est quatenus præditam tali determinata mensura, situ, alijsque eiusmodi. Verum sicut vnicuique corpori necessario adiunguntur, insuntque à parte rei tales, vel tales aliquæ determinatæ proprietates peculiares nulli alijs communes, ita etiam vnicuique substantiæ purè spirituali adiunguntur similiter, insuntque permanentes, ac inamissibiliter specialia aliqua accidentia, quibus determinatè refertur ad tale, vel tale aliquod corpus modo superius explicato. Quapropter sicut intellectus distinguit, atque discernit vnumquodque corpus ab alijs corporibus, intellectis accidentibus, & proprietatibus eius peculiaribus, ita etiam distinguere atque discernere potest vnumquemque Angelum ab alijs Angelis, vtrumque similibus quoad essentiam, penitusque æqualibus quoad omnia prædicta identificata realiter cum ipsis, dummodo cognoscat simul accidens, vel accidentia, quibus ordinatur, ac refertur ad corpus
de

determinatè sumptum. Conceditur itaque, nec dari, nec intelligi, vel etiam fingi posse, duos Angelos eiusdem infimæ speciei absque discernibilitate eorum, mutua per accidentia, & proprietates prædictas. Quodeodem modo verificatur de duobus corporibus eiusdem infimæ speciei spoliatis itidem omni eiusmodi proprietate, seu accidente peculiari. Sed negatur non posse indi Angelis eiusdem infimæ speciei accidētia characteristica relate ad diuersa corpora, quatenus motioni, ac directioni eorum specialiter subordinata, sicut proportionaliter contingit in corporibus eiusdem infimæ speciei,

Ad 4. Sicut ad perfectionem vniuersitatis rerum sensibilium pertinet, vt quædam distinguantur specie, ideoque sint inuicem ordinatæ per se; alię vero sint eiusdem infimæ speciei, ideoque sint inuicem ordinatę per accidens: ita etiam dici potest pertinere ad perfectionem vniuersitatis rerum purè spiritualium, vt in ea reperiatur vtriusque eius ordinis differentia. Nec enini necesse est, vt omnes sensibilium imperfectiones excludantur à spiritualibus creaturis, cum sint plures imperfectiones omni enti creato communes, nec adsit argumentum speciale ad excludendam ex rebus spiritualibus istam potius imperfectionem ordinis per accidens, de qua agitur, quam

ad

ad excludendam quamlibet aliam imperfectionem. Igitur ex ea comparatione hoc solum efficaciter concluditur, ordinem, tum per accidens, tum per se rerum spiritualium esse perfectiorem, quam sit uterque idem ordo in rebus materialibus. Quod est verissimum, quia sicut prædicata specifica Angelorum, quæ fundant ordinem per se, sunt perfectiora, quam prædicata specifica corporum; ita sunt, vel forent perfectiora accidentia individualia, seu inuicem discretiva illorum, quam istorum, quæ fundant ordinem eorum per accidens. Quod ad confirmationem attinet nego ordinem per se, & specificam mutuam distinctionem omnium cælestium corporum fundari in maiori ipsorum, quam sublunariū perfectione. Quia animalia, ac præsertim homo, in quibus datur multiplicitas purè individuales ferè innumerabilis; ac proinde datur ordo per accidens; superant perfectione omnia cælestia corpora. Alia igitur ratione nititur naturalis repugnātia multitudinis purè individualis corporum cælestium, de qua dicetur in loco. Nunc enim sufficit, quod manifestè apparet, eam non fundari adæquatè in maiestate perfectionis, ac proinde nihil inde concludi ad propositum.

Ad 5. Illa ratio eodem modo, cumque eadem prorsus vi applicari posset ad probandum pauciores species esse possibiles

biles sub genere substantiae intellectualis, quam sub genere substantiae, aut sensitivae, aut negativae, aut expertis vitae, paucioresque dari de facto ex natura ipsius rei species priorum, quam posteriorum substantiarum. Quia multiplicitas non minus specierum sub eodem genere, quam individuorum sub eadem specie fundatur in insufficientia uniuscuiusque seorsim, tum speciei, tum individui. Cum ergo intentum illud maximè omnium reprobet D. Thomas auctor huius, sicut & precedentium duorum argumentorum in loco praedicto de spiritualibus creaturis; non video quo iure idem argumentum dirigatur ad negandam possibilitatem plurium Angelorum sub eadem specie infima. Dico iam absolutè, ad salvandam maiorem Angelicæ naturæ sufficientiam, quam sit sufficientia naturæ corporalis, satis esse, quod unusquisque Angelus per indivisibilem entitatem sufficiat ad operationes longè perfectiores, quam vllum corpus per entitatem ex pluribus partibus conflata; tametsi nullus Angelus se solo sufficeret ad præstanda omnia, quæ pertinent ad totam rationem suæ speciei, sicut nec sufficit vllum corpus sublunare pro omnibus pertinentibus ad suam speciem. Verùm de hoc dicetur plusculum opportunè in quaestione sequenti. Hoc vnum hic addo, comparisonem cum Deo nihil hac in re efficaciter

ter concludere. Quia omnia creata infinitè distant, ac differunt à Deo, ideoque oportet peculiarem adducere rationem pro tali, vel tali determinata differentia excludenda, vel non excludenda ab vnoquoque ente creato.

Q V A E S T I O VI,

Vtrum dentur de facto plures Angeli eiusdem infimæ speciei.

I DENTVR non dari 1.
Quia multitudo indiuiduorum sub eadem specie infima videtur ordinari ad solam conseruationem perpetuam speciei. Vt nimirum deficiente vno indiuiduo, supersit aliud in quo saluetur species, quæ sola intenditur per se à natura. Quæ de causa in ijs sublunaribus, quæ sunt corruptibilia, dantur plura indiuidua sub vnaqualibet specie cum incorporeis cælestibus, quæ sunt incorruptibilia, nulla detur eiusmodi multiplicitas indiuiduorum eiusdem infimæ speciei, cū igitur Angeli sint incorruptibiles, ac indefectibiles ex sua natura, vt dictum est quæst. 3. nulla duo indiuidua admittenda sunt inter eandem speciem infimam, ne quid dicatur superfluum inductum à Deo esse in naturam.

2. Magis confert ad pulchritudinem vniuersi diuersitas specierum, quam individuorum eiusdem infimæ speciei. Ergo in ea parte vniuersi penes quam est maxima, & summa eius pulchritudo, quæ sunt Angeli, sola admittenda est diuersitas specifiæ.

3. Ratio, ob quam in ministris, & famulatio Principum oportet, vt dentur plures paris, & imparis conditionis pro diuersis & similibus ministerijs, iuxta illud Prouerb. 14 28. *In multitudine Populi dignitas Regis; & in paucitate plebis ignominia Principis.* Ratio, inquam, est: quia singuli non sufficiunt absque aliorum consortio ad exhibenda omnia obsequia, quibus indiget Princeps; & quia Princeps creatus nequit impertiri singulis substantialem, ac essentialem idoneitatem ad eas determinatè operationes, quas exigit ab vnoquoque hæc autem rationes locum non habent in Angelis, qui sunt ministri Dei. Quia sufficientia cuiusque Angeli est maxima propter maximam perfectionem naturæ Angelicæ. Et quia Deus potest facile inducere tantam diuersitatem essentiali ministrorum; quanta potest esse diuersitas peculiarium operum exigibilium ab ipsis,

Respondetur, probabilius aliquanto videtur dari de facto in vnaquaque hierarchia, atque in singulis ordinibus plures Angelos eiusdem infimæ speciei, idque
qua-

quadruplici ratione. Prima est quia Angeli, quorum singuli sunt custodes singulorum hominum, omnes habent ministerium vniforme, eiusdemque infimæ speciei. Par autem est credere eos esse omnes eiusdem speciei, quorum ministeria sunt eiusdem speciei, quia diuinę prouidentię perfectio imparibus ad imparia tantum, & paribus vtitur ad æqualia; atque oppositum huius videtur desciscere à ratione perfectę prouidentię, atque sapientię. Sicut autem infimi Angeli cōparantur inmediate cum hominibus, ita superiores quique ordines comparantur cum inferioribus quibusque ordinibus usque ad supremum ordinem. Ergo eadē ratione admittendi sunt plures Angeli eiusdē speciei in reliquis etiam omnibus ordinibus. Secunda ratio est, quia eadem pluralitas Angelorum intra vnāquamq; speciem infimam est ipsis necessaria ad iucundum mutuę familiaris beneuolentię, & communicationis omnium internorum conceptuum commercium, cuius in primis Angeli sunt capaces, vtpote rationales; deinde indigent eodem. quia sunt finitę, ac limitatę perfectionis, ideoque non sibi quique sufficientes naturaliter ad iucunditatem vitę. Si autem omnes Angeli essent dispares, nulli duo possent eiusmodi mutuam communicationem perfecte inire. Quia Angelus inferior alio Angelo non potest percipere perfe-

ctè, & adæquate conceptus superioris, ut patet; per se autem apparet molestum naturæ intellectuali finitæ, cum nullo posse agere æquè sapienti, & æquè bono, capace eadem omnia percipere, & conanti intra eandem sphæram. Tertiò credibile est, eadem proportionali ratione instructam à Deo esse pulchritudinem curiæ cælestis, & mundi huius sensibilis. Quia perfectus artifex omnes sui operis partes instruit proportionem mutua, & inter illa correspondentia, quantum fieri potest. Fieri autem potuit, ut liquet ex quæstione præcedenti, ut observaretur hæc etiam proportio inter spiritualia, & & corporalia quo ad diuersitatem specierum cum pluralitate indiuiduorum sub vnaquaque specie. Postremò potissima ratio multiplicandi indiuidua sub eadem specie infima est insufficiencia vnici indiuidui ad collectionem omnium operationum inuicem similium, quæ est necessaria ad perfectam dispositionem, ac directionem vniuersi. Huiusmodi autem insufficiencia manifestè deprehenditur inter alia ex deputatione singulorum scorsim Angelorum ad custodiam singulorum hominum. Nempe custodia vniuscuiusque hominis est eiusdem rationis cum custodia alterius hominis maximè, si vterque sit, uti sunt plerique assimilis conditionis, & sphære. Perperam autem, ac superuacaneè singuli Angeli singulis de-

pu;

putarentur hominibus, si vnus pro omnibus æquè sufficeret.

Ad 1. Negatur vnicam, & adæquatam rationem multipliciſſimæ indiuidualis sub eadem specie infima esse conseruationem speciei: tum quia nuper reddita est alia, eaque potior ratio eius multipliciſſimæ, quæ viget in Angelis non minus quàm in corruptibilibus; tum quia inde fieret totidem solum debuisse dari indiuidua cuiusque speciei corruptibilium, quot præcisè sufficerent ad perpetuam eius conseruationem. Cuius oppositum cernitur manifestè in omnibus rerum corruptibilium speciebus.

Ad 2. Estlo plus conferat ad pulchritudinem vniuersi diuersitas specierum, quàm pluralitas indiuiduorum eiusdem speciei seorsim sumpta; vtraque tamen simul pulchritudinem reddit maiorem, quam vtralibet seorsim, præsertim cum vnicuique indiuiduo inest aliquid peculiare, & diuersum ab ijs omnibus, quæ insunt reliquis indiuiduis, vti contingit in Angelis iuxta dicta in quæſtione præcedenti ab art. 4. Eadem igitur ratione, qua oportuit pro pulchritudine vniuersi vnde quaque completa, vt vltra speciem, aut species supremas Angelorum darentur mediæ etiam, & infimæ species, oportuit similiter, vt sub vnaquaque specie darentur plura indiuidua accidentaliter tantum inter se diuersa.

Ad 3. Repugnat vt ijs, qui destinandi sunt ad munera prorsus homogonea, & exigitiua æqualis prorsus virtutis in suo principio, conferatur substantialis, ac essentialis idoneitas specialis pro singulis eiusmodi ministerijs. Quia dispar in natura, & substantia eo ipso sunt habiles ad munera non solum plura, & distincta, sed etiam diuersa, ac heterogenea. Dictum autem est plurimum Angelorum munera, ac ministeria esse prorsus æqualia, ac homogonea;



Q V A E S T I O VII.

Vtrum Angeli assumant corpora.

I D E N T V R non assumere nec fieri posse, vt assumant
V 1. Quia corpus assumi à spiritu est hunc illi vniri, tanquã formam. Nepe assumere, est ad se sumere, quod fit per vnionem, nec fieri sine vnione vllò pacto potest. Angelus autem nequit vniri corpori, cum sit substantia pure spiritualis, & purè spiritualiter in se completa, adeoque inepta, quæ compleatur per corpus sibi vni-
 tum, vt apparet ex dictis quæst. 1. & 2. Ergo Angelus nequit assumere corpus.

2. Angelus sufficit sibi sine corpore ad omnes suas operationes perfectè exercendas. Alioquin postularet intrinsecè vnionem cum corpore, tamquam cum instrumento necessario ad operandum perfectè. Quæ fuit sententia Bernardi hom. 6. super Cant. vbi dicit: *Nemus Deo soli sicut immortalitatem, sic incorporeitatem, cuius natura sola neque propter se neque propter alium solatio indiget instrumenti corporei, Liqueat autem omnem spiritum creatum corporeo indigere solatio.* Sequela autem admitti non potest ob ea, quæ dicta sunt in eadem

dem quæst. 1. & 2, Ergo nec antecedens. Quod si absque corpore posset exercere perfecte omnes suas operationes perperam, penitusque inutiliter assumeret corpus. Nihil autem perperam, & inutiliter peragit Angelus. Non igitur assumit corpus, si ea suppositio est vera.

3. Si Angelus assumeret corpus apparet hominibus, atque ab eisdem existimaretur corporeus, & opere ipso diceret illis se esse corporeum. Quod est mentiri, & inducere in deceptionem. Angelus autem mentiri, ac decipere non potest. Quia peccare non potest.

4. Angelus assumpto corpore foret visibilis, & tangibilis, sicut homo, ac proinde esset indiscernibilis per visum, & tactum ab homine, aut ab alia substantia verè corporali. Fieri autem non potest, ut substantia purè spiritualis non possit certo discerni à substantia corporali. Alioquin fuisset insufficiens argumentum Christi Domini, quo probat suam resurrectionem Lucæ 24. 39. *Videte manus meas, & pedes quia ego sum. Palpate, & videte, quia spiritus carnem, & ossa non habet. sicut me videtis habere.* Ergo fieri non potest, ut Angelus assumat corpus, utque sub eo appareat hominibus.

5. Si Angelus assumeret corpus posset in eo edere operationes vitales videndi, audiendi, loquendi comedendi, & localiter progrediendi. Quia est perfectio

Etior quàm anima rationalis, quę eius-
modi operationes exercere valet in cor-
pore, cui adiungitur. Fieri autem non pos-
set, vt Angelus efficeret eiusmodi ope-
rationes per corpus, quin viuificaret
ipsum corpus. Quia operatio vitalis est
est actus proprius viuentis. Viuificare
autẽ corpus, est ipsum informare eidem-
que vniri tamquam formam. Quod iam
iterum dictum est repugnare Angelo.

Art. 1. Respondetur Assumere dicitur
tripliciter. Primo strictissimè pro vnio-
ne physica perfectiua assumpti per assu-
mens, qualis est assumptio humanitatis
per Verbum diuinum. Atque hic modus
assumptionis omnino repugnat Angelo
respectu corporis, cùm sit substantia
simplex essentialiter completa per se ip-
sam, adeoque incapax, vt compleatur
per corpus sibi vnitum, aut vt compleat
corpus per vnionem sui cum ipso. Immo
neque substantia Angeli est idonea, quę
terminet, & vltimè compleat naturam
corpoream, vt docent Vasquez, & alij.
Quia hoc differunt hypostasis creata, &
diuina, quod diuina præcontineat in se
omne genus perfectionis, ideoque potest
perficere intrinsecè, atque complere
quantum est ex se, quamlibet indiscrimi-
natam naturam. At hypostasis creata,
quia est finita, ac limitata ideo habet so-
lam eam perfectionem, qua solam eam
naturam perficere possit, cui connatura-

siter vnitur. Quæ quidem ratio probat
 vt obseruat idem Vasquez, ne quidem
 de potentia absoluta fieri posse, vt Ange-
 lica natura, aut eius hypostasis vniatur,
 vel hypostasi, vel naturæ vnione mutuò,
 vel non mutuò perfectiua intrinsecè suo-
 rum extremorum, Quia potentia absolu-
 ta Dei nihil potest peculiare quoad ge-
 nus causæ formalis, sicut potest multa
 quoad genus causæ efficientis.

Art. 2. Secundus assumptionis modus
 fit per vnionem assumentis cum assumpto
 præcisè in ordine ad locum, & in ratio-
 ne motoris, ac moti, & præterea cum
 vi repræsentatiua assumentis per id, quod
 assumitur. Atque hoc modo certum est
 ex fide Angelos posse assumere, & verè,
 ac realiter assumpsisse varia corpora.
 Quia libri Prophetarum, ac maximè To-
 biæ sunt pleni apparitionibus Angelorum
 in figura corporali, atque varijs eorum
 operationibus in corporibus, & per cor-
 pora assumpta. Illustrior præ cæteris est
 apparitio Dæmonis, & collocutio cum
 Eva sub specie serpentis ex 3. Genes. Il-
 lustres quoque, ac celebres sunt appari-
 tiones bonorum Angelorum sub specie
 hominum, factæ Abrahamo, Loth; &
 Jacob, quæ habentur Genes. cap. 18. &
 19. & 31 vbi etiam narratur lucta Ange-
 licum Jacob per totam noctem, Præte-
 rea in Euangelio habentur etiam plures
 eiusmodi apparitiones, Matthæi enim 4^o

Satan tentat Christum visibiliter, Et Luce 22. 43. apparet illi *Angelus de Cælo confortans eum*. Et act. 12. 7. Angelus Domini attitit Petro, illumque eduxit de carcere vt omittam alia eiusmodi quam plura. Istiusmodi porro apparitiones non fuisse purè imaginarias, vti imaginatus est Vdalricus in summa lib. 4. sed veras, ac reales cum vera, ac reali vnione penetratiua Angelorum ad corpora, & cum vera, ac reali motione corporum per Angelos, cūque vera apparentia, & repræsentatione Angelorum per figuram, & modum corporum sibi adiunctorum, perque operationes exercitas in ipsis, manifestissimè apparet. Tum ex realitate operationum corporalium, quæ exprimuntur in locis indicatis. Tum etiam quia vt optimè obseruat D. Thomas quæst. 51. artic. 2. quod apparet imaginariè tantum, est in sola imaginatione videntis. Angeli autem inducuntur in prædictis locis, vel certè in plerisque eorum perceptibiles indiscriminatim ab omnibus; maximè verò Angeli, qui apparuerunt Abraham viſi sue- re non solum ab Abraham, sed etiam a tota eius familia, necnon à Loth & à quibusuis promiscuè ciuibz Sodomorum, similiterque Angelus Tobiaz ab omnibus promiscuè videbatur. Quapropter veras, ac reales apparitiones corporales Angelorum, verasque, & reales assumptiones corporum per Angelos cum vi, & dispo-

sitione repræsentandi, & indicandi corporaliter, ac sensibilibiter ipsos Angelos unanimi consensu tuentur possibiles, ac sæpe existentes de facto, omnes Theologi cum magistro in 2. dist. 8. & cum D. Thom. loco nuper indicato.

Art. 3. Ratio possibilitatis est quia Angelis inest virtus sufficiens ad motum localem corporum, & ad configurationem ipsorum, qualis ipsis placuerit, & ad præstanda ea omnia, quæ per solam motionem localem corporum præstari possunt; quandoquidem hoc est minimum, quod circa corpora peragi potest. Atque Angeli aliquid peragere circa corpora possunt, cum sint directores eorum, ut superius dictum est, & inferius confirmabitur denuo. Per solas autem prædictas operationes peragitur assumptio corporum per Angelos, de qua nunc agitur, ut liquet ex eius expositione præmissa in articulo præcedenti initio. Ratio vero convenientiæ, ob quam pluries de facto ita apparuerint Angeli, atque assumpserint corpora, desumitur ex eo, quod Angeli ex sua natura sunt administratorij spiritus uti sæpius dictum est, & ut tales incumbunt directioni, & protectioni, & consolationi hominum. Homo verò plurimum dependet à sensu, & sensibilibus quoad directionem suorum actuum interiorum, & quoad internam protectionem, & consolationem, Fieri itaque non potuit,

tuit, vt omnes homines, & semper dirigerentur, protegerentur, atque consolationem consequerentur opportunam per Angelos, & tamen nunquam occurreret impossibilitas, ea præstandi, aut perfectissimè, & conuenientissimè præstandi, independenter ab assumptione corporis, & à vera, ac reali, verèque, ac realiter sensibili apparitione, & multiplici operatione corporali. Quæcumque autem ita sunt opportuna, ac necessaria ad fines intentos per diuinam providentiam, eadem Dei providentia cumulatè præstat in omni genere; quantum expedit.

Art. 4. Circa naturam porro corporis assumptibilis ab Angelis, ac de facto assumpti, licèt sit nonnulla diuersitas opinionum, ea tamen longè probabilior, quam tradit. D. Thomas in dicto art. 2. ad 3. & alibi non semel, alijque plures auctores cum eodem: Angelos nimirum plerumque assumere corpus aereum, atque hanc esse conuenientem præ cæteris materiam ex qua plerumque conformant sibi corpus humano simillimum. In primis enim cum Angeli sint naturæ essentialiter simplicis, magis eis congruit corpus simplex, quam mistum. Deinde cum assumant corpora ad breue tantum, modo tempus, quo elapso oportet, vt protinus dispareat corpus assumptum, eiusque configuratio humana; atque ter-

ra sit corpus tenacius figuræ semel susceptæ, nec ita facile dispareat; patet terram simul cum mixtis omnibus debuisse ordinariè excludi ab eiusmodi assumptione. Sed neque ignis, aut aqua conuenienter assumerentur. Quia huiusmodi assumptiones, & apparitiones sunt in gratiam hominum, utque ipsis familiariter adsint Angeli. Ignis autem propter vehementiam suæ actiuitatis esset nimis offensiuus respectu eorum, in quorum gratiam fierent apparitiones, neque frigiditati, & humiditati aquæ idem deesset inconueniens. Vnus aer est, & maxime simplex, & facile susceptiuus cuiusvis figuræ, & in qua eadem figura facilimè, ac citissimè euanescat, nihilque offendant hominem qui assidua eius inspirazione, & respiratione fouetur, ac proinde est maximè accommodatus ex sua natura, ut assumatur ab Angelis adiuncta per virtutem, & actiuitatem ipsorum constipatione partium, ac densitate congruenti, ut referat corpus humanum. Dixi autem ut plurimum hanc esse materiam assumptionis, quia nonnunquam expedit ut corpus assumptum sit naturæ, quæ non citò euanescat, ac dispareat, uti videre est in apparitione dæmonis sub figura serpentis in Paradiso. An vero aeri, quando assumitur interijciatur exigua aliqua quantitas corporis crassioris, sicut interijcitur in nubibus, quo exemplo uti-

tur D. Thomas vbi supra, affirmant D. Bonaventura, Scotus, & nonnulli alij. Sed non videtur id omnino necessarium, nec tanti ea res est, vt longior mora circa eam fieri debeat.

Art. 5. Tertius assumptionis modus late, ac improprie talis, ac raro sub ea voce usurpatus est per applicatione Angelicæ virtutis, & præsentiam eius, ad corpus præcisè vt substans motioni eius, absque repræsentatione Angelicæ naturæ per idem corpus. Quo pacto assunt Dæmon corpora hominum, quos obsidet, & dici quodammodo possunt assumere singuli Angeli singulos coelos, quibus mouendis adsunt, nec non singulos homines, quibus custodiendis, ac dirigendis inuigilant. Verùm de hoc assumptionis, seu quasi assumptionis genere dicendum est infra seorsim, nec ad præses attinet, vt quidquam dicatur. Quia hæc quæstio subinferitur in hoc loco à Diuo Thoma, atque à nobis subinferta est, tanquam appendix ad quæstionem de in corporeitate Angelorum ad cuius intelligentiam conferunt aliquid primus, & secundus modus assumptionis, tertius verò nihil. Eadem autem ratione prætermittitur à fortiori-examen apparitionis purè imaginariæ per puram apprehensionem phantasie, vel per oculos præstigijs delusos, de quo genere plura videri possunt apud DelRio, aliosque agentes de
Ma.

Magia, & aliquid à nobis, etiam suggereretur infra.

Ad 1. Patet responsio ex distinctione assumptionis praemissa supra artic. 1. & 2. Seclusa enim assumptione per vnionem assumptis, & assumpti, vel alterutris, quæ repugnat Angelo, superest assumptio per vnionem colligatiuam in ordine ad locum. & figuratiuam assumptis per assumptum, quæ non repugnat eidem.

Ad 2. Non existit Angelus gratia sui præcisè, nec operando soli incumbit propriæ vtilitati, cum sit administratorius spiritus, tametsi principaliter existat gratia sui, atque operationes eius ordinentur principaliter ad propriam vtilitatem. Vnde licet plerumque existat sine corpore sibi adiuncto: Aliquoties tamen oportet, vt assumat corpus, quatenus aliquando accidit, vt non possit aliter subuenire hominibus, quantum, & quomodo interest ipsorum; interfuit autem magis, vt id frequentius fieret in veteri testamento, quam in nouo, vt obseruat D. Thomas art. illo 2. ad 1. tum quia maiores erant tunc tenebræ generis humani, minorque capacitas proxima ad percipienda spiritualia, non subuenientibus extraordinario modo figuris corporalibus; tum maximè quia omnes illæ apparitiones Angelorum veteris testamenti erant opportunæ, & ordinabantur cum speciali vtilitate ad præfigurandam,

&

& pronunciandam apparitionem Verbi
 diuini in carne humana, & ad reddend-
 dam faciliorem postea in nouissimis tem-
 poribus fidem illius. Iam sententia il-
 la Bernardi procedit ex opinione eius
 iam ante reiecta de corporalitate Ange-
 lorum, nisi accipiatur, vt vult D. Tho-
 mas de indigentia corporis, non ad pro-
 prium intrinsecum complementum, sed
 tanquam instrumenti aliquando necessa-
 rij ad actiones alijs vtilis, ideoque ad té-
 pus assumpti modo dicto. Verum de
 modis interpretandi aliquos ex Sanctis.
 PP. quorum aliquæ locutiones videntur
 tribuere Angelis corpora connaturaliter
 vnita, & completiua eorum, dictum est
 iam vniuersaliter supra.

Ad 3. Sicut nos, quia cognoscimus in-
 sensibilia mediantibus sensibilibus, co-
 gnoscimus illa ad modum istorum, quin
 propterea affirmemus insensibilia esse
 sensibilia, aut credamus talem esse mo-
 dum, quo Angeli sunt in se, qualis est
 modus, quo cognoscuntur à nobis ita
 etiam Angelus assumens corpus, atque
 sub eius velamine apparens, non prop-
 terea dicit, aut vllatenus significat se
 esse corporeum, sed se esse perfectius,
 qualis imperfectè apparet, ac subluce-
 per corpus, & per operationes, quas me-
 diante corpore exercet. In quibus ni-
 mirum apparet vis intellectiua latentis
 sub

sub corpore, & directiva hominis, atque
sufficiens ad custodiam eius.

Ad 4. Optimè observat Vasquez disp.
184. cap.2. licèt Angeli apparentes cor-
poraliter sint indiscernibiles per negli-
gentem primi occurfus observationem, ,
quatenus corpus assumptum utcumque
aëreum, ac tenue, esset resistitium ta-
ctus propter constipationem, & conden-
sationem eius præternaturaliter super-
additam, & propter colores ulterius su-
perinductos humanis simillimos, esse
nihilominus discernibiles absolutè per
accuratam inspectionem. Quia est im-
possibile, ut Angelus inducat in corpus
non vivens omnes qualitates, totumque
temperamentum proprium corporis vi-
ventis. Quia ipse ex se actiuitatem im-
mediatam ad id sufficientem nequaquam
habet, nec potest applicare causas cor-
porales ad id ipsum sufficientes, quin
deprehendatur ab adstantibus, si & ab-
solutè id impossibile non est. Examen
autem sui per inspectionem, & conta-
ctum, quod exigit Christus Dominus à
Discipulis fuit diligentissimum ut appa-
ret ex contextu illo Lucae, & ex cap. 20.
Joannis. Accedit Angelos bonos semper
in eiusmodi apparitionibus interijcere
aliquas actiones, ex quibus tandem in-
notescat, certo, ac legitimè natura ip-
sorum. Mali vero innotescunt satis, no-
lenti

lenti decipi ex praua eorum intentione ;
quam manifestant operationes ipsorum.

Ad 5. Operationes, & effectus viuentium proprij sunt induplici differentia. Quia in quibusdam non solus modus operandi, seu actio est vitalis; sed etiam substantia operis, & terminus vitaliter productus est intrinsece vitalis, vt patet in intellectione, volitione, visione, auditione, & similibus. Atque operationes huiusmodi nullas potest edere Angelus in corpore, aut per corpus assumptum. Quia nequit ipsum viuificare, nec vti nō viuo ad aliquid vitale, qua vitale est peragendum. Aliæ viuentium operationes sunt, in quibus solus modus operandi, & actio est intrinsece vitalis, terminus vero productus est vitalis per solam denominationem extrinsecam. Huiusmodi sunt locutio, comestio, generatio, & motus progressiuus. Quia sonus editus per vitalem aeris concussionem, qui in locutione intercedit, non est intrinsecè vitalis; idemque dicitur de traiectione cibi in stomachum, nec non de traductione seminis ab vno corpore in aliud; nec non de transitu corporis de vno loco in aliū. Atq; huiusmodi operationes potest exercere Angelus in corpore, & per corpus assumptum cum imitatione, sed absque realitate vitalitatis. Quia nimirum hoc non transcendit limites virtutis actiuae sufficientis ad mouenda localiter corpora,

ea, quam certum est inesse Angelo, & bono, & malo. Patet autem nihil hoc prodesse pro scopo argumenti.

Q V A E S T I O VIII.

Vtrum duratio Angeli sit indiuisibilis.

I D E T V R esse indiuisibilis 1. Quia aeternitas est duratio indiuisibilis. Angelus autem durat aeternitate vt habetur ex Basil. hom. 1. Hexam ad illud in principio creauit. Erat scilicet. ait, status quidam mundi generatione superior, abstractis illis à concretionibus materiae potentijs (Angelis) mundo praestantioribus, pro decore accommodatus, temporis etiam conditione anterior, aeternus nimirum, ac perpetuus. Ergo duratio Angeli est indiuisibilis.

2. Duratio diuisibilis habet partes priores, & posteriores; Vbi autem est prius, & posterius datur numerus. Quia posterius superadditum priori constituit multitudinem numerabilem secundum ordinem eorum. At numerus est species quantitatis ex Philosopho. Cum igitur Angelus sit expers quantitatis, utpote incorporeus, vt superius dictum est, est omnino incapax durationis diuisibilis.

3. Si

3. Si duratio Angeli est indiuisibilis, nihil differt à tempore. Quia tempus est numerus motus secundum prius, & posterius, vt definit Philosophus. Duratio autem quælibet diuisibilis est numerabilis secundum prius, & posterius, vt per se patet, & ex ratione modo indicata. Duratio autem Angeli est longè diuersa à tempore. Quia Angelus durat æuo, vt fert communis omnium sententia. Aeuum autem est duratio media inter æternitatem, & tempus æquè diuersa ab utroque hoc extremo. Quod iudem docetur cõmuniter ab omnibus. Omnes enim distinguunt durationem in æternitate, æuū & tempus.

4. Duratio est proprietas rei durantis. Proprietas autem cuiusque rei participat naturam eius, & essentialiter est imitatio quædam eius. Cum ergo Angelus sit indiuisibilis quoad suam naturam, oportet durationem quoque eius esse indiuisibilem.

5. Immo duratio est indistincta à re durante, vt docent Suarez, & alij plures. Impossibile igitur est durationem Angeli, qui est essentialiter indiuisibilis, diuisibilem esse.

Sed contra est 1. Quia vt dicit August. lib. 8. super Genes. ad litt. cap. 20. *Deus mouet creaturam spiritualem per tempus.* Tempus autem est duratio diuisibilis. Ergo Deus mouet Angelos per durationem diuisibilem,

2. Duratio cuiusque rei est determinatio eius ad permanendum in esse. Determinatio autem Angeli ad permanendum in esse, est diuisibilis. Quia posita determinatione eius, ut sit hodie, potest deesse determinatio eius ut sit cras; quandoquidem existens hodie potest annihilari cras de potentia absoluta.

3. Angeli durant sicut animæ rationales. Quia utrisque est uniformiter communis immortalitas, & æuiternitas. Animæ autem rationales durant duratione diuisibili. Quia anima, quæ hodie creatur, & infunditur corpori, minus habet de duratione, quam anima Adæ, aut aliorum hominum, qui præcessere, Vbi autem datur plus, & minus, datur utique diuisio, nec augmentum, & additio fieri potest absque distinctione inter alias, & alias partes. Duratio igitur animarum & consequenter Angelorum, est diuisibilis.

4. Quæ sunt separabilia, sunt diuisibilia. Duratio autem Angeli hodierna est separabilis à duratione eius crastina. Quia fieri potest absolute, ut existat hodie, & annihiletur cras, atque adeo ut detur duratio eius hodierna, & nihilominus non detur crastina. Quæ autem separabiliora esse possunt, quam ea, quorum altero dato fieri nihilominus potest, ut alterum non detur.

5. *Proprium est solius Dei, quod non no-*
uetur

uerit fuisse, aut futurum, vt dicit Gloisa. Exodi 3. ex Iliodoro lib. 7. Etymolog. c. 1. atque tantum diuinum nunc idem semper perseuerat, vt dicit Boetius lib. 1. de Trinit. referente Scoto. Ergo nullius rei creatæ, ac proinde nec Angeli *nunc* idem semper perseuerat, sed habet fuisse, & futurum esse, in quæ proinde extrema diuisibilis est.

6. Duratio Angeli à parte post est infinita. Vnde si duratio Angeli esset diuisibilis, & tota simul, aliquid creatum esset infinitum in actu. Quod repugnat, quia solus Deus est actu infinitus, vt dictum est quæst. 7. de Deo.

Art. 1. Respondetur. Ponendum initio est hoc, durationi, & vocationi Angeli commune, immo & durationi, atque vocationi omnis rei creatæ vniuersaliter conueniens. Nimirum non minus repugnare Angelo, & cuius enti creato, vt nulli, bi, aut nunquam determinatè sit ex suppositione, quod verè existat in se intrinsecè à parte rei, quàm vt vbiq; aut sèper sit. Repugnat enim manifeste vt aliquid creatum sit præsens positivè immensitati, & æternitati Dei, vti necesse est quemlibet effectum esse præsentem suæ causæ efficienti, quatenus efficientia, quæ accipit suum esse; & nihilominus nec sit præsens positivè eisdem æternitati, & immensitati totis, & totaliter, nec excludatur à terminatè ab ulla illarum parte, aut

aut quali parte ; siue vt Deus ponat à parte rei veram , & positiuam Angeli praesentiam , & coexistentiam respectu sui ; Et tamen nullam determinatè praesentiā & coexistentiā ponat determinatè à parte rei , cum nihil vagum , ac indeterminatum dari possit à parte rei intrinsecè , ac entitatiuè . Sicut igitur Deus nihil creare potest , quin illi communicet aliquam participationem determinatam sui esse , adeoque determinatam entitatem ; ita fieri non potest , vt aliquid creet , quin illi communicet aliquam participationē suæ , & æternitatis , & immensitatis . Tam enim necesse est , vt quidquid creat , creet alicubi , & aliquando , & non semper , aut vbique , aut nullibi , vel nunquam ; quam necesse est , vt quidquid creat , faciat aliquid esse determinatè tale , & non aut habens totam plenitudinem essendi in omni genere , aut nihil determinatè habens de esse . Accedit , Angelos ex sua natura esse ordinatos ad operandum circa corpora , & circa se inuicem . Id quod fieri non potest absque duratione , & vbi-catione , quibus coexistent , & reddantur indistantes respectu eorum determinatè subiectorum , circa quæ operatio versari debet , cum sit de ratione causæ , vt coexistat suæ operationi , vtque non distet à subiecto , in quo , vel circa quod operatur . Igitur Angeli siue comparentur cum Deo , cuius sunt effectus , siue

cum

cum rebus creatis , in quibus agere , & operari, eos oportet, necesse est, ut alicubi, & aliquando sint determinate , nec fieri potest ut absoluantur ab omni aut duratione , aut vocatione determinata.

Art. 2. Dicendum rursus est, eundem promissum de duratione , & vocatione , utramque esse modum superadditum Angelo . Quia nimirum Angelus est ex sua natura indifferens , ut creetur, & conseruetur à Deo prius , vel posterius, hic, aut alibi , prout ipsi placuerit . sicut enim Deus creavit Angelos de facto simul cum mundo corporeo , atque in Paradiso, seu in supremo Cœlo ; ita potuit creare, vel ante, vel post mundum corporeum, atque in concavo lunæ , aut in aere , aut in terra . Et rursus sicut operantur singuli Angeli circa talia determinatè corpora existentia in tali determinato loco , & pro tali determinato tempore ; ita fieri potuit ut à Deo ordinarentur , ac disponentur proximè ad operandum circa corpora existentia alibi , & alio tempore . Ipsi quin etiam Angeli possunt propria voluntate applicari ad agendum modo hic modo alibi , & circa tale determinatum corpus pro tali determinato tempore , & non pro alio . Vtraque igitur ratione apparet Angelos , licet sint intrinsece determinati, ut sint; nihilominus esse indifferentes , ad talem , vel talem potius, quam ad aliam quamlibet determina-

natam, & durationem, & vocationem. Determinatio autem indifferentis ad aliqua duo, vel plura aliquid addit ipsi indifferenti. Non enim est aliquid indifferens, simulque determinatum ad vnum, & idem præcisè per se ipsum. Quid quidem est evidentissimum in ente finito, ac limitato. Quia quodlibet indifferens ad plura est eo ipso separabile a determinatione respectu cuiuslibet ex illis determinate sumpta, ut per se patet. Patet autem æquè clare quæ sunt inuicem separabilia realiter, esse inuicem distincta realiter. Verum de hoc fusius in philosophia. Ratio enim proposita sufficit, quantum quidem ego assequor, quidquid reclamant nonnulli, ut supponatur tanquam certum vocationem, & durationem Angeli esse modos realiter ipsi superadditos, atq; ab eodem realiter distinctos non minus, aut aliter, quam distinguantur intellectio, & volitio. Superest iam ut explicetur tantum qualis sit vterque modus an diuisibilis, an indiuisibilis. Atque de vocatione dicetur in quaestione sequenti.

Art. 3 Quod ad durationem attinet in genere, tres eius differentiae assignantur communiter, æternitas, æuum, & tempus. Quæ diuisio nititur tripliei rerum differentia. Alia namque sunt obnoxia generationi, & corruptioni, atque transmutationi, quæ momentis omnibus sub-
iunct mutationem aliquam, ratione cuius

magis, & magis appropinquant semper ad interitum, & non esse suum. Quæ proinde mensurantur tempore inductiuo senectutis, & corrosiuo rerum, quas afficit, neque aliquam eorum permittenti, vt vel vno instanti maneat in eo statu, ac dispositione, in qua fuit prius. Extremum huic oppositum est Deus essentialiter immortalis, atque immutabilis non solum substantialiter, sed etiam accidentaliter. Cuius proinde mensura est æternitas: id est *interminabilis vita tota simul, & perfecta possessio*, vt fert cõmunis definitio ex Boetio, de qua dictum est quæst. 8. de Deo. Tertium rerum genus complectitur substantias ex sua natura permanentes æternum, ex quo semel existunt, inuariabiles quidem substantialiter, atque immutabiles, commutabiles tamen, & variabiles accidentaliter. Quæ proinde substantiæ durant æuo, quod est duratio media inter æternitatem, & tempus, sicut substantiæ creatæ incorruptibiles sunt mediæ inter Deum, & corruptibilia. Verum quia substantiæ creatæ incorruptibiles plus distant à natura Dei, quam à natura rerum corruptibilium, prout iterum dictum est supra, propterea æuum quoque differt plus ab æternitate, quam à tempore. Duobus autem præcipuè distant à Deo substantiæ creatæ incorruptibiles. Primo quia non repugant metaphysicè, vt redigantur ad nihilum, possuntque absolute

Inte, licet non possint ex natura rei desinere esse, postquam existerent. Quod repugnat Deo. Deinde differunt, quia possunt etiam naturaliter subire multiplicem mutationem accidentalem transeundo à bono opere ad malum, & peccatum ab intellectione, & volitione unius obiecti ad intellectiōnem, & volitionem alterius obiecti, & sic de alijs eiusmodi. A rebus vero corruptibilibus differunt præcipuè, quia sunt incapaces alterationis tendentis ad corruptionem subiecti ex ipsa natura rei. Aeuum itaque, quod est mensura substantiarum incorruptibilium, quatenus hæc differunt à Deo, habet partes realiter inter se distinctas, quarum aliæ alijs succedunt essentialiter, eoque differt ab æternitate, & convenit cū tempore. At quatenus eadem substantiæ sunt incorruptibiles ex natura rei, seu quatenus differunt à corruptibilibus, eadem partes qui fluunt cum omnimoda inter se uniformitate, ac indiscernibilitate intrinseca secundum se præcisè.

Art 4. Ratio distinguendi partes in æuo, est; quia non potest fieri nequidem de potentia Dei absoluta, ut, quod non habet partes realiter inter se distinctas partim sit, & partim non sit. Fieri autem potest de potentia Dei absoluta, ut æuum Angelicum partim sit, & partim non sit. Cum enim æuum sit id, per quod in genere causæ formalis Angelus deter-

mi,

minatur ad permanendum in esse ; fieri vero possit de potentia absoluta , vt Angelus aliquādiu permaneat in esse , ac deinde non permaneat , fieri vtique potest de potentia absoluta , vt partim sit , & partim non sit æuum Angelicū , per quod Angelus permanet in esse , in genere causæ formalis . Vnde Angelum fuisse , vel futurum esse , non differt secundum solam acceptionem intellectus nostri , sed secundum ipsam realitatem obiectiuam . Quia Angelum existere heri , atque coexistere rebus corruptibilibus , & differentijs tēporis existentibus heri , eundemque non existere hodie , neque coexistere rebus corruptibilibus . & differentijs temporis existentibus hodie , non accidit secundum acceptionem nostri intellectus , sed secundum realitatem obiectiuam . Non igitur accidit secundum solam acceptionem nostri intellectus , sed secundum ipsam realitatem , vt ratio formalis , per quam Angelus determinatur , vt existat heri , & coexistat rebus hesternis , detur à parti rei , & nihilominus non detur à parte rei ratio formalis , per quam idē determinari potuisset , vt existeret hodie & coexisteret rebus hodiernis . Eadem itaque ratione , qua nuper ostensum est durationem Angeli esse distinctam realiter , atque realiter separabilem ab eius substantia secundum se , probatur eundem efficaciter eandem durationem , seu eū

habere partes realiter inter se distinctas. Quia sicut Angelus est indifferens ex sua natura, ut creetur nunc vel prius, vel posterius; ita eius duratio, quatenus iam inchoata est indifferens respectu potentiae absolutae Dei, ut continuetur, vel non continuetur, utque diutius, vel eternum continuetur, vel non continuetur. Unde quia nihil est indifferens respectu sui, vel respectu cuiusquam secum realiter identificati, utque ipso dato ipsum nihilominus non detur, aut non detur aliquid, quod est idem realiter cum ipso; concluditur æuum quatenus correspondet tempori hesterno, & quatenus hodierno tempori correspondet, habere partes realiter inter se distinctas, eoque ab aeternitate differre, quæ est simplicissima. Et quidem si æuum nullis esset partibus realiter diuiduum, nihil differret ab aeternitate sumpta formaliter. Quia æuum sicut à parte post est prorsus indefinitum, nullisque finibus conclusum; ita est quoad conceptum suum metaphysicū indefinitum à parte ante, nullisque finibus conclusum. Quia nullum est assignabile, vel imaginabile nunc determinatum durationis, pro quo Deus potuerit Angelum creare, ante quod non potuerit creare eundem. Quapropter, si æuum Angelicum quatenus respicit permanentiam à parte post, nullas habet partes, sed per indiuisibilem entitatem infinitum di.

distenditur, nec etiam quatenus respicit
parmanentiam à parte ante vllas habebit
partes, sed per indiuisibilem entitatem
distendetur infinitum, ac proinde erit
æquale æternitati, & æque indiuisum,
ac ipsa. Quod est absurdum.

Art. 5. Ratio omnimodæ vniformitatis,
totalisq; indiscernibilitatis mutux inter
partes æui fûdatur in vniformi, ac inuari-
bili substâcialiter permanetia Angeli. Sicut
enim superius q. 4. dictû est Angelos eius-
dem infimæ speciei non esse ex sua natura
discernibiles mutuò, si considerentur se-
cundum se præcisè, & nisi insit eis aliquid
per quod referantur ad diuersa corpora,
Ita simili fundamento dicendum est par-
tes æui esse secundum se omnino similes,
ac indiscernibiles inuicem. Quia videli-
cet fundamentum, ex quo resultant, vni-
formiter, eodemque penitus modo se
habet semper, quod ad substantiam atti-
net. Nec enim Angelus iuuenescit, sene-
scit, & appropinquat ad interitum sicut
homo, sed semper æquè, eodemque
modo viget. Vnde in Angelo nihil dif-
fert duratio anni centesimi, à, duratione
anni millesimi, & sic de aliis differentiis.
ideoque aspiciens ad præsentem quando-
cumque durationem eiusdem nihil conij-
cere potest, sicut potest in homine, de
multa, pauca, aut nulla prorsus duratio-
ne præexistenti. Hac de causa æuum An-
gelicum dici potest indiuisibile funda-

mentaliter, licet formaliter sit diuisibile, cum tempus sit diuisibile non solum formaliter, sed etiam fundametaliter. Quia videlicet substantiae corruptibiles sunt dispariter affectae semper quoad vltiorē suam durationem, & permanentiam; Angelus verò semper est vniformiter affectus quoad eandem, nec pro inducenda duratione sequenti eget alio suae substantiae superaddito, praeter durationem praecedentem omnino similem eidem sequenti durationi.

Art. 6. An verò æuum Angelicum dicendum sit absolute indiuisibile propter indiuisibilitatē sui fundamenti, & propter vniformitatem, ac indiscernibilitatem mutui omnium suarum partium; an vero diuisibile propter realem metaphysicam distinctionem suarum partium; quaestio est de voce. Placet verò loqui eum D. Thoma, alijsque communiter dicentibus æuum esse indiuisibile, habita maiori consideratione fundamenti ex quo resultat, quod est valde notius, quam intrinsecæ suae constitutionis, quæ ab eodem D. Thoma, maximè vero à Caietano, nec non à Suarez, & alijs dicitur abstrusissima. Accedit commodius esse inde denominare æuum, vnde maximè differt à tempore, pro clariori vtriusque distinctione, & pro expeditiore disputationum usu. Differt autem æuum à tempore per ea duo præcipue, ac maximè,

ab quæ indiuisibilitas adscripta est æuo.
Nihil porro necesse est dicere, ac super-
addere circa durationem operationum
Angeli, quando apud omnes meritò re-
ceptum est, illas durare per tempus di-
cretum, seu per instantia minimè con-
tinua. De quo tamen infra opportunè
aliquid adijcietur.

Ad 1. Partis affirmantis indiuisibilita-
tem æui. Basilus loquitur de æternita-
te à parte post, eaque ut magis exponat,
addit perpetuitatem, quæ non solum ex
suo conceptu, sed etiam ex communi
modo loquendi admittit partes realiter
distinctas ut patet in motu perpetuo Cœ-
lorum.

Ad 2. D. Thomas in hac 1. p. quæst.
30. distinguit optimè duas species nume-
ri. Alius nempe est fundatus in vnitatem
& multiplicitate transcendentali, atque
hic non est species quantitatis. Alioquin
personæ diuinæ quæ sunt plures, & nu-
merabiles, haberent adiunctam quanti-
tatem; necnon Angeli ratione multipli-
catis specificæ, & sic de alijs rebus spi-
ritualibus utcumque realiter distinctis.
Alius verò numerus est, qui fundatur in
diuisione continui materialis, cuius par-
tes habent discernibilitatem mutuam si-
bi deuinctam ex sua natura, ut innotuit
quæst. 5. art. 2. Partes autem æui Angeli-
ci non sunt huius posterioris generis. sed
prioris, ut liquet ex dictis paulo prius.

Ad 3. *Æuum Angelicum* longè differt à tempore, tametsi commune sit vtrique habere partes. Quia *æuum* non est numerus motus, nec fundatur in motu, sicut tempus.

Ad 4. *Duratio Angeli* participat naturam eius propter vniformitatē intrinsecè inuariabilem omnium suarum partium superius explicatam. De reliquo notum est species Angelicas, & ex sententia satis communi potentias quoque, que intellectiuam, & volitiuam esse inter se distinctas, tametsi infint naturæ indiuisibili.

Ad 5. Sententia illa Suarez pluribus à me reiecta est efficaciter in philosophia, & ratio nuper p. oposita ar. 4. demonstrat satis, eam admitti nequaquam debere. Qualiscumque autem sit probabilitas illius opinionis, ea supposita nullus est cōtrouersix locus in re presenti, cūm pariter supponatur Angelum esse indiuisibilem, vt mirum videri possit, eundem Suarez tam fusè disputare de ea nihilominus potuisse disputatione 50. metaph. sect. 5. vbi supponit ex antea discussis in distinctione durationis à re duranti.

Ad 1. Partis affirmantis diuisibilitatem eui. Augustinus *æuum Angelicum* dicit tempus latiori huius vocis significatione, propter conuenientiam æui. & temporis, quoad distinctionem, & successionem partium; vel quod magis est
con.

conformē menti eius loquitur de motio-
ne Angeli accidentali ad suas operatio-
nes, quę re ipsa fiunt per tempus discre-
tum, demptis operationibus beatificis,
quę sunt æuiternę. Ad reliqua eiusdem
partis conceditur totum, iuxta sensum
partium æui, in quo rectē concludunt,
præter sextum. Quia licet æuum esset
penitus indiuisibile, non esset infinitum
simpliciter, tum quia nihilominus foret
finitum ex vna parte, nempe à parte an-
te, vt statuunt auctores eius sententię,
tum quia esset infinitum tantum in quo-
dam determinato genere, & se-
cundum quid, nec pertingeret
ad infinitatem, qua-

lis est infinitas.

Dei.



Q V A E S T I O IX.

Virum Angelus sit in loco.

I D E T V R non esse in loco 1. Quia corporibus conuenit esse in loco, quatenus eorum interest, esse hic, & non alibi, pro sua conseruatione, & perfectione. Angelorum autem nihil interest esse hic, aut alibi, immodò nullibi ipsorum interest, ut adsint, quia ubilibet æqualiter potest influere in ipsos Deus, à quo solo dependent, & accipiant omnem suam perfectionem. Cum ergo nihil cuiquam inutiliter inditum sit à natura, non est ab ea inditum. Angelis, ut sint in loco.

2. Locus est superficies corporis ambientis, ut dicitur 4. physic. Repugnat autem Angelo ut ipsum ambiat corpus aliquod, cum sit incorporeus, ideoque incommensurabilis corpori, & incapax circumclusionis, ac circumscriptionis. Repugnat igitur locus Angelo. Eodem pertinet, quod locus est quantitas positionem habens. Repugnat enim Angelo positio, & situs, qui est proprietas quantitatis, cum repugnet eidem quantitas.

3. Non omne quod est, esse in loco, sed tantum corpus mobile est principium
Phi.

Philosophi 4. physic, tex. 45. & 57. Angelus autem non est corpus mobile, ut dictum est supra. Et præterea si quid potest esse, quin sit in loco, tale proculdubio est, quod est purè spirituale, ideoque minimum omnium indigum subsidio loci. Qua de causa dicit Boetius in lib. de Hebdom. sub initium, *communem animi conceptionem apud sapientes esse, incorporalia in loco non esse*. Vnde videtur ad crassam, ac fallacem imaginationem phantasie pertinere, quod Angelis insipienter adscribatur locus.

4. Si Angelicæ naturæ non repugnet esse in loco possent plures Angeli esse simul in eodem loco; & vice versa, unus Angelus posset esse simul in pluribus locis inuicem distantibus. Quia Angeli ratione spiritualitatis suæ substantialis nō possūt dici impenetrabiles mutuo; & quia perfectione sua longè superant perfectionem quamplurimum corporum simultaneè sumptorum, potest unusquislibet eorum præstare, quod præstant plura corpora, quoad ea, quæ sibi aliundè non repugnat. Vtrumque autem est inconueniens. Primum quia perperam adessent plures Angeli simul in eodem loco, cum quilibet se solo sit sufficiens ad omnia, quæ peragi possunt in vnoquoque loco. Et confirmatur quia vnumquodlibet corpus sufficit vnicuique loco, proptereaque est impossibile, ut sint duo corpora simul in eodem

codem loco. Alterum verò est similiter inconueniens. Quia si idem Angelus posset simul esse in pluribus locis inuicem distantibus, posset distare à se ipso. Quia quæcumque sunt in locis inuicem distantibus, distant inuicem. Distantia autem alicuius à se ipso est manifestè chymærica. Quia vnumquodlibet essentialiter est sumè coniunctum sibi, nec est possibilis conjunctio maior, quæque magis repugnet separationi, & distantiae, quàm identitas.

Art. 1. Respondetur. Non hoc solum est incommodum in transitu considerationis à sensibilibus ad insensibilia, quod intellectus noster dependens à sensu, & sensibilibus assuetus, ægrè, nec sine violentia quadam emergit ad insensibilia, eaque propterea facile, aut partim confundit cum sensibilibus, aut nimium ab eorundem modo, & natura diuellit; sed hoc insuper aliud intercedit incommodum, quod disputationibus aliorum cum alijs diuersarum præsertim scholarum grauitèr nocet; quod necesse est, magna saltem ex parte, voces primitus inditas rebus materialibus traducere ad res spirituales illis affines. Vnde fit, vt quod dicitur de re spiritali sub voce propria rerum materialium, accipiatur in sensu illegitimo, atque applicetur ab audiente, vel legente, & traducatur ad rem spirituale non sub intellecta ea restrictione, seu

seu modificatione, quæ aderat in conceptu loquentis, aut scribentis. Quæ tamen si communia sint toti doctrinæ de rebus spiritualibus, tamen in quæstione præfenti locum vel maximè habent, ut conijcere quivis facile potest legens circa ipsam Scotistas, ac Nominales, & Thomistas, maximè verò Caietanum in quæst. 52. art. 1. Quod inde emanasse crediderim, quia sicut in rebus corporeis, quæ sunt minima, ut atomi, & quæ propè atomos, difficillimè discernuntur per visum; ita in intellectualibus, quæ sunt infimæ, ac tenuissimæ perfectionis difficillimè percipiuntur, & inuicem distinguuntur per intellectum; atque præsentia localis est huiusmodi, tam in spiritualibus, quam in corporalibus. Vnde fit, ut plures sententiæ, quæ apparent summè discrepantes inter se, differant solum voce tenus, nihilque re ipsa differant. Quapropter conatus meus erit, non ut diligentissimè, magnaque cum arduitate rem hanc discutiam, quod esset ultra dignitatem materiæ nulloque fructu; sed ut brevissimè, & quam clarissimè dicam.

Art. 2. Ponendum est initio cum Mag. in 1. dist. 37. D. Thoma quæst. 52. art. 1. & cum cæteris ibidem communiter, Angelos non esse in loco propriè; sicut sunt corpora, sed analogicè, & impropriè cum quidam eorum imitatione. Quia locus, ut nuper assumebatur, definitur super.

perficiens corporis ambientis. Angelus autem nulla corporis superficies ambire proprie, & quasi circumclusura tenere potest. Quia cum sit penitus expers molis, & quantitatis, est penetrabilis cum quolibet corpore. Et cum ob eandem rationem sit praeditus ubicatione minime capaci situs, & positionis, ac figure, non potest commensurari corpori prope se posito, atque indistanti unde quaque. Nempè non sunt idem, esse praesens loco, atque indistans ab eodem proprie, & formaliter; & esse in loco proprie, & formaliter. Deus enim proprie, & formaliter est praesens omnibus locis, atque indistans ab eisdem; & tamen in nullo loco est proprie, ac formaliter, sed causaliter, ut exponit D. Thomas quaest. 8. art. 2. nec non Caietanus ibidem in fine commentarii, & alij communiter, quibus subscripsi quaest. 7. de Deo.

Art. 3. Quapropter claritatis gratia, potest distingui in Angelo duplex modus praesentia litatis, & indistantiae respectu loci. Alius est metaphysicus constitutus per puram indistantiam eiusdem à loco absque commensuratione sui cum ipso, & absque circumscriptione per superficiem corporis ambientis. Ad eum videlicet modum, quo idem Angelus foret indistans à Deo nullo existente corpore, ac per consequens nullo existente loco, proprie, ac strictè tali. Alter modus est physicus,

ficus, per inclusionem eiusdem Angeli in loco, ad eum modum, quo anima rationalis includitur in loco, quamdiu est vnica corpori. Primus modus essendi in loco conuenit Angelo independenter à corpore, & fieri minimè potest etiam diuinitus, vt eo saltem modo non sit alicubi determinatè, vt liquet ex principio posito in quæstione præcedenti sub initio. Secundus modus essendi in loco conuenit eidem dependenter à corpore, seu per adhæSIONem aliquam ad corpus, nec potest aliter conuenire, vt liquet ex loci, & existentie in loco expositione modo data. Quia vero Philosophus nomine loci, & existentie in loco, physicum, & locum & modum existendi in loco, proprium corporum vbique intelligit absolutè, atque D. Thomas, vt est Aristotelicæ, & locutionis, & sententie vbique retinētissimus iisdemq; vocibus significat, eumq; plerique Thomistæ imitantur; Ex alia vero parte Neoterici non pauci abeunt in metaphysicas earundem rerum cōsiderationes, & locutiones vsurpant illis accommodatas; Atque inde emanauit in præfenti oppositio inter vtrosque, & alios etiam nonnullos antiquiores, specie quidem, sententiarum, re autem ipsa, quantum ego assequor, non nisi vocum; Propterea operæpretium futurum est, vt sub distinctione data legitimam proferamus sententiam in hac, & sequenti quæstione

ne

ne circa quæstiunculas, & notas auctoris opiniones, seu locutiones de loco, & motu Angelorum,

Art. 4. Dicendum itaque primo est, Angelum esse in loco physicè per solam operationem actiuam, aut passiuam circa corpus, aut per applicationem virtutis ad operandum: Metaphysicè vero independentè à corpore, & ab operatione, aut applicatione circa illud, per ubicationem purè spirituales. Probatur prior pars, quæ est conformis, & menti, & phrasi D. Thomæ loco indicato. Quia esse in loco physicè, & per modum corporum, non potest conuenire Angelo, nisi per adhæSIONEM ad corpus, uti nuper expositum est. Huiusmodi autem adhæSIONEM, cum habere non possit per vnionem informatiuam corporis, ut liquet ex dictis quæst. 7. sub initium, necesse est, ut habeat solum per operationem, vel actiuam, qua moueat corpus, ut mouet Coelum, vel passiuam, qua corpus agat in ipsum, ut ignis agit in doemones, vel per applicationem virtutis factam suam, vel alterius voluntate, ratione cuius in actu primo proximo, seu inchoatiuè incipit esse in loco corporis, circa quod, vel à quo operatio esse debet. Altera pars de præsentia metaphysica respectu loci patet ex præindicata quæstione præcedenti. Quia scilicet Angelus, & si nullum esset corpus in rerum natura, esset præ-

sens

sens Deo. Non autem ubique. Quod repugnat naturæ finitæ, ac limitatæ, ut ibidem dictum est, & aduertit inter alios Suarez lib. 4. cap. 1. contra Durandum. Ergo alicubi. Ergo Angelus independenter à corpore, & ab omni ordine ad corpus est determinatus ad aliquam partem spatij imaginarij per vocationem purè spirituales, sicut Deus per immensitatē est determinatus ad omnes eiusdem partes collectivè. Adde, antecederet ad operationem circa corpus, necesse esse, ut Angelus adsit spatio, ubi est corpus, cum nullum agens possit operari indistinctè, seu in non proximo sibi. ac præsens priori naturæ ad operationem, cuius munus primum non est determinare formaliter ad spatium, sed agere, ac ponere, à parte rei aliquid. Priorem solam partem intendunt re ipsa plerique Thomistæ aientes Angelum esse in loco per solam operationem circa corpus, aut per applicationem virtutis. Posteriores vero solam intendunt re ipsa Suarez, & alij moderni dicentes eundem esse in loco independenter ab ea, & operatione, & applicatione. Unde omnibus utrorumque argumentis satisfieri à quovis, nisi fallor, expedit, & facile potest distinctione ista physici, & metaphysici modi existendi in loco. Eademque fere ratio est de sequenti conclusione.

Art. 5. Dicendum itaque rursus est, Angelus

gelum posse pro libito esse physicè in loco minori, quam qui est maximus respectu ipsius, seque redigere in spatium, quod est minimum naturale respectu individui corporei; immo & absolui ab omni loco, & nullibi esse; ac demum esse in extremis partibus eiusdem spatij maximè, quin sit in medio; non tamen posse naturaliter esse physicè in eodem loco cum alio Angelo. At loquendo de praesentia metaphysica, & purè spirituali, omnia potius opposita sunt vera. Prior pars continet doctrinam, quam exprimit D. Thomas loco indicato, nec dubitari de illa potest iuxta sensum explicatum praesentiae physicae. Quid enim vetat, quo minus Angelus operetur pro libito circa corpus minus, aut circa minorem partem corporis, quam absolute possit; aut operetur in solo corpore omnium minimo naturaliter; aut nullam prorsus operationem circa corpus exerceat, nec sit paratus ad exercendum; aut operetur in extremis partibus corporis, quin operetur in medijs partibus. Hoc autem est, & nihil aliud reipsa, quod dicitur in priori parte nostrae conclusionis ex mente, & phrasi D. Thomae. Iam quod additur de impossibilitate naturali duorum Angelorum in eodem loco probat optimè D. Thomas eadem quaest. 52. art. 3. Quia non possunt dari duae causae adaequatae eiusdem effectus, ut suppono ex alibi dictis. Darentur

tur autem, si duo Angeli simul adessent
physicè eidem loco. Quia vterlibet est
causa adæquata, & se sola sufficiens ad
motum corporis, cui applicatur, atque
hic solus effectus tribuitur Angelis circa
corpora. Vt autem libertate sua attenu-
perent vires, & conatum, seque singuli
constituant causas partiales, forte est ab-
solutè possibile; non tamen connaturale,
& proclive, sicut est respectu hominum.
Quia Angeli non defatigantur, sicut ho-
mines, & propterea grata illis, sicut no-
bis, nequaquam esse potest eiusmodi vi-
rium, & operis coniunctio: Et præterea
ad dignitatem Angelicam pertinet, do-
minari adæquatè corpori, circa quod
exercetur, & actioni, quam exercet,
nec pati rem multo etiam magis ridicu-
lam, quam si homo vellet adiutorium
alterius hominis pro fricanda barba, le-
uanda festuca, mouendo digito, & simi-
libus. Quia quævis circa corpora moli-
tio vtcumque magna, est facilius Angelo,
quam sint homini actiones eiusmodi.

Art. 6. Probatio posterioris partis de
vbicatione purè spirituali, & independen-
ti à corpore non est vsque adeo, aut fa-
cilis, aut efficax, & clara. Videtur ta-
men aliquanto efficacior, quam quæ oc-
currunt in contrarium. Quod ad pri-
mum attinet de reductione ad minus spa-
tium, quam quod est maximum Valentia
quæst. 3. par. 3. cum Ibernico, Gregorio,
&

& alijs suffragatur nostræ sententiæ, censetque non posse Angelum voluntate sua contrahi, seu quasi contrahi ad minus spatium, quam quod est maximum respectu ipsius. Suadetur, quia amplitudo spatij maior, vel minor contingit singulis Angelis secundum magnitudinem perfectionis entitatisque unicuique convenientis maiorem, vel minorem, estque proprietas consequens ad substantiam ipsorum. Proprietates autem ad ynamquamque substantiam subsequentes, cum proportionem ad perfectionem ipsius, non possunt pro arbitrio minui, & augeri, sed necessario tales, aut tales determinatè consequuntur, ut liquet ex inductione, tum omnium aliarum rerum, tum etiam proprietatum, cæterarum, & quæ ipsis Angelis conveniunt.

Art. 7. Confirmatur paritate summi, & inferiorum entium. Quia nec Deus retrahere potest suam immensitatem ab aliquo spatio, nec fieri potest, ut homo, aut res alia inferior redigatur naturaliter ad minus spatium, quam quod est maximum naturaliter respectu ipsius, omniumque accidentium, & qualitatum, quæ eidem naturaliter inesse possunt. Confirmatur rursus, quia licet possit Angelus pro libito applicare se ad cognitionem horum, vel aliorum obiectorum; non tamen subest liberæ eius voluntati, ut cognoscat inadæquatè obiecta, quæ com-

pre

prehensivè cognoscere potest. Nulla autem ratione verisimile apparet, magis subesse libertati Angeli vim sui præsentationi respectu spatij, quam vim cognoscitivam sui.

Art. 8. Difficultatem ingerit in hac re Molinae Vasquez, & alijs oppositæ sententiæ auctoribus, quod Angelus est liber, ut se applicet ad hoc, vel ad illud spatium, nihilque appareat, quod eum necessitet ad tantum determinate spatium, & non minus. Addunt exemplum animæ rationalis contractæ ad minus spatium in puero, & dilatatæ ad spatium maius in viro. Additur rursus, amplitudinem spatij non esse necessariam Angelo ad suam beatitudinem, utque bene habeat, ac proinde facile contemni ab eo posse, & eligi spatium contractius pro ut libuerit.

Art. 9. Verum hæc non urgent. Ac in primis a libertate ad diuersa spatia non est consequentia ad liberam electionem maioris, & minoris spatij, ut liquet tum ex paritate cognitionis nuper notata, tum ex libertate variandi spatia sine fine, cum tamen, ex confessione eorundem auctorum desit libertas augendi, aut minuendi spatium sine fine. Necessitat nimirum ad tantum determinate spatium tanta determinate perfectio substantiæ tantundem aduersa diminutioni, quantum aduersa est augmento imperfectio eiusdæ substantiæ, Exemplum animæ rationalis

nos

nos potius iuuat. Nequit enim, stante eadem dispositione physica sua, & sui connaturalis complementi terminos spatij variare. In Angelo autem semper adest inuariabiliter eadem dispositio physica, nec habet complementum, cui suapte natura attemperetur. Denique amplitudo spatij, quæ est maxima respectu cuiusque Angeli, si quidem iuste correspondet perfectioni eius, eo ipso confert, ut melius se habeat cum illa, quam sine illa, nec facile contemnitur, quod spectat ad cuiusque perfectionem, & dignitatem peculiarem. Hinc à fortiori sequitur, non posse Angelum contrahi purè spiritualiter, & secundum se præcisè ad spatium corporis, quod est minimum naturale, & multo minus absolui ab omni præsentia, metaphysica, & purè spirituali ad omne spatium.

Art. 10. Indidem concluditur Angelum non posse naturaliter adesse extremis partibus spatij inter se distantis, quin adsit toti medio aliqua vera, & reali præsentia, saltem metaphysicè. Quæ est sententia Molinae Valentiae, Suarez, Vasquez, aliorumque recentiorum communis, qui contra se referunt Caietanum Ferraram, & Marsilium, quos tamen credo loqui de præsentia solum physica, de qua prius dictum est cum ipsis. Probatur illatio. Quia vel extrema sunt ita distantia inuicem, ut Angelus possit adesse, simul me-
dio

Ad spatium; vel non possit, Si primum, ergo erit in spatium minori, quam quod est maximum naturaliter possibile respectu ipsius. Quod ostensum est repugnare naturaliter. Si secundum, ergo operabitur producendo suam vicationem in maiori distantia, quam quæ continetur intra sphaeram suæ actiuitatis. Nempe sphaera adæquata correspondens actiuitati cuiuscunque agentis est spatium continuum, aut ex continuis compositum, quod est maximum naturaliter respectu eiusdem, ut potentis adesse. Vtrique enim termini præsentiae, & actiuitatis eadē rei perfectione mensurantur. Alioquin liceret abire operando in infinitum per distantiam maiorem, & maiorem sine fine.

Art. II. Accedit, merito ab omnibus reputari, inter miracula assensui humano penitus imperuia naturaliter replicatione corporis Christi in pluribus locis inuicem distantibus, ac discontinuatis, licet existat modo spiritali. Res autem usque adeo mirabiles, atque auertentes vehementer animum ab assensu sui, credendum est nulli enti creato esse connaturales; quidquid contra hortetur Ioannes de Sancto Thoma. Accedit rursus substantiæ ex se indiuisibili solam vicationem itidem indiuisibilem esse connaturalem, ut hæc habeat quoad suam constitutionem, sicut habet quoad amplitudinem, perfectionem, & modum essendi pro-

po tuerit perfectiōni sui principij, & subiecti, Nec obstat Angelū moueri posse pure spiritualiter ad spatium minus, quam quod est maximum naturaliter respectu sui, atque a deo amittendo solam partem spatij prioris. Quod videtur fieri non posse, quin Angelus habeat plures vicationes partiales réaliter inter se distinctas, per quarum singulas correspondeat singulis partibus spatij prædicti naturaliter maximi. Hoc inquam non obstat, quidquid conentur in contrarium, Suarez lib. 5. cap. 17. & nonnulli alij. Quia dici potest, debetque dici, Angelum, sicut se toto adest parti spatij de nouo acquisiti, & similiter se toto adest parti spatij prioris in casu proposito, ita acquirere nouam vicationem réaliter indiuisibilem, adæquatè distinctam ab vicatione priori, quæ se tota similiter ad sit partem retentæ spatij prioris, nec non partem spatij de nouo acquisitis. In quo nullum est inconueniens. Inimò est maximè conueniens, vt Angelus ita differat à corporibus, quoad naturam sui motus, & vicationis, sicut differt ab eisdem quo ad suam substantiam. Accedit, si quid ea ratione dubitandi efficeretur pro partialibus vicationibus spiritualibus Angeli, fore, vt concluderetur vicationem eius constare, ex partibus réaliter distinctis actu infinitis. Quia Angelus potest moueri lentius, ac lentius in infinitum, atque

facere commutationes spatij minores, & minores sine fine. Quod scilicet ostensū est in philosophia corporibus etiam accidere naturaliter posse. Repugnat autem, vt dētur eiusmodi partes vbicationis actu infinitæ cum reali, & actuali mutua distinctione, vt ibidem ostensum est.

Art. 12. Superest, vt ostendatur plures Angelos posse simul adesse eidem spatio p.æsentia saltem metaphysica, & pure spiritali. Hoc autem, & ex sacris litteris certum est, & clarum ex dictis. Quia Lucæ 8. dicitur fuisse simul in vno, eodemque homine legionem dæmonum. Quod quidem est longè diuersum, atque distributam fuisse legionem per diuersas partes corporis humani, exidentibus singulis dæmonibus in singulis seorsim partibus corporis humani, vt vult Magister Sancto Thoma, renitente textu Sacro, in quo dicitur absolutè, ac planè legionem fuisse in homine. Deinde Angeli sunt expertes corporis, secundum se, vt dictum est supra. Soli autem corpori., & adhærentibus ad corpus conuenit impenetrabilitas cum alio eiusdem rationis. Quod cum sit vsque adeo manifestum, dubitandum minimè est, quin D. Thomas dicens quæst. illa 52. art. 3. non posse duos Angelos esse simul in eodem loco, agnouerit, eos duos modos præsentia Angelicæ ad spatium corporum, qui à nobis aperti, &

expositi sunt, sitque proinde locutus in eo articulo de sola praesentia physica, & ad modum corporis per adhaesionem ad illud media sua operatione, atque supposuisse tanquam ex se manifestum, oppositum contingere posse Angelis secundum se praecise consideratis, atque pure spiritualiter praesentibus spatio. Expositione nimirum indigebat, quod convenit Angelis per accidens ad modum corporum propter operationem circa ipsa, non vero quod clarissime consequitur per se ad incorporeitatem, puramque spiritualitatem superius traditam ab eodem S. Doctore. Argumento est in hanc rem non debili, quod ipse nullibi affirmatiue, aut etiam negatiue quidquam dicit de praesentia pure spirituali, atque independen- ti ab operatione Angelorum circa corpora. Cum enim intellectus noster naturaliter inclinet adtribuendam Angelis praesentiam respectu spatij conformem naturae eorum pure spirituali, oportuisset utique, ut eam refelleret, si non voluisset tacite supponere tanquam certam, & ex se satis manifestam. Ex his igitur omnibus satis apparet, an & quomodo Angeli possint esse, & sint in loco.

Ad 1. Interest quidem corporum specialiter, ut sint in loco physice, propter influentiam causarum corporalium respectu ipsorum. Sed interest quoque Ange-

forum, ut sint præsentēs spatio; tum spiri-
tualiter propter se, ut sint alicubi præ-
sentes Deo, à quo accipiunt suum esse,
suamque conseruationem, cum neutram
accipere ab eo possint absque præsen-
tia ad eundem, aut facti præsentēs ubi-
que; tum physicè propter corpora, at-
que in solam corporum vtilitatem, ut ip-
sis prosint operatione sua. In secundo, &
tertio argumento Philosophus, & in fi-
ne Boetius loquuntur de loco, & de exis-
tētia in loco physicè sumptis, ideoque
non indigent vlla responsione præter ea,
quæ superius dicta, & eatenus admissa,
asseritaque sunt distinctè.

Ad 4. Quod Angeli adsint simul plu-
res in eodem spatio, si intelligatur de
præsentia physica, iam concessum est es-
se naturaliter impossibile. Si autem acci-
piatur de præsentia metaphysica, & purè
spirituali, probatio obiectionis est ineffi-
cax. Quia sicut nihil specialiter interest,
ut sint plures simul præsentēs eidem spa-
tio, ita nihil specialiter interest, ut sint
vnusquisque seorsim in diuersis spatijs.
Interest vero, estque ipsis essentialē, ut
adsint alicubi determinatè Deo, cum
nec vbique adesse possint, neque abesse
omnino, aut nullibi adesse determinatè.
Vndè vtrouis modo possunt pro libito
adesse spatio, vel eidem, vel pluribus.
Idem dicitur proportionaliter de existi-
tētia vnus, eiusdemq; Angeli in extremis

partibus spatij inuicem distantibus . Licet enim ita illis adsit physicè , non propterea fiet , vt Angelus distet à se ipso , sed solùm , quod distet vna eius operatio ab alia eiusdem operatione circa corpus , vel corpora . Aderit enim , estque necesse , vt nihilominus adsit toti spatio intermedio saltem metaphysicè , & purè spiritaliter , vt dictum est supra . Idque manifestè sufficit , ne distet à se ipso absolute ,



Q V A E S T I O X,

*Utrum Angelus possit moueri, &
transire de loco in locum, quin
transeat per medium?*

IDETVR Angelus moue-
ri localiter minimè posse,
multo verò minùs transire
de extremo ad extremum
sine medio, seu quin per
transeat prius medium. 1. Quia *nullus*
impartibilis mouetur, vt probat fuisse Philo-
sophus 6. phytic. tex. 32. & 86. Ratio ve-
rò præcipua eius est, Quia nihil mouetur,
dum est in termino à quo, sed eatenus
quiescit, cum quiescere nihil sit aliud,
quam adesse vbi prius. Sed neque dici
potest aliquid moueri, dum est in termi-
no ad quem. Quia eatenus verificatur,
motum esse, non vero moueri. Alioquin
moueretur toto tempore, quo vniformi-
ter adest eidem termino ad quem. Ne-
cesse igitur est, vt quidquid mouetur,
dum mouetur, partim sit in termino à
quo, & partim in termino ad quem.
Quod patet, impartibili, qualis est Ange-
lus, conuenire minimè posse. Quia par-
tim, & partim repugnant impartibili.
Cuius nimirum nullæ sunt partes.

2. *Motus est actus imperfecti*, vt dici-

tur 3. physic. tex. 6 Cuius ratio est, quia quidquid mouetur localiter, mouetur propter indigentiam, Nempe ut acquirat in nouo loco, quod sibi deerat in loco priori. Alioquin perperam, & sine causa, vlloue motiuo moueretur. Quod repugnat. Angelus autem est substantia ex sua natura valde perfecta, & qui beatus est, nulla re indiget, atque ut indigeret, nihil eum iuuare posset mutatio loci, cum nihil accipiat, positue accipere ab ijs, quæ sunt in loco, sed à solo Deo, qui vbique æquè adest.

3. Si Angelus posset transire de extremo ad extremum, quin prius pertransiret medium, posset agere in distans, quin ageret aliquid in medio. Quod est impossibile ex dictis in philosophia. Sequela autem patet. Quia quod se mouet aliquid agit. Ergo qui mouet se ad spatium distans, & peruenit ad illud, aliquid necessario agit in spatio distanti; & nihilominus in spatio medio nihil agit, si non pertransit medium, ut ponitur,

4. Si posset Angelus transire ab aliquo extremo ad aliquod aliud extremum, non pertransito medio; eadem ratione posset transire à quolibet extremo in quodlibet aliud extremum vtcumque distans, immò etiam si distaret infinitè. Quod est incredibile, & repugnat virtuti motiue finitæ. Sequela patet, quia nulla est ratio peculiaris de vna potius tran-

tran-

transitione, quam de alia, cum respectu
non pertranseuntis medium nulla habeatur
ratio medij minoris, vel maioris, vel
etiam infiniti. Cum enim non pertran-
seat, materialiter se habet, quale, seu
quantum illud sit. Accedit, intellectum
posse cogitando transire a quouis extre-
mo ad quoduis aliud, etiam infinite di-
stans, vt patet in cogitatione de Deo,
quæ immediatè succedere potest cogita-
tioni de recreata; idque præcisè illi ac-
cidit, quia ex sua natura hoc habet, vt
transire possit cogitando ab vno extremo
ad aliud, quin cogitet de eo, quod in-
teriacet. Idem ergo accideret in virtute
loco motu Angeli non minus perfe-
cta, minusue spiritali, quam sit vis in-
tellectiva eiusdem, si posset transire ab
aliquo extremo ad aliquod aliud sine
medio..

Sed contra est 1. Quia communissima
Sanctorum PP. doctrina est, Angelos su-
bito adesse vbicunque vult. Quod fieri
non posset, si non possent transire de
extremo ad extremum sine medio. Quia
si deberent prius adesse medio, quàm
extremo, necessariò intercederet mora
aliqua in peruentione ad extremum præ-
sertim valde distans.

2. Motus Angeli non est continuus,
certè non est necesse, vt sit continuus,
cùm Angelus sit indivisibilis, ideoque
non commensuretur continuitati loci.

Qui autem non mouetur motu continuo, sed discreto, necesse est, vt transeat de extremo ad extremum, quin transeat per medium spatium. In quolibet enim medio spatio dantur infinita indiuisibilia, vt patet ex 6. physic, a principio. Vnde pertransiens illa motu discreto, necessario ederet motus infinitos, seu motum vnum constantem infinitis partibus in actu, & non in potentia tantum, quod repugnat. Ergo non solum est possibile, vt Angelus transeat de extremo ad extremum sine medio, sed etiam est omnino necessarium, vt ita fiat.

Respondetur. Quaestio ista facile, & clarè determinari potest ex distinctione data in quaestione præcedenti inter vbi-
cationem, seu præsentiam Angeli ad spatium metaphysicam, & physicam, seu conuenientem ipsi secundum se, & conuenientem eidem, quatenus operante circa corpus. Si enim agatur de præsentia physica ratione operationis circa corpus, manifestum est Angelum posse incipere operari in extrema vna parte alicuius corporis. & immediatè operari in altera extrema parte eiusdem corporis, vel in alio corpore distante à corpore priori, quin operetur aliquid circa corpus, aut partes corporis interiacentis; dummodo vtrumque corpus extremum, seu extremitates eiusdem corporis contineantur intra totum spatium, cui

An-

Angelus pure spiritualiter adesse potest
simultaneè. Manifestum itidem est non
posse Angelum transire de extremo ad
extremum sine medio, si sermo sit de
præsentia eius metaphysica, seu purè spi-
rituali. Quia nullum agens potest agere
in distans, quin agat in medium, ut re-
ctè nuper assumebatur, & ollum est
in philosophia. Posset autem Angelus a-
gere in distans, quin ageret in medium,
si posset actiuitate sua acquirere præsen-
tiam ad spatium distans à priori suo spa-
tio, quin priùs acquireret præsentiam
ad spatium interiectum, ut per se patet.
His igitur modis potest Angelus, & non
potest transire de extremo ad extremum
sine medio.

Ad r. Partis negantis. Philosophus
ibi loquitur de motu continuo, qui con-
ceditur impartibili conuenire non posse.
At aduersus motum discretum impartibilis
nihil probat ratio ibi proposita. licet enim
verum sit, non saluari conceptum motus
per solam præsentiam respectu termini à
quo, aut per solam præsentiam respectu
termini ad quem. Saluatur tamen con-
ceptus motus per vtramque præsentiam
simul. Sicut enim conceptus hominis non
saluatur per solam rationem, aut corpo-
ris, aut animæ, saluatur tamen per vtrā-
que simul, seu potius per simultatem
vtriusque: ita licet præsentia ad vnum
spatium, atque ad spatium aliud leoriam.

& secundum, se, non constituat motum, constituit tamen eundem adaequatè præsentia ad aliquod spatium quatenus, acquisita de nouo dependenter à præsentia præexistenti ad aliud spatium. Fieri namque non potest, vt Angelus pro instanti, A, intelligatur adesse spatio, B, pro instanti verò immediato, B, intelligatur virtute, & actiuitate sua adesse spatio, C, quin eo ipso intelligatur motus eius; & motio ab vno spatio ad aliud spatium. Quia moueri nihil est aliud, quam esse modo hic, & modo alibi, Dixi autem, quin intelligatur motus, & motio. Quia in instantaneis, ac discretis idem est fieri, & factum esse, vt fert commune, & verum proloquium ex Philosopho.

Ad 2. Conceditur, motum omnem esse actum imperfecti. Quia est actus afficiens mobile, de cuius conceptu est imperfectio, vt patet, quia ex se essentialiter dicit incompletionem respectu eius per quod formaliter mouetur. Angelo autem non repugnat huiusmodi imperfectio vt patet ex multiplici eius motione per varias intellectiones, & volitiones. Vnde ex hoc capite non potest illi repugnare motus ab vno spatio in aliud spatium. Cæterum corporibus quatenus localiter mobilibus inest alia præterea imperfectio, cuius Angeli non sunt capaces. Corpora enim mouentur de vno loco in alium propter indigentiam rerum, & cau-

sa.

tarum, quæ adsunt in diuersis locis, Substantiæ autem spirituales non habet huiusmodi indigentiam, vt per se patet, & superius iterum notatum est. Mouentur nihilominus de vno loco in aliũ, vt profint corporibus existētibus in alijs locis. Quod multipliciter ab eis præstari potest applicando actiua passiuæ, quæ inuicem distabant.

Ad 3. Argumentum illud procedit bene aduersus transitum purè spirituales seu metaphysicum de extremo ad extremum sine medio. Qua de causa dictum est, non posse Angelum trāsire metaphysicè, ac purè spiritualiter ab vno spatio ad aliud adæquate distans à priori, seu quibus interiacet aliquod spatium adæquate distinctum ab illis. Cæterum aduersus transitum physicum per operationē circa extremitates corporis, quibus interiacent aliæ partes eiusdē corporis, seu corpora alia, quin fiat transitus per partes medias, nihil indè concluditur. Quia non propterea verificatur, nihil omninò agere Angelum in spatio medio, si quidem producit in eo præsentiam suam purè spirituales à cuius præexistentia dependet quo ad actionem inductiuam suæ præsentiae physicae, seu quoad actionem, quam exercet circa corpus. Dictum nimirum est, transitum Angeli de extremo ad extremum sine medio per motu physicum intelligi de extremis, & medio cō-

tentiis.

tentis intra spatium, cui spiritualiter seu metaphysice adest Angelus pro priori naturæ quodque est maximum naturaliter possibile respectu ipsius.

Hinc etiam patet ad 4. Quia totum spatium, cui Angelus potest adesse simultaneè, est finitum, & limitatum. Quod de causa a nonnullis, & Sanctis PP. & Theologis dicitur, Angelum circumscriptivè esse in loco. Quia videlicet est assignabile spatium, cui toti, & non majori adesse possit. Verum usus communis obtinuit iam ut præsentia eius pure spiritualis ad spatium, & conveniens substantiæ ipsius, dicatur definitiva, & non circumscriptiva, quatenus totus adest toti spatio, & totus singulis quibusque partibus spatij, & præterea non commensuratur eatenus superficiæ corporis ambientis, seu quasi ambientis, nec ea circumcluditur. Verum hoc pertinet ad vocem tantum. Quod ad rem ipsam attinet sequela obiectionis non tenet, siquidem necesse est, ut transitus physicus Angeli de extremo ad extremum sine medio contineatur intra spatium, cui toti potest ipse simultaneè adesse. Paritas desumpta ex cognitione ideò non tenet, quia per motum localem applicatur diversis locis essentia eius, quod monetur. At per cognitionem non applicatur rebus cognitis substantia cognoscentis, sed magis res cognitæ transferuntur intentionaliter ad

cognoscentem, & manent in eius intellectu. Nulla igitur est paritas.

Ad 1. Sententiæ affirmantis. Modus ille communis loquendi Sanctorum PP., solum significat summam velocitatem, qua præcellunt motus Angelici motibus corporum naturalibus, quatenus Angeli singulis instantibus possunt acquirere naturaliter spatia adequatè distincta à prioribus sibi adæquatis, quæ sunt benè magna, & quibus proinde aliquoties replicatis exhauritur quælibet mutua distantia corporum, utcumque magna respectu nostri.

Ad 2. Motus Angelici metaphysicus, & purè spiritualis non commensuratur loco physico, & corporali sed indivisim per unicam vocationem de novo productam complectitur partes, & puncta infinita in potentia, quæ dantur in loco corporeo, & in qualibet eius parte. Motus verò physicus Angelici potest esse continuus transeundo medium successivè, & complectendo infinitas partes, & puncta infinita in potentia, quæ insunt loco medio, per totidem eiusdem rationis partes, & puncta, quæ reperiuntur in tali motu, qui nimirum est partibilis, & continuus, licet Angelus sit impartibilis. Nec enim repugnat, effectum, seu actionem causæ impartibilis partibilem esse, ac diuiduum. propter conditionem subiecti, circa quod operatur. Quod si transitus idem physicus

cus Angeli sit discretus, uti potest esse
iuxta dicta, procedet de extremo ad ex-
tremum sine medio, uti etiam dictum
est supra, & intendit obiectio.

Q V A E S T I O XI.

*Utrum substantia spiritualis sit ex
suo conceptu intellectualis, &
intelligens actu.*

IDETVR non esse ex suo
conceptu intellectualis, at-
que ex suo conceptu esse
intelligens actu, si est intel-
lectualis ex eodem 1. Quia
plura sunt accidentia spiritualia, quæ ne-
que sunt intellectiva, neque intelle-
ctiones. Ergo sunt similiter possibiles
substantiæ spirituales, quæ non sint in-
tellectivæ. Probatur consequentia, quia
accidens ita videtur comparari cum in-
tellectione, & cum virtute proxima in-
telligendi, sicut comparatur substantia
cum intellectualitate radicali; atque spi-
ritualitas non potest augere magis perfec-
tionem substantiæ in genere suo, quam
accidentis in suo.

2. Materialitas non excludit vim co-
gnoscitivam, ut patet in brutis, quæ sunt
adæquate materialia, simulque cognosci-

tiua . Ergo nec exclusio materialitatis includit , aut arguit virtutem cognoscitiuam , multo verò minùs intellectiuam . Patet consequentia quia vbi affirmatio non est causa affirmationis , neque negatio est causa negationis . Ergo si affirmata materialitate non propterea affirmatur necessariò incognoscibilitas , neque negata materialitate negabitur necessariò incognoscibilitas , seu non cognoscitiuum .

3. Si substantia spiritalis ex suo conceptu esset intellectiua , quæ esset summè spiritalis , esset ex suo conceptu summè intellectiua . Quia prædicatum illatium alicuius alterius prædicati , est necessariò illatium eiusdem in eo gradu , in quo constituitur ipsum inferens . Sequela autem est falsa ; quia Angeli sunt summè spirituales , cum sint omninò immateriales , ac proindè excludant ex se omnem prorsus materialitatem , At iidem sunt virtutis cognoscitiuæ limitatæ , ac imperfectæ . Solusque Deus est summè intellectiuus . Ergo spiritualitas non infert intellectualitatem .

4. Aliquid purè materiale vt aer esse susceptiuus specierum intentionalium . Nempe mediante aere transmittunt sensibilia species suas intentionales in sensum . Ergo aliquid spirituale potest similiter è conuerso non esse susceptiuum specierum intentionalium , ac proinde , nec intellectu-
ctiuum .

ctuum, nec sensituum, Patet consequentia. Quia oppositorum eadem est ratio ad opposita.

5. Incorruptibile non est ex suo conceptu intellectuum, ut patet in Cælis, incorruptilibus simul, & non intellectivis. Ergo nec spirituale est intellectuum ex suo conceptu. Patet consequentia. Quia ex nullo capite apparet maior ratio perfectionis in conceptu spiritualitatis, quam in conceptu incorruptibilitatis. Immo incorruptibilitas videtur præeminere, tum quia conservari in esse, est appetibilius quovis alio ex genere suo, tum quia incorruptibilitas assimilatur magis immutabilitati, & æternitati Dei, quam assimiletur spiritualitas essentiæ, aut ulli attributo divino.

6. Si quod est purè spirituale, eo ipso esset intellectuum, esset etiam eo ipso intellectio per essentiam suam. Quia intellectuum purè spirituale esset perfectius quam intellectus agens animæ nostræ. Esset enim remotius à corpore, cuius anima nostra est forma, cum substantia pure spiritualis, & in se completa nullius possit esse forma corporis. Intellectus autem agens est sua actio, adeoque est intellectio per seipsum, ut apparet ex tertio de anima tex. 19. & ex Commentatore ibi. At sequela est absurda ex confessione omnium. Quia in solo Deo, qui solus est purus, actus, actio est idem cum
sub.

substantia, cuius est actio.

7. Substantia ex suo conceptu intellectiva, est vivens ex suo conceptu, & rursus viventis esse est vita, vt habetur in 1. de anima tex. 37. Intellectio autem est vita, vt habetur ex lib. 11. metaph. text. 39. Ergo si substantia spiritualis ex suo conceptu esset intellectiva, esset etiam intellectio sua ex suo conceptu.

Art. 1. Respondetur. Quæ sunt inuicem dissimilia, sunt inuicem inæqualia, & quæ sunt magis dissimilia, sunt magis inæqualia, vt obiter, ac breuiter, sed efficaciter ostensum est quæst. 44. de Deo ad 7. art. 1. Substantia autem spiritualis est magis dissimilis omni substantiæ materiali, quam substantia aliqua materiali alicui alij substantiæ materiali. Quod videtur patere ex terminis. Ex alia verò parte substantia quælibet intellectualis est magis dissimilis cuilibet substantiæ non intellectuali, quam substantia aliqua non intellectualis alicui alij substantiæ non intellectuali. Quod itidem patet ex terminis. Ergo substantia quælibet tum spiritualis, tum intellectualis distat maiori inæqualitate à qualibet substantia, tum materiali, tum non intellectuali, quàm distare possint inuicem aliquæ duæ substantiæ vel non intellectuales, vel materiales. Si igitur possibilis esset substantia ex vna parte immaterialis, & simul ex alia parte non intellectualis; possibilis
viti-

utque esset, ut eadem substantia distaret magis, simulque, distaret minus ab vno eodemque termino. Nempe qua esset immaterialis distaret magis a brutis, quàm bruta inter se, aut ab alijs rebus materialibus non sensitivis. Qua vero esset non intellectuales distaret minus ab iisdem rebus non sensitivis, quam bruta inter se, aut ab alijs rebus, nec intelligentibus, nec sentientibus; quandoquidem substantia spiritualis sensitiva esse nequit, sed solum intellectiva. Quæ duo patent ex duobus principijs immediatè ante præmissis. Patet igitur nullam substantiam esse posse pure spirituales, ideoque excedentem omnia corpora, quibus ea foret dissimillior, quàm possint esse vlla duo corpora inter se, simulque non intellectualem, ideoque non excedentem omnia corpora, quibus eadem foret eatenus minus dissimilis, quam aliqua duo corpora inter se, videlicet quam brutis omnibus, quidvis aliud corporale, sicut sunt corporalia bruta ipsa. Igitur substantia spiritualis ex suo conceptu est intellectuales.

Art. 3. Accedit substantiam materialem, quàm materialis est, esse valde imperfectam, quatenus, ut sit, indiget pluribus simultanee confluentibus in suum esse substantiali. Quia in substantijs pure materialibus neque forma potest esse sine materia, neque materia, sine forma, &c.

præterea neutra potest esse, & conseruari absque partibus integralibus penè innumeris, diuisibilibus inuicem realiter, atque inter se unitis. Quod autem pluribus indiget, est magis imperfectum cæteris paribus. Quia eo ipso componitur ex pluribus, quorum quodlibet est insufficiens se solo vt sit, & conseruetur, adeoque componitur ex pluribus, quorum quodlibet est imperfectissimum. Manifestissimum namque argumentum imperfectionis est insufficiens, & maior maiori cæteris paribus, vt sunt paria in præsentibus, quatenus vnumquodque comparatur cum esse suo simpliciter, ac præ se. Opposita huic imperfectioni perfectio conuenit substantiæ spirituali. Quæ nimirum ex suo conceptu est penitus simplex quoad suam essentiam, ac naturam, neque vt sit, indiget pluribus partibus, quorum nulla existere possit absque reliquorum consortio. Patet igitur substantiam purè spiritualem, & completam de se ipsa absque consortio materiæ, & absque partibus integralibus, ex suo conceptu esse perfectiorem, quam bruta, quibus inest opposita compositio, & indigentia partium. Foret autem eadem substantia ipsdem brutis imperfectior, si non esset intellectualis. Quia nec sensitua esse posset, cū de conceptu sensus, ac sensitiui sit organum corporeum. Patet autem, quod nō est intellectuum, nec sensitiuum, adeoque

que nullo modo est cognoscituum esse imperfectius quolibet quomodolibet cognoscituum. Quia omne cognoscituum habet quamdam essendi vniuersalitatem peculiarem, quatenus ea omnia ad se trahere, & actiuitate sua in seipso reuocare aliquo modo potest, quæ cognoscere potest. Quod vero cognoscituum nullo modo est, caret eiusmodi amplitudine essendi, vt patet, ac proinde est naturæ restrictioris magisque limitatæ. Repugnat igitur hac etiam ratione non minus, quam præcedenti substantiam aliquam esse omnino spirituales, prorsusque expertem materiæ, & non esse intellectualem.

Art. 3. Accedit ad hæc quęcunque sunt in hoc vniuerso, quęque esse possunt in quolibet vniuerso, esse ex suo cōceptu inuicē deuincta per mutuas vtilitates, quę mediatè, vel immediatè redundant ex quibusuis eius partibus in quasuis alias. Quod enim existeret in aliquo vniuerso cū omnimoda inutilitate respectu cæterarum omnium, & singularum partium eiusdem vniuersi, eo ipso redundaret, & perperam existeret, atque exigentibus reliquis omnibus partibus esset excludendum ab vniuerso, eadem ratione, qua in Euangelio sal infatuatum dicitur mittendum foras, vt conculcetur, & palmes qui non fert fructum dicitur mittendus in ignē & sic de quibusuis, alijs, quę similiter se
ha.

habent respectu sui totius, seu collectionis rerum. peculiaris, ad quam specialiter pertinent. Substantia autem purè spiritualis, quæ non foret intellectualis, foret prorsus inutilis vniuerso, omnibusque & singulis eius partibus, utpote nullæ, vitali, aut transeunti actione prædita. Vitali quidem. Quia substantia spiritualis seclusa intellectione, eiusque adiutorio nihil vitaliter agere potest, cum sentire non possit, nec vegetari, atque ijs seculis reliqua omnis vitalitas per intellectum nem exerceatur, aut cum intellectione, & non aliter. Transeunti verò, quia non posset in primis producere aliã substantiam sibi similem, cum substantia spiritualis sit expers materiæ, & subiecti ex quo educatur per generationem, creatio verò repugnat omni enti creato. Deinde neque substantiam vllam materialem gignere posset. Quia materialia non continentur efficienter in spiritualibus ut apparet à forti ori ex Angelis existentibus de facto, quos in prima quæstione ostendimus esse spirituales, & intellectuales, atque adeò perfectiores substantia spirituali non intellectuali, & qui nihilominus non continent in se efficienter aliquid materiale. Quæ eadem ratione excluditur ab eadem substantia spirituali, & non intellectiva, actio etiam alteratiua, aut productiua alicuius alterius qualitatis, aut accidentis materialis. Actio autem direc-
tiua

Et iua aliorum manifestius repugnaret substantiæ non intellectivæ. Nulla igitur actione utilis cuiquam esse posset eiusmodi substantia. Perperam igitur, ac insipienter fieret, quomodo nihil à Deo fieri potest; Repugnat igitur eiusmodi substantia.

Art. 4. Facilius demonstratur repugnare substantiam intellectualem creatam, quæ sit indistincta realiter ab actu intelligendi, seu intellectione sua, quia intellectio ex suo conceptu est actio vitalis. Et rursus actio vitalis ex suo conceptu est ab intrinseco. Quæ duo ostensa sunt in qq. de Anima. repugnat autem substantia creata, quæ secundum suum esse substantiale sit ab intrinseco, seu ex illis vi sua, & à se, vt liquet ex ijs, quæ circa existentiam Dei dicta sunt quæst. 2. de Deo. Repugnat igitur substantia creata indistincta realiter ab intellectu, seu quæ secundum suum esse substantiale sit actus intelligendi. Apparet itaque ex ijs, Angelos, de quibus innotuit quæst. 1. & 2. esse immateriales, & purè spirituales, esse intellectuales, distinctos vero quoad substantiam ab omni actu intelligendi, à se, quam alia. Licet autem in eadem quæst. 1. alijs ex capitibus comprobatum sit, Angelos esse substantias intellectuales, libuit nihilominus specialem istam instituere quæstionem de illatione intellectualitatis ex spiritualitate propter diffi-

ficultates, quas mouent plerique moderni circa probationem, qua D. Thomas quæst. 14. art. 1. demonstrat existentiam scientiæ in Deo, ex eius immaterialitate, seu spiritualitate. Visa nimirum est discussio huius rei opportunior pro hoc loco, tum quia ea illatio est vniuersalior, latiusque patens, vt apparet ex dictis quā sit scopus ille de existentia scientiæ in Deo; tum quia scientiam Dei conuincunt manifestius plures aliæ rationes, vt apparet ex dictis, & insinuatīs quæst. 15. de Deo, vbi propterea hæc probatio ex immaterialitate insinuatitiè tantum attacta est. Intellectualitas verò Angelorum nulla ratione à priori, aut clarius, aut efficacius conuincitur, quàm ex eorum immaterialitate.

Ad 1. Quælibet substantia creata est prædita multiplici accidentium differentiæ pro multiplicitate munerum, ratione quorum illis indiget substantia. Vnde singulla accidentia non participant necessario totam, ac supremam sui generis vniuersalis perfectionem, sed aliqua sunt infimæ, & vix vllius perfectionis, tametsi comprehendantur sub genere perfectissimo, vt patet inter alia in vocatione, & duratione spirituali. Quia nimirum sunt obliquum quoddam substantiæ, ac proinde obliquè tantum sub genere spiritualis continentur, nec participant eius perfectionem, nisi quatenus interest substan-

tiae cui insunt. Quapropter præeminet in eis ratio muneris peculiaris, quo inserviunt substantiæ, rationi generis vniuersalis, sub quo continentur. Hinc fit durationem, & vbicationem Angeli, tametsi spirituales sint magis assimilari vbicationi, & durationi substantiæ materialis, ideoque materialibus, quam assmilentur eadem vbicatio, & duratio materiales sensationi, & appetitioni itidem materialibus. Alia longè ratio est de substantijs, quæ habent rationem recti, & finis respectu suorum accidentium, & existunt, saltem eatenus, gratia sui, ideoque continentur directè sub genere vnaquæque suo, ideoque participant necessario totam eius perfectionem secundum se considerati. Hac igitur de causa non tenet paritas, atque rationes superius propositæ conuincunt circa substantias, & non conuincunt cum proportionem adæquata circa accidentia.

Ad 2. In substantia spiritali, qua spiritalis est, saluatur perfectio substantiæ materialis & excluditur eius imperfectio. Vnde ex eo quod materialitas componi possit cum cognoscitiuo, non concluditur spiritualitatem posse similiter componi cum non cognoscitiuo, sed componi posse, atque necessario componi cum cognoscitiuo in gradu perfectiori, & carente imperfectione, quæ est propria cognoscitui materialis. Distinguenda itaque est

est prior consequentia obiectionis. Ergo nec exclusio materialitatis includit &c. si materialitas excludatur per prædicatum positivum, & perfectius, quale est spiritualitas, negatur consequentia. Si secus per possibile vel impossibile, transeat consequentia.

Ad 3. Angeli sunt quidem summè spirituales quoad conceptum negativum materialitatis, non tamen summè spirituales per summam distantiam à rebus materialibus, summamque discrepantiam ab earum imperfectionibus; quandoquidem conveniunt cum illis quoad plures imperfectiones cōmunes omni enti creato. Itaque comparatio obiectionis quoad conceptum negativum est de subiecto non supponenti. Quia omne spirituale est essentialiter summè spirituale quoad conceptum negativum materialitatis. Quoad conceptum vero positivum perfectionis, & discrepantiæ à re materiali, assumit falsum eadem obiectio. Quia nō omnis substantia spiritualis summè discrepat magnitudine suæ perfectionis à re materiali, ideoque non est summè intellectiva ex suo conceptu, licet ex eodem sit absolutè intellectiva.

Ad 4. Dicitur proportionaliter in primis illud ipsum, quod dictum est ad 2. Deinde species intentionales sunt in aere materialiter tantum, nec dant illi suum effectum formalem, sicut dant potentiæ

sensitivæ animalis . Unde consequutio est nulla .

Ad 5. Probabile valde est, nullum corpus esse incorruptibile ex sua natura tam partialiter, quam totaliter, atque auctores minime contemnendi . & rationibus non facile contemnendis dicunt, Cælos omniaque cælestia corpora esse corruptibilia partialiter, sicut aer, aqua, & terra, tametsi se totis corrumpi minimè possint, sicut nec possunt eadem elementa . Verum de hoc alias. Nempe quoad præsens sufficit dicere, incorruptibile, si potest esse corporeum, & materiale, non habere perfectionem ita oppositam imperfectioni corruptibilium adæquatè sup̄tæ, sicut spirituale habet perfectionem oppositam imperfectioni propriæ, & peculiari rerum materialium adæquatè sumptæ, uti superius ponderatum est . Ex quo corruunt omnes comparationes corruptibilium, & incorruptibilium assimiles comparationibus superius institutis inter spiritualia, & materialia. Quod cōsiderationi cuiusque relinquo, ne sim longior absque necessitate . Facile namque est, sed aliquanto morosum, ea considerare, & applicare, ut expedit, Demū ratio illa de inutilitate essentiali substantiæ spiritualis non intellectivæ, manifestissimè non tenet quoad substantiam, materialem incorruptibilem non intellectivā, ut patet in corporibus cælestibus,

si ea sunt etiam partialiter incorruptibilia, vt tenetur communiter cum philosopho. Quod additur de maxima appetibilitate conseruationis in esse, & de maxima assimilatione incorruptibilitatis ad immutabilitatem, & æternitatem Dei, ideo non conuincit, quia conseruatio in esse appetitur maxime, non propter eius maximam bonitatem, & perfectionem, sed propter necessitatem eius ad reliqua omnia bona, Alia nempe appetuntur maximè propter magnitudinem bonitatis, alia propter magnitudinem necessitatis eorum. Iam incorruptibilitas coniuncta cum materialitate assimilatur immutabilitati, & æternitati Dei, cum maiori ratione dissimilitudinis ex materialitate sibi adiuncta, vt liquet ex dictis supra art. 2. Vnde quia spiritualitas excludit materialitatem, & omnes peculiare imperfectiones ipsius, magis assimilatur Deo absolute.

Ad 6. Intellectus agens dicitur à Philosopho esse sua actio, non per essentiã, sed per concomitantiam, quatenus ex suo conceptu est substantialiter in actu, ideoque si nihil obstat aliud, sequitur protinus, & concomitatur actio, quo differt intellectus agēs à possibili, qui est remotior ab actione, vt dicit, ac exponit D. Thomas quæst. 94. art. 1. ad 1. Vnde concessio excessu Angeli, seu substantię purè spiritualis supra intellectum nostrum.

agentem, negatur sequela.

Ad 7. Vita dicitur de substantia in concreto, de operatione vero vitali, qualis est intellectio, eadem dicitur in abstracto, ideoque argumentum laborat æquiuocatione, & nihil concludit.

Q V A E S T I O XII,

Vtrum Angeli intelligent per species sibi superadditas?

IDENTVR non illis indigere. 1, quia Angeli indigent propinquitate obiectorum, vt ea cognoscant. Ergo non vtuntur, nec indigent speciebus imprelatis obiectorum. Patet consequentia, quia qui habet apud se speciem obiecti alicuius, eo ipso habet in se principium sufficiens ad totum concursum obiectuum, quo intellectus indigere potest, ac proinde non amplius indiget propinquitate obiecti, vt eliciat cognitionem eius. Probat antecedens Martinon ex sacris litteris. Quia Iob. 1. 7. dicente dæmone, se circuuiſſe terram, eamque perambulauisse, interrogat illū Deus; an consideraueſſet ſeruum ſuum Iob. Ex quo datur intelligi eam fuiſſe dæmoni occaſionem opportunam conſiderandi Iob, quam non habuiſſet, ſi longe

ab hominibus semotus suo in loco latuisset. Similiter Matth. 12.43. dicitur demonem perambulasse loca arida ad captandam requiem, eaque non inuenta, reuertisse domum, ex qua exierat, & ea inuenta mundata, ac ornata, iuisse ad conuocandos socios. Quod si posset, obiecta utcumque, & quantumcumque distantia æquè bene intueri, ac propinqua, necesse non habuisset perambulare loca arida, nec spes inueniendæ requiei cum fessellisset, ac demum potuisset socios æquè benè in domum antecedenter notam, ac familiarem conuocare, quin illam prius adijisset, ut certior fieret status præsentis.

2 Pro cognitione obiectorum spiritaliū non sunt necessariae species ullæ impressæ, cum ea obiecta sint intrinsecè proportionata, ut immediatè per se ipsa possint cooperari ad producendam cognitionem sui. Obiecta autem materialia non sunt idonea, quæ emittant species sui spirituales, quales solè recipi possunt in intellectu Angelico. Nulla igitur obiecta cognoscuntur ab Angelo mediantibus speciebus impressis eorum.

3. Agentia naturalia vniuersalia, nēpe corpora cælestia exercent suam actiuitatem circa omnia corpora sibi subiecta absque vlla cooperatione istorum in illa, per qualitates aliquas fluentes ab ipsis, eisdemque specialiter correspondē-

tes. Maior autem est perfectio, & sufficientia intellectus Angelici ad actiones si-
bi connaturales circa obiecta omnia sub-
stantia virtuti suæ intellectiux. Multo igitur minus indiget intellectus Angelicus adiutorio qualitaturn, seu specierum transmissarum ab obiectis in eundem intellectu.

4. Angelus cognoscit omnia præcisè per suam substantiam, ut apparet ex Dionysio dicente cap. 7. de diu. nom. Angelos scire ea, quæ sunt in terra, secundum propriam naturam mentis. Natura autem mentis Angelicæ est ipsa Angeli essentia. Rursus quicquid est in altero est in ipso per modum eiusdem alterius: omnia autem sunt in Angelis, inferiora quidem essentialiter, superiora vero participatiuè, idque conuenit Angelo ex essentia sua, ut colligitur ex Dionysio cap. 4. de diu. nom. par. 1. Cum igitur Angelus sit intellectualis omnia sunt in ipso intellectualiter, vel per essentiam, vel participatiuè. Igitur omnia cognoscere, ac perfectè intelligere potest per suam essentiã præcisè, perfectione accommodata conditioni singulorum obiectorum. Alioquin Deus non congregaret tota in totis, ut dicit ibi Dionysius, idest omnia in omnibus, modo utique congruente singulis respectu singulorum, atque adeo intelligibiliter respectu Angelorum. Demum in his, quæ sunt sine materia, idem est intel-
tel.

intellectus, & quod intelligitur, Ergo intellectus perindè sufficit se solo, atque coniunctus cum obiectis, aut speciebus obiectorum ad intelligendum omnia; siquidem hæc quatenus intelligibilia non distinguuntur ab ipso intellectu.

5. Angelus nō utitur naturaliter speciebus, neque inditis à Deo, neque acceptis à rebus cognoscibilibus, seu inductis actiuitate ipsarum rerum cognoscibilem. Non quidem inditis à Deo, Quia eo ipso tales species forent supernaturales, Idem enim est vnicuique supernaturale, seu supra naturam ipsius, quod superat totam vim, & actiuitatem eius, solūque haberi ab eo potest operante virtute divina. Sed neque speciebus acceptis à rebus iuuari potest Angelus. Quia res materiales sunt inhabiles ad inducendas virtute sua species spirituales, ac intelligibiles; res vero spirituales se ipsis sunt proportionatæ, vt cooperentur intellectui Angelico. Nullæ igitur species impressæ sunt admittendæ in intellectu Angelico.

Art. 1. Respondetur. Certum in primis est, intellectum Angelicum indigere concursu aliquo obiectorum sibi cooperante, vt ea intelligat. Primo quia omnis cognitio realiter producta, ac superaddita cognoscenti est imago sui obiecti. vt pote instituta primario ad representandum idem obiectum. De ratione autem imaginis est, vt pro-

cedat à suo prototypo, vt docet, & probat August. quæst. 4. in Deuter. & lib. 83. qq. quæst. 74. Omnis igitur cognitio realiter producta, & superaddita cognoscēti procedit ab obiecto, atque ab eius cōcursu, & cooperatione essentialiter dependet. Deinde intellectus ex suo conceptu est principium vniuersale cognoscendi omnia, & quælibet obiecta, atque vnaquælibet cognitio, cum ex conceptu suo sit simillima obiecto, habet in se necessario perfectionem peculiare specialiter correspondētem peculiari cuiusque obiecti perfectioni. Repugnat autem in vno, eodemque indiuisibili principio finitæ, ac limitatæ perfectionis, quale est omne principium intellectiuum creatum etiam Angelicum, contineri, tanquam in causa adæquata, ac sufficiente per se præcisè, omnes omnium rerum peculiare perfectiones, seu totidem alias specialiter illis correspondentes. Necessè igitur est, vt accedat ex parte obiecti influxus, & cooperatio aliqua peculiaris, qua intellectus creatus etiam Angelicus adiuuetur, atque vltimo compleatur pro eliciendis obiectorum promiscue omniū, ac singulorum cognitionibus.

Art. 2. Quia vero intellectus Angelicus nō est magis sufficiens ad intellectiōnes, quam sensus nostri ad sensationes, de quibus ostensum est in loco indigere speciebus impressis obiectorum, quorum
in-

indigent cooperatione ad opus sentiendi. Et rursus ex obiectis intelligibilibus aliqua sunt ex se prorsus inidonea, quæ immediatè influant in actus spirituales, qualia sunt omnia obiecta materialia; alia vero vel sunt longè posita ab intelligente, vel certe cognoscuntur independenter à propinquitate spatij, qualia sunt obiecta cætera creata; vel non cognoscuntur naturaliter, ut sunt in se immediatè, sed mediatè, & ad modum aliorum, alijsque cooperantibus intellectui, siue Angelico, siue humano, qualia sunt omnia diuina. Quia inquam hæc ita se habent, necesse demum est, intellectum Angelicum esse instructum speciebus impressis, quarum influxu efficienti, veraque cooperatione iuuentur ad producendos suos intelligendi actus circa singula obiecta. Dubitatur autem, an ad omnia, an ad aliqua tantum, & quænam obiecta cognoscenda indigeat Angelus speciebus impressis distinctis à se, & ab obiectis? Qua in re extat magna opinionum varietas, uti semper accidit in re obscura, & ancipiti, multiplicisque comparationis ambagibus implicata, qualis proculdubio hæc est. Iuuerit proinde breuiter prænarrare summa capita sententiarum, atque opinionum diuersarum.

Art. 3. Prima itaque opinio D. Thomæ quæst. 56. art. 1. aliorumque communis negat Angelo species à se distinctas.

ctas ad cognitionem sui, & proprietatum sibi connaturalium. Quia, cum Angelus sit sibi summè præsens, non potest indigere qualitate sui vicaria, hoc est specie impressa sui, ut cognoscat seipsum. Quia vero hæc cognitio est perfecta in vnoquoque Angelo comprehensio sui, eadem necesse est, ut cognoscat proprietates ad essentiam naturaliter consequentes, utpote contentas in illa, & cum quibus eadem intrinsecè connectitur tanquam causa, & radix præcontinens in se perfectionem illarum. Confirmari potest, quia Angelus non est minus perfectus in ratione cognoscibilis, quam in ratione cognoscitivi, ut apparet ex dictis quæst. 13. de Deo ab art. 1. ad 7. usque. Ergo non minus per se ipsum præstare potest concursum obiectiuum, quatenus cognoscibilis est; quam concursum efficientem, quatenus est cognoscitivus, quando sub utraque ratione fuerit æquè præsens, & applicatus, uti est respectu suæ de se cognitionis.

Art. 4. Verum hæc opinio subdividitur in duas alias. Prior est Caietani, & asectorum, aientium ibidem substantiam Angeli non præstare, immediatè per se ipsam, eum concursum obiectiuum, sed per suum intellectum, qui resultat à substantia, cum virtute actiua propria potètiæ, simulque speciei. Altera opinio est Sæa-ij, & nostrorum communiter Theolo-

logorum adscribentium eundem cōcursum ipsi substantiæ immediatè. Fundamentum Caietani est, substantiam creatam non esse immediatè operatiuam, ut quo, seu ut proximam rationem agendi. Suarij vero. & asseclorum fundamentum est, oppositum principium esse verum, nempe indistinctionem saltem partialem potentiæ intellectiue à substantia intellectuali. Circa proprietates Angelo connaturales extat similis subdiuisio, aientibus Arrubale, & alijs, illa per se immediatè exhibere concursum obiectiuum in cognitionem sui, quæ tendat in ipsas seorsim, ac immediatè, negantibus vero Thomistis, conuenire Angelo cognitionem suarum proprietatum, præterquam perfectam à priori, & per causam, ac proinde indistinctam ab eius cognitione, & ortam ab eius præcisè concursu obiectino.

Art. 5. Secunda eiusdem Arrubalis, & aliorum opinio negat Angelis species distinctas realiter ab obiectis, non solum respectu sui, sed etiam omnium eorum, quæ sunt ipsis vnita physicè, siue naturalia illa sint, siue supernaturalia; siue necessario inhærentia, ut proprietates connaturales, siue contingenter, ut alia accidentia. Quia scilicet, quæ sunt vnita physicè, eo ipso habent præsentiam, & applicationem sufficientem. Et cum sint spiritualia, habent quoque propor-

tio.

tionem requisitam, ut influant obiectivè in cognitionem, Quæ ratio æquè viget pro naturalibus proprietatibus, & pro alijs quibuscumque accidentibus tam supernaturalibus, quam naturalibus. Reliqua vero non unita physicè, si sint absentia, non possunt operari in distans, quin operentur per medium, atque hoc est incapax ad recipiendas species spirituales. Quæ autem sunt propinqua, cognoscuntur ab Angelo independentè à propinquitate, Quia potest æque bene cognoscere obiecta utcumque distantia, & conservare cognitionem semel conceptam, obiectis, aut ipso cognoscente quocumque abeuntibus. Sunt qui distinguant inter obiecta propinqua spiritualia, & materialia, propter illorum impropertionem, & propositionem illorum respectu intellectiōis, quæ est spiritualis. Quæ de causa volunt, spiritualia propinqua immediatè influere obiectivè; minime vero materialia.

Art. 6. Tertia sententiā, in quam semel, atque iterum valde propendet Vasquez à disp. 200. cap. 3. & quam cum alijs absolutè tuetur Martinon, docet Angelos non indigere speciebus impressis ad cognoscenda obiecta naturalia in se intrinsecè existentia, & sufficienter præsentia, seu posita intra sphaeram actiuitatis; ad reliqua indigere. Quia dum obiecta existunt, & sūt sufficienter propinqua,

frustra substituitur qualitas, quæ agat vicem ipsorum. Quod quidem de obiectis spiritualibus videtur, per se satis patere, cum sint intra idem genus, ad quod pertinent cognitiones intellectuales. De obiectis autem corporeis suadetur idem exemplo actuum phantasie, ex quibus, licet materiales sint, oriuntur species spirituales, cooperante simul intellectu. Quidni ergo similiter ab obiectis materialibus oriantur inadequatè intellectiones? Accedit, nullo ex capite apparere impossibile, quod intellectus Angelicus tanquam causa secunda adæquata possit elicere cognitiones suas circa obiecta existentia intra sphaeram Angelicæ virtutis cognoscitiuæ. Immo id videtur maximè congruere eximie illi perfectioni, quæ ab omnibus agnoscitur in Angelis, Quo potissimum propendet Vasquez loco indicato cum OKamo, Altisiodorensi, Dur. Gabr. iam ad obiecta præterita, aut nondum existentia indigere Angelum speciebus, (quod tamen, non minus propendet Vasquez, ut neget) asserit patere idem Martinon. Quia eiusmodi obiecta non sufficientia ex se ad excitandam intellectum, & cognoscuntur æquè benè sub quacunque durationis distantia, & absq; vlla propinquitate locali positiva. Quoad obiecta coexistentia quidem Angelo, sed eidem minimè propinqua nititur idem auctor scripturæ locis expensis supra in-

pri.

prima ratione dubitandi.

Art. 7. In re dubia & maximè occulta placet adhærere vestigijs D. Thomæ, cui omnia patuere. Dicendum itaque primò est, ob eius præcipuè auctoritatem, tum ob rationem præmissam nuper art. 3. Angelum non indigere specie obiectis superaddita ad cognitionem sui, suarumque proprietatum, & accidentium sibi naturaliter inhærentium. Prima subdivisio huius sententiæ proposita art. 4. nullum apud me locum habere potest, qui potestiam intellectiuam non agnosco distinctâ à substantia intelligenti, ob ea quæ producentur infra quæst. 18. Quoad secundâ subdivisionem placet Arrubalis sententia. Quia cum accidentia Angelò connaturalia eodem modo comparentur in ratione cognoscibilium cum sua cognitione, atque comparatur substantia cum sua; nulla apparet ratio, cur quâdo sunt æquæ præsentia, & applicata, non possint æquè præstare concursum obiectuum immediatum. Eò, vel maxime, quia est valde probabile, Angelum cessare posse ab immediata cognitione sui naturali, & nihilominus retinere cognitionem eorum accidentium.

Art. 8. Dicendum rursùse st, pro reliquis omnibus obiectis necessarias esse Angelo species impressas distinctas realiter ab eisdem obiectis, tum ob rationes nuper propositas in posteriori parte artic. 7.

tum ob istam aliam . Quia scilicet videtur intellectus indigere, ad eliciendas conaturaliter cognitiones , causa concursus obiectiui sibi intrinsecè inhærenti, quæ perficiatur intrinsecè , ac illustretur . Sicut enim , quæ grauiæ , & leuiæ sunt, nec sursum, nec deorsum mouerentur propter leuitatem , & grauitatē sibi præsentēs, non tamen inhærentes physicè ; nec corpus redderetur proximè visibile propter propinquitatem coloris, & lucis, quæ non nisi per physicam inhæsiōem disponunt ad visionem; ita videtur intellectus in suo genere , & oculus corporeus in suo indigere, ad eliciendos suos actus, dispositione sibi physicè inhærenti, communicata per speciem obiecti , aut obiectum ipsum, nec sufficere, quod hæc sint illi propinqua . Frequens nimirum est apud D. Thomam, & alios rationibus indicatis quæst. 12. de Deo, species impressas appellare lumen intellectus . Quibus scilicet illustratur , tū intellectus, tū oculus, ut videre possit, & determinatur , ac excitatur, ut videat, & sic eliciat cognitiones ex intrinseca inclinatione, impetu indè superaddito dispositioni remotæ, quæ ex se præcise habet, ut cognoscat ad eum ferè modum, quo ex omnium confessione idem accidit in voluntate . Ut ut autem hoc se habeat, distinctio, quæ ibi subiungitur absolute inter obiecta spiritualia, & materialia, mihi placet ex hypo-

po-

pothesi. Tamen si enim obiecta spiritalia propinqua possent se ipsis immediate concurrere obiectiue, non propterea, idem esset concedendum obiectis materialibus, seu corporeis ab rationem differentie ibidem assignatam. Nec vrget paritas, quam opponit Martinon ex actu phantasie. Quia actus phantasie humanae participat plurimum de perfectione actuum spiritualium ex influxu animae rationalis, & ex modo repraesentandi defaecationi, quam qui inest sensui externo; cum res alie materiales longissime distet ab eiusmodi perfectione, ac participatione. Atque vniuersaliter est verum illud solemne: supremum infimi non attingere infimum supremi. Qui gradus conuenit, inter res materiales, actui phantasie comparato cum actu intellectus sibi immediato, non verò rebus alijs.

Art. 9. His ita constitutis circa necessitatem specierum, superest adhuc dubitatio, an Angeli illas accipiant ob obiectis, an a solo Deo immediate, & quando? Dicendum autem est cum D. Thomae eadem quaest. 55. artic. 2. & plerisque alijs ibidem aduersus Scotum, & alios non paucos, eiusmodi species simul omnes infusas fuisse Angelis à Deo in primo suae creationis instanti. Solet haec conclusio probari à Theologis non paucis ex 28. Ezechielis, vbi dicitur primus Angelus plenus sapientia ante peccatum, sive à primo

mo creationis instanti. Quod tamen non videtur esse efficax ad propositum. Quia id accipi potest de sapientia supernaturali, cum hic sermo de sola naturali, accipi etiam potest de sapientia habita per species rerum tunc existentium, tùm de illuminatione indistincta à perfectissima virtute intellectiva, absque exclusione alterius aliunde subsidij necessarij pro loco, & tempore. nec non de scientia circa Deum, ac demùm de sola cognitione supernaturali rerù in verbo Probatur itaq; aliter conclusio. Quia Angeli non possunt sola sua actiuitate acquirere similitudines seu species rerum omnium, propter infinitam propemodùm varietatē perfectionum in illis repertam, vti observatum est supra art. 1. pro necessitate concursus obiectiui. Rursus neque possunt habere easdem species dependenter ab actiuitate, seu adæquata, seu inadæquata obiectorum. Quia quæ materialia sunt carent prorsus ea actiuitate, vt dictum est. Quæ verò spiritualia sunt cognoscuntur independenter à propinquitate ad Angelum ea cognoscentem, & tamen producere species nequaquam possunt independenter ab eadem propinquitate. Quæ itidē duo observata sunt superius, Necessè igitur fuit, vt à Deo infunderentur species omnium rerum. Quia verò nulla est maior ratio infusionis pro vno instanti, quàm pro alio, satius est existimare, Deum à pri-

primo instanti voluisse ea perfectione donare naturam Angelicam. Inimò adest maxima ratio eius intuitionis à primo instanti. Quia videlicet Angelus ex sua natura habet semper intrinsecam capacitatem, ut perficiatur per eiusmodi accidentia; ac proinde semper illa exigit intrinsecè. Deus autem omnibus largiter supeditat omnia, quorum sunt intrinsecè capacia, quæque proinde exigunt intrinsecè, ex quo sunt capacia, & exigunt. Et quidem, quod Deus infundat Angelis species omnium rerum, maxime vero materialium, colligitur haud obscurè ex Dionysio cap. 7. de diu. nom. non longè ante medium, ubi docet, tum Angelos discere, quæ sunt, diuina sibi accommodata illustratione, tum scientiam diuinam ab eis non comparari ex rebus indiuiduis. Eodem pertinet celebris doctrina Augustini lib. 2. de Genes ad litteram cap. 8. & lib. 4. cap. 32. omnia prius à Deo creata esse in Angelorum cognitione, quam in se ipsis. Quod fieri non posset si species rerum à rebus ipsis acciperent, & non à Deo immediatè. Ex his itaque omnibus apparet, an, & pro quibus obiectis sint Angelis necessariae species impressæ sibi superadditæ, & vnde eas habeant.

Ad 1. Quod intédit ibi Martinon de propinquitate obiectorum necessaria, ut videatur ab Angelo, merito dixit Suarez lib. 2. c. 6. esse cōtra omnes. Nec aduersantur au-

dores, qui docent, Angelos sumere species ab obiectis. Quia iam susceptis vtuntur in quantacunque illorum distantia. Ad loca scripturæ, quæ ille perpendit pro se, dicitur, spiritum Sanctum ibi, & sæpe alias exponere more humano, quæ sunt more spirituum, vt commodius percipiantur ab hominibus, in quorum utilitatem scripta sunt, quæcunque scripta. Dicitur etiam posset circutiones eiusmodi factas esse à Dæmone, non ex indigentia notitiæ, sed ad libitum ineptæ, vt facit pleraque alia.

Ad 2. Species impressæ obiectorum spiritualium sunt necessariæ Angelo, tum vt eius vis intellectiua perficiatur intrinsecè similitudine virtuali obiecti proprii naturæ ad intellectionem eius iuxta dicta supra artic. 8. tum vt eas cognosci possint independenter à propinquitate, atque in qualibet distantia. Obiectorum autem materialium species habentur a Deo infusè ab initio creationis, vt dictum est supra. Vnde omnia, quæ sunt extra Angelum cognoscuntur ab eo per species.

Ad 3. Agentia naturalia solum producunt in passio. effectus participantes perfectionem ipsorum, & non etiam eorum præterea, circa quæ operantur, perfectionem peculiarem, ideoque nulla indigent cooperatione ex parte ipsorum. Opposito modo se res habet in intellectu comparato cum obiectis cognoscibilibus per ipsam.

Quo.

Quorum videlicet peculiare perfectiones ad se traducit, ea intelligendo, ut liquet ex art. 1. & 2. Est igitur dispar, manifeste ratio.

Ad 4. Quod dicit Dionysius, Angelos scire ea, quæ sunt in terra secundum propriam naturam mentis, solum convincit non cognosci terram terra, & sic de alijs qui fuit veteris error philosophiæ, non vero cognosci, quæcunque cognoscuntur, per naturam mentis in genere causæ formalis, aut etiam efficientis adæquate. Deinde non sunt omnia in Angelis, tam superiora, quam inferiora secundum omnes, & quaslibet suas rationes formales adæquatè sumptas, sed solum inadæquatè secundum aliquas. Cognoscit autem omnia secundum omnes eorum rationes, etiam eas quibus cætera differunt ab unoquoque Angelo. Indiget ergo eatenus; cooperatione obiectorum. Hinc apparet legitimus sensus sententiarum Dionysij qui nimirum solum intendit cætera omnia esse in Angelo tantum inadæquatè, atque tota esse in totis secundum rationes communes tantum, ut exponit D. Thomas dicta quæst. 53. art. 1. ad 3. Demum quod dicitur idem esse intellectum, & quod intelligitur, accipiendum est de intellectu in actu, quatenus intellectio est intentionaliter ipsum obiectum intellectum; non verò ita ut essentia intelligentis secundum se præcisè sit res intellecta, aut similitudo

do eius, vel virtualis adæquata, vel formalis.

Ad 5. Ad conceptum doni supernaturalis non sufficit, quod superet totam actiuitatem eius, cui confertur, sed necesse insuper est, vt superet proportionem, & exigentiam eius intrinsecam, vti pluribus expositum, & stabilitum est quæst. 6. & 7. de gratia. Alioquin creatio animæ rationalis, ipsaque anima esset intrinsecè supernaturalis, Itaq; Angelus accipit a Deo species impressas rerum materialium, nec non spiritualium existentium extra ipsū, tanquam perfectiones ipsi connaturales debitas perfectioni nature eius, & quibus non superadditis perperam data in eo fuisset virtus intellectiua. quæ ex sua natura est vniuersalis respectu omnium. Quid verò cuiquam connaturalius esse, aut dici potest, quam id, sine quo existere nequit ex ipsa natura rei, quodque vt ipsi negatur, est infra dignitatem, & exigentiam nature eius? quidquid sit de reliquo, & quo sibi non concesso nequit exercere actiuitatem, & vim effectiuam sibi essentialem, ac proinde est eatenus frustra in rerum natura.

Q V A E S T I O XIII.

*Virū species Angelicae sint inaequa-
les pro inaequalitate
Angelorum?*

IDENTVR non esse ita inæquales 1. Quia dici non potest in Angelo perfectiori species esse perfectiores, & minoris perfectionis in minus perfecto. Nempe qui perfectior est habet maiorem virtutem intellectiuam, Maior autem virtus intellectiva minori indiget cooperatione ex parte obiecti, adeoque specie indiget minus perfecta, & è conuerso de Angelo minus perfecto, Sed neque dici potest Angelo minus perfecto deberi species magis perfectas, quā perfectiori. Quia perfectio cuiusque substantiæ est mensura perfectionis eorum, quæ insunt ipsi necessariò, nec fieri potest vt alicui debeatur aliquid præstantius, præcisè quia ipsum est ignobilius.

2. In speciebus intentionalibus non est excogitabilis maioritas perfectionis, nisi quoad maiorem vniuersalitatem. Angelo autem perfectiori non infunduntur species vniuersaliores. Quia cognoscens per speciem vniuersaliolem fertur in rationem magis vniuersalem obiecti, ac pro
inde

inde cognoscit cum minori præcisione à particularibus, & cum maiori plurimum confusione sub vna ratione communi.

Repugnat autem, vt Angelus eo cognoscat imperfectius quo perfectior ipse est. Repugnat igitur, vt habeat species eo vniuersaliores, quo perfectior ipse est. Ergò species Angelorum non sunt inæquales pro inæqualitate ipsorum.

3. Si species impressæ Angeli perfectioris essent vniuersaliores, posset Angelus perfectior cognoscere per vnā speciem plura simul obiecta, quorum singula Angelus inferior cognosceret per singulas seorsim species. Hinc autem ulterius subsequitur plures istas species Angeli inferioris distingui inter se, & à specie vniuersaliori Angeli superioris, per puram negationem maioris extensionis, quæ conuenit speciei illi vniuersaliori, quod repugnat, quia quæcunque differunt specie, habent peculiare perfectiones, per quas differunt specificè mutuo; tum quia ratio specifica in vnoquoque est præcipua eius perfectio; tum quia cuius nulla est specialis perfectio secundū suam rationem differentialem, nulla est appetibilitas specialis secundum eandē. Nulla autem existente speciali alicuius appetibilitate, quatenus differt ab alijs, nulla causa posset intendere, ac inducere existentiam eius, quatenus differentis ab alijs. Repugnat igitur, vt existant ang.

ctore Deo, aut vi alicuius alterius causæ duæ eiusmodi species impressæ, quibus simul sumptis æquiualeat indiuisim vniuersalior alia species, & quarum proinde ratio differentialis sit purè negatiua.

4. Idem non potest esse propria ratio multorum. Ergò si Angelus superior cognosceret plura per vnicam speciem, maioris vniuersalitatis, non posset illa, attingere secundum propriam, & peculiarem vniuscuiusque rationem. Ergò ea omnia cognosceret confuse, & imperfectè.

Art. 1. Respondetur. *Ex hoc sunt in rebus aliqua superiora, quod sunt uni primo; quod est Deus, propinquiora, & similia, vt assumit D. Thomas in hanc ipsam rem, quæst. 55. art. 3. Dictum autem est quæst. 4. Dari Angelos alios alijs superiores. Dantur igitur Angeli alijs alijs propinquiores, & similiores Deo. Deus autem quæcunque cognoscit, cognoscit, per vnicam vniuersalissimam rerum omnium speciem, quæ est eius essentia, atque in hoc peculiaris eius perfectio infinita, quatenus intellectiuis est, plenissimè consistit, vt dictum est quæst. 15. de Deo. Ergò Angeli quo perfectiores sunt alijsque superiores, eò vniuersalioribus, & paucioribus numero speciebus vtuntur; eò verò pluribus, minusque vniuersalibus, quò inferiores sunt minorisque perfectionis.*

Art.

Art. 2. Et quidem admittendam esse de facto aliquam huiusmodi vniuersalitatem in speciebus Angelicis saltē respectu indiuiduorum eiusdem infimæ speciei, ita vt possint cognosci plura, etiam seorsim distinctē, & clarē per vnicam speciem, realiter indiuisibilem, constat: Primò ex perfectione Angelorum, longē maiori, quam sit humana, nec dependenti à sensibus transmittentibus singula seorsim indiuidua in intellectum per singulares cuiusque species impressas. Par enim est credere, species impressas Angelorum, quæ sunt proprietates, aut quasi proprietates ipsorum, eodem proportionaliter gradu perfectionis excedere species impressas humanas, quo natura Angelica, excedit humanam, ideoque illas esse vniuersaliores, maiorisque ad plura indiuisim repræsentanda sufficientiæ. Deinde quæstione præcedenti dictum est, Angelis pro primo suæ existentiae instanti infusas esse species pro rebus omnibus cognoscibilibus per ipsas, extitūris decursu temporis. Res autem cognoscibiles ab Angelis extitūræ decursu temporis sunt infinitæ, vt patet in durationibus, cognitionibus, & volitionibus ipsorū Angelorū, ac dæmonū extitūris per totā æternitatem. Oportuisset igitur species Categoricalicè infinitas infusas esse si nulla in eis daretur vniuersalitas, sed singulæ singulis indiuiduis seorsim responderent. Id

quod est impossibile, ac chimericum.

Art. 3. Rursus probabilius videtur species impressas cuiusque Angeli esse præditas aliqua vniuersalitate quoad specificas etiam differentias rerum, quæ sunt vnoquoque Angelo inferiores. Primum enim hæc perfectio non videtur vsque adeò magna, vt excedat limites perfectionis conuenientis substantiæ Angelicæ. Deinde species, quas modò posuimus aliquam vniuersalitate præditas quoad indiuidua eiusdem infimæ speciei, & quas comuni consensu admittunt Theologi ferè omnes, dubitandum minime est, quin sint sufficientes ad cognitiones discretiuas vniuscuiusque indiuidui à reliquis. Quod conuincunt eque vi eadem rationes, quibus eiusmodi vniuersalitas comprobata est. Sufficiunt igitur ad cognitionem etiam obiectorum specie inter se dissidentium. Ratio illationis est quia vnumquodque indiuiduum est discernibile ab alijs indiuiduis numericè tantum distinctis per aliquod accidens, aut accidentium collectione specie diuersa ab accidentibus aliorum omnium indiuiduorum, vt liquet ex dictis in eadem quæst. 4. sub initium. Accedit quemlibet Angelum esse comprehensum sui per vnicam cognitionem, vt dicetur in quæstione proximè sequenti. Plura autem sunt obiecta specie distincta inferiora Angelo, quæ simul sumpta non sint ma-

ioris perfectionis, quam Angelus se solo;
Poterit igitur similiter complecti vnica
indiuisum cognitione plura obiecta inte-
riora specie inter se distincta. Ergò si-
militer vnica species impressa poterit plu-
ra eiusmodi indiuisum continere; Contr-
matur, quia non magis repugnat, quali-
tatem intentionaliter actiuam continere
in se cognitiones inter se specie diuersas,
aut obiectorum specie diuersorum, quàm
causam purè physicam continere in se
plures effectus physicos specie diuersos.
Sunt autem plures eiusmodi causæ phys-
icæ. Ergò & species impressæ admitten-
dæ sunt præditæ continentia eiusmodi
vniuersali. Quæ est communior longè
opinio ad ersus Arrubalem, & nonnul-
los alios, qui solam admittunt vniuersa-
litatem specierum Angelicarum quoad
indiuia eiusdem infimæ speciei.

Art. 4. Concluditur itaque cum D.
Thoma vbi supra contra Scotum, Ange-
lum quò superior est, eò paucioribus spe-
ciebus impressis intelligere eandem
collectionem obiectorum, seu numero,
seu specie distinctorum. Id quod tradit
clare Dionysius cap. 12. Cæl. Hierar, di-
cens superiores Angelos participare sciē-
tiam magis in vniuersali, quam inferiores
Observandum verò est, necesse nequa-
quam propterea esse, si nihil superadda-
tur aliud, vt minor specierum numerus
existat in Angelo superiori, quàm in in-

feriori. Quia ad maiorem speciei alicuius impressæ vniuersalitatē sufficit, quod vel plura obiecta indiuisim per eam cognosci possint, vel idem numerus obiectorum cognosci possit per ipsam clarius, ac distinctius, & quoad plura prædicata. Vtrumuis nimirum horum æquè arguit maiorem perfectionem, id est maiorem vniuersalitatē intensiuam, vel extensiuam, & quoad plura vel obiecta inter se realiter distincta, vel prædicata, & formalitates eorumdem obiectorum. Quæ disunctione vitatur facilè, ac legitimè incommodum, si tamen tale est, quod opponi, solet sententiæ D. Thomæ, quam defendimus Nimirum eundem sursum versus per Angelos perfectiores, & perfectiores sine fine, deueniri posse ad aliquem, qui vna sola specie valeret cognoscere vniuersa. Quod profectò incommodum locum non habet, data distinctione maioris perfectionis specierum intensiuè, & extensiuè. Quanta porro, & qualis determinate sit vniuersalitas specierum in vnoquoque Angelo, definibile à nobis nequaquam est, qui naturas eorum non nouimus definitè, nec proinde iustam cuiusque proportionem cum determinato genere specierum.

Ad 1. Causa perfectior, minori alterius cooperatione indiget, quam causa minus perfecta ad effectus æqualis perfectionis. At ad effectum perfectiorem
opor.

oportet omnia conprincipia esse perfectiora Angelus autem superior elicit cognitiones tantumdem perfectiores, ideoque indiget cooperatione specierum perfectiorum, atque vniuersaliorum. Eò vel maximè quia cognitio, quæ est perfectior, quatenus correspondet intellectui, eo ipso est etià perfectior, quatenus correspondet motui suo formali, de quo a libi, atque ideò vtrinque indiget maiori cooperatione, & virtute actiua nobiliori. Debentur igitur Angelo superiori species vniuersaliores, quam inferiori. Cōcessa itaque posteriori parte obiectionis, negatur pars prior.

Ad 2. Species Angelicæ non dicuntur à Theologis magis vel minus vniuersales relate ad rationem obiectionem vniuersalem pluribus, vel paucioribus indiuiduis aut speciebus communem, sed relatè ad plura, vel obiecta, vel prædicata obiecti, vel obiectorum, quatenus distinctè, & clarè cognoscibilia. Vnde obiectione equiuocatione laborat.

Ad 3. Concessa prima sequela, negatur posterior subsecutio. Quia duæ species impressæ minus vniuersales, quibus simul sumptis equiualeat alia quædam species vniuersalior, differunt ab ea, & inter se per propriam cuiusque perfectionem vsque adeo limitatam intrinsecè, quatenus limitata est. Ad eum videlicet modum, quo omnes creature differunt à

Deo, à quo nihil differt per puram aliquam perfectionem, sed per puram aliquam perfectionem, sed per adiunctam illi, atque identificatam limitationem, & imperfectionem. Nullę namque duę perfectiones sibi inuicem repugnant, præcisè quatenus sunt perfectiones. Alioquin non esset in Deo formalis omnis pura perfectio seclusa omni imperfectione, nec esset ullus defectus exclusivè alicuius perfectionis. Dicendum itaque est, impossibile quidem esse, ut duo conceptus obiectivi sufficientes constituendis duabus rerum speciebus identificentur in tertiā aliqua entitate, si sumantur adæquatè, inclusis etiam imperfectionibus, ratione quarum se inuicem excludunt, reddunturque mutuò incommunicabiles summè. Cæterum possunt identificari si sumantur inadæquatè, seclusis solis illis imperfectionibus, ratione quarum opponuntur mutuò, atque impediuntur. quominus uterlibet communicetur alteri tantumdè atque sibi, & alterum perficiat tantumdè atque se. In summa species minus vniuersales differunt inter se, & ab vniuersaliocri illis equiualente indiuisim ad eum omninò modum, eaque ratione, quo, & qua agnoscuntur ab omnibus motiua intellectos magis, & minus perfecta distincta inter se realiter, & à motiua perfectiori æquiualente indiuisim motiuis imperfectioribus, Nempè perfectio cognitionis,

&

& specierum intentionalium commensuratur iustæ perfectioni motiuorum, ad quæ feruntur.

Ad 4. Conceditur non posse idem esse propriam rationem formalem adæquatam multorum; quia propria ratio formalis adæquata vniuscuiusque ex multis includit in se oppositionem, & impossibilitatem sui cum cæteris multitudinis, eorumque rationibus formalibus. Nec enim aliter distingui possent inter se realiter. Cæterum ratio intentionalis sicut & exemplaris, atque efficiens potest, si sit excellens, vna esse plurium etiam quoad conceptus, & formalitates, quibus differantur inter se, vt patet in diuina cognitione, idæa, & potentia, atque in pluribus alijs, quæ per perfectionem realiter indiuisibilem æquivalent pluribus, & præstare possunt per se præcise, quicquid eadem plura seorsim præstare possunt. Idem igitur accidere similiter potest in speciebus impressis, vt nimirum vna aliqua excellenter perfecta æquiualeat pluribus plurium obiectorum speciebus, eademque obiecta contineat in se intentionaliter, & valeat efficere cognitiones eorum quoad conceptus etiam differentiales eorum, cum omnimoda claritate, ac distinctione.

QV AESTIO XIV.

Utrum Angelus cognoscat naturaliter omnia intelligibilia?

IDETVR non cognoscere. 1. Quia non cognoscit se ipsum: tum quia ex sententia Dionys. cap. 6. Eccl. hierar. *Angeli ignorant proprias virtutes*, quas tamen ignorare non possent, si cognoscerent se ipsos, saltem si perfectè cognoscerent: Tum quia Angelus est quoddam singulare, ut patet; nullum verò singulare est intelligibile, ut docet sæpe Philosophus. Tum denique quia intellectus mouetur ab intelligibili, cum intelligere sit quoddam pati ex 3. de anima tex. 12. Nihil verò mouetur, aut patitur à se ipso, quod patet ad sensum in omni mobili sensibili;

2. Nullus Angelus potest cognoscere ullum alium Angelum. Primò quia intellectus se habet ad intelligibilia, sicut sensus ad sensibilia; Atque sensus si haberet in se determinatè aliquam naturam ex collectione sensibilibus, non posset sentire reliqua sensibilia, ut si pupilla esset colorata, aliquo colore, non posset videre omnem colorem, ut dicitur in 3. de anima tex. 4. Angelus verò habet in se deter-

terminatè vnam ex collectione naturarū intellectūalium. Deinde quia, vt dicitur in lib. de causis propof. 8. *Omnis intelligentia ſcit quod eſt ſupra ſe, in quantum eſt cauſata ab eo, & quod eſt ſub ſe, in quantum eſt cauſa eius.* Nullus autem Angelus eſt cauſa alterius Angelī, aut cauſatur ab alio Angelo. Præterea vnus Angelus nequit cognoscere alium Angelum, per eſſentiam cognofcentis, aut cogniti, aut per ſpeciem eius. Non per eſſentiam cognofcentis, quia non eſt ſimilis cognitio quoad rationem eius differentialem, vt per ſe patet, atque omnis cognitio procedit ſecundum rationem ſimilitudinis. Nec per eſſentiam Angelī cogniti, quia id quo vnusquisque intelligit, oportet eſſe illi in ſe in ſecum, atque perfectiūm ipſius, vt dictum eſt ſupra quæſt. 57. artic. 8. Nec denique per ſpeciem, quia ea ſpecies foret immaterialis ſicut Angelus, cuius eſſet ſpecies, ac proinde non differret ab ipſo.

3. Deus non eſt naturaliter intelligibilis ab Angelis. Primo quia *Deus eſt ſuper omnes celeſtes mentes incomprehenſibili virtute collocatus*, vt dicit Dionyſius cap. 9. de diu. nom. ante med. ſubditque rationem ibidem, dicens: *Quia eſt ſupra omnem ſubſtantiam, ab omni cognitione eſt ſegregatus.* Deinde diſtancia Dei ab Angelo, eſt infinita. Quæ autem diſtant infinitè, non poſſunt inuicem attingi. Demum duo t2-

tum sunt modi cognoscendi Deum, nempe facie, ad faciem, & per speculum in ænigmate, vt apparet ex 1. Corinth. 13. Angelus autem nequit cognoscere Deum naturaliter facie, ad faciem. Quod videlicet nulli substantiæ creatæ, aut creatibili connaturale esse potest, vt dictum est quæst. 10. de Deo. Sed neque per speculum in ænigmate potest cognosci Deus ab Angelo. Quia specularis cognitio Dei omnino repugnat intellectui Angelico, vtpote incapaci accipere cognitionem Dei à rebus sensibilibus, vt habetur ex Dionys. c. 7. non longè ante medium, solę verò res sensibiles dicuntur ab Apostolo speculum ænigmaticum diuinitatis.

4. Nihil materiale, nihilque singulare potest cognosci ab Angelo. Materiale quidem, tum quia intellectum est perfectio intelligentis; nihil verò materiale potest esse perfectio Angeli, qui est spiritualis: tum quia res materiales non sunt intelligibiles actu, sed sensibiles tantum atque imaginabiles; atque Angelo nec sensus conuenit, nec imaginatio, sed solum intellectus. Singulare verò nullum ab Angelo cognosci potest. Quia sensus est singulare, & intellectus vniuersalium, vt dicitur 1. post. tex. 43, atque in Angelo non datur sensus, sed solum intellectus.

5. Angelus nequit cognoscere futura. Ergò neque præsentia, aut præterita.

Er.

Ergò nihil. Patet prima consequentia. Quia Angelus in primo suæ creationis instanti accepit à Deo species omnium cognoscilium ab ipso, siue futurorum, siue præsentium, & præteritorum. Quapropter si aliqua ex illis cognoscere nihilominus non potest, neque reliqua cognoscere potest. Probatur antecedens. Quia cognitio futurorum est legitimum diuinitatis argumentum, vt patet Isa. 41. 23. *Annuntiate, quæ ventura sunt in futurum, & sciemus. quod Dñs estis vos* Idemque dicitur cap. 46.

6. Angelus nequit cognoscere suas cogitationes, suosque actus liberos, quibus tamen nihil est cognoscibilius ab vnoquoque. Probatur assumptum, quia nullus Angelus potest cognoscere actus intellectus, & voluntatis aliene, qui dicuntur secreta cordis, vt patet ex illo Ierem. 17. 10. *Prauum est cor hominis & inscrutabile, quis cognoscer illud? Ego Dominus scrutans cor & probans renes* Cogitationes autem, & electiones liberæ propriæ cuiusque Angeli sunt eiusdem rationis cū cogitationibus, & electionibus alienis, eisdemque partim æquales, partim superiores. Et qui est insufficiens ad vnum ex duobus æqualibus, eiusdemque rationis, nequit sufficere ad alterum. Quia omnium inter se æqualium est eadem quoad omnia mensura.

7. Nihil supernaturale innotescit An-
ge,

gelis naturaliter. Quia quoduis naturaliter cognoscit, non quærit, nec discit ab alio. Angeli autem quærant notitiam mysteriorum gratiæ à Deo, eaque discunt ab eodem, ut habetur ex Dionysio cap. 7, cæl. Hierar. post medium. Ex his igitur omnibus apparet Angelos non cognoscere naturaliter omnia intelligibilia, immò nihil prorsus intelligere ipsos naturaliter.

Art. 1. Respondetur. Certum primo est Angelos naturaliter cognoscere omnia omninò cognoscibilia cuiuscunque rationis, & conditionis saltem confusè sub ratione entis. Quæ videlicet secundum totam suam latitudinem est obiectum cuiusvis intellectus. Certum rursus est, Angelos, licet non comprehensivè, intuitivè tamen, & distinctè, ut sunt in se, cognoscere posse quælibet obiecta naturalia sibi coexistentia, infra Deum constituta, nec subiacentia specialiter iuri peculiari alicuius dominij, quod læderetur per alienam rei possessæ cognitionem. Quia omnia eiusmodi obiecta eo ipso, quod coexistent, habent iam in se actualiter cognoscibilitatem intrinsecam. Et præterea habent proportionem cum intellectu Angelico haud quaquam minorem, quàm obiecta sensibilia cum sensibus nostris. Certum tertio est, vnumquæque Angelum posse cognoscere comprehensivè se ipsum, & alios Angelos sibi æquales, nec non reliqua obiecta naturalia illis.

illis inferiora. Quia nihil horum sua perfectione, & cognoscibilitate superat perfectione, & vim cognoscitiuam cuiusque Angeli. Cuius scilicet virtus actiue cognoscitiua crescit necessario arithmetice iuxta augmentum omnis perfectionis eidem absolute vndecumque conuenientis. Qua de re, & comparatione videri plura possunt quæst. 13. de Deo, nec non quæst. 15. ad 5. Certum hinc ulterius consequenter est, differentias vltimas individuales eorundem obiectorum, tam materialium, quam spiritualium cognosci posse ab Angelis distincte, & clare. Quia hoc ad comprehensionem necessario consequitur. Quod licet aliqui indubiū reuocauerint, non vacat tamen in eis refellendis tempus terere, quando res est ex se satis clara, reddeturque clarior ex responsione ad 4.

Art. 2. Certum similiter est ex fide. Primò Angelos non posse naturaliter cognoscere Deum intuitiue, nedum comprehensiue, vt liquet ex præindicata quæst. 10. de Deo. Possunt nihilominus Angeli cognoscere naturaliter Deum cognitione abstractiua, inadæquata, & imperfecta tum in se ipsis, tum in rebus alijs creatis naturaliter cognoscibilibus ab eisdem, quæ videlicet omnia sunt essentialiter connexa cum Deo, non utcumque sed tanquam cum causa determinatè necessaria ad existentiam eorum, & tanquam
ima

imagines Dei ab eo productæ, vt ipsum repræsentent, atque inducant intellectus omnes creatos in eius cognitionem, plus minus, iuxta cuiusque cognoscibilis perfectionem & cognoscentis capacitatem. Qua de re videri plura possunt. quæst. 2. de Deo.

Art. 3. Certum itidem est ex fide, non posse cognosci naturaliter ab Angelis, cognitione certa, ac infallibili, futura contingentia, siue distincta, siue indistincta ab actibus immediatè liberis, dummodò talia sint, quorum nulla necessitas determinata detur iam à parte rei in causis secundis naturalibus. Quia istarum rerum antecedentem cognitionem pertinere ad solum Deum semel atque iterum testantur sacræ litteræ, testantur, verò clarissimè in duobus illis Isaie locis indicatis in 3. ratione dubitandi. Ratio est, quia eiusmodi obiecta, nec in se, nec in suis causis secundis, quæ solæ, non verò decretum Dei de illis, naturaliter innotescunt Angelis immediatè, vllam habēt de præsentī cognoscibilitatem determinatam. Quæ nimirum est indistincta ab eorum existentia, atque hæc pendet adhuc in vtramque partem absque vlla in se, aut in illis suis causis determinatione ad alteram partem. A nemine autem cognosci potest, quod nondum est cognoscibile ab eodem, seu cuius nulla est ætualiter cognoscibilitas, respectu alicuius.

ius intellectus. De cuius rationis efficacia videri plura possunt (quæst. 17, de Deo, ubi ostensum est, ne quidem Deum cognoscere posse eiusmodi futura independenter a præsentia physica eorum respectu ipsius. Quidni idem dicatur à fortiori de omni intellectu creato? Eadem porro ratione dicendum est aduersus Vazquez, cum communi sententia; neque etiam effectus contingentes præteritos posse cognosci ab Angelis, nisi perseueret species aliqua memoratiua, aut alius quis alius effectus intrinsecè connexus cù præexistentia eorum. Cætera verò obiecta, quorum futuritionem, aut præteritionem continet in se præsens necessitas determinata causarum, aut effectuum naturalium, certò in illis cognoscit Angelus ut pote earum, & causarum, & effectuum comprehensor. Qua eadem ratione prænoscit coniecturaliter plures actus liberos, & effectus ab illis procedentes ex indole, varia corporis inmutatione resultante pro varietate affectuum, iuxta dicta quæst. 3. De pass. ex astrorum aspectu, aliisque insignis, in quorum observatione præeminet subtilitas Angelorum, ac demonum mirabiliter.

Art. 4. Certum denique est, Angelos non posse naturaliter cognoscere cognitione certa, ac euidenti secreta cordis alieni; hoc est, actus liberos alienos, siue Angelicos, siue humanos, absque consensu.

sensu, & communicatione, seu publica-
 tione eliciens illos. Hæc veritas doce-
 tur frequenter, & vsque adeò clarè in
 sacris litteris, conspirante eodem com-
 muni Sanctorum PP. & Theologorum,
 aliorumque expositorum sententia, ac in-
 terpretatione, vt eam putent certam ex
 fide Suarez lib. 2. cap. 21. & Vazquez
 disp. 209. cap. 1. alijque non pauci, reni-
 tente operosè Martinon. disp. 39. sect. 5.
 in cuius fine abutitur pro sua opinione,
 nisi omnino fallor, nonnullis PP. testimo-
 nijs, in quibus tamen exponendis, quod
 non esset difficile, immorari non libet,
 quia nec interest, quando assertio nostra
 saltem sine temeritate negari minimè po-
 test ex eius etià authoris sensu. Loca Scrip-
 turæ præcipua sunt quæ sequuntur 3. Reg. 8.
 39. *Tu solus nosti cor omnium filiorum ho-*
minum 2. Paral. 6 30. *Tu enim solus nosti*
sorda filiorum hominum. 1. Reg. 6. 7. *Homo*
videt in facie, Deus autem intuetur cor. Est
 etiam efficax & clarum, eandem in rem
 testimonium Ieremiæ indicatum in sex-
 ta ratione dubitandi. Vnde autem pro-
 ueniat impossibilitas Angelorum ad co-
 gnoscenda ea obiecta. an ex intrinseca-
 eorum natura, an ex providentia Dei ex-
 trinseca, res est, permultis Theologorum
 meditationibus, huc, & atque illuc variè
 distracta, vt videre licet apud auctores
 modò memoratos. Theoph. Raina. dist. 4.
 Theol. natur. quæst. 1. art. 4. cum Scoto,

& alijs tuetur eā impossibilitatem esse tantum morale[m] provenientem, non ex ipsa natura rerum physica, sed ex providētia Dei consulētis bono Reipublicæ rationalis. proptereaque negantis, vel speciē[m] impressam, vel concursum suum immediatum pro elicienda cognitione immediata, ac certa eorum obiectorum, cum alioquin sint ex se cognoscibilia naturaliter à quolibet non secus, ac alia obiecta unicuique intellectui, vel maxime proportionata.

Art. 5. Dicendum tamen est cum cōmuniori D. Thomæ quæst. 57. art. 4. aliorumque ibidem sententia, cui subscribūt Suarez, & Vasquez locis nuper indicatis eam impossibilitatem fundari in ipsa natura rerum; ita ut secreta cordis à nullo intellectu creato cognosci certo possint naturaliter, sed solum supernaturaliter per divinam revelationem, ac illustrationem intrinsecē[m] supernaturalem. Suadetur id primo efficaciter. Quia in locis indicatis Scripturę, alijsque non paucis ad commendandam specialiter scientiam Dei, extollendamque eius perfectionem præ omni alia scientia, tribuitur ipsi soli notitia arcanorum cordis, discretio cogitationum, & intentionum, atque respectu cæterorum omnium dicitur in eūdem scopum, inscrutabile cor hominis, seu profundum; nullum alium scire vias eius &c. Hęc autem testimonia, & laudes

des comparatur scientiæ Dei, implicite vel explicitè cum omni scientia creata, atque vt plurimum explicitè cum sola humana, enervantur valde, eoque omni vigore fraudantur, quem præferunt, idque absque magno, aut satis probabili in contrarium fundamento, quidquid tergiuerfetur Martinon, si solum extrinseca, & accidentalis, seu moralis tantum est impotentia Angelorum ad penetrandos intimos voluntatis alienæ recessus. Quod quivis facile deprehendet adhibita sincera, & attenta eorum locorum consideratione. Deinde contrariè etiam Auctores sententiæ, spontè agnoscunt copertuisse ad bonum regimen, & rectam constitutionem Reipublicæ rationalis, vt Deus sibi soli reservaret cognitionem certam deliberationum, ac electionum creatarum purè internarum. Deus autem tales condidit naturas rerum, quales oportebat eas esse pro bono regimine, & recta constitutione Reipublicæ rationalis vt liquet ex vniuersali aliarum omnium, & quarumlibet rerum inspectione, Et ex eo præterea, quia non ea est sapientia, ac providentia diuina, quæ rebus non bonè, sed defectuosè constitutis vniuersaliter ex sua natura, remedium præposuerè adhibeat violentum, negando, perpetua lege causis secundis, iisque præstantissimis, & propemodum infinitis, suam cooperationem, aut aliquod aliud requisitum ad
elic.

effectus sibi alioquin proportionatos, & in virtute actiua naturali illarum contentos. Quam in rem videri plura possunt quæst. 28. de Deo. Præterea, iuxta oppositam sententiam, Angeli ex sua natura essent incapaces committendi mutuo secretum aliquod deuinciendique se mutuo communicatione internarum cogitationum, & affectionum; & tam ipsi, quàm homines apud ipsos redderentur subito infames ante sententiam iudicis infamia publica, & ineuitabili, ex quouis suo defectu morali iuxta eius qualitatem, totâque vini infamatoriam. Neque lex, quæ apud nos viget, inferioris conditionis substantias, de seruando secreto, & non discerpenda alterius fama, vllum apud Angelos locum habere posset. Quæ profecto omnia, & plura alia his similia redderent miseram naturaliter conditionem Angelorum etiam præ nostra, arguerentque pessimam reipublicæ eorum constitutionem purè naturalem. Postremo per cognitiones possidentur aliquatenus earum obiecta maxime vero spiritualia, vt apparet ex quæst. 3. de actibus humanis circa possessionem Dei per visionem ipsius. Et quis autem non videat, actus cuiusque liberos ita esse ex natura ipsa rei de iure proprio, & peculiari eius, vt nemo alius possit, absque eiusdem consensu illorum possessionem, ac dominium intentare in vsum aliquem, & quod foret
de;

deterius, necessariò obtinere? Quod tamen eueniret in Angelis ex natura rei si illi actus non essent ipsis impenetrabiles ex natura rei, nec cognoscibiles certo independentè à voluntate, & libero consensu elicientis. Solaitaque cognitione coniecturali, & absolutè incerta, aut còfusa, ac disiunctiua cognosci possunt actus liberi siue absentes, siue praesentes ab alijs siue Angelis, siue hominibus distinctis ab eliciente, dum non accedit consensus eius eatenus liber, aut quod illi æquiualeat; effectus aliquis exterior ex sua natura manifestatiuus interni actus liberi. Quod autem dicitur de actu interno libero, est itidem còmune cognitioni eius reflexe, habitui, & speciei memoratiue alijsque quibusuis actibus, & qualitatibus purè internis, intrinsecè connexis cum actu libero. Nempe quolibet horum manifestato, innotesceret eo ipso actus liber cum quo connectuntur intrinsecè.

Art. 6. Inquires, quid conferat consensus elicientis actus liberos, qui vult, vt hi ab alio, vel alijs pluribus Angelis cognoscantur. Quid, inquam, conferat, vt tales actus reddantur proximè cognoscibiles ab alio, vel alijs respectiue? Dico, eum consensum conferre ad hunc effectum, quod confert lux coloribus, cognitio bonitati obiectorum, applicatio agentibus, vt sint proximè visibiles, amabilia, potentia agere. Confert demum is consensus in
cum

cum, scopus, ut utar exemplo maxime, congruenti postremo nostro fundamento, quod confert donatio, vel venditio, ut reddatur proximè possibilis volùtas honesta possidendi de nouo ab aliquo, quod immediatè prius fuerat apud alium iustum possessorem. Eodè nimirù modo redditur per consensum reuelandi proximè possibilis noua possessio actuù liberorum suscipièda per cognitionè alterius. In huiusmodi namq; possessione idè esse possibilem absolutè, atq; esse possibilem honestatem eiusdè. Potest enim necèssario resultare in intellectu alieno ea cognitio, & possessio, & nunquam resultat cum libertate directà respectu ipsius, cum si cognitio euident, de cuius conceptu est, ne sit immediatè, ac directè libera. Quæ causa est, ob quã non potuerit occurri incommodis propositis in articulo præcedenti sola lege moraliter obligante ad non rimandum secreta aliena, adeoque oportuerit eam cognitionem vetare Angelis lege à naturis rerum indistincta inducente physicã impossibilitatem. Is vero Angelus, cui ab altero reuelatum esset secretum aliquod, eo pacto, ut talem notitiam non transfunderet in alios, morali solum obligatione ad id teneretur; ut pote factus verus possessor eius boni à legitimo domino, non tamen ad omnes vsus, sed cum limitatione. De isto modo mutuè inter Angelos reuelationis secretorum redibit iterum) sermo q. 21,

Art. 7. Superest explicanda cognitio rerum supernaturalium. Supernaturalia sunt in duplici differentia. Alia namque sunt supernaturalia quoad substantiam; idest intrinsecè, & ac essentialiter talia; alia verò sunt supernaturalia quoad modum, idest extrinsecè, & accidentaliter talia, iuxta expositionem traditam quaestion. 6. de gratia, versus finem. Dicendum primo est cum Diuo Thoma quaest. 57. art. 5. alijsque communiter ibidem aduersus Scotum, & nonnullos alios, dona, quoad substantiam supernaturalia, non posse ab Angelo supernaturaliter cognosci distinctè, & certo neque quoad existentiam, neque quoad possibilitatem. Inquam distinctè. Quia confusè, & secundum praedicata communia rebus naturalibus, certum est, illa esse naturaliter cognoscibilia à quolibet intellectu. Inquam rursus certò. Quia cum de re falsa, nec euidencia dari possit, nec certitudo fidei; apparet clarè naturali circa possibilitatem, aut existentiam supernaturalium, seu dubitationi seu suspicioni, aut quasi suspicioni nihil obstare posse. Dum autem dico naturaliter impossibilem eam cognitionem, non intendò, supposita existentia donorum supernaturalium, esse rursus supernaturalem, & indebitam, etiam ex illa suppositione, certam, ac distinctam cognitionem eorum. Quin potius est maximè naturalis,

&

& debita ex natura rei. Quia dona supernaturalia, vel sunt cognitiones, ac illustrationes diuinae, vel sunt intrinsecè ordinata ad cognitionem, & illustrationem eorum, quorum gratia existunt. Cuius videlicet cognitionis, ac illustrationis interuentu, vel vnicè, vel certe præcipuè, magna saltem ex parte existunt utilia, ac salutaria. Quod difficile non est de singulis eiusmodi donis seorsim, inspecta eorum natura, obseruare ac ostendere. Solum itaque contendo. non posse cognoscere sola virtute naturali, nulloque cooperante comprincipio supernaturali, quod simul cum intellectu Angelico influat in cognitionem.

Art. 8. Probatur conclusio de cognitione quoad existentiam. Virtuti cognoscitiuæ sufficienti ex se, absq; comprincipio supernaturali ad cognoscendam distinctè, ac certo aliqua obiecta, vt existentia, debetur ex natura rei existentia talium obiectorum, vel formaliter, vel saltem æquiuvalenter, virtuti autem cognoscitiuæ Angelicæ, nec formaliter, nec æquiuvalenter debetur existentia donorum supernaturalium quoad substantiam. Ergo virtus cognoscitiua Angeli non est sufficiens ex se, absque comprincipio supernaturali, ad cognoscendam distinctè, & certò existentiam eiusmodi donorum. Minor est certa ex definitione entis supernaturalis, & ex doctrina Conciliorum,

ac PP, aduersus Pelagium, vt apparet ex præindictis qq. 6. 7. de gratia. Probatur maior primum inductione sensuum quibus existentibus foret miraculosum, si nihilominus non existerent obiecta per singulos eorum sensibilis; necnon intellectus Angelici, atque humani, quibus similiter debetur existentia aliquorum intelligibilium, nempe eorum, quæ sunt incommensurata virtuti intelligendi, quæ & quanta unicuique inest. Probatur deinde à priori. Quia causa sufficiens ex se, absque comprincipio supernaturali ad aliquos effectus, infert ex natura rei existentiam illorum saltem æquiualem. Ergo pariter intellectus sufficiens ex se, absque comprincipio supernaturali ad elicendas cognitiones distinctas, & certas aliquorum obiectorum, infert etiam ipse ex natura rei existentiam illarum, tanquam sibi debitam determinatè. Eiusmodi porro cognitiones esse intrinsecè connexas cum existentia suorum obiectorum, ac proinde hanc illis deberi ex natura rei, est satis ex se manifestum, nec indiget probatione. Confirmatur, quia omne ens supernaturale impedit existentia sua existentiam alicuius entis naturalis sibi affinis, estque cum illo incompensabile ex sua natura, vt apparet ex doctrina tradita quæst. 21. & 22. de Sacramentis. Cum ergo substantia Angelica sit ex se determinata actu, vel potentia, redu-

cibili in actum pro libito, ad cognitiones obiectorum connaturaliter sibi coexistentium, vel saltem ad non neganda illa obiecta, consequens est, ut sit etiam determinata ex se ad non eliciendas cognitiones existentiae donorum supernaturalium. Eo namque ipso deberet connaturaliter negare existentiam aliquorum obiectorum naturalium, utpote impossibile cum ijs donis supernaturalibus, quorum existentiam affirmaret per tales cognitiones.

Art. 9. Probatur eadem conclusio quoad alteram partem de cognitione possibilitatis. Quia possibilitas rerum non existentium in se intrinsecè, ideoque comparantium intellectui ratione sui, non aliter cognoscibilis est, quam per species rerum existentium, quæ cognoscuntur immediatè ratione sui. Per species autem rerum existentium, quæ quatenus existentes cognoscuntur naturaliter ab Angelis, non possunt ipsis innotescere res supernaturales, quatenus possibiles. Quia res existentes, naturaliter cognoscibiles ab Angelis, sunt purè naturales, ut ostensum modò est. Ex rebus verò naturalibus, si quæ possent iuvare, ac sufficere ad cognitionem possibilitatis supernaturalium, maxime possent causæ eleuabiles ad producendos effectus supernaturales. Hæ autem causæ ad id iuvare, ac sufficere minime possunt. Quia licet connectantur

essentialiter cum possibilitate eorum effectuum, eisdemque ordine transcendentali intrinsecè respiciant; nihilominus iidem effectus, quatenus ab iisdem causis procedere possunt, atque ipsis formaliter correspondent, eam solam perfectionem, eaque sola prædicata participant, quæ sūt effectibus purè naturalibus omnino communia, uti demonstratum est in præindicatis quæstionibus de Sacramentis. In causis igitur naturalibus solum possunt comparere effectus supernaturales, eorumque possibilitas quoad conceptus communes cum effectibus naturalibus, non verò distinctè quoad speciales, & específicos suos conceptus.

Art. 10. Licet autem causæ naturales cognoscantur ab Angelis comprehensivè; non tamen opus est ad comprehensionem causæ, ut cognoscantur in ipsa distinctè omnes, & singuli effectus, ad quos transcendentaliter utcumque refertur, quoad omnia specialia eorum prædicata, sed solum quoad illa, relatè ad quæ tota eiusdem causæ perfectio apparet adæquatè; Eiusmodi autem prædicata effectuum supernaturalium, quatenus producibilium per causam entitativè naturalem, dictum est, convenire uniuocè cum prædicatis effectuum connaturalium eidem causæ. Non igitur necesse est, aut etiam possibile, ut in tali causa cognoscantur, ac discernantur prædicata specialia, per quæ
dissi-

diffident effectus supernaturales. Verum
similiter est, Angelos ex effectibus natu-
ralibus cognoscere Deum sub conceptu
omnipotentis, seu potentis omnia possi-
bilia. Sed quia in eum conceptum assur-
gunt naturaliter per solas species rerum
naturalium; cum ventum est ad partitio-
nem possibilium, & ad conditiones fin-
lorum articulorum impeditur assensus
certus, ac distinctus supernaturalium,
per dissimilitudinem, immò & opposi-
tionem, quam nuper indicaui, rerum
naturalium, quibus mens vnice antec-
denter adhærebat, quæque solæ sunt
obiectum formale motuum totius cogni-
tionis. Quæ causa est, vel non longè dis-
similis impossibilitatis naturalis assentien-
di mysterio Trinitatis diuinæ, cum quo
res omnes creatæ connectuntur essentia-
liter, & quod fundatur in infinitate diui-
næ essentiæ naturaliter cognoscibili, sed
tamen habet modum; essendi oppositum
modo essendi rerum omnium creatarum,
vti expositum est quæst. 38. de Deo art. 2,
& 7. & ad 1.

Art 11. Dicendum rursus est, de my-
sterijs tantum quoad modum supernatu-
ralibus, effectus naturales existentes mo-
do supernaturali cognosci posse 'naturali-
ter, secundum se, ipsum tamen modum,
si sit quoad substantiam supernaturalis,
non posse 'cognosci ab Angelis certò ac
distinctè sola virtute naturali; secùs verò

si idem modus sit, intrinsecè naturalis. Probatur, quia effectibus naturalibus supernaturaliter existentibus, sicut conuenit eadem entitas, atque naturaliter existentibus, ita & cognoscibilitas conuenit eadem. Quæ videlicet est indistincta ab entitate. Quæ ratio æquè probat, ut patet de modo etiam intrinsecè, & quoad substantiam naturali. Impotentia autem cognoscendi modum, qui est intrinsecè, & quoad substantiam supernaturalis, ut unio hypostatica, iisdem rationibus comprobatur, quibus probata est conclusio præcedens quoad utramque partem. Quinam porro modi sint intrinsecè supernaturales, quinam verò solum extrinsecè, non est controuersia huius loci, in quo agitur reflexè de cognitione Angelorum, non directè de natura obiectorum illius.

Art. 12. Obseruatum nihilominus volo, si modus creatus interueniens in aliquo miraculo, ut in resurrectione mortui, sit intrinsecè naturalis ita ipsum videri immediatè ab Angelo, ut simul cognoscat abstractiuè actum diuinæ voluntatis, à quo idem modus essentialiter, & determinatè dependet. Licet enim hic actus sit liber, & indebitus naturæ; manifestatur tamen à Deo sufficienter, & per effectum exteriorem intrinsecè naturalè, ac proinde est cognoscibilis sola virtute naturali intellectus ex vi talis effectus, tãquam

quam per signum, & locutionem exteriorem Dei, qua vult manifestare suam voluntatem. Neque verò existimandum propterea est, deberi naturæ absolute, nullaque facta suppositione, existentiam, aut cognitionem certam vilius diuinę voluntatis, quatenus miraculose operantis determinatè sumptæ. Non enim formaliter determinatè, ac præcisè, sed vel formaliter, vel æquiuvalenter, vti prænotatum est paulò prius, debetur naturæ existentia, & cognitio eorum omnium, quæ sola virtute naturali, absque & in principio supernaturali cognoscere potest. Certum nimirum est apud omnes, nunquam exitura, aut cognoscenda esse formaliter, ab ullo intellectu creato, omnia tam quoad substantiam, quam etiam quoad modum naturalia, tametsi vnumquodlibet eorum seorsim sit cognoscibile sola virtute naturali.

Art. 13. Quapropter D. Thomas probans vbi supra mysteria gratiæ non posse cognosci ab Angelo sola sua virtute naturali, *quia ex pura Dei voluntate dependent*, accipiendus proculdubio est de dependentie ex intrinseca natura rei dependentis per se & absolute, & non tantum per accidens ob præsentis circumstantias à pura voluntate Dei; id est quin simul dependeat à causalitate, vel saltem ab exigentia innata causarum naturalium, vti Angeli à se innicem, & omnes aliæ res

naturales dependet. Qua adiuncta expositione subintellecta certissimè à Divo Thoma, ea probatio incidit re ipsa in nostram superiorem probationem, ut patet consideranti, estque efficax, & clara, tametsi Suarez lib. 2. cap. 29. alijsque nonnullis visa est, aut inefficax, aut inexplicabilis. Indidem deducitur, carentiâ cuiuslibet rei naturalis, tametsi supernaturaliter ponatur à parte rei, esse cognoscibilem ab Angelo distinctè, & clarè sola virtute naturali. Quia carentia, seu non posse cuiuslibet rei creatæ, quantum est ex intrinseca eius natura, potest poni absolutè à parte rei absque villo miraculo, & supernaturalitate, ideoque non dependet intrinsecè, & per se à voluntate Dei operante, aut cessante ab opere supernaturaliter, & miraculosè, sicut etiam dictum est de effectu, & modo supernaturali extrinsecè tantum, & per accidens, deque manifestatione divinæ erga se voluntatis. Ex his itaque omnibus liquet satis Angelum omnia naturaliter intelligere, & quatenus singula intelligere possit.

Ad 1. D. Thomas quæst. 56. art. 1. ad 1. dicit locum illum esse vitiatum in antiqua translatione, atque in nova verbo *ignorant*, substitui *cognoscunt*. Quod si placeat tenere veterem lectionem, dici potest, ignorari ab Angelo suam virtutè, non secundum se, sed prout procedit ab

ordinæ diuinæ sapientiæ, quem non cõ-
prehendit, & magis ignorat, quàm co-
gnoscat. Iam philosophus, dum negat
singularium intellectum, non loquitur de
singularitate vniuersaliter, sed prout cõ-
tracta ad materiam signatam, quæ est
obiectum sensus, & non cadit in intelle-
ctum, nisi per accidens. Angelus verõ
est singulare expertus materiæ ideoque in-
telligibile per se. Demùm omnia crea-
ta mouentur, seu quasi mouentur ex se,
exque appetitu innato ad propriam per-
fectionem. Est autem magna Angeli per-
fectio cognitio, quam habet de se, ideo-
que ad illam mouetur, seu quasi moue-
tur ex se. Neque in hoc sensu est verum,
quod nihil mouetur, aut patitur à se ip-
so, sed præcisè quatenus mouetur pro-
priè ad aliquid, vel violentiam sibi, vel
quod sibi insit per accidens, & contra-
genter. Nihil igitur vetat, quo minus
Angelus cognoscat se ipsum.

Ad 2. Cognitionem vnius Angeli per
Alium non potest impedire, neque simi-
litudo, neque dissimilitudo mutua inter
vtrumque. Quia neutra est coniuncta,
cum oppositione, aut cum impossibi-
litate alterius cum altero; sed altera
constituitur per participationem eiusdẽ
generis penes magis, & minus; altera
existit cum totali mutua affinitate, &
conuenientia substantiali. In qualitati-
bus materialibus non ita contingit, quia

differunt inter se per mutuam opposi-
 tionem, vt album, & nigrum, aut per ac-
 cessum, & recessum, maiorem, vel mino-
 rem respectu oppositorum, vt viride, &
 cæruleum; ideoque vna differentia in-
 existente sensui, impediretur is à perce-
 ptione aliarum differentiarum. Vnde;
 quod intellectus ita se habet ad intelli-
 gibilia, sicut sensus ad sensibilia, verifica-
 tur quidem quoad proportionem vtriuf-
 que potentiae cum vtroque genere obie-
 ctorum, non verò quoad conditionem,
 & naturam obiectorum vtriusque generis
 relatè ad vim impediendi perceptionem
 vnius per præinexistentiā alterius. Quod
 autem dicitur in libro de causis de ratio-
 ne causae, & causato conferente ad co-
 gnitionem, refertur ad similitudinem,
 quæ requiritur ad cognitionem. Vnde
 quia in Angelis datur similitudo mutua
 quoad participationem perfectionis v-
 nius generis, absque processione alterius
 ab altero, datur etiam absque eadem
 tanta cognoscibilitas mutua alterius in
 altero, & per alterum, quanta datur in
 rebus materialibus ratione processionis
 qua vnum ab alio procedit. Demum
 de medio, seu ratione vt quo, cognoscen-
 di, constat, ex qua est. 12. Angelum ab
 Angelo cognosci per speciem impressam
 cogniti, inditam cognoscenti à Deo.
 Differt autem species impressa Angeli ab
 ipso Angelo, non per esse materiale, &

spirituale, sed per esse intentionale, & & naturale, quatenus Angelus, in sua substantia habet esse naturale, in specie verò intentionale, prout requiritur ad cognitionem.

Ad 3. Conceditur spontè, quod solū probatur in obiectione, Deum à nullo intellectu creato, cognosci posse perfectè, & comprehensivè, Negatur verò non posse cognosci imperfectè, & inadæquatè. Et quidem Dionysius in prioribus verbis, iuxta quæ accipienda sunt posteriora eiusdem verba, clarè loquitur de incōprehensibilitate. Iam cognitio creata Dei distat a cognoscibilitate Dei infinite, sicut distat infinite perfectio quævis entitativa creata, ab entitativa perfectione Dei. Vnde sicut hæc posterior distantia non impedit quominus perfectio omnis creata, sit participatio diuinæ; ita prior distantia non impedit, quominus cognitio creata sit repræsentatio Dei licet defectuosa. Demum cognitio naturalis Angeli de Deo, esto non sit ænigmatica cum tanta obscuritate, quanta est obscuritas cognitionis nostræ de eodem, vt potè dependentis à sensu, & sensibilibus, est tamen specularis, & ænigmatica absolutè, quia habetur mediātibus obiectis creatis, & per species, ac proinde ad instar, ipsorum.

Ad 4. Non est de ratione intellecti, vt per suam entitatem sit perfectio intelli-

gentis, sed per suum esse intentionale; seu per speciem, & impressam, & expressam; atque per vtramque possunt res materiales perficere substantiam spiritua- lem. Quod verò attinet ad intelligibilitatem repugnantem rei materiali, dicitur non repugnare intellectiōi per accidens, sed tantum intellectiōi per se, id- que quatenus materia subest accidenti- bus indiuiduantibus, quæ sunt obiectum immediatum sensus, & mediatum, ac per accidens respectu intellectus. Deinde dictam Philosophi, quod sensus est singularium, intellectus vniuersalium, accipitur ex mente ipsius de intellectu nostro, qui intelligit singularia abstrahendo ab accidentibus singularizantibus, quæ sunt obiectum immediatum sensus, ut dictum est iterum, & ex quibus transmittuntur in intellectum species, quæ inseruiunt intellectiōi per abstractionem à priori concretionem indiuiduali materiæ, de quo fusius in qq. de Anima. Angelus verò accipit à Deo species immediatè repræsentantes substantiam quamlibet singularem quoad suam quidditatem, quæ est obiectum proprium intellectus.

Ad 5. Conceditur, Angelum non posse cognoscere certò, ac determinatè futura contingentia, nec non præterita, quorum nullus extat effectus, aut signum præsens. Sed negatur non posse ab eodè cognosci, quæ sunt eidem præsentia
phy-

physice, si nihil obstat aliud. Quia licet acceperit ab initio species omnium indiscriminatim obiectorum, adest nihilominus hæc ratio discriminis inter obiecta præsentia, & non præsentia. Quod nimirum, quæ præsentia sunt, habent in se actualiter cognoscibilitatē sibi intrinsicam, ut potè indistinctam realiter ab ipsis; eam verò non habent, quæ non sunt præsentia, sed fuerunt tantum, aut erunt. Confert autem cognoscibilitas actualis obiecti coexistens intellectui, ut cognoscatur, ad eum modum, quo confert approximatō passī respectu agentis, ut hoc agat. Vnde sicut agens physicum tametsi præditum tota virtute actiua, nequit agere in passum non applicatum, ita intellectus, tametsi præditus sit specie obiecti, nequit ipsum actualiter cognoscere, nisi actualiter illi coexistat, vel per se ipsum, vel per aliquid connexum cum eodem.

Ad 6. Potest quidem quilibet Angelus respectu suorum actuum tantundem, atque potest quilibet alius, præsertim æqualis, aut inferior respectu suorum, non tamen respectu alienorum, ut patet in gaudio, & dolore de actibus bonis, & malis, pœnis, & præmijs proprijs, atque alienis. Potest similiter unusquisque suas operationes, durationes, cognitiones, & volitiones efficere, non tamen alienas. Nempè ad æqualitatem, aut superioritatem


tem sufficere tantundem, aut magis posse proportionate, nec est necesse eadem posse, aut circa eadem, sed vel hoc, vel similia, aut circa omnino similia posse. Non ergo breuiter, arguitur ex impossibilitate, & insufficiencia naturali intrinseca ad penetranda arcana aliena, insufficiencia, & impotentia similis ad arcana propria. Ad rationem subsumptam de inclusione omnium actuum liberorum in eodem genus entis, & gradum eundem perfectionis, tam respectu mutuo, quam ad alia obiecta cognoscibilia indifferenter à quolibet Angelo; dicitur, non provenire ex illis duobus capitibus impossibilitatem cognoscendi arcana alienae voluntatis, sed ex alijs, rationibus expensis supra art. 5. quæ ostendunt, actus cuiusque liberos ratione suæ individuationis, quatenus coniunctæ cum ratione generica exercitii immediati libertatis esse naturaliter intelligibiles, præterquàm ab individuo cuius sunt independentes à consensu eiusdem, sicut eadem sua individuatione sunt intrinsecè determinati ad inducenda plura alia respectu subiecti proprii, qualia in nullum aliud subiectum inducere possunt, idque ex natura ipsa rei, ut est in confesso apud omnes, omnibusque manifestissimum.

Ad 7. Non est opus quidquam superaddere ijs, quæ dicta sunt ab art. 7. Quod ad Dionysium attinet, ipse non negat

Angelis naturaliter esse possibilem cognitionem confusam, & incertam mysteriorum gratiæ, sed solam claram, & distinctam. Qualem nimirum quærun, & discunt à Deo docente clarè, & cum summa certitudine.

Q V A E S T I O X V,

Vtrum intellectus Angelicus sit capax compositionis, & diuisionis, discursus, & falsitatis?

 I D E T V R esse capax, i. quia Angelus potest abstrahere rationes communes, ac vniuersales, & similiter potest per alias cognitiones cognoscere rationes magis particulares, atque indiuiduales, vt liquet ex quæstione præcedenti, Ergò potest deinde per tertiam aliam cognitionem illas rationes inuicem conferre per affirmationem, vel negationem alterius de altera, quod est componere, aut diuidere, quæ prius aderant in intellectu cum præcisione à mutuo respectu, & comparatione. Patet consequentia, quia mentalis compositio, & diuisio nihil est aliud, quàm comparatio affirmatiua, vel negatiua eorum. quæ prius

prius apprehensa tuere simpliciter, & secundum se seorsim sine ea comparatione nec in nobis aliter aliaue de causa contingit compositio, & diuisio mentalis.

2. Vbi est multitudo intellectuum, ibi est compositio, ut dicitur 3. de Anima. tex. 21. In intellectu autem Angeli datur multitudo intellectuum. Quia intelligit plura per plures species, ut dictum est supra. Ergo datur compositio in intellectu Angeli ac per consequens diuisio.

3. Ex pluribus scripturae locis constat clarè, Angelos loqui proferendo affirmationes, & negationes similes humanis. Dantur igitur in Angelis compositiones & diuisiones similes humanis. Patet consequentia, quia locutiones sunt signa conceptuum. Vbi autem signa sunt similia, oportet significata etiam esse similia.

4. Angelus cognoscit vnum per aliud, nempe effectum per causam, & causam per effectum, ut patet ex cognitione creaturarum in verbo, & Dei per creaturas. Discursus autem nihil est aliud, quam cognoscere vnum per aliud, atque transire à cognitione vnius obiecti ad cognitionem alterius obiecti, iuuante prior cognitione ad posteriorem. Datur igitur discursus in Angelo.

5. Quidquid potest intellectus minus perfectus in ordine ad perficiendum se, augendamque suam perfectionem, potest etiam intellectus perfectior. Intellectus

autem humanus, qui est minus perfectus Angelico, potest discurrere, & ex præcognitis pergere ad cognitionem eorum, quæ nondum innotuerant, atque hoc modo potest perficere se ipsum, atque augere perfectionem propriam, Ergo id ipsum præstare a fortiori potest intellectus Angelicus.

6. Non cognoscuntur comprehensivè ab Angelo quæcunque ab eo cognoscuntur, sed plura cognoscit imperfectè, & inadæquatè, tum per se, ut Deum, & Angelos sibi superiores, tum per accidens alia quælibet, propter diversitatem attentionis ad plura alia, quæ non possunt omnia simul comprehensivè teneri. Intellectus autem cognoscens aliquid inadæquatè, & imperfectè, potest proficere in eius cognitione attentius, cōsiderando, & plura multipliciter conferendo cum illo; idest discurrendo, & componendo. Ergo Angelus potest, & discurrere, & componere. Confirmatur ex Isidoro lib. 1. de summo bono cap. 12. ubi dicit, Dæmones per experientiam multa cognoscere; Quæ videlicet independententer ab experientia cognoscere prius non poterant. Per experientiam autem non potest perveniri ad notitiam alicuius antecedenter ignoti, nisi discurrendo. Quia ex multis memorijs fit vnum experimentum, & ex multis experimentis fit vnum uniuersale, ut habetur in fine posteriorum, & par. 1. me;

metaph. sub initium. Eiusmodi autem illatio experimenti ex memorijs, & vniuersalis ex experimentis, est formaliter discursus. De cuius nimirum conceptu est, vt quibusdam positis, aliud sequatur, seu inferatur.

7. Ignorantia est causa falsæ æstimationis circa, ea, quæ ignorantur. Angeli autem sunt capaces ignorantiae, & plura de facto ignorant, vt dicit Dionys. cap. 6. Eccles. Hierar. Ergo Angeli sunt capaces falsitatis, possuntque falli. Confirmatur, quia alioquin non essent capaces qui caderent à veritate sapientiae, & haberent rationem deprauatam, cum vtrumque hoc formaliter consistat in falsitate cognitionis. Vtrumque autem affirmat de daemonibus Dionys. cap. 7, de diu. nomin. ante med.

Art. 1. Respondetur, Necessitas, omnisque capacitas componendi, ac diuidenti oritur in nobis ex dependentia à phantasia, in qua apparent termini incomplexi, absque affirmatione, & negatione, coniungente inuicem. aut disiungente obiecta illorum, atque iudicante de habitudine eorum inuicem. Quo munere fungi non potest intellectus dependens ab eiusmodi prima obiectorum representatione, nisi coniungendo, aut disiungendo conceptus obiectiuos apparentes in phantasia, & non habentes prout subsunt eius actibus, neque identitati, neque
rea-

realem distinctionem inter se, atque adeò indigentes, ut clarescant mutua inter se comparatione per affirmationem, & negationem, quæ propterea compositio, & diuisio appositissimè dicuntur per exclusionem indifferentiæ antecedentis ad identitatem, & distinctionem, conjunctionem, & disjunctionem. At Angeli, quæcunque cognoscunt immediatè, vident pro ut sunt in se ipsis. Quæ autem cognoscunt mediatè, percipiunt, ut sunt in rebus immediate visis. Quapropter, cum neque res ipsæ, ut sunt in se, neque quatenus aliæ in alijs continentur à parte rei, habeant indifferentiam ad mutuam conjunctionem, & separationem suorum prædicatorum, uti notatum est habere, in phantasia, sed habeant identitatem, aut distinctionem mutuam omnino determinatam, per simplicem entitatem, sicut habent eandem ipsam entitatem determinatè, qua de causa quoduis cuiusvis rei prædicatum est cognoscibile, quantum est ex se, absque compositione, & diuisione. Vnde possibilitas, atque necessitas compositionis, & diuisionis mentalis non potest fundari in natura cuiusquam obiecti secundum se præcisè considerati, nec in identitate, aut distinctione reali aliquorum prædicatorum præcisè ut sunt in se à parte rei, sed solum in medio, in quo sortiantur apparentiam diuersam à realitate, quæ illis conuenit à partè rei,

tam in se, quam in ijs omnibus, in qui-
 bus virtualiter continentur, siue adæqua-
 tæ, siue inadæquatæ. Nulla igitur dari
 potest in Angelo necessitas, aut positi-
 litas compositionis, & diuisionis forma-
 lis, sed per simplicem tendentiam cognos-
 cit identitatem, & distinctionem obie-
 ctorum, affirmatione, & negatione æ-
 quivalentibus nostræ, & compositioni,
 & diuisioni, uti facit Deus ex omnium
 confessione, ad quem sicut proximè ac-
 cedunt Angeli quoad perfectionem natu-
 ræ, ita etiam imitantur eundem maxi-
 mè quoad modum cognoscendi supra-
 modum humanum. Hæc comparatio &
 eius intentum habet fundamentum in Dio-
 nys, cap. 4. de diu. nom. ubi dicit, Angelum
 esse *speculum purum, & clarissimum*, quod
 ipsum tribuitur excellentius Deo, addit-
 que cap. 7. ante med. *virtutem intellectualem Angelorum resplendere perspicaci diuinitatis
 intellectuum simplicitate*, de cuius ratione
 est exclusio compositionis, & diuisionis.
 Eadem sententiam docet Diuus Thomas
 quæst. 58. art. 4. alijque communiter ad-
 uersus Scotum dist. 7. quæst. vnica § *con-
 tra conclusionem*, nec non aduersus Sua-
 rez lib. 2 cap. 32. & 33. & nonnullos alios,
 qui solum assentiuntur D. Thomæ quoad
 objecta naturalia euidenter cognita, quo-
 ad cætera Scoto, cum tamen sit vna ea-
 demque omnium ratio, ut apparet ex di-
 scursu præmissis.

Art. 2. Exclusis totaliter ab intellectu Angelico compositione, & diuisione formalibus, excludendus consequenter est ab eodem discursus formaliter, ac proprietas, uti excludit D. Thomas ibidem art. 3. alijque communiter aduersus aliquos alios auctores. Nempe discursus essentialiter includit in suo conceptu multiplicem compositionem, aut diuisionem, quibus conferantur extrema consequentis cum medio termino, & inter se. Impossibile igitur est, ut intellectus compositionis, & diuisionis minime capax, sit nihilominus capax discursus. Eo vel maxime, quia compositio, & diuisio ex suo conceptu sunt quidam discursus inchoatus, & imperfectus. Quia compositio est quædam quasi illatio, per quam intellectus instructus simplicibus apprehensionibus terminorum, de quibus deinde iudicat componendo, atque coniungendo illos inter se, quodammodo infert mutuam eorumdem identitatem ex habitudine identifica, quæ obscure, & imperfecte præluet in prædictis simplicibus apprehensionibus, & è conuerso proportionem seruata accidit circa diuisionem mentalem. Quæ de causa Diuus Thomas dicto art. 4. assumit in eandem rem hoc ipsum principium, his verbis: *Sicut in intellectu ratiocinante comparatur conclusio ad principium; ita in intellectu componente, & diuidente comparatur prædicatum*
ad

ad subiectum. Cui igitur repugnat discursus illiusmodi inchoatus, & imperfectus, per collationem mutuam duorum tantum terminorum, impellentium intellectum ad assensum compositiū, vel ad dissensum diuisiū, iuxta naturam apprehensionum, quibus substant; necesse maiori etiam ratione est, vt repugnet discursus perfectus per collationem mutuam trium terminorum prius in præmissis, & deinde in conclusione. Ergo Angelis repugnat discursus propriè, & formaliter talis magis etiam, quàm compositio, & diuisio.

Art. 3. Confirmatur hæc ratio, & quæ proximè præcessit de compositione, & diuisione. Quia *quæ sunt dispersa in inferioribus, sunt vnita in superioribus*. Quod principium assumit D. Tho. quæst. 57. art. 2, pro Angelica singularium cognitione, indistincta à cognitione quidditatis eorum. Addit verò Gaieranus ibidē eam dispersionum vnionem accipi cum hac limitatione; *quoad fieri potest*. Id est, quoad ea, quorum vnio identifica, nec repugnat ex suo conceptu, nec transcendit limites perfectionis rerum superiorum, Hoc autem supposito, quod sub ea expositione est evidens per se, subsumentur vlteriùs, non repugnare absolute, aut respectu perfectionis substantialis Angeli, immò ei congruere maxime simplicem tendentiam intellectus, quæ contineat in se indiuisam totam perfectionem, quæ reperitur
di;

diuisa in apprehensionibus, compositione, diuisione, & discursu humanis, quæque peragat subito per primam obiecti secundum se inspectione, & quasi per lineam rectam, quod peragit intellectus dependens à sensu, per multiplicem collationem conceptuum apparentium in eodem sensu, & quasi per gyrum. Suadet hoc in primis paritas sensus communis, qui non magis præeminet sensibus externis, quàm Angelus præmineat homini. Sensus namque communis continet in se indiuisum, quicquid perfectionis inest quinque sensibus externis. Quidni igitur simplex tendentia intellectus Angelici contineat similiter in se indiuisum, quicquid perfectionis inest simplicibus apprehensionibus, compositioni, diuisioni, & discursui humanis. Suadet idem rursus correspondentia ubique necessaria, & manifesta inter modum operandi, & modum essendi proprium cuiusque substantię. Nempe substantia Angelica est in se simplex, vt dictum est, & continet in se identicè, quicquid perfectionis inest corpori, & animæ humanæ inuicem vnitis. Ergò operatio intellectiua Angelici continet in se simili simplicitate, quicquid perfectionis inest terminis simplicibus apprehensis prius seorsim, quatenus deindè collatis inuicem per compositionem, aut diuisionem. Similiter Angelus ratione suæ simplicitatis est incapax trans-

mu-

mutationis, nec proficit temporis decursu per transmutationem acquisitiuam, & augmentatiuam substantialem, sicut proficit homo, aliaque transmutationis capacia. Ergo similiter est incapax intellectus eius, ut proficiat intellectualiter, sicut proficit homo per discursum, qui est quædam transmutatio intellectualis augmentatiua, & perfectiua intelligentis, atque adeò constituitur in termino totius perfectionis intelligendi per primam inspectionem simplicem obiecti, sicut constituitur in termino totius perfectionis sue physicae per primum suum esse. Itaque in intellectu Angelico, neque compositio, aut diuisio, neque discursus ullus dari potest propriè talis.

Art. 4. Ex his inferitur, intellectui Angelico repugnare loquendo per se falsitatem, licet per accidens incidere in eam possit ex abusu voluntatis. Inferitur, inquam, quia intellectus expers compositionis, diuisionis, & discursus fertur directè, ac immediatè, ad quod quid est, seu ad quidditatem rei. *Intellectus autem circa quod quid est, semper verus est, sicut, & sensus circa proprium sensibile, ut dicitur in lib. 3. de Anima tex. 26. Eandem doctrinam tradit iterum Philosophus lib. 9. Metaph. tex. 22. dicens, intelligendo quidditates simplices non intercedere falsitatem. Quia vel totaliter non attinguntur, & nihil intelligimus de eis, vel cognoscuntur, ut sunt.*

sunt, Nempe obiectum immediate mouens sensum, vel intellectum ad perceptionem sui, necessario mouet ad percipiendum ipsum, vt est in se, nec aliter mouere potest per se ipsum immediate, ideoque ad solam veram perceptionem sui mouere potest ex se precise. Quapropter omnis falsitas irrepit in intellectum ex motione mediata obiecti, prout apparentis imperfecte, & inadæquate in aliqua sui cognitione præuia. quæ deinde inducere potest equiocationem, & malam, atque adulterinam terminorum applicationem mutuam, propter defectum plene apparentiæ in eadem præuia cognitione imperfecta. Cum igitur repugnet Angelo huiusmodi mediata obiectum perceptio, tam per compositionem, & diuisionem, subnixam apparentia obiecti, quæ præit in simplicibus apprehensionibus, quam etiam per discursum, qui nititur iisdem mediate, & insuper immediate vltioribus terminorum præapparentium combinationibus, quæ sunt per præmissas, & conclusionem, atque immediate feratur in omnia, quæ cognoscit mouentibus ipsis obiectis, vt sunt in se. Concluditur falsitatem in intellectu Angelico nullam dari posse, siue circa veritates naturales, siue circa mysteria supernaturalia. Inter hæc nonnulli ita distinguunt, vt circa naturalia Angelum dicant incapacem falsitatis, capacem circa su-

M per.

pernaturalia. Verùm discursus propoſitus eſt vniuerſalis, & æquè conuincit de omni genere obiectorum, ideoque Diuus Thomas diſta quæſt. 58. art. 5. aliquæ magis communiter docent hanc ſententiam cum totali vniuerſalitate.

Art. 5. Ratio, ob quam Angelus pati nihilominus poſſit per accidens deceptio- nem, ac falſitatem circa aliqua obiecta, vt tradit D. Thomas ibidem, limitando tamen, quoad ſupernaturalia. Ratio inquam eſt. Quia Angelus cognoſcit imperfectè, & coniecturaliter, aut probabiliter tantùm, aut cum ſola certitudine phyſica aliquos euentus, maximè ſupernaturales. Fieri autem tunc poteſt, vt imperio voluntatis adigatur intellectus, vt per quandam præcipitantiam iudicet abſolutè obiectum ita habere, aut habitum eſſe, ſicut apparet per coniecturas, & ſic de alijs modò indicatis modis cognoſcendi, transgrediendo voluntariè limites fundamenti, quod præbet obiectum per primam ſui inſpectionem. Hoc porro præſtare Angelus perinde poteſt per ſimplicem inordinatam conuerſionem ad obiectum, praua, ac ſtulta voluntate inductam; ſicut nos poſſumus per compoſitionem, & diuiſionem, ſeu prauam, ſeu laudabilem (vtrumuiſe enim in nobis accidere poteſt) inductam. Ità Angelus cōſiderans hominem mortuum, poteſt iudicare, ex imperio voluntatis, eum non eſſe
ſe

se resurrecturum; & similiter considerans hominem Christum, iudicare potest eum non esse Deum. Quæ sunt exempla D. Thomæ, sed est eadem ratio de secreto cordis, & de futuro contingenti purè naturalibus, & apparentibus coniecturaliter tantum, per inditia incerta. Potest enim similiter circa hæc concipi voluntariè iudicium absolutum conforme iudicijs, & non restrictum ad incertitudinè eorum. Verum hic modus abutendi intellectu per imperium Imprudens voluntatis, solum accidit in dæmonibus in omnem imprudentiam paratissimis. Nempè Angelis beatis omnis eiusmodi abusus est prorsus impossibilis propter perfectionē status, & vnionis cum prima veritate. Idē verò abusus fuisset absolute possibilis omnibus promiscuè Angelis in pura natura, licet non tam facilis futurus tunc fuisset, atque iam est in dæmonibus. Per hæc igitur satis constat de quæst. quoad omnes eius partes.

Ad 1. Non sufficit ad componendum mentaliter, & diuidendum posse abstrahere rationes vniuersales, simulque considerare rationes, vel rationem aliquam particularem substantem illis vniuersalibus. Sed necesse insuper est, vt intellectui desit facultas considerandi, immediate eam veritatem, quæ circa vtramque illam rationem desiderari potest. Adest autem Angelo hæc facultas, potest-

que assequi tendentia simplici directâ,
ac immèdiata, quæ nos assequi non pos-
sumus nisi per compositionem, & diui-
sionem. Vnde fieri non potest, vt Ange-
lus velit superaddere nouam aliquam no-
titiâ notitiæ præexistenti obiecti, quin
protinus ea ipsa voluntate applicet intel-
lectum ad inspectionem directam, ac im-
mediatam eiusdem obiecti, atque ita
necessario supersedet à compositione, &
diuisione, eadem ratione, qua nos facta
compositione, aut diuisione, quam per-
fecta possibilis est ex vi apprehensionum
præexistentium, necessario supersedemus
ab vltiori compositione, & diuisione.
Eodem namque modò exhaurit Angelus
totam suam vim cognoscitiuam circa
vnamquamque veritatem, per tenden-
tiam simplicem directam, ac immèdia-
tam, qua nos exhaurimus totam vim no-
stram cognoscitiuam, per primam, seu
compositionem. seu diuisionem circa
vnumquodque cognoscibile. Vnde ea
comparatio obiectionis valet potius ad
oppositum, seruata legitime portione.

Ad 2. Ad componendum, & diuiden-
dum non sufficit quælibet cuiusvis generis
multitudo intellectuum, sed necesse est
eam esse talem, quæ mutua collatione
eorundem intellectuum gignere possit
maiorē notitiā rei, quam quæ habe-
ri potest per simplicem eius inspectionē.
Hoc autem deest in Angelo, vtpotē in-
tel-

telligente per simplicem inspectionem quidditatis, quicquid nos componendo, & diuidendo assequi possumus, & quicquid ipse Angelus assequi absolutè potest.

Ad 3. Angeli manifestant hominibus suos conceptus modo humano, ut potè necessario, ut illi percipiantur ab hominibus. Quod etiam facit Deus certissimè incapax compositionis, & diuisionis. Inde igitur deducitur solum Angelos cognoscere compositionem, & diuisionem eamque imitari loquendo posse, non verò facere itidem, atque imitari concipiendo posse.

Ad 4. Cognitio vnus ex vi alterius, seu in alio non sufficit ad discursum propriè talem. Alioquin discurret propriè Deus, qui in sua essentia, & ex vi comprehensionis essentiæ suæ omnia alia cognoscit. Requiritur igitur præterea ut ex cognitione vnus proficiscatur cognitio alterius cum reali distinctione inter vtrâque, sicut vnum obiectum distinguitur realiter ab alio obiecto; idque per mutuam idoneam collationem terminorum consequentis inter se, & cum medio termino. Quod ostensum est repugnare Angelo.

Ad 5. Non spectat ad perfectionem intellectus præstantioris ut possit præstare in ordine ad perficiendum se, quidquid præstare potest intellectus minus

perfectius in eundem scopum, sed ut possit, vel illud ipsum, vel aliquid perfectius, & æquivalens cum excessu. Dictum autem est idē præstari ab Angelo per simplicem, & immediatam tendentiam ad vnumquodque obiectum; assequitur enim intellectus Angelicus omnem veritatem, quam assequitur intellectus humanus, & plures alias, sed non eo modo, quo is assequitur. Intellectus namque humanus habet modum peculiarem perficiendi se, fundatum in peculiari sua imperfectione, Quæ quia non cadit in Angelum, ideo nec modus ille cadit in eundem.

Ad 6. Conceditur, Angelum naturaliter cognoscere inadæquatè, & imperfectè, tum per se, quæ sunt superiora ipso, tum etiam per accidens, quæ sunt eodem inferiora, Quod rectè assumitur, & suadetur in obiectione. Sed non propterea proficere potest per discursum in cognitione eorundem obiectorum, siquidem eo ipso quod intendat ulteriorem, aliquem suæ cognitionis profectum, applicatur ad illud immediatè, & secundū se considerandum magis, quàm consideraret prius, reuocatis eò viribus suis cognoscitiuis, quas partim, vel totaliter impendebat prius in alia obiecta; atque ita sine discursu per simplicem maiorem inspectionem obiecti assequitur, quicquid ab ipso assequibile absolutè est. Quod
ex-

exponetur magis in quæstione sequenti;
Ad confirmationem ex Isidoro dicitur
cum D. Thoma in ea quæst. 58. a. 3. ad 3.
experientiam dici de Angelis, & demoni-
bus similitudinariè tantum, quatenus
cognoscunt pro omni temporis differen-
tia successiue sensibilia tunc præsentia;
non verò propriè deducendo ex illis cõ-
clusiones vniuersales, sicut nos facimus.

Quæ nimirum illi cognoscunt inde-
pendenter ab eiusmodi obser-
uatione, & à collatione
mutua eorum, quæ
contingunt.



Virum Angelus possit eadem obiecta cognoscere mediatè, & immediate?

I D E T V R non posse 1. quia mediate cognoscere est vnum ex alijs cognoscere. Hoc autem est discurrere. Quod repugnat Angelo, vt dictum est. Ergo eidem repugnat, vt cognoscat aliquid mediate.

2. Quidquid Angelus naturaliter cognoscit, cognoscit ex vi sola comprehensionis essentiae suae. Quia, quatenus natura Angeli est participatio, & effectus diuinæ naturæ ducit in eius cognitionem quanta eidem Angelo possibilis est absolute. At quatenus eadem natura in vnoquoque Angelo est similis naturæ aliorum Angelorum, Atque sub eodem cum illis genere contenta, ducit etiam ad cognitionem aliorum Angelorum, iuxta mensuram propriæ perfectionis. Ac demum quatenus est directiva rerum inferiorum, ac proinde aliquam, circa illas, causalitatem exercere valet sibi, & illis proportionatam, potest etiam parere cognitionem earum. Omnia igitur alia præter se ipsum cognoscit Angelus mediatè, ac proinde nullum obiectum mediatè, & im-

immediate cognoscere potest .

3. Non potest Angelus cessare à cognitione sui , neque cum ea cognitione potest ullam aliam cognitionem componere . Non quidem cessare potest . Quia habet in se, & ex se præcise quidquid requiritur, vt cognoscat se ipsum, vt liquet ex quæst. 12. ac proinde fieri non potest, vt cesset necessario à cognitione sui Sed neque per liberâ electionem potest suspendere cognitionem sui . Quia libera electio vniuscuiusque circa aliquid necessario presupponit cognitionem actualem circa ipsum . Ergo vt Angelus vellet libere ignorare se, oporteret, vt actualiter se cognosceret . Nullo igitur pacto fieri potest , vt Angelus suspendat cognitionem sui . At nec fieri potest, vt cum illa componat aliquam aliam cognitionem . Quia quælibet substantia intellectualis exhaurit totam vim suam intellectiuam cognitione comprehensiva sui, ac proinde fieri non potest , vt supersint vires ad aliquam aliam cognitionem simul eliciendam . Probatur assumptum primo paritate Dei, qui nullam habet cognitionem distinctam à comprehensione sui . vt est in confesso apud omnes . Impossibile, namque est, vt aliqua alia substantia habeat maiorem proportionaliter, sufficientiam, quam Deus . Ergo siquidem Deus nihil potest ultra comprehensionem sui, nec Angelus profecto potest . Deinde

tantum in vnoquoque crescit necessario cognoscibilitas passiva, quantus crescit in eodem cumulus reliquarum omnium perfectionum, vt dictum est quaest. 10. de Deo art. 2. Impossibile igitur est, vt in Angelo virtus intellectiua sit maior, quam intelligibilitas eiusdem passiva. Ergo elicita comprehensione sui impossibile erit, vt supersit ipsi aliqua praeterea vis intelligendi, quam simul impendere possit in aliam cognitionem. Ergo Angelus non potest vnum aliquod obiectum mediatè, & immediatè cognoscere, siue simultaneè, siue successiuè, si quidem nullam aliam cognitionem naturaliter elicere vnquam potest, praeter comprehensionem sui.

4. Non potest in primis simultaneè cognoscere Angelus idem obiectum mediatè, & immediatè. Quia vt obiectum immediatè cognitum cognosceretur simul mediatè, necesse esset, vt aliquod aliud obiectum cognosceretur simul immediatè, quatenus nihil mediatè cognosci potest, nisi cognito immediatè aliquo alio, quod ducat in cognitionem illius. Inde autem sequeretur, Angelum posse simul cognoscere multa, vt multa, nempe per cognitiones inuicem independentes, neque vnitas mutuo per relationem ad vnum motiuium formale illis commune. Quod negat esse possibile Diuus Thomas quaest. 58. art. 2, & alibi saepe.

Sed

Sed neque successiue fieri potest, vt cognoscat idem obiectum, iam mediatè, iam immediate. Quia cognitio immediata est perfectior, quam mediata. Maiori autem perfectione nemo caret liberè in ijs, quæ non concernunt appetitum, sed pertinent solum ad intellectum. Ergo si quidem implicat in terminis, vt Angelus necessario careat aliquando cognitione aliqua perfectiori, ad quam eliciendam habet vires sufficientes, impossibile est, vt transeat à cognitione immediata ad cuius obiecti ad solam mediatam eiusdem cognitionem, aut vt primum incidat in eandem cognitionem mediatam, impedita cognitione immediata.

Art. 1. Solet agi de ista questione præcipuè ad exponendam Augustinianam distinctionem cognitionis Angelicæ in matutinam, & vespertinam, de quibus differit fusiè lib. 4. super Gen. ad litt. c. 22. & 31. & lib. 11. de ciuit. Dei cap. 7. atque alibi non semel. Verùm Augustinus sub ijs vocibus comprehendit cognitiones supernaturales simul, & naturales, atque matutinam appellat, vel vnice, vel certe præcipuè, & vt plurimum visionem beatam, qua res create videntur in verbo tanquam in oriente, seu meridie plenissimo lucis. Vespertinam vero appellat quamlibet promiscuè cognitionem rerum creatarum in seipsis, quæ sunt obscuræ, ac nocturnæ, si comparentur cum Deo.

Quæ res per se satis patet, nec indiget ulteriori aliqua expositione, quod ad præsens attinet. Nam quod ad applicationem attinet eiusdē Augustini pro exponendis diebus creationis mundi depēdenter à prædicta distinctione alius est dicendi locus. Nempe præsentis negotij solum est, ut exponatur modus cognoscendi mediatus, & immediatus conaturaliter possibilis Angelo, idque secundum se præcisè, atque independenter à modis significandi, & applicationibus metaphoricis, ac allegoricis. Ea igitur distinctione aliò remissa,

Art. 1. Certum in primis est, Angelum posse cognoscere aliqua immediate, & aliqua alia mediatè per cognitionem sibi connaturalem. Primum enim potest Deum cognoscere mediate, & se ipsum immediate. Quia comprehendendo se immediate, quod fieri ab eo posse, dictum est iam superius, non potest non cognoscere Deum mediatè; quandoquidem connectitur essentialiter cum ipso, eiusque perfectionem participat essentialiter tanquam effectus dependens essentialiter ab eodem. Præterea causas quaslibet, & effectus quoslibet naturales potest itidem cognoscere immediate. Quia habet proprias eorum species à Deo sibi inditas in instanti creationis, ut dictum est supra, quæst. 12. Potest igitur consequenter cognoscere causas quaslibet, & quosvis ef-

fectus naturales etiam mediatè. Quia causæ referuntur intrinsecè ad effectus, & effectus vicissim ad causas, ideoque utrolibet ex his extremis perfecte cognito, ut cognoscit Angelus omnia naturalia, necesse est, alterum quoque mediatè cognosci. Fieri præterea potest, ut aliqua seu causa, seu effectus immediatè cognito prius, deinde cognoscatur mediatè tantum. Quia cum Angeli, præsertim qui sunt infra supremum gradum, non possint cognoscere simultaneè, quæcunque absolute, ac seorsim cognoscere possunt; quandoquidem solus supremus Angelus, seu supremi ordinis totam rerum naturalium vniuersitatem simultaneè, ac indiuisim comprehendere potest, ut dictum est supra, quæst. 4. Quia inquam hoc ita se habet possunt Angeli. saltem inferiores supremo, ab vno obiecto in aliud, atque aliud obiectum perfecte considerandum transire pro libito, applicando liberè intellectum ad ea obiecta, & genera obiectorum, quæ potissimum oportuerit, aut libnerit attentius considerare hic, & nunc.

Art. 3. His itaque suppositis, in quibus nulla apparet difficultas, nullaque communiter agnoscitur ab auctoribus, superest modus alius peculiaris cognoscendi mediatè, & immediate, cuius expositio est difficilis, certe non est usque adeo peruia. An videlicet Angelus cogni-

gnito aliquo obiecto, maximè vero Deo
 mediatè per cognitionem, qua simul im-
 mediatè cognoscit aliquid aliud repræ-
 sentatiuum prioris obiecti, possit elice-
 re deinde cognitionem, quæ solum fera-
 tur ad obiectum, quod prius cognosce-
 batur mediatè; ita vt ad cognitionem
 causæ in effectu subsequi possit cognitio
 eiusdem causæ, non modo distincta à co-
 gnitione effectus, sed etiam nulli coexis-
 tens cognitioni effectus, idque ex vi co-
 gnitionis præexistentis prius circa effe-
 ctum, nullaque præexistenti specie pecu-
 liari causæ secundum se. Afirmat, id
 fieri posse, atque de facto accidere, tum
 in Angelis, tum etiam in nobis respectu
 Dei cogniti prius, mediantibus, seu mo-
 uentibus ad cognoscendum Deum crea-
 turis. Afirmat inquam, & multis accu-
 ratè exponit, ac tuetur Suarez lib. 2. c. 19.
 art. 3. n. 3. atque in eam rem vtitur testi-
 monio, quod est clarissimum D. Thomæ
 quæst. 8. de verit. a. 3. ad 18 vbi sic habet
*Quando aliquid cognoscitur per similitudinem
 in effectu suo existentem, potest motus cogniti-
 nis transire ad causam immediatè, sine hoc
 quod cogitetur de aliqua alia re. Et hoc mo-
 do intellectus viatoris potest cogitare de Deo
 non cogitando de aliqua creatura, Idem docet
 luculenter Dionys. capit. 1. de myst.
 Theol. sub initium, vbi Timotheum hor-
 tatur his verbis: Prætermitte, & sensus, &
 mentis actiones, eaque omnia, quæ & sub
 son-*

sensum cadunt, & animo cernuntur, & quae non sunt, & quae sunt omnia, teque ad eius qui omnem essentiam, omnemque scientiam superat, coniunctionem, & unitatem, pro virili parte clam excita. Libero anim, solutoque ac liquido à te, & ab omnibus discessu, ad divinarum tenebrarum radium, qui omni essentia superior est, contendes, cum, & omnia dempseris. & ab omnibus solutus fueris, & liber. Suffragatur experientia, qua quisque conijcit, elevari se posse ad contemplandum Deum, omnesque intelligendū vires impendere contemplationi eius, quin interim cogitet quidquam de vlla alia re creata, atque eo melius cogitare de Deo posse, quo magis recedit ab omni creaturarum cognitione, mediantibus licet illis inciderit in primam Dei cognitionem, neque aliter perducī ad illam quisquam possit, dum est in via. Quidni igitur idem præstare Angeli, etiā possint, multo propinquiore Deo naturaliter, quam nos simus, atque intellectu præditi abstractiori, ac puriori, quam sit noster?

Art. 4. Ratio huius rei est, quia sicut res creata est similitudo Dei quatenus est effectus, & participatio eius, ideoque potest perducere atque, necessario perducit comprehensorem sui, ad cognitionem Dei; ita cognitio rei creatæ, quatenus ipsa est effectus, & participatio Dei est similitudo non solum rei creatæ, sed etiam

etiam Dei, ideoque perducere potest ad cognitionem non solum creaturae, sed etiam Dei si consideretur reflexè per alià cognitionem, vel relatè ad utrumque eum terminum coniunctim, vel ad utrumlibet seorsim. Quicumque igitur cognoscit Deum in creatura, seu mediante creatura, potest deinde cognoscere, ac contemplari eundem mediàte sola prioris cognitione, eademque considerata ex vi speciei memoratiuae, quam de se relinquit in intellectu, cum definit esse secundum se. Patet itaque, intellectum, tum humanum, tum maxime Angelicum posse in hoc sensu immediatè cognoscere & contemplari Deum naturaliter. Ita videlicet ut nulla res creata secundum suum esse physicum actualiter moueat intellectum ad cognoscendum Deum, sed possit ipse actualiter cognosci nulla alia re creata actualiter cognita. Cæterum necesse est, ut iuuat intellectum ad huiusmodi considerationē Dei aliquod vestigium relictum in intellectu ab ebiecto creato, quod primitus excitauit ad cognoscendum Deum; nempe ut iuuat vel cognitio reflexa prioris cognitionis de Deo, quatenus erat similitudo expressiua Dei vel species memoratiua eiusdem prioris cognitionis, quæ proinde simul obijciat intellectui, & eandem priorem cognitionem, & Deum. Alioquin per accidens se haberet in ordine ad cognitionem,

nem, & contemplationem Dei posterius conceptam, prior cognitio immediata circa rem creatam, & mediata circa Deum. Præteritum enim, cuius nullus est effectus præsens, perinde se habet respectu eorum, quæ sunt de præsentibus, atque si nunquam existisset. Vnde ulterius sequeretur posse Angelum, vel etiam hominem cognoscere Deum actualiter, non solum quin actualiter cognosceret quidquam creatum, sed etiam quin antecederet unquam cognovisset aliquid præter Deum. Quod est impossibile. Quapropter quod nuper docebant Dionysius, & D. Thomas de transitu cognitionis ad causam immediatè, & de consideratione Dei soluta, & libera ab omni rerum creatarum consideratione, accipiendum est de rebus prout condistinctis ab intentionibus, seu qualitatibus intentionalibus, & non de rebus secundum conceptum univ ersalem entis transcendentaliter sumpti. Id quod apertè distinguit D. Thomas, atque in hunc sensum distribuit loco indicato; neque dubitandum est, Dionysium, cuius D. Thomas ubique est interpres legitimus, idem ipsum & nihil amplius dicere voluisse.

Art. 5. Interest verò plurimè pro perfectione contemplationis diuinæ, an Deus consideretur mediante aliqua creatura entitatis purè physicæ; An vero mediante sola aliqua intentione assimilatiua Dei
forj

formaliter, & informante intellectum
 intrinsece, quatenus talis est. Quia in prio-
 ri euentu entitas creata cognoscitur simul
 ac indiuisim, quatenus est assimilatiua
 Dei, & quatenus differt ab eodem, & se-
 cundum suam rationem differentialem,
 quæ habet vim retrahendi à cognitione
 Dei, atque impediendi, & offuscandi co-
 gnitionem, quatenus est expressiua Dei.
 At imago Dei intentionalis, informans
 intellectum se tota iuuat ad cognoscen-
 dum Deum. Quapropter crescit plurimū
 cognitio Dei, quando, iuxta exhortatio-
 nem præmissam Dionysij, relictis omni-
 bus obiectis creatis, transmittitur intel-
 lectus ad contemplandum Deum imme-
 diatè, Sola nimirum interposita imagine
 intentionali ipsius, quæ quæ talis est, facit
 quodammodo vnum cum imaginato, &
 facit, vt perinde ferè attingatur, ac pe-
 netretur Deus, atque si nihil prorsus vl-
 lius generis interponeretur. Quid, quod
 species memoratiua, seu cognitio refle-
 xa prioris cognitionis directæ, præcisè
 quatenus erat repræsentatiua Dei, est tenuis-
 simum quoddam, cui proinde sufficit, vt
 intellectus impendat exiguam admodum
 partem virtutis suæ intellectiue, ideoque
 potest incumbere in Deum tota sua reli-
 qua virtute, & per consequens nancisci
 cognitionem Dei incomparabiliter per-
 fectiorem, ac intensiorem, quam quæ
 habebatur simul cum immediata alterius
 alii

alicuius rei creatæ consideratione .

Art. 6. Hęc proculdubio fuit causa deceptionis , nisi ego omnino decipior , D. Bonaventuræ , nostro Alvarez de Paz , alijsque nonnullis dicentibus posse amari Deum nulla actualiter præexistente cognitione ipsius. Supposuerunt enim , quod est certum , Deum non posse naturaliter cognosci , & ne supernaturaliter quidem à viatore , nisi mediante aliquo creato , atque experti simul sunt cognitionem Dei , qualis hic exposita est , in qua vix apparet , estque difficulter discernibilis cognitio rei creatæ : tum quia sola interponitur imago creata intentionalis Dei , atque imago facile confunditur cum imaginato : tum quia est tenuissima attentio ad eādem imaginem , maxima vero ad Deū , atque tenuissimorum discretio est difficillima præsertim attendenti ad maximū summo conatu . Visum itaque illis est , quod facile videri potest ijs præsuppositis nihil ipsos cognouisse , dum perfectissime amarent Deum , tametsi re ipsa adesset cognitio Dei tantundem perfecta. Eodem pertinet caligo adhærens Deo , seu caliginosa theologia , de qua D. Dionysius in loco præindicato , alijsque Sancti Doctores agunt , quæ tamen est luminosissima re ipsa . Per quam nimirum contemplatur homo Deum subtractis rebus omnibus creatis , hoc est , extinctis omnibus facultatibus manifestantibus Deum mente viatrici .

si, solaque superstitie icuncula eius intentionali, quæ vix quidquam morata animum circa se, vires eius relinquit liberissimas pro inspectione profunda Dei. Verum ego fortassis prætergredior iam limites meos. Vt cūq; igitur hoc habeat, ex dictis liquido apparet. Angelos eadē omnia cognoscere naturaliter posse, tū mediātē cum immediātē; cætera quidem præter Deū absq; ulla limitatione; Deū vero cum hac limitatione, vt necesse sit mediāte pro eius cognitione aliquid saltem intentionale immediātē informans intellectū, esto necesse nō sit vt mediet aliquid præterea aliud pro continuatione, & augmento cognitionis Dei, sed tantum pro eiusdem prima inchoatione.

Ad 1. iam iterum dictum est, nō sufficere ad discursum, vt vnum ex alio cognoscatur. Quod est per se evidens, quando mediatio est ex parte obiecti tantum ob distinctionem realem mediij mouentis ad cognitionem à termino, ad cuius cognitionem mouet, nulla existente reali distinctione inter cognitionem vnius, & alterius. Sed neque est obscurum illud ipsum, quando vna cognitio excitat intellectum ad aliam cognitionem, ipsumque ad eam transmittit, quin interueniat dispositio terminorum instruens, & convincens intellectum ad cognitionem, & ad assensum conclusionis. Non enim magis hoc sufficit ad discursum propriē, &

forz

formaliter talem quod in primum. His autem tantum modis dictum est, Angelum posse cognoscere unum in alio, & ex alio.

Ad 2. In primis Angelus non continet in se perfectiones, quibus res alię siue superiores, siue inferiores differunt ab ipso formaliter, ideoque non potest mouente sola sua essentia deuenire in distinctam & claram cognitionem earum. Necessę igitur illi est ad perfectam eatenus cognitionem aliorum a se, vt immediate eas cognoscat. Neque respectu rerum inferiorum quidquam in contrarium conuenit vis earum directiua conueniens Angelis: tum quia non habet vnusquisque Angelus vim directiuam omnium illarum vniversaliter; tum quia in causa directiua sola directio cognosci potest perfecte, cum hæc sola perfecte in ea contineatur, non verò ipsa dirigibilia. Dictum deinde est, Angelum posse peruenire ad cognitionem Dei perfectiorem, quam quę est indistincta à comprehensione ipsius Angeli, seu qua Deum in se ipso cognoscit, tanquam in medio cognito. Non igitur conuenit Angelo cognitio immediata tantum respectu sui, & mediata respectu ceterorum.

Ad 3. Conceditur, Angelum non posse cessare ab omni omnino cognitione sui. Quia non potest carere omni prorsus cognitione, vt apparet ex discursu objectionis; atque habenti aliquam cognitionem

nem, per eandem necessario innotescit se cognoscere, ac proinde se ipsum aliquatenus cognoscit. Cæterum fieri potest, ut Angelus suspendat cognitionem sui comprehensivam, applicando præcipue vim cognoscitivam ad considerationem exactam aliorum obiectorum, maxime vero Dei, modo nuper explicato, ad quam simul eliciendam cum comprehensione sui vires eius intellectivæ nequaquam sufficiant. Quo pacto Angelus etiam supremus potest pati defectum virium ad retinendam comprehensionem sui, quatenus potest illas absorbere in contemplando Deo. Retenta autem hoc modo cognitione imperfecta sui tantum quoad an est, potest Angelus simul elicere cognitiones alias circa alia motiva, ut per se patet. Deinde tamen nulla substantia intellectualis possit naturaliter elicere ullam cognitionem absolute perfectiorem, quam quæ est comprehensiva ipsius; potest nihilominus cum eadem compræhensione naturaliter componere alias cognitiones circa alia motiva, si superaddantur sibi vires cognoscitivæ ultra eas, quæ eidem conveniunt ex se præcisè. Dictum autem est supra, Angelo superaddi vires, & comprincipia iuvantia ad cognoscendum per species impressas, quas accipit à Deo.







Ad 4. Nec intellectum Angelicum,
nec

nec ullum alium posse simultaneè plura cognoscere vt plura, sententia est sæpe repetita à D. Thoma, cui etiam subscribit Scotus dist. 3. quæst. 9. aliorumque satis celebris, aduersus Durandum, Molinam, Valentiam, Vasquez, & alios. Verùm quo sensu accipiendum sit illud plura vt plura, obscurum esse, & valdè anceps, atque controuersianı videri potius de modo loquendi, est existimatio Patris Suarez lib. 1. cap. 37. nu. 8. Mouetur quia idem D. Thomas docet, beatos simul, & videre Deum, & cognoscere alia à Deo etiam per species proprias ipsorum, atque in proprio genere, & similiter Angelum naturaliter cognoscere simul se, & alia per plures, & species, & actus. Hæc autem sunt, & huiusmodi tantum, quæ intendunt re ipsa auctores affirmantes posse plura simul ab eodem cognosci, vt plura. Censeo cognitiones plurium, vt plurium apud D. Thomam, Scotum, & affectas esse, quæ non diriguntur mediatè, vel immediatè ad vnũ, eundemque scopum, & finem omnium, ita vt nullo pacto altera alteri subordinetur. Atque hoc pacto certum est. neminem cognoscere posse plura vt plura, idest omninò disparatè. Quia omnis causa quidquid agit, ordinat ad vnum, aliquem finem vltimum omnium quæ agit, eaque illi, & inter se subordinat necessariò, vt liquet ex quæst. 1. de act. hum.

hum. Ea autem doctrina sumpta in hoc sensu nihil conuincit obiectio ad propositum. Omnes verò alios sensus illius quasi axiomatis D. Thomæ impugnat efficaciter idem Suarez ibidem. Potest itaque Angelus simul habere plures plurium obiectorum immediatas cognitiones, ac proinde & mediatas. Potest itidem habere successiue cognitiones & mediatas, & immediatas earundem rerum. Quia licet nunquam cessare possit ab exercitio totius suæ virtutis intellectualis, potest nihilominus multipliciter explere mensuram suarum virium, tum auocando illas à creaturis ad Deum modo superius explicato, tum transeundo à paucioribus maioris perfectionis obiectis ad plura obiecta minoris perfectionis, atque ex utrisvis eligendo, & omittendo individua hæc, vel illa, ut placet, atque ita cognoscendo eadem modo immediate, modo mediatè, quin vnquam absolutè patiatur propterea aliquam sacturam perfectionis in cognoscendo, propter compensationem, quam semper reperit æqualem in alijs obiectis, seu mediatè, seu immediatè cognitis de nouo,

Q V A E S T I O X V I I ,

*Verum Substantia intellectiva sit
ex suo conceptu volitiva?*

 D E T V R non esse i:
 V  Quia intellectuum potest
 P ex modo cognoscendi pre-
 S scindi à volitivo vt per se
 P patet . Alioquin ne dubita-
 ri quidem posset de quaestione propo-
 sita . Ergò volituum non est de conceptu
 intellectiui, Illa autem, quorum alterum
 non est de conceptu alterius, non repu-
 gnat absolutè, vt separentur realiter.

2. Non omnis intellectio est illatiua
 volitionis. Ergò nec omne intellectuum
 est volituum . Patet consequentia, quia
 sicut se habet actus ad actum, ita poten-
 tia ad potentiam. Probatur antecedens,
 quia cognitiones purè speculatiuæ, vt
 duo & tria sunt quinque, nullam habent
 vim excitandi vllum affectum, eumue
 inducendi . Probatur rursus idem ante-
 cedens, quia Deus concipere potest de-
 cretum efficax non concurrendi cum
 Petro ad vllum actum voluntatis, ex quo
 peruenerit ad tale instans determina-
 tum, atque idem decretum potest pro
 eodem instanti à Deo reuelari Petro,
 qui similiter potest actu fidei assentiri

N tali

tali revelationi. Quæ quidem omnia apparent ex terminis omninò possibilis. Talis autem actus fidei essentialiter est impossibilis cum omni actu volendi. Quia si induceret aliquem actum voluntatis, eo ipso redderetur falsa revelatio Dei, cum qua essentialiter connectitur idem actus.

3. Non est de conceptu virtutis sensitivæ connexio intrinseca cum appetitu sensitivo. Ergo neque est de conceptu virtutis intellectivæ connexio cum appetitu rationali, seu voluntate. Patet consequentia, quia sicut se habet sensus ad appetitum sensitivum; ita se habet intellectus ad voluntatem. Patet idem, antecedens, quia sensus externi verè percipiunt sua objecta; & tamen nullum per se ipsos inducunt actum appetendi; ut fert communis auctorum consensus, & probatur ex eo efficaciter, quia cognitio boni absque actu estimativæ non movet appetitum, ut dicit Philosophus. Estimativa autem nulla datur in sensibus externis, ut per se patet.

4. Cui repugnat appetitus, repugnat etiam voluntas, quia voluntas sub appetitu continetur; ut tradit Philosophus lib. 3. de Anima à tex. 48. Possibile autem est intellectivum, cui repugnet appetitus. Quia appetitus est actus imperfecti, ut potè non habentis adhuc, quod appetit; Possibile autem est intellecti-
uum

uum perfectum, seu non imperfectum, atque huiusmodi intellectuum est Angelus, qui à primo instanti consequitur ex natura rei totam perfectionem sibi connaturalem, cuius absolutè est capax, ac proinde nihil superest, quod naturaliter appetere possit. Ergo possibile est, & de facto datur intellectuum, nempe Angelus, cui repugnat voluntas.

Art. 1. Respondetur. Certum est ex pluribus scripturæ locis Angelis inesse voluntatem, ut patet ex illo Psal. 102. 21. *Benedicite Domino omnes virtutes eius, ministri eius, qui facitis voluntatem eius, utique voluntariè, & laudabiliter, atque ex electione propria, tanquam boni ministri Dei.* In hunc nimirum scopum id ibi effertur de Angelis. Apoc. 73. unus Angelus clamat ad alios, *Nolite nocere terra, & mari.* Eisdem tribuitur desiderium 1. Petri 1. 12. *In quem desiderant Angeli prospicere.* Et similiter, 2. Petri 2, Tribuitur eisdem peccatum, ut multa alia prætermittam, quæ proferentur in decursu.

Art. 2. Quæritur iam ratio à priori huius veritatis, eamque reddit D. Thomas quæst. 59. Art. 1. Ex connexione intellectui cum volitivo, seu ex repugnantia metaphysica intellectui sine volitivo. Qua eadem ratione utitur etiam quæst. 19. art. 1. pro astruenda voluntate in Deo. Sed est hic locus op-

portunior pro discutienda ista controuer-
 sia. Quia pro exiſtentia voluntatis in
 Deo ſunt aliæ rationes maniſteſtiores, quâ
 quæ fundatur in conceptu intellectiui, vt
 ſic; cum pro aſtruenda eadem in Ange-
 lis vniuerſaliter omnibus, nulla occurrat
 maniſteſtior aut efficacior ratio. Eò, vel
 maximè, quia ſi eſſet poſſibile intelle-
 ctium non volituum, eſſet admitten-
 dum exiſtens de ſacto, vt neceſſarium ad
 complementum adæquatum vniuerſi, vt
 colligi poteſt ex dictis quæſt. 1. circa ne-
 ceſſitatem rerum omnis generis pro per-
 fectione operis diuini adæquatè ſumpti.
 Connexionem porrò intellectiui cum
 volitiuo ex ſuo conceptu vniuerſali pro-
 bat primo D. Thomas à poſteriori per
 inductionem. Quia videmus ad formam
 naturalem conſequi appetitum naturalem,
 ſeu innatum; ad formam apprehenſam
 per ſenſum, conſequi appetitum ſenſiti-
 uum, atque ad formam intellectam con-
 ſequi appetitum intellectualem, idque
 ita apparet maniſteſtè in omnibus, quæ
 certò, ac diſtinctè nouimus. Ergo par
 eſt credere, vim appetitiuam vniuerſali-
 ter eſſe vnicuius ordini rerum eſſentiali-
 ter deuiſctam iuxta naturam cuiusque.
 Ergo ad gradum etiam intellectiui con-
 ſequitur neceſſariò, & eſſentialiter gra-
 dus volitiui.

Art. 3. Probat rursus à priori. Quia
 Deus, cum ſit ipſa eſſentia bonitatis,
 quid-

quidquid operatur, operatur ex intentione boni, & omnia ordinat ad bonum, quantum, & qualiter vnumquodque capax est, nec oppositum contingere potest. Quia scilicet contingere non potest vt Deus non operetur quatenus bonus, & ex intentione boni. Eadem igitur necessitate, qua rebus sensu, ratione, & intellectu carentibus necessario indit appetitum innatum, per quem formaliter ordinantur ad omne bonum, cuius sunt capacia, indit etiam appetitum sensitivum sentientibus, rationalem ratione præditis, & intellectualem intelligentibus. Alioquin non esset equalis necessitas ordinandi ad suum bonum, quæ sunt meliora, ac præstantiora, nempe sensitiva rationalia, & intellectualia, atque ordinandi quæ sunt imperfectiora, ac viliora, nempe carentia omni virtute cognoscitiva. Nec enim dici potest sufficere ordinationem, quæ inest appetitui innato, vt sententia, ac intelligentia ordinentur, quatenus talia ad omne suum bonum. Primo, quia sensus & ratio, & intellectus, maxime verò ratio, & intellectus sunt ad opposita, cum appetitus innatus ex suo conceptu sit determinatus ad vnũ in vnoquoque nec sit variabilis iuxta varietatem obiectorum occurrentium, iuxta quam variantur sensiones, maxime verò ratiocinationes, & intellectiones. Deinde bonum apparens est quoddam genus boni-

tatis distinctum realiter a toto genere, bonitatis purè physicae ac obiectivæ ei-
demque superadditū. Quod ex eo haud
obscurè deprehenditur. Quia quādo co-
gnoscitur aliqua veritas, aut considera-
tur aliquod pulchrum, non solum placet,
quod cognoscitur, aut consideratur se-
cundum se, sed etiam & maxime quate-
nus cognitum, & consideratum. Vnde
fit, quod unicuique placeat sua, de re,
qualibet, opinio, etiamsi res sit mala, ne-
que quiescit voluntas habita apud se re
pulchra, ut imagine eximia, nisi detur eā
considerare, eademque fini, ut conside-
rata. Patet itaque per intentionalē per-
ceptionem cuiusvis obiecti, etiamsi malū
sit in se, superaddi peculiarem aliquam
rationem bonitatis. Necessè igitur est, ut
detur peculiaris vis appetitiva in quocū-
que datur intentionalis obiectorum per-
ceptio. Ne nimirum detur aliqua ratio
bonitatis in aliquo, ad quam ipsum non
sit congruenter ordinatum.

Art. 4. Adde, intellectuum, cum com-
plectatur totam rationem entis univër-
saliter, esse simultaneè perceptivum eorū,
quæ simul dari non possunt, nempe inui-
cem oppositorum. Potest enim percipe-
re contradictoria, eisdem seorsim, ac suc-
cessivè assentiri. Necessè igitur est, ut illi
sit adiuncta vis appetitiva similiter uni-
versalis, & quæ flecti similiter possit ad
opposita. Huiusmodi autem esse nequit
in.

innatus appetitus, vt pote determinatus ad vnum. Ne igitur perperam detur, sitq; essentialiter frustra vis eiusmodi perceptiua oppositorum, necesse est, vt illi sit coniuncta vis appetitiua intellectualis, seu voluntas. Adde rursus motum, & quietem vniuscuiusque circa bonum suum, debere esse magis, vel minus perfectum iuxta mensuram perfectionis entitatiuæ conuenientis vnicuique. Quia bonum, cuius est capax aliquid in se perfectius, est & ipsum perfectius, ac maius. Motus autem ad bonum maius, est maior, & maior in eodem quies. Quod si bonum sit extrinsecum, nec vnitum physice ei, cui est bonum, motus, & quies in ipsum, & in ipso necessario distinguetur à bono mouente, & quietante. Intellectiuus autem est capax percipiendi omnem rationem boni, ipsumque summum bonum. Oportet igitur, vt detur in intellectu, tum motus, tum etiam quies circa omnem rationem bonitatis, & circa ipsum summum bonum; ita vt sua perfectione, ac præstantia cor respondeant vniuersalitati, & magnitudini tanti boni. Huiusmodi autem esse nequeunt motus, & quies, quales consequuntur ad vim appetitiuam innatam. Quia cum appetitus innatus infit vniiformiter rebus etiam vilissimis, ex suo conceptu est vilissimus. Debet igitur superaddi vis intellectualiter appetitiua, quæ est voluntas. Adde tertio, substan-

tiam purè intellectiuam, & non volitiuā fore inutilem vniuerso, omnibusque intrinsecè tædiosam, quæ cuncta obseruaret, atque obseruando ità semper stupide hereret, vt nullirei, ne quidē sibi quidquā vnquā prouideret, atque ideò cunctis esset essentialiter inamabilis. Quāle nil in natura dari potest, vtpotè auctorem habente sapientissimum, & optimum, qui omnia amore connectit mutuo, neque quidquam facit cæteris vniuersaliter omnibus prorsus inutile. Adde postremo vim intellectiuam, esse vim adductiuam omnium indiscriminatim ad se. Quia est potentia ex suo conceptu vniuersaliter ad omnia, eaque vniuersalitas est coniuncta cum vi transformandi omnia in se. Quia intelligens actu est intellectum in actu, vt superius dicebatur ex Philosopho. Ergo necesse est vt in intellectiuo detur appetitus similiter vniuersalis, & commensuratus vniuersalitati virtutis intellectiuæ, per quem possit vniuersaliter adhærere ijs omnibus, quæ intellectiuum ad se trahere, & sua quodammodo facere potest. Alioquin fieri posset, vt aliquod bonum, & aliquo modo perperam inesset alicui. Ita nimirum, vt illi adhærere non posset modo adhæsiōis, quæ congrueret modo habitōis. Cum ergo Deus nihil perperam facere possit, vel quoad substantiam, vel quoad modum, neque quidquam quoad aliquid sui perperam esse possit.

possit essentialiter, patet intellectuum nullum dari posse quod non sit volitivus. Oñsum autem est prius, Angelos esse intellectuales. Constat ego eosdem esse volitivos, seu voluntate præditos.

Ad 1. Non omne quomodolibet præscindibile ab aliquo, eo ipso est separabile ab eodem realiter, & à parte rei. Alioquin prædicata, quæ sunt inuicem, convertibilia ex omnium confessione, forent nihilominus separabilia realiter. Quia quodvis eorum est præscindibile à reliquis per intellectum cognoscentem imperfectè, & inadæquatè, in ordine ad diuersa connotata. Et similiter essent separabiles realiter mutuò gradus superiores, & inferiores. Separabilitas igitur realis duplicis conceptus obiectivi solenniter inferitur rectè ex separabilitate intentionali utriusque in intellectu perfectè, & adæquatè percipiente quidditatè utriusque. Hoc autem pacto non est separabilis formalis conceptus intellectui à conceptu formali volitui, ut patet ex dictis.

Ad 2. Falsum imprimis videtur, possibilem esse aliquam intellectiõem, quæ non sit inductiua alicuius volitionis. Quia quælibet intellectio percipit, & iudicat se esse veram, atque adeò repræsentat in se eximiam rationem bonitatis, quæ est de conceptu veritatis. Allicit ergò per se ipsam ad amorem sui, cumque inducit ex sua natura. Et quidem cognitiones

speculatiuæ cum inducunt vehementissimum. Quia speculationes delectant vehementer speculantem, & nemo est, cui speculationes suæ non placeant per se ipsas, nullaque interposita cognitione practica. Vnde quod cognitio speculatiua non habeat de se afficere, & mouere voluntatem, verificatur de ipsis solum relate ad objecta ipsarum, quæ contingit esse mala, ideòque non appetibilia, non verò comparatione sui. Quod dicitur de reuelatione Dei, dicitur cum suppositione voluntaria, quod Deus facere possit reuelationem omninò absurdam. Quid enim absurdius esse potest, quam Deum supernaturaliter illuminare intellectum alicuius, ita vt placere ipsi nequaquam possit talis illustratio, & reuelatio Dei, idque ex natura ipsa reuelationis, & illustrationis, cum Deus per omnem suam illustrationem creatorum intellectuum, hoc vnice intendat, vt intelligentes trahat ad se, eisdemque placeat. Hoc præterea est satis dissonum dari aliquem actû fidei supernaturalem, quique sit donum supernaturale gratiæ Dei, & nihilominus sit deterioris conditionis, quàm cognitio quælibet naturalis etiam vilissima. Nulla siquidem est cognitio naturaliter possibilibis, vt liquet ex ratione modo data, quæ non possit aliquatenus delectare voluntatem. Deinde transmissio sponte esse possibiles, aut etiam dari de facto intel-

le-

lectiones essentialiter steriles affectuum ;
negatur valere inde consequentia ad pos-
sibilitatem substantiæ intellectiue , quæ
volitiva non sit . Quia , vt dicebatur in
simili quæst. 11. ad 1. perfectiones acci-
dentales substantiarum non participant
adæquatè totam sui generis perfectionem ,
sed multiplicantur cum inadæquata eius
participatione , atque in multiplicis mu-
neris exercitium distribuuntur , prout in-
terest substantiæ , cui insunt , & quæ est fi-
nis proximus , ac immediatus ipsarum . At
substantia existit gratia sui , & est quid
perfectum in genere suo , ideoque conti-
net in se totam perfectionem adæquatè ,
quæ est de conceptu eiusdem generis .
Vnde si inter sit substantiæ intellectiue
habere intellectiones non ordinatas in-
trinsecè , nec ordinabiles ad volendum ,
habere illas omninò poterit . At fieri nul-
lo pacto poterit , vt nullas habere possit
intellectiones feraces affectuum . Quia ,
hoc interesse ipsius nunquam potest . Re-
pugnat enim conceptui adæquato perfe-
ctionis , quæ est propria substantiæ intel-
lectiue , vt patet ex dictis .

Ad 3. Probabilius imprimis est ad sè-
siones exteriores subsequi delectationem
vel dolorem , seu tristitiam iuxta naturam
obiectorum congruentium , vel non con-
gruentium unicuique potentiæ exteriori .
Cui exultationi videtur suffragari expe-
rientia , qua quisque in se deprehendit

eiusmodi voluptatem, & tristitiam, cum primum pervnamquamlibet potentiam sensitivam percipit obiectum consonum, vel dissonum eidem potentiæ, atque substantiæ ipsi, quatenus cooperatur potentiæ. Vnde actus æstimatiuæ, pro ut distinctus à simplici qualicumque perceptione obiecti non videtur requisitus ad actum, seu delectationis, seu tristitiæ circa bonum, & malum præsens, sed solum ad prosecutionem, & fugam operationis in ordine ad consecutionem boni, vel repulsionem mali. Transeat deinde sensiones exteriores non esse immediatè inductivas ullius appetitionis, seu affectus. Negatur tamen easdem saltem mediatè non esse ordinatas ad excitandos affectus convenientes animali. Quia intrinsecè ordinantur ad sensiones internas, & ad actum æstimatiuæ ex qua resultat affectus, qui congruit conditioni cuiusque obiecti. Nec est possibile, ut detur aliqua potentia exterior sensitiva, quæ non ita ordinetur ad internam sensionem, & ad appetitionem inde resultantem. Intellectus autem est suprema potentia cognoscitiva, nec possunt eius actus ordinari ad actus potentiæ alterius superioris, ut accidit in sensibus, ideoque necesse est, ut actus intelligendi ordinentur immediatè ad affectus; sicut necesse est, ut sensiones exteriores ordinentur ad eosdem saltem mediatè.

Ad

Ad 4. Voluntas denominatur ab appetitu. Quia plura sunt bona, quibus caremus, dum sumus in via, quam quæ habemus, & pluries contingit vt deficiamus, quam vt abundemus etiam, quoad ea, quorum sumus capaces in via, ideòque appetendo potissimum, & querendo vitam agimus, & impendimus vires voluntatis. Cæterum voluntas ex suo conceptu non est principaliter ordinata ad actum appetendi, sed magis ad actum fruendi, vt pote habentem rationem finis. Quapropter in Angelis, quo minor est naturaliter indigentia, maiorque sufficientia, eò est maior ratio, vt voluntate præditi sint. Quanquam nec appetitio propriè dicta denegari Angelis debet, tum quia pluribus naturaliter indigent à primo sue creationis instanti pro consecutione sui ultimi finis, vt infra dicetur; tum quia plura oportet eos, etiam dum beati sunt, appetere in subuentionem aliorum quorum cura, & prouidentia commissa sibi est;



Q V A E S T I O XVIII.

*Verum intellectus, & voluntas An-
geli sint potentia distincta in-
ter se, & ab eius substan-
tia?*

IDENTVR esse distincte
tum inter se, tum maxime
à substantia Angeli: Quia
Sancti PP. per hoc commu-
niter distinguunt à Deo sub-
stantias omnes creatas, quod in solo Deo
sint idem essentia, potentia, & opera-
tio: Ita docet in primis Dionys. de Cae-
lest. Hieron. cap. 11. agitque de Angelis de-
terminate Idem docet de homine, sed ra-
tione Angelis quoque cōmuni D. August.
lib. 6. de Trinit. cap. 6. dicens, animam
humanam deficere à simplicitate diuina,
propter multitudinem operationum, &
virtutum. Atque lib. 35. cap. 7. docet sus-
tinentem distingui ab anima, nec poten-
tiam hominis esse hominem. Eadem ve-
ro ratio est de potentia Angeli, & An-
gelo. Anselmus vero lib. de casu Diabo-
li cap. 8. loquitur de Angelis reprobis,
& dicit, potentias eorum, licet non
sint eorundem substantiae, ac essen-
tiae, non tamen esse nihil, sed essentias
nihilominus aliquas, & lib. de concep. Vir-
gi-

ginali cap. 4. eodem modo, & ratione, distinguit potentiam à substantia creata, quo operatio distinguitur ab vtraque. Accedit communis in eandem rem Theologorum consensus cum D. Thoma quæst. 59 art. 2. & alibi sæpe. Videtur autem, non posse deferri absque manifesta temeritate sententiam tanto auctoritatis pondere præmunitam.

2. Vitales omnes potentix habent rationes, & definitiones diuersas à ratione & definitione substantix. Oportet autem ea esse distincta, quorum sunt diuersæ definitiones, & conceptus quidditatiui.

3 Vnaquæque substantia per se, & ex se præcisè, est ad se, & intra se manet, nec extenditur ad ea, quæ sunt extra, nisi per aliquid sibi superadditum, vt patet in rebus corporalibus. In ijs enim, forma per se ipsam ordinatur ad materiã, & materia ad formam, & vtraque ad esse compositi. Ad ea verò, quæ sunt extra, ordinantur per qualitates sibi superadditas, vt ad locum per leuitatem, & grauitatem, & ad gignendum per qualitates actiuas. Similiter ergo substantia Angeli per se præcisè manet in se absoluta ab omni ordine ad ea, quæ sunt extra ipsam, atque ad eadem ordinatur per potentiam intellectiuam, volitiuam, & executiuam sibi realiter superadditas.

4. Diuersitas actuum arguit diuersitatem potentiarum, Quia diuersi actus
sunt

Sunt diuersorum, vt fert commune Philosophorum axioma. Existencia autem est actus diuersus ab operatione, eidenque correspondet essentia rei, quam actuat immediatè. Ergo operatio correspondet non eiden essentiae, sed potentiae ab essentia distinctae, ipsamque solam actuat immediatè, & mediatè essentiam, sicut è conuerso existencia essentiae actuat in esse omnia accidentia, quae illi insunt. Quae ratio probat à fortiori, voluntatem, & intellectum esse potentias inter se distinctas realiter. Quia intelligere, & velle sunt actus valde diuersi, ac proinde specificant potentias diuersas. Confirmatur quoad hanc partem posteriorem. Quia potentiae specificantur ex actibus, sicut actus ex obiectis. Ergo sicut diuersitas veri, & boni inducit diuersitatem inter intelligere, & velle, ita diuersitas inter illos actus praesupponit diuersitatem inter potentiam intelligendi, & volendi. Confirmatur rursus, quia alioquin esset verum intellectu nos, & Angelos velle, atque voluntate intelligere. Quod apparet absurdum.

5. Operatio substantiae creatae distinguitur ab ipsa realiter, nec fieri potest, vel etiam de potentia Dei absoluta, vt aliquod intelligens, aut volens creatum sit sua intellectio, aut volitio, & sic de similibus actionibus. Quod est in confesso apud omnes, Ergo & potentia operativa
sub.

substantiæ creatæ distinguitur ab ipsa eodem modo. Patet consequentia. Quia eadem finitæ, ac limitatæ perfectionis ratio impedit, quominus substantia creatæ identificet sibi suam virtutem operatiuam, quæ impedit, quo minus identificet sibi suam operationem, nec apparet, vlla quoad hoc ratio discriminis satis idonea.

Art. 1. Respondetur. Certum est vniuersaliter nulli substantiæ creatæ identificari aliquam virtutem actiuam adæquatè; ita vt nullo prorsus indigeat à se realiter distincto ad operandum, & ad exercendam qualemcumque actionem. Quia quælibet substantia creatæ impedi-ri absolute potest, saltem de potentia absoluta Dei, quominus aliquid agat, & fieri potest, vt existat, quin aliquid agat. Indiget ergo remotione saltem impedi-menti, vt agat, & operetur actualiter, atque ea remotio est distincta realiter à substantia rei. Ergo potentia quælibet rei creatæ, quatenus intelligitur adæquatè completa, & in actu primo proximo constituta, includit in se aliquid distinctum à substantia rei operantis. Præterea substantia intellectiua, & volitiua indiget alijs etiam adminiculis positiuis, sibi superadditis, vt intelligat, ac velit, indiget namque ad volendum cognitio-ne præuia obiecti volibilis, & similiter ad intelligendum indiget specie impres-

sa

sa obiecti intelligibilis, si quidem hoc sit
distinctum ab ipsa substantia intellectu-
ali. Vt verò ipsa seipsam intelligat, indi-
get saltem cessatione ab alijs operationi-
bus potentibus impedire exercitium co-
gnitionis erga se. Quæ patent ex dictis
superius, neque in diſtinctionem reuocari pos-
sunt, quod ad substantiam doctrine atti-
net, licet quoad modum sit aliqua opi-
nionum diuersitas, quæ tamen nihil nocet
scopo præſenti. Constat enim ex ista no-
tatione potentiam intelligendi, & volen-
di, & quamlibet aliam cuiuslibet substan-
tiæ virtutem operatiuam includere in
suo conceptu ædæquato aliquid aliquo-
tandem modo distinctum realiter ab ipsa
substantia secundum se præcisè conside-
rata. Vnde non in hoc sensu, sed in alio
longe diuerso agitur ab omnibus de quæ-
ſtione proposita. Quæritur enim, an po-
tentia intellectiua, & volitiua ita distin-
guantur à substantia intellectuali, vt tota
ratio virtutis immediatè actiuæ sit penes
potentias distinctas realiter à substantia,
ipsaque substantia sit operatiua tantum,
mediatè, & vt quo? Quæ videlicet o-
peretur tantummodo per potentia à se
distinctas, sicut artifex ſecat lignum, vel
pingit tabulam instrumento à se realiter
distincto; solumque sit discrimen, quod
potentia intelligendi, & volendi sit in-
strumentum coniunctum; cum serra, &
penicillus, aliaque similia, sint instru-
men-

mentum separatum. Affirmant eiusmodi distinctionem realem D. Thomas quæst. 59. art. 2. & alibi sæpe post Alensem p. 2. quæst. 21. mem. 1. Vasquez, Suarez, alijque complures. Negant verò Scotus dist. 16. quæst. vnica, & in 4. dist. 12. quæst. 3. Durandus dist. 3. quæst. 5. nec non Less. Aegid. Con. Martinon, & alij.

Art. 2. Mihi videtur aliquanto probabilior posterior hæc sententia. Primo quia quod vnumquodque est perfectius, eo magis participat perfectionem essentie diuinæ. Substantia autem intellectualis est perfectior omnibus suis accidentibus, saltem connaturalibus. Quia est eorum finis & prima radix. Cum ergo natura diuina sit immediatè operativa, atque hoc ad eius perfectionem pertineat, negari minime debet, quin substantia intellectualis sit similiter immediatè operativa, potius quam accidens aliquod eidem substantiæ connaturale. Maxime cum identitas substantiæ cum virtute aliqua immediatè actiua non sit ex suo conceptu perfectio infinita. Quod præter quam apparebit clarius ex solutione argumentorum in contrarium, ex eo etiam suadetur. Quia qui asserunt potentias substantijs creatis superadditas, non dubitant, quin eas proficiantur à substantiâ immediatè, ne detur processus in infinitum, si dicatur, eas potentias procedere à substantiâ per alias rursus potentias, & has per alias.

Art.

Art. 3. Quod autem dici consuevit
 potentias procedere à substantia, non
 per effectiōem, & causalitatem pro-
 prie talem, sed per resultantiam, seu per
 simplicem emanationem nihil re ipsa
 est. Quia si potentiae ita emanant, seu
 resultant à substantia cuius sunt, vt cau-
 sa efficiens ipsarum adaequata non sit
 adaequate distincta ab eadem substan-
 tia, parum, immo nihil interest, qua vo-
 ce significetur partialis causalitas, & in-
 fluxus substantiae in potentias. Quia
 quocumque modo id exprimatur, ac ex-
 plicetur, perinde valet ad propositum.
 Si verò nomine emanationis, & resul-
 tantiae intelligatur sola, & mera exigen-
 tia suarum proprietatum in vnaquaque
 substantia, atque tota ratio causae sit
 extra eandem substantiam, quo recurrit
 Valentia quæst. 5. punc. 3. ad secundum.
 Contra est primo, quia eodem modo di-
 ci posset, nullam causam creatam, siue
 substantialem, siue accidentalem verè,
 & propriè efficere vllum omnino effe-
 ctum. Quam existimationem meritò di-
 cit D. Thomas esse stultam. Probatur
 sequela, quia fundamentum vnicum, vel
 certe præcipuum tribuendi singulis qui-
 busque causis creatis veram, ac pro-
 priam efficientiam respectu peculiarium
 effectuum, fundatur in experientia, qua
 conijcimus quosdam effectus existere in
 præsentia quarundem causarum, alios
 verò

verò in præsentia aliarum, eisdemque non dari iisdem absentibus; simulque dari mutuum proportionem, & iustam correspondentiam perfectionis reparatæ in talibus, & effectibus, & causis. Hæc autem duo eminent multò magis in unaquaque substantia respectu suarum proprietatum. Quæ videlicet participant plurimum de perfectione suarum substantiarum, iisdemque præsentibus potentius existunt summa cum necessitate naturali, & cum eadem iisdem deficientibus deficiunt. Ergo si nihilominus liceret dicere proprietates non produci verè, & propriè à substantia, cuius sunt, sed ad exigentiam eius produci adæquatè ab alia causa; dicere similiter liceret, omnes alios effectus procedere à causis secundis solum impropriè ratione exigentiæ, & absque vlla ipsarum efficientia propriè tali. Deinde positis potentijs distinctis realiter à substantia, effectus deinde consequentes dicuntur effici verè, & propriè ab eis potentijs, & non tantum resultare ex illis exigentiè, & non aliter. Impossibile autem est, assignare rationem, cur aliter procedant potentia à substantia, quam vltiores alij effectus ab iisdem potentijs. Contra tertio, quia aqua calefacta perinde redit vi sua ad pristinam frigiditatem, atque frigefacit alia corpora, dum ipsa frigida est. Ergo utrobique agnosci debet idem ge-

nus propriae causalitatis, & efficientiae. Maneat itaque non esse contra rationem finitae, ac limitatae perfectionis identitatem substantiae cum aliqua virtute immediate actiua, & efficienti verè, & propriè; immò congruere magis substantiae, quam accidenti eiusmodi identitatem cum vi actiua immediata, propter maiorem substantiae quam accidentis similitudinem cum Deo, & propinquitatem ad diuinam perfectionem.

Art. 4. Accedit vnamquamque substantiam, per se ipsam, ordinari immediate ad suam operationem. Quia vnumquodque intrinsecè ordinatur per se ipsum ad finem suum. Vniuscuiusque autem substantiae finis est sua operatio. Quod cum de omnibus substantijs sit cōmuniūter receptum, de substantijs intellectualibus peculiari ratione est certissimum, Quia saelicitas, & beatitudo ipsarum consistit in operatione perfectissima, & consequenter felicitas inchoata consistit in operationibus minus perfectis, vt liquet ex dictis quæst. 3. de act. hum. ex Philosopho, exque aliorum vnanimi consensu. Quod si ob hanc rationem negari non potest, quia substantiae maximè intellectuales non ita maneant in se, sintque totaliter ad intra ex se præcisè, vt non referantur per se ipsas immediate ad suas operationes, negari profecto non debet, easdem substantias.

stantias referri quoque intrinsece, ac immediate ad easdem operationes in ratione causæ efficientis, & virtutis acti-
uæ. Næmpe sicut sunt perfectibiles per
suas operationes, ita etiam sunt præha-
bentes perfectionem, quam communica-
re possint operationibus effectiue.

Qua propter tam sunt habiles ex suo
conceptu, vt referantur ad operationes
immediate in ratione subiecti perfecti-
bilis, quam in ratione causæ, & virtutis
actiuæ potentis ex se refundere perfec-
tionem. Certè ex hac paritate vt mini-
mum concluditur non subsistere ratio-
nem illam fundamentalem aduersario-
rum superius propositam de conceptu
substantiæ manentis in se, quantum est
ex se præcisè, nec ordinabilis ad extra,
nisi per aliquid sibi superadditum.

Art. 5. Accedit rursus actiones esse
suppositorum, atque substantijs potius,
quam accidentibus, quæ illis in sunt, at-
tribui operationes, idque per se, quando
operationes sunt connaturales, & non
tantum per accidens, sicut cum dicitur
calefacere aqua calida. Quod tamen
verificari minime posset, si substantiæ nõ
essent immediate operatiuæ. Quia rei
nihil agenti per se ipsam immediate,
nulla actio attribui proprie potest, sicut
nec passio attribui potest nihil patienti
immediate. Neque verò dici potest, sub-
stantias agere vt quod, potentias verò
supe-

superadditas tantum ut quo, quatenus ex sua natura sunt instrumenta substantiarum, & agunt solum ut motus à substantiis. Quia impossibile est, instrumentum agere aliquid immediate, nihil praegente, aut coagente immediate eo, cuius est instrumentum, idemque instrumentum moveri à causa principali, quin eadem causa principalis producat per se immediate actionem, qua moveatur. Quod sane in instrumentis separatis est perquam manifestum ad sensum, Nuncquam enim fieri poterit, ut moveatur, & actionem suam exerceat immediate serra, aut penicillus, quin prius existat actio motiva, per quam faber lignarius, aut pictor utatur instrumento suo. Eadem autem est ratio de instrumento coniuncto, si quidem non minus propriè instrumentum est, quàm quod est separatum. Nihil enim facit ratio intrinseci, vel extrinseci, quominus aliquid dicatur moveri à se, & non purè instrumentaliter, si nulla datur actio alterius, per quam moveatur. Sin minus rogo quodnam sit verum, & reale significatum harum vocum? potentia movetur nunc ad agendum à substantia, cuius est instrumentum; eadem ab eadem nunc non movetur, quarum altera verificatur, quando potentia operatur, altera quando non operatur. Si enim substantia perinde, nihil agit immediate per se ipsam pro

vtra-

utraque temporis diuerſitas, perinde
 pro neutra mouet, atque ideò perinde
 pro neutra mouetur potentia, quod ad
 rem ipsam attinet. Vnde diuerſitas illa
 vocum est prorsùs inanis, utpote deli-
 tata omni diuerſitate obiectina, supra
 quam cadere possit. Quod verò nonnul-
 li dicunt potentiam moueri à substantia,
 non per actionem, quam immediatè
 producat ipsa substantia, sed per eandem
 illam solam, quam immediatè producit
 ipsa potentia; id verò est mirabile, ne-
 quid dicam aliud. Quid enim mirabi-
 lius, quam id mouere immediatè, quod
 nullius est principium immediatum ac-
 tionis; id verò moueri, quod solum est
 principium immediatum actionis. Iam
 quòd rursus dicitur substantiam esse
 principium quod, & potentiam princi-
 pium quo, non magis subsistere potest,
 quam primum. Quia si substantia secun-
 dum se præcise considerata perinde se
 habet, quando datur operatio, & quan-
 do non datur, To *quod* erit additum d-
 minuens, atque alienatiuum vocis præce-
 dentis, sicut quando dicitur homo pi-
 ctus, nihilque relinquet in substantia, ra-
 tione cuius cum veritate, & proprietate
 dici possit mouere potentiam, aut aliquo
 tandem modo agere. Concedendum
 itaque est, substantias esse præditas vir-
 tute aliqua actiua immediate, indistin-
 cta realiter ab ipsis.

Art. 6. Verum istæ rationes urgent multo magis in opere intelligendi, & volendi, aliisque operationibus vitalibus, præsertim intentionalibus. Quia substantia est, quæ intelligit. & vult, videt, audit, progreditur &c. Et non accidens aliquod inhærens substantiæ. Intelligere autem, & velle, & sic de alijs eiusmodi, est aliquid agere. Quo quid notius esse possit ego non video, elique notissimum ex Conc. Trid. sess. 6. cap. 5. uti ponderatum est quæst. 18. de gratia post med. Ergo substantia est, quæ producit immediatè intellectionem, volitionem, aliasque operationes vitales. Implicat enim in terminis intelligere, & velle, esse agere, & non immediatè, atque ratione sui convenire ipsum agere, cui immediate, atque ratione sui convenit ipsum intelligere, & velle. Profectò si intellectio, & volitio non afficerent immediatè substantiam per immediatam unionem realem sui cum substantia, non possent eam reddere immediatè intelligentem, & volentem. Ergo neque possent id ipsum præstare, nisi procederent ab ea substantia itidem immediatè per veram realem actionem exercitam à substantia per se ipsam. Patet consequentia. Quia intelligere, & velle æquè, eodemque modo includunt in suo conceptu unionem intellectionis, & volitionis, cum intelligente, & volente, atque pro.

processionem, & effectiōnem earum dē m
ab eodem. Ergo si intellectio, & volitio
non unitæ immediatē non possunt red-
dere immediatē intelligentem, & vo-
lentem substantiam, neque poterunt
eundem effectum præstare, quin eodem
genere inmediatectionis procedant effi-
cienter ab eadem substantia.

Art. 7. Quod si ob hæc omnia ne-
cesse est, ut omninō videtur, necesse es-
se, concedere substantijs, maxime intel-
lectualibus vim actiuam immediatam,
realiter indistinctam ab ipsis, non viden-
tur superaddendæ præterea potentie
accidentales vniuersales, per quas simul
operentur mediatē. Primo quia perfectio
intellectionis, & volitionis non est tanta
ex suo conceptu, quæ non possit contine-
ri adæquatē in substantia intellectuā, ut
coniuncta, pro intellectione quidem,
cum specie impressa; quæ cooperatur ex
parte obiecti, pro volitione verò, cum
intellectione, quæ similiter cooperatur
ex parte obiecti, seu quatenus præcon-
tinens in se intentionaliter obiectum, &
sic de alijs eiusmodi. Vnde perperam, &
absque sufficienti fundamento superin-
ducuntur eiusmodi potentie data ea
hypothesi. Deinde si semel vsque adeo
voluntariē superaddantur potentie ac-
cidentales, ultra actiuitatem immedia-
tam identificatam cum substantia, simi-
liter addi poterunt aliæ rursus potentie

ultra priores, nec reddi poterit vlla sufficiens ratio sistendi potius in primis potentijs accidentalibus, quàm in virtute actiua immediata indistincta realiter à substantia. His porro ita constitutis nihil necesse est dicere de distinctione intellectus à voluntate; cum manifestum sit identificari inter se, si vtraque identificatur cum substantia, vti positum est identificari. Adest nihilominus ratio peculiaris, ob quam dici non potest has duas potentias distingui inter se realiter. Quia nimirum voluntas non potest velle, quin præcognoscat, quod vult. Alioquin fieri posset, vt ferretur in incognitum, velletque, quod non cognosceret esse volendum. At neque potest præcognoscere, quod vult, si distinguitur ab intellectu. Quia tam repugnat voluntati, quæ non est realiter intellectus, vt cognoscat, quam repugnat intellectui, qui non est realiter voluntas, vt amet. Itaque intellectus, & voluntas Angeli neque distinguuntur realiter ab eius substantia, neque inter se.

Ad 1. Sancti illi PP. solum contendunt statuere distinctionem omnis naturæ intellectualis creatæ à natura diuina, quoad indigentiam alicuius administrati sibi realiter superadditi, nec curant, quale illud sit. Quia ad scopum eorum abunde sufficit necessitas cuiusvis præter essentiam pro operatione qualibet, & actio-

actione. Prænotatum autem est supra
art. 1. ex indubitato omnium consensu,
Angelos indigere aliquo eiusmodi admi-
niculo præter potentiam intellectiuam, &
volitiuam, siue hæc vtraq; potētia distin-
guatur realiter à substantia, siue non distin-
guatur. Nego itaque Sanctos PP. nomine
virtutum intelligere potentias, quales in-
telligūt Theologi sub ea voce in præsen-
ti controversia. Quod ex eo confirmari
præterea potest, quia in eodē certitudi-
nis gradu collocant distinctionem virtu-
tis & distinctionē operationis à substantia
creata. Quod iure optimo facere potue-
re, intelligendo nomine virtutis quid
quid quomodolibet requiritur ad ope-
randum ex parte actus primi. Facere
verò idem recte nequaquam potuissent,
si nomine virtutis non quoduis promif-
cuè requisitum, sed potentiam vniuersa-
lem, seu intelligendi, seu volendi com-
plecti voluissent, cum ex nullo capite
tanta certitudo haberi possit de vtriuf-
que huius potentia distinctione reali. Et
quidem legentī totum illud caput unde
cum Dionysij, clare apparet, virtutem
ab eo accipi sensu à me intento. Iam
primus locus Augustini defectum à sim-
plicitate diuina reducit vniiformiter ad
multitudinem nostrarum, & operatio-
num, & virtutum; cum tamen sumptis
virtutibus pro potentijs vniuersalibus in-
telligendi, & volendi subsistere non pos-

fit vniformis eiusdem odi combinatio operationum, & virtutum quoad multitudinem, vt per se patet; subsistat verò optime extendendo nomen virtutis ad omne adminiculum peculiariter requisitum pro vnaquaque operatione. Posterior eiusdem S. Doctoris locus mentem distinguit ab anima non entitatie, sed connotatie, quatenus eadem substantia, spiritualis incompleta, relatè ad corpus, cuius est forma, & quod animat, dicitur anima; mens verò relatè ad species, quibus meminit, dicitur mens. Frequens nimirum est Augustinus in libris illis de Trinitate, tum in distinguendis, relatè ad connotata diuersa, ijs, quæ secundum rectum sunt realiter identificata, tum in identificandis, propter mutuam vniformem æquivalentiam ijs, quæ sunt realiter distincta, vt facile imponat eius contextus incauto, aut non satis versato lectori. De Anselmo idem dixerim, quod de cæteris Patribus dictum est vniuersim. Quod ad Theologos attinet, consistit iam satis multos esse pro nostra sententia, nec tanti æstimari debet, si in re leuiori paucioribus, & non etiam melioribus quis adhæreat, quando ratio sic persuadet, nec apparet momentum sufficiens in rationibus oppositæ partis.

Ad 2, Intellectus speculatiuus, & practicus, ratio superior, & inferior, voluntas intentiua, & electiua; admiratiuum,

um, & rursus exponantur diuersis definitionibus, & tamen non distinguuntur inter se realiter. Similiter ergo accidit in re nostra. Ratio vniuersalis est, quia definitiones distinguuntur ad modum suorum definitorum; si ratione, ratione; si realiter, realiter. Dico igitur definitiones potentiarum vitalium distinguuntur a definitione substantiæ; obiectiue, & a parte rei, quatenus substantia concipitur relatè ad totam collectionem suarum operationum, & accidentium, vna quælibet verò potentia relatè ad determinatum genus operationum, & accidentium.

Ad 3. Constitit iam satis supra ab arte 4. substantiam creatam ex suo conceptu referri transcendentaliter per se ipsam ad suas operationes, nec aduersari negare possunt ita referri saltem ad proprietates suas accidentales, quæ ab ipsa resultant immediatè cum exigentiâ inherensca ipsi realiter identificata. Quod perinde sufficit, ne conceptus substantiæ sit omninò absolutus, veluti sistentis in se, atque existentis ad se præcise, ut assumitur in obiectione. Assumptum illud aliud de rebus corporalibus ordinatis ad extra per accidentia sibi superaddita, indiget distinctione. Effectus procedentes à corporibus sunt in triplici differentia. Alij namque sunt participes peculiaris perfectionis conuenientis unicui-

que substantiæ corporeæ. Atque hi effectus alij sunt principales, & intenti per se, alij dispositiui, seu alteratiui, & intenti per accidens. Huiusmodi sunt, respectu ignis, alius ignis, & calor disponens materiam ad generationem illius. Alij sunt effectus minimè participes perfectionis peculiaris, quæ conuenit substantiæ operanti. Huiusmodi sunt motus sursum, & motus deorsum, vbicatio superior, & inferior. Dicendum iam est substantias corporales indigere quidem potentijs superadditis sibi realiter, tum pro effectibus non participibus suæ peculiaris perfectionis, tum pro effectibus accidentalibus & per accidens intentis; minimè vero indigere potentijs sibi superadditis pro effectibus, & participibus propriæ perfectionis, & per se, & principaliter intentis. Hac igitur ratione, graua, & leuia indigent grauitate, & leuitare sibi superadditis pro motu sursum, & pro motu deorsum. Similiter omnes substantiæ potentes gignere substantiam sibi similem indigent qualitate alteratiua, quæ disponat materiam, vt substantia ipsa possit exerere omnes suas vires in substantiam sibi parem. At pro ipsa substantiæ generatione secundum se immediate considerata, non utitur substantia generans villo instrumento, vllaue potentia accidentali, nec ea uti potest, vt ostensum est in philosophia. Apparet
pro-

perfecto clare non esse eandem rationem super addendi potentiam accidentariam pro isto postremo genere effectuum, atque pro alio duplici genere, maxime vero primo, quo tamen præcipue, vel unice uti solent aduersarij pro re præfenti. Dico iam intellectiones, & volitiones esse effectus, & participes perfectionis peculiaris, quæ convenit substantiæ intellectuali, & per se ac immediate intentos ratione sui Ergo paritas proposita in obiectione valet potius ad oppositum eius seruatis seruandis.


Ad 4. art. 1. Esto, diuersitas actuum arguat diuersitatem potentiarum, dummodo id accipiat de actibus, & potentijs realiter, & physicè talibus, ut accipere necesse est, ut vitetur æquiuocatio. Nihil tamen inde concluditur ad propositum, quia in altero comparisonis extremo conueruntur inuicem actus, & potentia logicè tantum tales; in altero vero realiter, & physicè tales. Nempe operatio est actus propriè talis respectu potentie à qua oritur. At existentia est actus logicè tantum respectu essentie. Quia essentia, præscindendo ab existentia, nec est potentia, neque quidquam in se intrinsecè, sed solum est per puram denominationem extrinsecam à causa, quæ potest illam ponere à parte rei, ut pluribus demonstratum est in Philosophia. Licet ergo, & existentia, & operatio

ratio actuent eandem essentiam substantiae non propterea sunt duo actus eiusdem potentiae. Quia videlicet existentia, quae est alter actus, non distinguitur realiter ab essentia, & potentia cuius est actus, ac proinde actus realiter distinctus à potentia est vnus tantum, nempe operatio.

Art. 2. Ad instantiam peculiarem circa distinctionem intellectus, & voluntatis. Si quaelibet diuersitas actuum sufficeret ad multiplicandas realiter potentias, distinguendi essent realiter intellectus apprehensiuus, iudicatiuus, & discursiuus; speculatiuus, & practicus; definitiuus, & diuisiuus, & sic de alijs eiusmodi, nec non de voluntate proportionaliter. Dicendum itaque est diuersitatem actuum inuicem subordinatorum non sufficere ad pluralitatem potentiarum, vt patet in exemplis positis; actus autem intelligendi, & volendi sunt inuicem subordinati, vt patet, cum actus intelligendi omnes mediata, vel immediate ordinentur ad actus volendi, ijdemque disponant potentiam, cui insunt, ad volendū, vt ponderatum est supra art 7. fine. Ad confirmationem. Vnusquisque actus specificatur ex suo obiecto peculiari; potentia verò ex collectione omnium actuum inuicem subordinatorum, nec est vllus, qui multiplicet totidem potentias pro multiplicitate actuum, sicut multiplicant omnes singulos actus pro singulis quibus-

us obiectis motiuis formalibus.

Ad 5. Actio est modus determinans indifferentiam huius cause ad hunc effectum. Implicat autem manifestè determinationem alicuius indifferentis finiti, ac limitati esse indistinctam realiter ab ipso indifferenti. Præterea est de conceptu intellectiōis, & volitionis, vt sit ab ipso intelligente, & volente. Repugnat autem æquè manifestè substantiam aliquam creatam esse à se realiter. Repugnat igitur aliquam substantiam creatam esse realiter indistinctam ab actu intelligendi, & volendi. Nulla porro similis ratio ostendit repugnantiam identitatis inter substantiam creatam, & creatam vim, ac potentiam producendi aliquem effectum. Nulla igitur est paritas. Immo est manifesta disparitas, quia est e conuerso de conceptu substantiæ creatæ, vt per se ipsam immediatè sit potentia ordinata ad operationem, vt pater ex prædicto articulo 4.



QV AESTIO XIX.

Utrum Angeli sint praediti libero arbitrio?

IDENTVR non esse. Quia Angelus nec inter æqualia, nec inter inæqualia eligere liberè potest naturaliter. Non quidem inter æqualia. Quia qui eligit, præfert partem electam parti neglectæ. Fieri autem non potest, ut præferatur æquale æquali, cognito ut tali, uti cognoscitur ab Angelo. Neque inter inæqualia. Quia minus bonum non potest eligi præ maiori bono eidemque præferri nisi per errorem, qui non cadit in Angelum circa naturalia. Qui verò non potest eligere alterum è duobus, nec alterum eligere libere potest. Ergo Angelus nullatenus est electiuus naturaliter aut utens libertate circa bona naturalia. Fieri autem supernaturaliter non potest, ut eligat liberè, qui non est naturaliter electiuus.

2. Cui repugnat discursus, repugnat etiam electio libera. Quia electio est appetitus præconfiliati, atque consilium est discursus, & inquisitio quædam, ut habetur illi lib. 3. Et hic cap. 3. lib. 6, cap. 9.
Re-

Repugnat autem Angelis discursas, ut dictum est supra.

3. Si in Angelis daretur liberum arbitrium, in præstantioribus quibusque Angelis daretur maior libertas eisdem: què conveniret magis liberum arbitrium. Quia Angeli dissidentes inuicem specie, differunt penes magis, & minus, ut dictum est supra quæst. 4. ad 3. Vnde omnia quæ ipsis conveniunt, necesse est, ut differant similiter penes magis, & minus, cum sint substantiæ simplices. Ratio autem liberi arbitrij consistit in indivisibili, ut per se patet. Ergo nequit Angelis inesse.

4. Quod naturali necessitate consequitur totam suæ perfectionis plenitudinem pro primo suæ existentiae instanti, nulla potest gaudere libertatis indifferentiæ, Angeli autem naturali necessitate consequuntur eiusmodi perfectionem, cum primum creantur. Quia non dependent eatenus à causis secundis operantibus cum mora temporis, ut dependent omnia sublunaria, sed à Deo immediatè accipiunt omne suum bonum. Deus autem non differt sua bona, sed ea confert, cum primum existit capacitas eadem suscipiendi. Quod verò repugnat libertatis indifferentiæ habenti necessario omne suum bonum, ex eo apparet, quia libertas indifferentiæ datur, in quocunque datur, ut preferendo meliora minus bonis perveniat laudabiliter, ac honorificè ad suum

ultimum finem, idest. ad cumulum omnium suorum bonorum. Quod repugnat habenti iam necessario omne suum bonum.

Respondetur. Manifestum est ex sacris litteris Angelis conuenire liberum arbitrium. Quia conueniunt illis actus boni, & mali, meritorij, ac demeritorij, praemia, & poenae ut infra ostendetur multiplici testimonio. Ratio est, quia ad intellectum necessario consequitur libertas indifferentiae. Intellectus enim est potentia vniuersalis complectens totam rationem entis, sub qua comprehenduntur plura bona inuicem impossibilia, quorum vtrunlibet haberi possit seorsim, & simul cum altero haberi non possit. Hoc autem posito, voluntas, quae dirigitur intellectui, necesse est, ut saepe constituatur inter extrema aliqua bona, quorum alterum necesse sit eligere, & respuere alterum, ut libuerit. Ergo si quidem datur in Angelis intellectus, & voluntas, necesse est, ut in eisdem detur liberum arbitrium cum libertate indifferentiae ad eligendum inter plura inuicem impossibilia. De qua probatione videri plura possunt quae sunt 12. de act. hum. praesertim art. 8. in qua quaestione pluribus argumentis ostensum est inesse homini liberum arbitrium, quae a fortiori idem conuincunt de Angelis, utpote perfectioribus in natura. Nempe libertas indifferentiae est
peto.

perfectio simpliciter simplex, vt pote reddens suum subiectum laudis, & glorię capax, dominatium beneficium, venerabile, & similia. Qua de causa Deo etiã conuenit libertas, idedque Angelis deesse non potest, qui sunt propinquiore Deo quàm homo.

Ad 1. Angelus, & inter æqualia eligere liberè potest, & inter inæqualia. Inter æqualia quidem. Quia fieri potest, vt illi occurrant aliqua duo, quorum alterum sit melius amplecti, quàm vtrumque omittere, tametsi omnino sint inter se æqualia, atque in tali casu vtrumlibet æqualium liberè eligitur, vt ostensum est in illa quęst. 12. de act. hum. art. 2. ad 3. Inter inæqualia vero, quia Angelus est capax, non solum imperfectionis, sed etiam peccati, vt dicetur infra quęst. 24. Neque ad id requiritur error positivus in intellectu, sed sufficit cognitio imperfecta, minimeque comprehensua alterutrius ex extremis propositis, vt dicetur ibidem, vbi etiam notabitur, Angelis conuenire naturaliter eiusmodi imperfectionem, & inadæquationem cognitionis.

Ad 2. Electio dicitur à Philosopho appetitus præconsiliati. Quia agit de nostra electione, quæ non fit absque consultatione & discursu. Cæterum non est de conceptu electionis liberæ vi sic, discursus præuius, & præconsiliatio propria

prie talis. Quia si absque deliberatione, & discursu detur in aliquo tanta perfectio cognitionis circa media, quanta acquiritur a nobis per discursum, dabitur utique in eodem tanta dispositio ad eligendum liberè, quanta datur in nobis. Ita autem contingit in Angelis, ut apparet ex dictis supra quaest. 15.

Ad 3. Libertas arbitrij consistit in indivisibili, quo ad conceptum negativum excludentis a se coactionem. Consistit etiam in indivisibili quo ad suum conceptum genericum etiam positivum, sicut a. Hæ omnes rationes communes. Cæteri libertas cuiusque Angelus in particulari eodem est perfectior, quò ipse Angelus perfectior est, quò attinet ad conceptum eius positivum in particulari. Quia ubi cognitio est perfectior, & perfectior voluntas, ibi est perfectior libertas. Quæ videlicet per utramque illam adæquate constituitur.

Ad 4. Angelus consequitur necessariò pro primo suæ existentie instanti omnem suam perfectionem physicam naturalem, moralem verò, & quæ ad moralitatem consequuntur non habet necessariò; id est habet necessariò, quæ dependent à sola operatione Dei. non vero suas operationes, & quæ à suis operationibus dependent. Quas videlicet omnes non potest simul exercere, sed successive, nec ad summè perfectas pervenire potest, nisi
per

per alias minus perfectas, vti clarius exponetur infra.

Q V A E S T I O XX.

*Verum Angelus naturaliter diligat
alios Angelos, sicut se ipsum,
et Deum plusquam se
ipsum?*

I D E T V R neutrum naturaliter prestare posse. Quia diligibilia ad alium sunt ex diligibilibus ad se, vt habetur ex Philos. lib. 9. Ethic. c. 8. idest dilectio aliorum procedit in vnoquoque ex dilectione sui, tanquam ex causa, & radice prima. Causa autem, est id, propter quod praeminet effectui, & ei, quod propter aliud. Impossibile igitur est, vt Angelus, aut aliquis alius diligat alterum, quantum se, vel plusquam se.

2. Vnusquisque debet praeferre beatitudinem suam beatitudini alterius, cum vnusquisque sit gratia sui, atque intrinsece ordinetur ad suam beatitudinem potius, quam ad beatitudinem alterius, vt dictum est quaest. ult. de virt. Teol. Magis autem diligitur is, cuius beatitudo, & felicitas, praefertur, quam is, cuius beatitudo, & felicitas postponitur. Ergo vnusquisque.

quique diligit magis se, quam quemlibet alium, nec fieri potest, ut diligit aliquem alium, sicut se ipsum, aut plusquam seipsum.

3. De conceptu dilectionis est, ut procedat per modum cuiusdam vniuersalis. Qua de causa diligentes se inuicem solent dicere, se inuicem, alium se. Magis autem vnitur unusquisque sibi, quam cuiquam alij, siquidem vnitur sibi per identitatem, quam cum nullo alio habere potest. Ergo nec dilectionem quisquam habere potest, erga aliquem alium, equalent dilectioni sui, eademue. superiorem.

4. Dilectio, qua creatura diligit Deum plusquam se est opus praestantissimum, charitatis infuse & supernaturalis, neque hæc charitas, quam Deus infundit in cordibus nostris, ut dicit Apostolus, & quam nec Angeli habere possunt, nisi per infusionem eiusdem, ut dicit Augustinus lib. 12. de ciuit. Dei cap. 9. quidquam maius prestare potest. Ergo Angelus non potest dilectione naturali ad hoc peruenire, ut diligit Deum plusquam seipsum.

5. Si posset Angelus naturaliter diligere Deum plusquam se ipsum, posset etiam naturaliter diligere super omnia simpliciter, & absolute. Quia omnia alia præter Deum diligit minus, quam seipsum, ut apparet ex rationibus propositis. Diligere autem Deum super omnia, hoc verò est opus certissime summæ cha.

charitatis infuse, neque hæc prætergredi eos limites potest. Quia ultra omnia nihil amplius superest, cui denuo præferatur Deus. Ergo Angelus non potest naturaliter diligere Deum plusquam seipsum.

Art. 1, Respondetur. Commune est Angelo cum homine ut necessario diligat seipsum, tum secundum suam substantiam & existentiam, tum quoad omnia bona, tum intrinseca, tum extrinseca, cum quibus nullum aliud bonum sibi possibile, est impossibile. Nempe quoad hoc, eadem circa utrumque militat ratio. Quapropter cum quæst. 23. de act. hum. ostensum sit hominem amore naturali, seu naturaliter necessario eatenus se diligere, necesse non est idem de Angelo specialiter demonstrare. Commune itidem utrique est, ut non necessario, sed electiva, & libera dilectione feratur ad utrumlibet bonorum inuicem impossibilium, quorum absolute, & seorsim est capax. Quod similiter ostensum est ibidem, homini convenire. Commune consequenter utrique præterea est, ut naturali necessitate velit existentiam Dei secundum se. Quia existentia Dei est possibilis, cum omni, & quolibet bono absolute possibili respectu utriusque, immo est fons, & causa omnium aliorum bonorum, & sine ipso nullum aliud bonum haberi potest. Quæ ratione ostensa est in eadem quæstione.

necessitas eiusmodi dilectionis Dei respectu hominis. Unde, & Angelis etiam reprobis ea inest necessario, saltem quoad specificationem.

Art. 2 Libera vero est tam homini, quam Angelo dilectio sui, ut finis cui, bonorum inuicem impossibile, quorum quodlibet inesse vtrilibet potest. Quia vterlibet potest velle sibi quodlibet bonum possibile respectu sui, si cognoscatur ut possibile. Ac per consequens potest nolle quodlibet bonum impossibile, cum eo quod actualiter vult. Quia volitio efficax alicuius boni saltem implicitè est nolitio omnium impossibilitatum cum illo. Hinc consequenter dicendum est, nec Angelum, nec hominem necessario se diligere dilectione omnium maxima. Quia inter bona vtriusque inuicem impossibilia alia sunt maiora alijs ut infra dicetur. Dilectio autem, qua quis vult sibi maius aliquod suum bonum, est dilectio sui absolute maior, quam dilectio, qua vult sibi minus bonum. Nempe mensura dilectionis est bonum volitum dilecto. Hinc rursus deducitur, Angelum licet possit se diligere, non tamen necessario se diligere amore comprehensiuo sui, seu adæquato suæ bonitati substantiali. Quia amor comprehensiuus respectu alicuius, seu adæquatus eidem, est maximus inter omnes dilectiones naturaliter possibiles. Dictum autem ne-

do est. Angelum non amare se necessa-
rio amore absolute summo respectu sui.
Quod autem possibile absolute sit natu-
raliter, ut Angelus diligat se amore
comprehensiuo sui, seu adæquato res-
pectu totius suæ bonitatis, & dignitatis,
ut ametur. Suadetur primo paritate co-
gnitionis, qua dictum est superius Ange-
lum posse comprehendere se ipsum.
Quia eadem prorsus ratio est de amore
comprehensiuo, seu adæquato. Quia
sicut fieri non potest, ut cognoscibilitas
Angeli superet viam cognoscitiuam eius-
dem, cum hæc vis sit præcipuè, & pri-
ma eius perfectio; ita fieri non potest, ut
diligibilitas Angeli, seu bonitas, & di-
gnitas amoris sit maior, quamuis eiusdem
dilectiua, cum hæc vis consequatur in
vnoquoque iuxta gradum virtutis intel-
lectiua, ut colligitur facile ex dictis
quæst. 17. circa connexionem intellecti-
ui cum volitui.

Art. 3. Dicendum iam est naturali
dilectione, seu necessaria ex natura rei
diligere alios Angelos quoad naturam
ipsorum secundum se præcisè considera-
tam. saltem quoad specificationem, ita
ut non possit eatenus odio habere alios
Angelos, esto possit cessare à tali eorum
dilectione, saltem explicite, & formaliter.
Ratio est. Quia, cui placet aliquid,
non potest displicere, quod est simile
illi, quatenus simile est. Quia vtrius si-
milium,

milium, quatenus similia sunt, inest ne-
 cessario eadem vis alliciendi, & permo-
 uendi voluntatem, vt per se patet, im-
 possibile autem est, vt voluntas succum-
 bat alicui motiui, simulque non succum-
 bat motiui eiusdem prorsus rationis,
 eiusdemque virtutis, & efficaciz, simul-
 que compossibili cum motiui priori.
 Cum ergo in dilectione Angeli erga se
 determinate, ac indiuidualiter confide-
 ratum, includatur essentialiter amor er-
 ga rationem suam specificam; impossibi-
 le est, vt diligendo se necessario, non
 etiam diligat necessario, saltem quoad
 specificationem, alios Angelos, quoad
 naturam ipsorum, in qua secundum se
 considerata, sunt omnes Angeli omnino
 similes inter se. Dicendum rursus est ea-
 dem ratione, vnumquemque Angelum,
 diligere alios Angelos, pari quoad spe-
 cificationem necessitate, secundum per-
 sectiones accidentales ipsorum, quæ ne-
 cessario consequuntur ad cuiusque sub-
 stantiam, adeoque sunt compossibiles
 cum omnibus, & quibuscumque alijs bonis ab-
 solutè possibilibus respectu vniuscuius-
 que. Quia omnes Angeli sunt eatenus
 sibi inuicem similes, nullaque est incom-
 possibilitas eiusmodi bonorum acciden-
 talium, quæ sunt vniuscuiusque propriè,
 cum similibus bonis accidentalibus alio-
 rum. Est igitur eadem ratio necessaria
 mutuz dilectionis Angelorum, quoad
 eiusmo-

eiusmodi accidentalia bona, & quoad substantiam secundum se. Ex his dicendum est tertio, vnumquemque Angelum diligere alios necessario sicut se ipsum, necessitate specificationis. Apparet enim ex duplici conclusione præcedenti, vnumquemque Angelum diligere alios quatenus reliquos ad instar sui dilectione necessaria. Hoc autem communiter significatur, & non etiam æqualitas amoris necessarii, dum dicitur vnumquemque Angelum diligere alios necessario, seu dilectione naturali, sicut se ipsum.

Art. 4. Iam, quod ad æqualitatem attinet, dicendum est, non debere, nec posse, Angelum diligere alios Angelos naturaliter tantundem, atque se ipsum, sed amorem summum cuiusque erga se esse maiorem omni amore naturaliter possibili erga alios Angelos. Qui vnicuique est magis necessaria sua ipsius bonitas, quam bonitas aliorum, magisque perficitur per suam, quam per aliorum bonitatem. Vnumquodque autem cæteris paribus diligitur magis, quo maior est ipsius necessitas, maiorque vis perfectiua respectu amantis. Vnde potest quidem unusquisque Angelus diligere alium Angelum amore ipsius comprehensiuo, sicut se ipsum, si sit illi æqualis, sed tantundem atque se, diligere nequaquam potest. Quia cum æqualitate perfectionis, & voluntatis, & consequenter amabilitatis in
viro.

utroque, secundum conceptum absolutum, stat inæqualitas secundum conceptum relatiuum, quatenus, ut dictum est nullius Angeli bonitas est tam bona alteri Angelo, atque est illi, cui inest per identitatem, aut per vnionem. Amor autem commensuratur magnitudini bonitatis amatae, non solum secundum conceptum absolutum, sed etiam secundum conceptum relatiuum. Hac igitur de causa amores comprehensui duorum omnino inter se æqualium possunt esse inæquales, si alter sit proprius amantis erga se, alter vero erga alium. Hic excessus amoris in vnoquoque erga se ita explicatus à priori, potest facilius exponi à posteriori. Quia si alicui Angelo detur optio conseruationis sui cum annihilatione alterius, & è conuerso conseruationis alienae cum annihilatione sui, necessario eligeret conseruationem sui, nec posset præferre conseruationem alterius. Quia pro euentu suae annihilationis nihil superest bonum respectu sui, adeoque nihil pro eo euentu est amabile ab ipso. Eadem est ratio similis comparationis inter quaelibet alia bona sua cuiusque, & aliena, maxime vero inter propriam, & alienam beatitudinem, ex cuius consideratione desumitur vltima huius rei ratio. Quia nimirum vnusquisque est propter suam beatitudinem, atque in eamdem est essentialiter ordinatus

tus actione, & voluntate Dei non verò est propter creatam cuiusquam alterius beatitudinem cum intrinseca essentiali ordinatione ad illam. Patet autem id, propter quod esse præferibile, respectu vniuscuiusque, ijs, quæ propter aliud. Vnusquisque igitur Angelus naturaliter diligit magis se, quàm vllum alium Angelum, siue parem, siue disparem sibi, immo etiam plusquam omnes alios Angelos simul sumptos. Hoc enim æque conuincunt rationes propositæ circa singulos alios seorsim.

Art. 5, Eadem autem rationes locum non habent, sed magis conuincunt oppositum comparatione facta cum Deo. Dicendum, namque est cum D. Thoma quæst. 60. art. 5. cum Suarez lib. 3. cap. 5. cumque alijs communiter, aduersus Vasquez, & nonnullos alios, Deum posse, ac debere diligi ab Angelo plusquam se dilectione naturali, seu non supernaturali, cum concupiscentiæ, seu quasi concupiscentiæ, tum etiam amicitie. Probatur primo ab inconuenienti. Quia alioquin ordo supernaturalis, quatenus completens spem, & charitatem supernaturales, non esset promotiuus, sed impeditiuus ordinis naturalis, quatenus completentis vtramque eam dilectionem naturalem. Spes namque, & charitas supernaturalis præfert Deum creaturæ amanti per vtrâque. Amor autem prælatiuus Dei non

promouet, sed tollit, ac corrigit, tanquam defectuosum, amorem prælatiuium creaturæ respectu Dei, Sequela vero est absurda, vt ostensum est quæst. 7. de gratia, & quæst. 21 & 22. & 23. de Sacramento, & confirmatur, quia alioquin natura esset ex se male constituta & non solum defectuosa, sed etiam vitiosa. Male namque constitutum est opus, nec vitio caret, cui non potest superaddi, summa perfectio absolute possibilis, promouendo præcisè, quæ præerant, atque ab auctore suo inducta in ipsum fuerant, & quin adijciatur aliquid contrariæ omnino conditionis, & naturæ, atque forent, quæ prius inerant eidem. Impossibile igitur est, vt Angelus patiatue naturalem necessitatem præferendi se Deo, atque naturalem impossibilitatem præferendi Deum sibi omni genere amoris sibi possibili.

Art. 6. Probatur idem rursus à priori. Quia Angelus naturaliter cognoscit, Deum esse summum, & infinitum bonum, tam in ratione utilis, quam in ratione excellentis, ac proinde esse dignum, qui præferatur rebus omnibus creatis nulla facta exceptione. Ergo potest Angelus naturaliter præferre Deum sibi, omnibusque rebus creatis, tam amore concupiscentiæ, quam amore amicitie. De antecedenti nemo dubitat, sed nec dubitare quisquam potest, cum sit euidentissimum. Patet cõ-

se.

sequenti. Quia modus amoris sequitur in vnoquoque modum cognitionis. Nempe voluntas est potentia subordinata intellectui, & sequitur eius ductum naturaliter, nisi impediatur per accidens. Confirmatur quia sicut perperam daretur cognitio amabilitatis circa aliquod, absque potestate amandi illud; ita daretur perperam cognitio dignitatis præferibilis, quantum est de se, circa aliquod absque potestate præferendi illud.

Art. 7. Probatur tertio, quia Deus est finis naturalis, propter quem sunt Angelus, omniaque alia creata, iuxta illud Proverb. 16. 4. *Uniuersa propter semetipsum operans est Dominus*, ac proinde Angelus, omniaque alia creata ex sua natura habent rationem mediorum respectu Dei. Patet autem finem esse præferibilem, atque debere præferri medijs; idque vtrisque maxime conuenire, ac debitum ex natura rei.

Art. 8. Probatur denique, quia plus interest Angeli, ut existat Deus, quam ut existat ipse Angelus. Nempe existente Deo, & non existente Angelo, datur possibilitas, ut existat ipse Angelus, utque eidem conferantur omnia bona, quorum est capax. At non existente Deo, nec exillere potest Angelus, nec ut existeret, bene habere posset. Rursus Deus est bonum sufficiens ad beatificandum Angelum; cum Angelus ad hoc ipse minime suffi-

ciat, sed sit miser, si careat possessione
Dei. Patet autem bonum magis sufficiens,
magisque necessarium respectu vniuscuiusque
esse naturaliter præferibile ab eodem,
amore concupiscentiæ, seu quasi
concupiscentiæ, comparatione boni, minus
necessarii, minorisque sufficientiæ, id est
minus potentis perficere, & in paucioribus
euentibus. Amore autem amicitiae, est
similiter præferibilis Deus naturaliter.
Quia Angelus est aliquid Dei proprium
per essentiam proprietate dominatiua.
Est enim se toto essentialiter opus
Dei, factum ab ipso adæquatè. Vnum
quodque autem opus est proprium factoris
sui ex natura rei. Patet vero manifeste,
quod eo modo est proprium alicuius
ex sua ipsa natura, naturaliter esse illi
postponendum amore amicitiae. Quid
enim notius esse potest, quam Dominum,
qua Dominus est, esse præferendum, ut
finem cui, id est amore amore amicitiae, ei
qui subest dominationi, quatenus eidem
subest; cum quod est suum vniuscuiusque,
eidem cedat tanquam eatenus digniori,
& tanquam fini cui. Ergo quod est suum
alicuius se toto, & quoad omnia sua bona
essentialia, & accidentalia, uti Angelus,
omniaque creata sunt sua Dei, est
postponendum eidem tanquam fini cui.
Patet itaque Angelum posse, ac debere
naturaliter diligere Deum plusquam se-
ipsum, tam amore amicitiae, quam con-

cupiscentie, seu quasi concupiscentiæ, atque adeo Angelū diligere Deum plusquam se dilectione naturali, prout naturale distinguitur à supernaturali. Quod addo, vt excludam similem prælationē Dei naturalem, prout naturale apponitur libero. Constat enim infra quæst. 24. Deum non præferri sibi necessario ab Angelo naturaliter per amorem amicitiae. Quia videlicet alioquin esset naturaliter impeccabilis, nec posset relictus in ordine purè naturali recedere à Deo per peccatum. Quod ibi apparebit non esse verum.

Ad 1. Omnis amor incipit in vnoquoque à se ipso, vt à magis coniuncto, sed deinde progreditur ad extra eum augmento perfectionis, si autem extra se habeat maius bonum suum, quam in se ipso. Quia hic est ordo naturalis in effectibus, vt à minus perfecto fiat progressus ad magis perfectum. Omnis autem creatura habet extra se maius suum bonum, nempe Deum Optimum maximum, quam in se ipso. Licet ergo amicitia ad alios sint ex amicitilibus ad se, non tamen necesse propterea est, vt amor cuiusque erga se sit maximus, sed solum vt sit primus. Quo pacto amor etiam supernaturalis incipit à spe, quæ est minus perfecta, & deinde procedit ad charitatem, quæ est perfectior, vti expositum est q. 37. de Virt. Theol. Vnde particula illa ex a-

micabilibus ad se, significat originem, seu ordinem, & processum amoris, non vero causam vniuersalem, saltem præcipuam; cum hæc sit finis respectu cuiusque atque finis cuiusvis creaturæ sit extra ipsum, & non solum finis qui, sed etiam finis cui, loquendo de fine excellentiæ.

Ad 2. Conceditur totum comparatione facta inter vnumquemque Angelum, & omnes alias substantias creatas. Quod solum conuincit obiectio. Negatur vero comparatione facta cum Deo, qui est beatitudo sua, & aliorum omnium, & propter quem sunt omnia. Vnde Angelus diligit alium Angelum sicut se ipsum, non similitudine æqualitatis, sed similitudine proportionis, quoad naturam vtrique communem. At Deum diligit plusquam se per excessum propriè talem amoris erga Deum.

Ad 3. Conceditur similiter totum de amore aliorum præter Deum. Quia Deus supplet vnionem identitatis, quam non habet cum creatura, sicut habet creatura secum, supplet inquam per excessum ratione plenitudinis omnis boni, ratione influxus totius bonitatis vnicuique conuenientis, ratione dominationis, ac demum ratione summæ necessitatis sui respectu omnium, atque ob hæc omnia debet diligi super omnia, tam amore eritativè naturali, quàm supernaturali, vt dictum est. Per charitatem supernatu-

ralem diligit Angelus Deum plusquam se, vt auctorem supernaturalis, per fines verò purè naturales, vt auctorem naturalem, vt expositum est quæst. 4. de Virt. Theol. Vnde perfectius, & multo magis diligitur Deus per charitatem, quam per solas vires naturales, licet, vtroque modo possit, tam Angelus, quam homo diligere Deum plusquam se, non solum dilectione concupiscentiæ, quæ etiam dæmonibus inest, vt dicit D. Thomas, sed etiam dilectione amicabili, quæ elicitur libere à bonis.

Ad 5. Non solum dilectio Dei supernaturalis, sed etiam naturalis in suo ordine perfecta diligit Deum super omnia. Sed conceptus omnium, ad quem assurgere potest ratio naturalis, est longè diuersus à conceptu omnium, quem proponit fides, & visio beata. Quia ratio naturalis solum conferre potest Deum cum ijs omnibus, quæ naturaliter occurrere possunt; ratio verò supernaturalis cum ijs præterea omnibus, quæ etiam supernaturaliter possunt occurrere, vt expositum est in dicta quæst. 4. de virt. Theol. atque alibi sæpe. Quare illa particula, *super omnia*, est ambigua, & applicata rationi, & dilectioni supernaturali, completu explicite plura, & maiora, magisque ardua, quam applicata rationi, & dilectioni naturaliter possibili.

Q V A E S T I O X X I ,

*Vtrum Angeli loquantur inter se
sola voluntate reuelandi pro-
prios conceptus ?*

ID E N T V R nec loqui in-
ter se , nec sola ea volunta-
te loqui posse . Quia locu-
tio interponitur propter ob-
staculum, quod impedit ma-
nifestationem conceptuum, nisi superad-
datur ipsa locutio. In Angelis autē nul-
lum est eiusmodi obstaculum, sicut est in
nobis ratione corporis. Angelis enim
conuenit naturaliter, quod dicit Grego-
rius lib. 18. moral. cap. 3. de statu super-
naturali hominum beatorum, nempe
quod *in statu resurrectionis uniuscuiusque
mentem, ab alterius oculis, membrorum corpora-
lencia non abscondit.* Multo igitur minus
abscondit aliquid in Angelis, qui sunt
incorporei, ideoque secundum se totos
peruij mutuis aspectibus. Ergo Angeli
non loquuntur locutione mutua, sed per
se ipsos inuicem patent.

2. Nullus Angelus inferior loqui po-
test cum Angelo superiore, aut cum Deo.
Quia quicumque loquitur alteri, illi ma-
nifestat aliquid, docetque de re aliqua.

An-

Angelus autem inferior non potest manifestare aliquid superiori, cum uè docere. Quia inferior superiorem illuminare non potest, sed solum è conuerso, ut docent Dionysius, & alij communiter. Illuminat autem, quicumque manifestat, & docet aliquid. Multo uero magis id repugnat respectu Dei. Videtur uero locutionem ex sua natura esse mutuam inter audientem, & loquentem, nec nisi mutuam esse posse naturaliter, & per se. Ergo nec Angeli superiores possunt loqui cum inferioribus, neque Deus cum vtrilibet.

3. Nullum est obiectum, ad quod terminari possit voluntas loquendi, si nulum ex illa resultat signum naturale, aut ad placitum. Repugnat igitur, ut Angeli loquantur inter se sola voluntate reuelandi mutuo suos conceptus, quin præterea interponatur signum aliquod externum conceptus interni.

4. Non posset Angelus mentiri ex natura rei, si loqueretur sola voluntate manifestandi suos conceptus. Quia Angelus audiens eo ipso audiret per immediatam inspectionem eius voluntatis, & conceptum. Cui inspectioni patet non posse subesse falsum. Sequela autem est contra omnes, nec ratio permittit, ut qui potest committere peccata lethalia, mendacium dicere non possit.

5. Angelus loquens potest locutione

excitare eum, quem alloquitur ut attendat, & audiat. Solo autem consensu reuelandi, qui manet apud loquentem, nihilque ad alterum transmittit, non potest hic excitari, aut cogi, ut attendat. Ergo locutio Angelica non peragitur eo solo consensu.

6. Siquidem vnusquisque Angelus habet ab instanti suæ creationis, ut superius dictum est quæst. 12. species impressas omnium, de quibus cæteri possunt cum ipso colloqui, & nihilominus non potest ea cognoscere independenter à consensu loquentis; nec Deus poterit etiam de potentia absoluta eadem illa reuelare, cui voluerit, independenter ab eodem consensu. Quia Deus, ut reuelet, nihil aliud facere potest, quam infundere species eorum, quæ vult reuelare. Sequela autem est contra principia fidei.

7. Ex quo quis habet virtutem actiuam sufficientem, & omnia comprincipia requisita ad aliquem effectum, ab ipso, & non alicuius alterius voluntate dependet, ut illum exequatur, vel non exequatur. Habet autem vnusquisque Angelus apud se virtutem, & comprincipia requisita ad cognoscendos quosuis aliorum conceptus. Ergo ut eos cognoscat actu, à sola sua, & non etiam alterius voluntate dependet.

8. Fingere condiciones sine quibus non, ad actionem causæ continentis in se

se adæquatè effectum, nihil immutantes eamdem causam, aut subiectum, seu terminum actionis, res est minime philosophica, & effugium intellectus succumbentis difficultati, & ad res quolibet absurdissimas æquè accommodabile. Talis autem conditio est consensus, seu voluntas reuelandī. vt conceptus Angeli sic volentis percipiatur ab alio.

9. Deus non potest manifestare aliquem suum conceptum, aut actum voluntatis vel Angelo, vel homini, quin ponat in ipso aliquid eidem inhærens intrinsecè, & coadiuuans ad percipiendum talem seu conceptum, seu voluntatem. Ergo multo minus potest Angelus id ipsum præstare sola sua voluntate, quin inducat in alium aliquid intrinsecè illi inhærens, & cooperans ad percipiendum.

Art. 1. R. Certum est ex sacris litteris conuenire Angelis locutionem. Supponitur id clarè in illis verbis Apostoli 1. ad Corinth. 13. *Si linguis hominum loquar, & Angelorum*. Supponitur inquam ex communi sanctorum PP. aliorumque interpretum consensu circa eum locum. Nempe ea exaggeratio Apostoli fuisset inanis, & laborasset falsa suppositione, si Angelis non conueniret aliquis locutionis modus, isque excellentior, quam sit humanus. Idem exprimitur in epistola Iudæ Apost. ver. 9. dum dicitur. *Cum Michael Archangelus cum Diabolo disputans*

altercaretur de Moysis corpore. Inducuntur præterea Angeli inter se loquentes Zachariae cap. 2. & 3. Apocal. cap. 7. & 9. atque alibi sæpe. Certum itaque est, Angelos loqui inter se, & cum Deo, atque cum hominibus. Verum locutio cum Deo est pure affectiva per desideria obtinendi aliquid ex ipso, cum Deo manifesta sint omnia independenter à locutione, qualis datur respectu creaturarum; idest, quæ sit manifestatiua alicuius antecedenter occulti, seu præexistentis iam, & non præcogniti. Locutio vero cum hominibus peragitur ab Angelis, tum per voces articulatas in aere, aliaque signa sensibilia, tum per internas seu inspirationes bonorum Angelorum, seu instigationes malorum, ut infra exponetur ex professo. Difficultas igitur solum superest de modo, quo Angeli loquuntur inter se.

Art. 2. Tot sere sunt Theologorum hac de re sententiæ, quot capita. Notæ sunt, multorumque scriptis peruiulgata, signa ad placitum; signa naturalia instituta, aut effecta à Deo, simul infundente eorum peritiam, & multiplicante singula idiomata pro singulis binarijs Angelorum; item idiomata orta ex mutua Angelorum conuentione, alia omnium communi, alia, atque alia speciali paucorum; Collisio aeris, & soni inde articulati; varia commotio aeris, aut alterius corporis

ris absque sono; multiplex dispositio ipsius vocationis Angelicæ per diuersas figuras, aut quasi figuras, & inde locutio ad modum artis saltatoriæ, & chorearum; specialis quædam qualitas spiritalis, à loquente vel in se solo, vel in solo audiente, vel in utroque producta, idque per dispares intensiōis gradus aliorum, atque aliorum obiectorum expressiuos; quædam veluti Aegyptiaca Hieroglyphica, ad modum picturæ spiritualis exprimentia naturaliter iam hos, iam illos mentis conceptus cum eorum obiectis; species impressæ à loquente in audientem transmissæ, vel eidem infusæ à Deo dependenter à consensu reuelandi secretum elicitæ à loquente; cognitio obiecti, de quo est locutio, producta à loquente in audiente; & centum alia, aut hæc eadem centenis alijs modis explicata. Quibus enim vero ne quidem explicati⁹ referendis immorari libet. Sed nec expedit, quando ex doctrina præmissa superius quæst. 14. ab art. 5. facili⁹, & legitimus locutionis angelicæ modus sponte nobis descendit, qui omnes alios vniuersim modos exponendi vno impetu diruit.

Art. 3. Dicendum itaque est cum D. Thoma quæst. 107. art. 1. & 5. Valentia, Lessio, & alijs non paucis, Angelos loqui sola voluntate reuelandi vni, vel pluribus alijs Angelis internos suos concep-

ceptus, & eorum objecta, quatenus subsunt eisdem, aut liberè alicui determinationi suæ. Probatur, quia ratio, propter quam necesse est signis nos, inter nos invicem uti distinctis ab interno revelandī consensu, seu desiderio, est impotentia, tum sensuum ad percipiendum actus internos spirituales; tum intellectus nostri ad percipiendum aliquid independenter à sensibus. Hæc autem ratio nullum habet locum in Angelis, ut pote æquè capacibus ex se ad cognoscendos immediate actus qualescunque internos alienos, atque proprios, cum illos fecerit aliis communes consensu revelandi. *Enic* est quædam quasi donatio spontanea, qui eosdem elicit. Nempe actus interni proprii, atque alieni non differunt entitativa perfectione, sed proprietate sola dominij. Illa enim est utrisque uniformiter communis, & eodem modo utroque se habens. Hæc vero sola est peculiaris, ad alium, atque alium Angelum, seorsim pertineus ratione peculiaris circa actus suos dominij. Cum igitur istud discrimen sublatum fuerit per consensum Domini volentis suos actus esse communes sibi, & alijs quoad fructum, & usum cognitionis eorum, nulla supererit ratio, nullaque impediet difficultas, quo minus eo ipso cognoscantur ab alio Angelo, sicut cognoscuntur ab eliciente.

Art. 4. Nec obstat, ipsum etiam con-

scia-

sensum reuelandi esse actum liberum nō minus, quam eum, qui erat prius suapte natura occultus. Quia consensus ille reuelandi per se ipsum est quasi donatio, & communicatio sui quoad cognitionem, respectu alterius. Quod alijs actibus nequaquam conuenit. Nec rursus obstat, alias etiam proprietates, & accidentia, siue donata a Deo, siue acquisita per actiuitatem propriam ab vnoquoque Angelo, esse propria eius, cui vniuntur; & nihilominus esse cognoscibilia ab alijs independenter a consensu domini. Quia quæ non habentur propria libertate, descendunt à libertate Dei prospiciētis bono communi, volentisque perficere omnes indiscriminatim cognitione rerum à se productarum, vt repræsentent auctorem suum, eumque ita glorificent. At actus liberi creati proueniunt à libertate, etiam propria elicientis, simulque recipientis, indiga bonorum suorum, tum secundum se, tum etiam vt cognitorum priuatim à se, ideoque potente sibi consulere, impedita aliorum communicatione, & noticia circa illa, aut nonnullis permitta, & negata alijs, aut pluribus vtroque, aut paucioribus, aut vni soli prout libuerit.

Art. 5. Confirmatur superior ratio ex notissimo principio. Quandocunque, aliquis effectus ita exitit existente aliquo alio, vt eodem non existente, non existat;

exultat; idque semper accidit vniformiter; talis effectus dependet ab hoc alio, vel tanquam à causa, vel tanquam à conditione, sine qua non. At cognitio vnus Angeli, circa cogitationes, & actus quouis internos alterius, & circa obiecta eorum, quatenus substantia eisdem, ita existit existente voluntate reuelandi elicita ab Angelo auctore talium actuum, vt non exultat eadem non existente; idque ita semper accidit vniformiter. Ergo voluntas eiusmodi reuelandi est causa, vel conditio, sine qua non respectu eius cognitionis. Maior est basis totius philosophiæ. De minori constitit auctoritate, & ratione in dicta quæst. 14. Et neutra negatur ab vilo aduersariorum. Posito autem consequenti, si quidem consequentia est euident, pergo viterius. At consensus Angeli reuelantis non est causa cognitionis elicite ab alio Angelo, neque immediata, quia nihil operatur immediatè vbi non est, vt omitto dicere de improportione; neque mediata, quia constat ex quæst. 12. nullam ex eo consensu suboriri speciem impressam, qua inueter alius Angelus, sed à Deo infusam illam esse pro primo creationis instanti. Est ergo conditio, sine qua non.

Art. 6. Confirmatur rursus. Quia causa habens in se virtutem adæquate productiuam alicuius effectus, si nihilominus dependeat ab aliquo extrinseco, quoad

quoad productionem illius, necesse est
 ut ab illo dependeat solum, tanquam à
 conditione, sine qua non; vel quod idem
 est, tanquam à dispositione subiecti, seu
 termini, quem respicit talis effectus. Sic
 autem accidit in præsentì. Quia virtus
 intellectiua Angeli est æquè proportio-
 nata ex se, & capax ad intuendum obie-
 cta quælibet naturalia, eodemque pro-
 inde iure sibi debentur illorum omnium
 species impressæ, & quæ æquè debeban-
 tur, sunt à Deo simul, eodemque modo
 infusæ, ut in eadem quæstione conclu-
 sum est. Aliunde vero, quoad cognitio-
 nem cogitationum alienarum dependet
 unusquisque Angelus ab alterius consen-
 su. Ergo hic consensus est conditio, sine
 qua non, ultra quam nihil amplius desi-
 derari potest ad eam cognitionem.

Art. 7. Confirmatur denique, & simul
 specialiter refelluntur reliquæ omnes
 sententiæ. Quia voluntas Angeli loquen-
 tis, qua vult alteri reuelare suas cogita-
 tiones, & actus liberos, aut objecta alia,
 quatenus substant eisdem, est conditio
 sine qua non, iuxta sententiam aduersa-
 riorum ad existentiam, seu signorum nat-
 uralium, aut moralium, seu principiorum
 cognitionis auditivæ, seu productionis
 eiusdem in alio cognitionis, & eorum
 denique omnium, quæ ipsi quomodo-
 cunque interponunt. Fatentur enim exis-
 tente ea voluntate reuelandi, id protie-
 nus

nus existere, ad quod quisque recurrit,
 idemque existerenon posse, illa nondum
 existente. Et insuper addunt eam volun-
 tatem non esse principium effectuum
 eiusdem rei intermediarum, aut cognitionis
 auditivae. Quae plane est adaequata des-
 criptio conditionis sine qua non, siue
 dicatur applicatio, siue quovis alio mo-
 do. Ergo nostra sententia hoc solum dif-
 fert à sententia aduersariorum, quod
 paucioribus rem praestat eandem, atque
 eiusmodi conditionem apponit imme-
 diatè respectu intellectus audientis, iam
 ex se antecedenter sufficientis ad effe-
 ctum, qui desideratur, quod ad virtu-
 tem adaequate contentivam effectus at-
 tinet, solumque impediti, quo minus pro-
 dierit in actum, renitentia veri domini
 reservantis sibi iure suo secretum, cuius
 aliena per cognitionem possessio, absque
 eius consensu, noceret perfecto ipsius
 dominio privato, & commodis, quae ex
 potestate reservandi sibi resultant Patet
 itaque, mutuari Angelorum locutionem
 peragi posse sola voluntate revelandi
 mutuo suos conceptus, neque aliquid
 necessarium praeterea esse, ut illos ma-
 nifestent.

Art. 8. Inquam necessarium esse.
 Quia animus huc usque fuit exponere
 locutionem Angelicam, correspondens
 rem nostrae locutioni verbali; hoc est,
 maximè Angelis connaturalem, facillimam,

mam, & breuissimam, simulque clarissimam omnium. Cæterum non nego, nec negabile vllatenus apparet, posse inuicem eos loqui, cum libuerit, signis etiã, & actionibus externis multipliciter varijs, ducentibus naturaliter, aut ex placito, eoque siue omnium, siue paucorum inter se, ad cognitionem obiectorum, quæ vnicuique libuerit alijs significare. Quid enim vetat Angelis eiusmodi rerum, si libuerit, interpositionem, & vsum, tametsi minimè necessariū per se? Quando & nobis licet, cum libet, non vti verbis, sed nutibus, vel alijs, seu actionibus, seu signis inducentibus in horum, vel illorum obiectorum cognitionem, vel ex natura rei, vel ex arbitraria institutione. Itaque in sententijs insinuatīs supra art. 2. solum displicet, quod earum auctores ducti similitudine nostri, nituntur suadere, illa signa externa, vel naturalia, vel ad placitum esse Angelis necessaria per se. Nec enim nego illa eadem omnia esse possibile; exceptis tamen noua, & libera specierum impressarum productione, quas dictum est quæst. 12. simul omnes infundi à Deo pro primo instanti, quæque necessariò resultant ex obiectis creatis, quæ illas emittere valent; nec non productione cognitionis in audiente. orta à loquente, quàm puto necessariò debere fieri ab ipso cognoscente, idque esse de conceptu cognitionis

nis ut sic. Præterea circa species, si ex deberent produci à loquente in audiente, non possent Angeli inuicem loqui in qualibet distantia, cum non possint agere in quantumlibet distans. Quod tamen contradicit D. Thomæ quæst. illa 107. ar. 4. & conceptui operationis intellectus observato supra quæst. 12. versus finem. His itaque duobus exceptis possunt Angeli usurpare, cum libuerit, reliquos modos representandi exterius suos conceptus, per voluntatem, qua velint, ut illi innotescant alijs, vel alijs Angelis, non inmediate in se, sed quatenus præcisè transperere possunt per eiusmodi signa.

Ad 1. In nobis non est vnicum, sed duplex impedimentum manifestationis secretorum cordis. Alterum est voluntas retinendi sibi soli notitiam illorum. Alterum est moles corporis, ratione cuius, ut dicit Gregorius lib. 2. moral. cap. 5. *alienis oculis intra secretum mentis, quasi post parietem stamus.* Istud secundum impedimentum deest in Angelis. At non deest primum impedimentum, cum non desit ipsis ius dominijs privatiuorum suorum actuum, quod & nobis inest. Hinc fit, ut homini viventi in carne mortali non sufficiat se sola voluntas manifestandi suos conceptus, ut sequatur effectus, sed cum manifestare nosmetipsos cupimus, quasi per lingua ianuam egredimur, ut quales sumus

mus inuifecus, ostendamus. Vt dicit ibi-
dem Gregorius. At Angeli, cum primū
volunt fe manifestare, manifestantur,
suntque inuicem peruij, quantum, & quā-
do volunt, solumque volendo. Hoc ip-
sum accidit hominibus beatis. nec aliud
intēdit Gregorius in loco illo, quo vtitur
obiecto. Idem etiam, & nihil aliud in-
tendunt Basilus in homil. super illud: at-
tende tibi, August. lib. 8. de Genesi con-
tra Manich. cap. 21. Beda lib. 1. in Iob.
cap. 7. Theodoretus, & Theophilactus in
illud supra indicatum: Si linguis hominū
loquar, & Angelorum, dum docent no-
stras cogitationes, nec non suas inuicem,
Angelis esse spontē peruias. Quia vide-
licet patent vt sunt in se ipsis, cum pri-
mū vult, vt pateant, is, cuius sunt, nec
præterea requiritur aliquod medium ab
ea voluntate distinctum, vt requiritur in
nobis inuicem comparatis. Hoc nempe
discrimen a nobis intendunt statuere illi
Sancti PP. & non etiam docere, secreta
cordis patere cuiquam, præterquam
Deo, ab consensu eius, cui insunt. Hoc
enim, cum vsque adeo clarè contradicat
sacris litteris, vt apparuit quæst. 14 art. 4.
ex communi Sanctorum PP. intelligen-
tia, non potest absque absurditate attri-
bui Sanctis PP. modo commemoratis.

Ad 2. Non omnis locutio dicitur il-
luminatio simpliciter, & absolute, sed
ea solum quæ manifestat aliquid de pri-
ma

ma regula veritatis, quæ est Deus, eiusque voluntas & sapientia. Vnde quia soli Angeli superiores manifestant inferioribus, quæ pertinent ad divinitatem, & non è conuerso; propterea soli Angeli superiores dicuntur absolutè illuminare, non verò inferiores, tametsi hi etiam possint illis manifestare aliquid eis ignotum, quod dependet à libera eorundem voluntate. Nempe notitia rerum quaxumlibet creatarum, pro vt sinit in ipsis, non est illuminatrix propriè, sed est sæpe obscuratiua, ideoque vocatur vespertina, & æquiparatur nocti præsertim, ab Augustino, Loquuntur igitur mutuò, licet non illuminent se mutuò illuminatione propriè tali, Angelus superior, & inferior. Multo verò minus dici potest illuminari Deum locutione creature cum sit locutio pure affectiua, vt initio prænotatum est. Deus vero illuminat locutione sua, quid quid dicat, Quia manifestat suam voluntatem, quæ est regula directrix nostræ. tanquam lux vera.

Ad 3. Obiectum voluntatis loquendi in Angelis est cognitio alterius Angeli circa obiecta. quæ intendit, qui loquitur, vt ipsi innotescant. Quod profecto obiectum licet non vnicum, est tamen præcipuum in nostra etiam voluntate loquendi.

Ad 4. Habent quidem Angeli modum loquendi, cumque maxime connaturalè sibi,

sibi, quo se inuicem reddant certissimos; omni que liberent ambiguitate, & solitudine, circa cuiusque cogitationes, intentiones, molitionesque omnes, ut patet ex superiori nostræ sententiæ expositione, eo que sunt, inter alia, feliciores nobis, qui tamen si maxime velimus, non possumus parem inuicem certitudinem inducere circa secreta cordis. Quæ plane est pars infelicitatis non exigua, eamque Angelis longe licet felicioribus adscribunt auctores omnium aliarum opinionum, Quod non videtur fieri absque iniuria nobilissimæ substantiæ. Cæterum si velint esse nequam, non dest ipsis modus; quantum est ex natura ipsorum secundum se præcise, quo se inuicem anxios reddant infidis, ac fallacibus signis externis. Possunt enim nolle patefacere alijs suos conceptus immediate ut sunt in seipsis, sed solum quatenus apparent in signis externis, qualia exhibere libuerit, ut dictum est supra art. 8, ea que possunt esse fallacia, ut per se patet.

Ad 5. Credibile est, Angelos cum sint perspicacis comisque naturæ, semper attendere, ac inspicere se inuicem quantum sat est, ut cuicumque loquenti præsto adsint, eumque auscultent attentè. Quod si nihilominus contingat aliquem Angelum ita ad alia diuertere, ut non attendat ad eum, qui sibi loquitur, non deerit loquenti modus excitandi sufficiens per

per aliquem exteriorem effectum, vel inductum de nouo, vel in ipso Angelo, quem alloquitur, vel in re aliqua, cui specialiter incumbit idem Angelus; ita ut, si is nolit, uti absolute potest negare audientiam, necessariò audiat, ac percipiat, quod sibi dicitur.

Ad 6. Sicut oculus corporeus potest videre colores simul cum luce, eisdemque solos videre non potest; ita Angeli per species sibi connaturales possunt videre alienas cogitationes simul cum aliena voluntate eas manifestandi, easdem vero solas videre non possunt. At per species supernaturales à Deo inditas supra exigentiam naturæ Angelicæ videri poterunt eadem cogitationes etiam solæ, & independentes à consensu cogitantis per illas. Quia Deus, cum sit Dominus rerum omnium magis etiam, quam unusquisque suarum, potest de omnibus disponere, ut vult tam in ordine intellectuali, quam naturali seu physico. Dici deinde posset hac eadem ratione, voluntatem Dei, ut conceptus alicuius manifestetur alicui alij, æquivalere perfectè voluntati ipsius concipientis, ac proinde tantundem valere, ut idem conceptus manifestetur de facto ex vi solius speciei impressæ connaturalis, atque valet consensus ipsius concipientis, seu volentis libere aliquid.

Ad 7. Sufficientia ad cognoscendum
ali-

aliquid simul cum aliquo alio non est eo ipso sufficientia ad cognoscendum vtrumlibet eorum seorsim, vt nuper dicebatur. Species autem, quas habet apud se conaturaliter vnusquisque Angelus relatæ ad cogitationes aliorum, sufficiunt solum ad cognoscendas illas simul cum eorundem consensu, & voluntate, vt cognoscantur, & non aliter. Mirum igitur non est, si Angelus habens ab initio suæ creationis species sufficientes ad cognoscendos actus internos aliorum, cognoscere nihilominus non possit absque eorum consensu. Quia nimirum sunt species solum sufficientes ad cognoscendum vtrumque obiectum simul, & non seorsim. Ex quibus apparet obiectionem laborare falsa suppositione;

Ad 8. Satis superque ostensum est, tū in hac quæstione tum etiam quæst. 14. art. 5. non pro libito, sed cum vrgenti, ac manifesto fundamento dici à nobis consensum vnus cuiusque de manifestandis suis conceptibus esse conditionem necessariam, vt ij ab alijs certo cognoscantur, neque hinc patere aditum, vt confingantur pro libito conditiones, sine quibus non. Deinde, licet eiusmodi consensus sit formaliter loquendo, conditio sine qua non, vt percipiantur ab alijs alij actus interni proprii ipsius consentientis; absolute tamen idem consensus non est pura conditio sine qua non, sed est obiectum

partiale indiuisim necessario cognoscendum simul cum alijs actibus internis, sicut lux videtur necessario indiuisim simul cū coloribus per oculos corporeos. Quapropter opportunius fortasse fuerit, eiusmodi consensum dicere potius obiectū partiale necessarium, quam conditiones sine qua non. Sed hoc pertinet ad modum loquendi, qui non tanti est.

Ad 9. Voluntas Dei vt est in se immediatè, non potest naturaliter innotescere vlli intellectui creato, sed est necessariū lumen supernaturale. At voluntates creatæ sunt inuicem manifestabiles naturaliter. Quapropter Angelus ab initio creationis accipit necessario ex natura rei species impressas sufficientes ad cognoscendas voluntates aliorum, si ipsi consentiāt non vero ad cognoscendam voluntatem Dei purè internam, sed indiget, pro eius cognitione specie supernaturali. Ceterum ad vtramlibet voluntatem cognoscendam requiritur species intrinsecè afficiens cognoscentem, vel indita naturaliter ab initio, vel supernaturaliter, tunc, vel postea superaddita. Neque quoad hoc punctum, est aliquod discrimen.

QV AESTIO XXII.

*Utrum Angeli fuerint creati in
gratia?*

IDENTVR non fuisse
creati in gratia, neque vn-
quam eam illis donatam es-
se 1. Quia Angelus viribus
naturæ potest diligere Deū
supra se, & supra omnia alia creata, vt
dictum est quæst. 20. Habenti autem dile-
ctionem Dei super omnia, quæ est vin-
culum perfectionis, ex quo illam habet,
ad nihil potest indigere auxilio gratiæ
Dei. Ergo Angelis nunquam ea est ne-
cessaria, Deus autem nunquam dat su-
perflua.

2. Auxilium gratiæ Dei est necessariū
solum ad superandas difficultates operā-
di bene; Angelus autem in nullo opere
bono perficiendo vllam patitur difficul-
tatem, idque illi conuenit ex sua natu-
ra. Quia tota difficultas bene operandi
prouenit in nobis ex coniunctione anime
cum corpore, quod eam grauat. At An-
gelus est expers corporis. Ergo, & diffi-
cultatis. Confirmatur, quia Augustinus
frequenter docet, gratiam Dei esse no-
bis necessarium præcisè ratione concupi-
scen;

scientiæ, quæ regnat in carne peccati, inestque nobis in poenam peccati. Cum ergo Angelis non intus concupiscentia, & multo minus rebellio eius, non patitur ullam gratiæ necessitatem.

— 3. Angeli non fuerunt creati in gratia habituali. Ergo neque in gratia actuali. Patet consequentia. Quia gratia habitualis est prima radix reliquorum donorum supernaturalium gratiæ, ac proinde cui, & quando ipsa deest defunt etiam necessario cætera omnia. Probatur antecedens, quia gratia habitualis non potest cuiquam infundi ex natura rei absque prævia dispositione libera, & morali ex parte ipsius suscipientis, ut dictum est quæst. 10. de iustific. & quæst. 8. de virt. Theol. atque alibi non semel. Angeli autem non potuerunt disponi ad susceptionem gratiæ pro primo instanti dispositione libera, & morali. Primo quia operatio primi instantis tribuitur creati, & non creaturæ quatenus qui dat formam, dat consequentia ad formam. Qua de causa D. Thomas, & alij quamplures negant Angelum potuisse peccare in primo instanti. Quia eo ipso Deus esset auctor peccati, atque peccatum tribueretur ipsi soli. Est autem de conceptu dispositionis liberæ, ac moralis, ut tribuatur specialiter subiecto, quod disponitur. Deinde dispositio præcedit formam, ad quam disponit. Impossibile igitur est, ut gratia con-

ser.

ferretur Angelis dependenter ab eorum libera dispositione, & nihilominus conferretur pro primo instanti, de cuius ut primi conceptu est, ut nihil fuerit prius.

4. Ita comparatur gratia ad naturam, sicut gloria ad gratiam. At gloria non est data Angelis in primo instanti, in quo eisdem data est gratia, ut infra dicetur. Ergo neque gratia data est eisdem pro primo instanti existentiae naturæ ipsorum. Confirmatur primo, quia ordo naturalis rerum vniuersaliter hic est ut ab imperfectis procedatur ad perfectiora, utque illa dentur prius, hæc posterius superaddantur, sicut apparet in generatione, & totali perfectione rerum sensibilium. Confirmatur rursus ex Augustino lib. 2, super Genes. ad litt. Vbi docet naturam Angelicam primo fuisse informiter creatam, & Cælum dictam; postmodum vero formatam esse, & lucem appellatam. Quod non potest intelligi absque successione reali inter creationem Angeli, & infusionem gratiæ.

Art. 1. Respondetur. Certum est, Angelos eleuatos à Deo fuisse in ordinem supernaturalem, tum ob alia inferius indicanda, tum maximè quia constat, Angelos bonos frui visione Dei immediata, & malos eadem carere in pænam peccati, ut infra dicetur. Visio autem immediata Dei est supernaturalis quoad substantiam, atque in debita, ac

gratiosa absolute respectu omnis naturæ creatæ, & creabilis, vt pluribus ostensum est quaest. 10. de Deo. Rursus quia cui conceditur finis, seu fit potestas illum consequendi, necesse est, vt conferantur media eidem fini proportionata, facta vero est Angelis potestas obtinendi visionem Dei immediatam; atque Deus immediate visus est finis vltimus potentis ipsum videre, sequitur Angelis collata esse media necessaria ad eum finem. In medijs porro ad hunc finem necessarijs includuntur dona supernaturalia. Quia nihil supernaturale solis viribus naturalibus obtineri potest; quandoquidem supernaturale; & gratiosum propterea tale dicitur, & est, quia superat omnem vim, & exigentiam naturæ. Qua de re dictum ex professo quaest. 7. & 8. de Gratijs. Dictum vero est rationibus eque conuincentibus respectu cuiusvis naturæ creatæ, & creabilis.

Art. 3. Demum quia natura rationalis virtutum actibus ad suum vltimum finem progreditur, neque potest quarundam virtutum actus in vnum finem vltimum, aliarum vero in alium finem vltimum dirigere, cum vnitas sit de conceptu finis vltimi, concluditur concessas fuisse Angelis omnes virtutes supernaturales ipsis possibiles, & correspondentes omnibus virtutibus naturalibus absolute possibilibus respectu eorundem, maxime

me vero fidem, spem, & caritatem, quarum est præcipuus vsus in via salutis. Consequens autem ex his est, infusam fuisse Angelis gratiam habitualiter sanctificantem: tum quia est indistincta ab habitu caritatis, vt pluribus efficaciter comprobatum est quæst. 4. de iustis tum quia est radix totius reliqui ordinis supernaturalis, & quasi altera natura, ad quam reliqua dona, vel consequuntur tanquam proprietates, vel tanquam dispositiones præcedunt, vt indidem apparet quæst. 2. & 3.

Art. 3. Et quidem hæc omnia sunt indubitata inter doctores omnes catholicos, vt superuacaneum videri possit in eis amplius auctoritate, & ratione Theologica confirmandis immorari non scribentem controuersias contra hæreticos, sed expositione dogmatum catholicorum, promouendo credibilitatem eorum, & respondendo argumentis in contrarium. Videri nihilominus possunt plura Patrum testimonia apud Suarez lib. 5. cap. 3. pro necessitate gratiæ, respectu Angelorum ad perficienda opera salutaria. Quod videtur punctum præcipuum inter ea, quæ præmissa sunt. Vnum prætermitti non debet eam in rem clarissimum idemque celebre testimonium Augustini lib. 12. de Ciuit. cap. 9. vbi sic habet: *Et istam* (bonam voluntatem Angelorum) *quis fecerat nisi ille, qui eos*

cum bona voluntate, idest cum amore casto; quo illi adhaerent, creavit simul in eis. & condens naturam, & largiens gratiam? Et nonnullis interiectis concludit: Constatendum est igitur cum debita laude Creatoris non ad solos homines pertinere, verum etiam de Sanctis Angelis posse dici, quod charitas Dei diffusa sit in eis per Spiritum Sanctum, qui datus est eis. Tam igitur certum est, & indidem certum est apud Augustinum, gratiam Dei esse necessariam respectu Angelorum, quam & vnde certum est, eandem esse necessariam respectu nostri. Quia vero auxilia gratiae actualis constituuntur adaequate per illustrationes intellectus, & per inspirationes, seu pias affectiones supernaturales, atque ambae indiuiduo nexu connectuntur mutuò, uti ex eodem Augustino, atque ratione efficaci demonstratum est quaest. 15. de Gratia; dubitari minime potest, quin Deus utrumque genus auxiliorum contulerit Angelis, iidemque utroque indiguerint. Tribuit nihilominus idem Augustinus plus aliquid non semel libero arbitrio Angelorum, nec non primorum parentum ante peccatum, quam nostro in negotio salutis aeternae, quatenus arbitrium nostrum debilitatum valde, ac degauatum est ratione peccati, ut dictum est quaest. 9. de gratia; ideoque necessarium nobis est auxilium validius gratiae, quod superet impetum effraenis concupiscen-

piscentiæ; Angelis vero & primis hominibus ante peccatum ratione contraria suffecit auxilium longè minoris efficacis, propter optimam in ipsis liberi arbitrij dispositionem, ac vigorem naturalem, qua de causa victoria tentationum, & determinatio ad opus salutare tribuitur potissimum efficacis gratiæ supernaturalis pro isto statu naturæ lapsæ; eadem vero determinatio tribuitur cū quadam speciali prærogatiua electioni arbitrij Angelicæ. Nec aliud vnquam discrimen agnoscit, aut intendit, aut agnoscere, ac intendere consequenter potest Augustinus ubicunque eiusmodi comparisonem instituit implicite, vel explicitè. Sed nimis longum esset hic per singula eiusmodi testimonia.

Art 4. Venio ad punctum aliquatenus controuersum; An dona gratiæ aliqua, vel omnia concessa sint Angelis in primo creationis instanti? Dicendum vero est cum D. Thoma quæst. 62. art 3 aliisque communiter collecta illa fuisse in primo instanti, nec vllam intercessisse successionem realis durationis inter creationem naturæ Angelicæ, & infusionem gratiæ. In hanc sententiam compellit in primis communis sensus Sanctorum. FP. vt obseruat D. Thomas ibidem, & ostendit luculenter Suarez lib. 5. cap. 4. Suffecerit pro multis vnus Augustinus, cuius in hunc scopum sensus liquido ag-

pa et ex verbis eius indicatis nuper art.
 3. *Simul in eis condens naturam, & largiens
 gratiam.* Subiungit vero ibidem de dæ-
 monibus in hunc modum : *Isti autem qui
 cum boni creati essent, mali sunt, &c.* aut mi-
 norem acceperūt diuini amoris gratiam, quàm
 illi, qui in eadem persisterunt, aut si utrique
 boni æqualiter creati sunt, istis mala volunta-
 te cadentibus, illi amplius adiuti ad eam bea-
 titudinis plenitudinem, unde se nunquam ca-
 surus certissimi fierent, peruenierunt, In qui-
 bus dubitari non potest, quin bonos
 creatos, & bonos æqualiter creatos, in-
 telligat ea bonitate, quam expresserat in
 prioribus verbis supra indicatis, nempe
 bonitate, quæ esset ex gratia Dei, quæ-
 que consisteret in amore casto, quo Deo
 adhærerent, & ratione cuius accommo-
 dari illis posset, quòd charitas Dei dif-
 fusa sit in eis, per Spiritum Sanctum, qui
 datus est eis. Accedit, sæpe & frequen-
 ter supponi ab eodem Augustino lib. 11.
 super Genes. ad litt. cap. 3. & sequenti-
 bus, sanctos Angelos fuisse creatos in
 quadam beatitudine, & felicitate, saltem
 quanta, & qualis in viatoribus esse po-
 test. Non autem talis ea fuisset, nisi nite-
 retur fide, spe, & charitate, quæ in via-
 toribus esse possunt, & sine quibus quæ-
 vis felicitas est miseria potius, quam feli-
 citas, nec nisi miseria dici posset respec-
 tu eorum viatorum. qui aliquando es-
 sent perducendi ad visionem Dei, idem
 autem

autem docet etiam de malis Angelis
pro instanti creationis lib. de corrept. &
gratia cap. 10. tamen si id ipsum in du-
bium de iisdem reuocauerit in dicto li-
bro super Genesi.

Art. 5. Ratio huius rei præcipua est.
Quia fieri non potest, ut Angeli aliquan-
do essent eleuandi in ordinem superna-
turalem, atque ordinandi in vltimum
finem supernaturalem visionis Dei im-
mediatæ, & nihilominus relinquerentur
pro aliquo instanti in statu puræ naturæ.
Hinc enim sequeretur duplex inconue-
niens. Alterum est, Angelos pro aliquo
instanti operaturos fuisse bene, & lau-
dabiliter, simulque inutiliter. Alterum
est, fore, ut iidem deciperentur à Deo.
Certe paterentur deceptionem ineuita-
bilem, nulla decipiente substantia crea-
ta. Operarentur quidem inutiliter. Quia
bona opera elicita, seu elicibilia, quod
perinde est pro re præsentī, nec profuiss-
sent ad finem supernaturalem, nec ad fi-
nem vltimum naturalem, cum neque
iste esset obtinendus in casu, neque ad il-
lum quidquam conferant opera bona
purè naturalia, ut dictum est in illa
quæst. 7. de Gratia. Perperam autem
est, quod nihil confert ad finem operan-
tis, & per quod ad eundem finem per-
uenire non potest. Deciperentur vero.
Quia quælibet natura intellectualis non
instructa supernaturaliter, necessarium

contrahit obligationem tendendi ad ultimum finem naturalem, eaque obligatio fundatur in iudicio itidem necessario naturaliter, quod oporteat conuerti ad Deum, ut auctorem naturalem, neque fieri possit, ut desit is finis bene operanti, & sequenti ductum eiusdem rationis naturalis. Quæ forent falsa in eodem casu, ut per se patet. Confirmatur, quia cætera omnia ordinantur à Deo, cum primum existunt, ad finem, ad quem de facto perducenda sunt, nisi impediuntur per accidens ex vi alicuius causæ secundæ, idque ut ita fiat, est necessarium ex natura ipsa rei. Ergo necessarium similiter est ex natura rei, ut Angeli quoque ordinarentur à primo suæ existentie instanti ad eum finem, ad quem de facto erant perducendi, nisi staret per ipsos. Confirmatur rursus, quia hac eadem ratione creditur communiter, Adamum, & Euam creatos fuisse in gratia. Idem ergo dicendum est de Angelis nihilo deterioribus, immo melioris naturæ, quam sit homo. Et sanè, sicut ijs, qui in stadio currunt, necesse est, ut in principio cursus præfigatur scopus, & meta, à qua deinde deflectere non debeant; ita omni viatori necesse est, ut in principio vitæ præfigatur finis ultimus, ad quem per omnes suas operationes tendere debeat, quin vnquam ab eo diuertat. Quod exemplum non potest non videri ido-

neum comparante Apollolo 1. ad Corin-
 rinth, 6. viatores omnes currentibus in
 stadio. Neque quoad hoc vlla potest as-
 signari ratio differentiae, nisi quod ea
 comparatio viget magis respectu Ange-
 lorum, vtpotè æque capaciuni eleuatio-
 nis pro primo, ac pro quolibet alio in-
 stanti, nec proficientium mora temporis,
 vt accidit in hominibus. Quò respexit
 Basil. in illud Psal. 32 *Verbo Domini Cali firmati sunt, & spiritu oris eius omnis virtus eo-
 rum. Angelos, ait, in izio vt essent, verbum
 opifex omnium condidit, sanctificationem ve-
 rd simul illis impendit Spiritus Sanctus. Nam
 enim in infantili statura sunt creati. deinde
 paulatim exercitati atque perfecti, sic spiritus
 susceprione digni sunt habiti; sed in ipsa con-
 stitutione, & quasi quadam conspersione sua
 substantia simul infusam habuere sanctitatem.*

Art. 6. Ratio hæc nostra principaliter,
 ac immediatè conuincit, Angelos in
 instanti creationis illuminatos à Deo
 fuisse per fidem. Quæ videlicet est pri-
 ma substantiæ omnis intellectualis crea-
 tæ directio, & ordinatio in vitam æter-
 nam constitutam visione Dei immediata.
 Qua de causa Ruar. art. 2, & 8. opti-
 ma ratione ductus censet, Angelis esse
 communia cum hominibus illa oracula:
*Qui non credit iam iudicatus est quia non cre-
 dit in nomine vnigeniti filij Dei Qui non cre-
 diderit. condemnabitur Qui incredulus est filio,
 non videbit vitam, Sine fide impossibile est.*

placere Deo. Gratia est salutari per fidem, & hoc non ex vobis, donum enim Dei est, ut ne quis gloriatur. Eadem vero ratio est de his etiam; iustus ex fide vivit. Omnis qui invocaverit nomen Domini saluus erit. Sed quomodo invocabunt in quem non crediderunt? Dum sumus in corpore, peregrinamur à Domino. Per fidem enim ambulamus, & non per speciem. Necessaria itaque fuit Angelis non minus, quam hominibus, ut dirigerentur possentque proficere in vitam æternam, nec aliunde potuit inchoari elevatio in ordinem supernaturalem. Accedit; neque spem concipi posse sine fide, cum hæc sit *sperandarum substantia rerum* ex i. ad Hebr. neque sine ipse fieri posse opus aliquod salutare, cum nemo desperans de fine operetur ut dicit Philosophus, eademque est ratio de non sperante. Necesse igitur est fateri, iuxta ea, quæ præmissa sunt, data fuisse Angelis in primo instanti auxilia sufficientia ad credendum, & sperandum. Quia verò fides, & spes ex sua natura ordinantur ad actum charitatis, consequens est, ut pro eo etiam eliciendo data sit initio sufficientia ex ratione. Quia vero necesse fuit necessitate, saltem morali, sed nunquam fallente, ut apparebit quæst. 26. initio, ut Angeli pro primo instanti uterentur bene auxilijs gratiæ sibi collatis; oportet præterea credere omnes Angelos, etiam eos, qui postea reprobatii sunt, eliciisse actus fidei, spei, & charitatis.

Art. 7. Vnde ulterius subsequitur, eodem omnes consecutos fuisse pro primo instanti habitus trium virtutum theologicarum. Quia hi habitus consequuntur infallibiliter ad eos actus tanquam ad dispositiones inseparabiliter connexas cum illis, ut dictum est quæst. 8. de virt. Theol. Demùm quia habitus charitatis est realiter indistinctus à gratia sanctificante, ut dictum est quæst. 4. de iustif. atque ex sententia omnium est inseparabilis ab ipsa, gratia quoque sanctificans dicenda est omnibus Angelis cõmunis pro primo instanti, tam bonis, quam postea malis. Hæc omnia videntur comprehendi in paucis illis verbis Ezech. 28. *Tu Cherub. plenus sapientia à principio*. Nempè plenitudo sapientiæ à principio complectitur cumulum omnium donorum supernaturalium conducentium, ad vitam æternam ab eodem principio. Neque verò in principio dari potuit ratio discriminis, ob quam alicui daretur, alijs vero non daretur eadem plenitudo proportionè servata respectu vniuscuiusque. Immo fuisset quodammodo violentum, & innaturale, ut elevato aliquo vel aliquibus Angelis non eleuarentur pariter cæteri omnes. Quia omnes ex sua natura sunt ordinati ad mutuam beneuolam, & amicabilem communicationem, ut dictum est superius. Beneuola autem, & amicabile communicatio mutua exigit parem pro-

proportionaliter dispositionem intellectus, & voluntatis in omnia ad eiusmodi communionem indiscriminatim vocatis. Omnibus itaque Angelis concessa sunt in primo instanti omnia dona supernaturalia viatorum propria, atque adeo omnes absolute creati sunt in gratia. Nec obstat dictum Ioannis Papæ Can. *visi litteris* 16. q. 16. *nequid se demonem habere, charitatem in Calo.* Dicendum namque est Pontificem loqui de impotentia consequenti habendi illam perseveranter, quæ est communis, & legitima interpretatio, iuxta quam is textus confirmat potius, quæ dicta sunt. Accipi etiam potest Pontifex, vel de impotentia recuperandi charitatem per poenitentiam, ut accidit in hominibus, quod vult Martinus cum Vasquez, vel de charitate perfecta, & consummata per visionem, ut innuit Suarez.

Ad 1. In eadem illa quæstione dictum est, duplicem esse dilectionem Dei super omnia, aliam super omnia secundum quod quæ fertur ad Deum, ut auctorem naturalem, aliam super omnia simpliciter, quæ fertur ad eundem ut auctorem supernaturalem. Prior dilectio poterat ab Angelis haberi sine gratia, posterior non poterat. Erat verò necessaria posterior dilectio Dei pro fine ultimo præfixo Angelis de facto, ut dictum est.

Ad 2. Dupliciter potest esse difficile
alijs

aliquod opus. Primo difficultate retar-
dante, voluntatem, quo minus illud eli-
gat, velitque efficaciter, cum aliquin
sit possibile. Secundo difficultate funda-
ta in excellentia operis superantis totali-
ter vires actiuas voluntatis. Transeat An-
gelis non obstitisse primum genus diffi-
cultatis, de quo dicetur in questione pro-
ximè sequenti. Secundū nihilominus ge-
nus difficultatis inerat Angelis, secundum
se præcisè consideratis, pro qualibet o-
pere salutari. Quia opera salutaria om-
nia sunt intrinsece supernaturalia, vti præ-
monitum est superius ex alibi dictis, Nul-
lius verò naturæ creatæ vires sufficiunt
absque auxilio gratiæ ad opus vllum su-
pernaturale. Hac igitur ratione necessa-
rium fuit Angelis auxilium gratiæ ad om-
ne opus salutare. Quod ad confirmatio-
nem attinet ex Augustino. In primis iam
patuit, eum agnouisse necessitatem gra-
tiæ in Angelis, tametsi expertibus concu-
piscentiæ, qualis nobis inest post pecca-
tum. Deinde idem Augustinus agit sæpè
de necessitate gratiæ, non qualiscunque,
sed sanantis eiusque proinde necessitatē
probat rectè ex concupiscencia regnante
in carne peccati. Eiusmodi est quod di-
cit lib. de spiritu, & litt. cap. 4. *Illustra-
tionem ad bene agendum non sufficere ubi sã-
ctus non adiuvat spiritus, inspirans pro concu-
piscencia mala concupiscenciam bonam, hoc
est charitatem diffundens in cordibus nostris a*
Cæ.

Cæterum hoc non tollit, quod idem Sanctus doctor sæpissimè non probet necessitatem gratiæ, independenter etiam, à peculiari difficultate bene operandi inducta per peccatum, & spectata sola, natura operum salutarium, & finis ultimi Angelici, & humani, quæ est visio Dei, quatenus superantium vires, & sufficientiam omnis naturæ creatæ spectate secundum se; ut liquet ex eius verbis superius indicatis, alijsque pluribus eius locis expensis opportune in qq. de Gratia præsertim quæst. 8. itaque legenti Augustinum observandus est ubique diligenter scopus eius immediatus, ut vitentur equivocationes, & noxiæ doctrinæ, quæ prætextu auctoritatis Augustini multorum animis facile irrepunt prout in illo loco qui pro re etiam præsentis est valde utilis, notatum est diligenter.

Ad 2. Non valet in primis consequentia negatione gratiæ habitualis, pro cuius infusione requiruntur plura, ad negationem gratiæ actualis, quæ ex suo conceptu solam præsupponit naturam eius, cui infunditur. Gratia verò habitualis est prima radix cæterorum donorum positivè, non verò negativè: ita ut habenti gratiam habitualement negari cætera non possint; possint verò aliqua concedi eandem non habenti, ut disponatur ad habendum. Negatur deinde Angelos non potuisse disponi pro primo instanti, prout

oportet, ad susceptionem gratiæ sanctificantis. Quia quod dicitur operationem primi instantis tribui generanti, verificatur tantum de operatione necessaria, & propria agenti necessarij. Quia agens liberum, si pro primo instanti habeat omnia requisita sibi connaturalia, potest agere liberè non minus pro primo, quam pro reliquis instantibus, atque adeo elicere actionem, quæ sibi specialiter attribuitur. Angeli autem potuerunt habere pro primo instanti non minus quam pro quolibet alio, omnia requisita ad operandum liberè, quia non proficiunt temporis decursu, nec in infantili statura sunt creati, ut dicebat supra Basilius, sicut nos, nec discursu, sed subita obiectorum inspectione consequuntur, notitiam perfectam quælis ad eligendum requiritur, iam antecessio dispositionis respectu formæ, ad quam disponit, non est ex suo conceptu antecessio realis durationis, sed sufficit prioritas naturæ, seu causalitatis Potuerunt igitur Angeli disponi pro primo instanti creationis ad susceptionem gratiæ, atque ita de facto se disposuere, eamque suscipere.

Art. 1. Ad 4. Non est similis quoad omnia comparatio gratiæ cum natura comparationi gloriæ cum eadem gratia, sed differunt quoad plura. Differunt verò quoad punctum intentum in obiectione, quatenus gloria est impossibilis, cum
au.

auxilijs, & actibus disponentibus ad infusionem gratiæ, vt patebit ex dicendis quæst. 28. sub initio. Gratiæ verò non est inconpossibilis cum natura suscipientis, neque cum ijs, quæ ad eandem naturam necessariò consequuntur, quin immo ex sua natura postulat compositionem sui cum iisdem. Potuit igitur dari Angelis gratia pro primo suæ existentiae instanti; tametsi gloria conferri non possit pro eo instanti, pro quo primum existit gratia dependenter à dispositionibus requisitis ab ipsa iuxta providentiam ordinariam Dei.

Art. 2. Ad priorem confirmationem; Ab imperfectis proceditur ad perfectiora, vel ordine realis durationis, vel solum ordine naturæ, & causalitatis, iuxta existentiam cuiusque generis rerum; atque posterior solum ordo requiritur inter naturam, & gratiam, quatenus natura est subiectum, & potentia passiva respectu gratiæ. Ad posteriorem confirmationem. Augustinus in eodem illo libro, & alijs eiusdem operis, loquitur similiter de corporibus prius informibus, & deinde formatis, & tamen vtrumque docet accidisse pro vno, eodemque instanti reali durationis cum sola prioritate naturæ inter informitatem, & formationem. Eodem igitur modo accipiendus est circa ordinem informitatis, & formationis Angelorum, Dici deinde potest, naturam Ange-
licam

illam informiter creatam esse, quatenus
creata est absque forma gloriæ, quæ su-
peraddita postea fuit in alio instanti.

QVÆSTIO XXIII.

*Verum Angeli meruerint suam
beatitudinem?*

IDENTVR non meruisse. Quia difficultas, & arduitas est de conceptu operis meritorij, vt pluribus comprobatum est efficaciter quæst. 31. de act. hum. Sed Angelus nullam potest pati difficultatem in vilo opere bono, quia non est compactus ex partibus sibi inuicem aduersantibus, sicut nos. Qui autem non est compositus ex partibus sibi inuicem ita aduersantibus, nullam potest pati repugnantiam, & difficultatem in opere congruenti naturæ suæ, sicut congruit omne opus honestum naturæ intellectuali. Ergo Angelus nihil mereri potuit.

2. Qui non meretur gratiam, non meretur gloriam. Quia gloria necessario consequitur ad gratiam, & qui non meretur antecedens, non potest mereri consequens, quod inde necessario consequitur. Angeli autem non meruerunt gratiam. Quia illam omnes acceperunt in pri-

in primo instanti, ut dictum est in quaestione praecedenti. Acceperunt vero dependenter à propria dispositione, ut inibi suppositum est ex alibi dictis. Actus autem disponentes ad infusionem gratiae non possunt esse meritorij eiusdem gratiae: Quia non possunt procedere ex eadem gratia, atque actus non procedentes ex gratia non sunt meritorij simpliciter, & de condigno, ut dictum est quæst. 32 de act. hum. art. 11. Fieri autem non potuit, ut praeter actus disponentes ad gratiam simul elicerent Angeli pro eodem primo instanti alios actus procedentes ex ipsa gratia. Quia actibus disponentibus ad gratiam, ut pote perfectissimis ex genere suo, summeque arduis impenderunt totam suam actiuitatem. Nullis igitur actibus potuerunt mereri gratiam.

3. Si Angeli non fuissent eleuati in finem supernaturalem, consequuti fuissent omnem felicitatem sibi naturaliter possibilem independentem à meritis. Quæ est communis D. Thomæ aliorumque sententia. Ordo autem gratiae imitatur ordinem naturæ, & vnamquamque substantiam ita Deus supernaturaliter mouet, ac promouet, pro ut apta est moueri, ac promoueri ex natura sua. Et præterea prouidentia Dei supernaturalis est magis proportionaliter benefica, quam naturalis. Ergo beatitudinem supernaturalem

ralem consequuti sunt independenter à meritis, quicumque Angeli eam consequuti sunt de facto.

4. Non apparet quibus actibus Angeli mereri potuerint beatitudinem suam. Immo apparet nullis actibus mereri eam potuisse. In primis enim non potuerunt mereri per fidem. Quia Angeli habuerunt euidenciam in attestante respectu omnium mysteriorum, quæ ipsis reuelata sunt. Fieri enim non potuit, ut perspicacia intellectus Angelici liberi ab ænigmatibus rerum sensibilibus, & à phantasie imperfecta, ac obscura representatione, non discernere euidenter locutionem Dei ab omni locutione creata. Cognoscens autem euidenter locutionem Dei ad se directam de re aliqua, cognoscit etiam euidenter veritatem eiusdem rei, cum sit evidens connexio locutionis diuinæ cum veritate rei pro ut significat per ipsam. Evidens autem assensus veritatis nequit esse meritorius, cum sit actus necessarius. Rursus cognitio euidenter promissionibus diuinis, tam est necessarium sperare rem per ipsas promissiones, quam necesse est sperare calefaciendum in corpus, quod euidenter patet applicari igni. Ergo neque actu spei mereri potuerunt Angeli. At non est maior ratio de actu charitatis, quam de actu spei. Quia dilectio Dei consequitur ad spem coniunctam cum fide eodem prorsus

sus modo, quo actus spei consequitur ad fidem, & actus fidei ad propositionem credendorum. Demum qui non potest mereri per actus virtutum theologicarum propter defectum libertatis in illis eliciendis. ne quidem per actus religionis, aliorumque virtutum moralium mereri quidquam potest. Quia virtutes theologicæ subordinant sibi per imperium, efficacem virtutes morales, earumque actus inducunt vi insuperabili pro tempore, & loco.

Art. 1. Respondetur. Communis, ac certa Theologorum sententia est, Angelos bonos meruisse gloriam, eamque meritis suis consequutos esse, quicumque de facto ad eam peruenerunt. Ita omnes cum Magistro dist. 5. & cum D. Thoma quaest. 62. art. 4. Ratio præcipua est, quia beatitudo supernaturalis, quæ consistit in visione Dei superat omnem actiuitatem, omnemque exigentiam, & dignitatem naturæ cuiusvis creatæ, & creabilis, vt suppositum est in quaestione præcedenti ex alibi dictis. Modus autem obtinendi finem, qui superat actiuitatem, atque exigentiam intrinsecam, ac dignitatem eius, qui ordinatur ad illum est per vim meritoriam bonorum operum. Nempe vis meritoria datur in supplementum virtutis actiuæ propriæ, nec non exigentiæ, & dignitatis intrinsecæ. Quia merita peragunt motione vo-
lunta-

luntatis alienæ. quod exequitur vis acti-
ua physica per actionem suam immédia-
te, & appetitus innatus per naturalem
determinationem causæ, quam respicit.
Vnde cum Angelis non minus, quam
hominibus desit actiuitas sufficiens res-
pectu visionis beatæ, nec insit appetitus
innatus, & dignitas necessarius Deum
ad illam sibi impertiendam, non alio
modo potuerunt ad eam peruenire,
quam per merita. Et quidem vnum quod-
que necesse est, vt habeat in se intrinse-
ce aliquam habilitatem, & modum per-
ueniendi ad suum vltimum finem. Alio-
quin enim fieri à Deo posset aliquid ab-
solutè inordinatum in se, cum omnis
alius ordo propriè talis dependeat ex
ordine ad vltimam cuiusque finem. Cum
ergo Angelis desuerit potestas physica,
tum actiuitatis, tum exigentiæ innatæ ad
inducendum finem vltimum de facto ip-
sis præfixum à Deo, necesse est fateri
concessam illis à Deo fuisse potestatem
moralem per gratiam suam, vt ad illum
peruenire possent meritis suis.

Art. 2 Confirmatur, quia non est
maior ratio, vt hominibus conferatur
gloria dependenter a meritis, nec aliter
conferatur, quam per merita, ex quo
sunt præditi libero arbitrio, vti dictum
est præditos esse Angelos, quam vt ea-
dem dependenter ab iisdem conferatur
etiam Angelis, immo ratio proposita

R

•sten:

ostendit nullum esse fundamentum discriminis quo ad hoc inter utrosque. Unde non minus ad Angelos spectat ex natura ipsa rei, quam ad homines illud Apostoli: *Non coronabitur, nisi qui legitime certauerit.* Confirmatur rursus, quia de conceptu beatitudinis perfectæ est, ut sit gloriosa, vnde & gloria antonomastice dicitur. Illud autem est respectu vniuscuiusque gloriosum, quod & magnum quid in se ipso est, & consequitur ad habentis dignitatem vel naturalem, ut in filio Dei, vel moralem, ac meritoriam, ut in cæteris omnibus. Nec enim gloriosum respectu cuiusquam reputatur, quod ei accidit ex solo favore alterius purè gratioso, nec est ab intrinseco, aut per dignitatem naturalem, aut per meritoriam ratione meritorum. Cum igitur Angeli non essent digni visione Dei ex vi suæ naturæ, oportuit, ut eam dignitatem consequerentur per merita. Accedit dictum Philosophi I, *Ethic. cap. 9.* beatitudinem esse præmium virtutis. Confirmatur denique, quia quod est præstantissimum in vnoquoque, aut est beatitudo, aut ordinatum specialiter ad beatitudinem iuxta modum suum peculiarem. Dictum autem est supra, Angelis inesse liberum arbitrium, quod est in vnoquoque præstantissimum omnium, quæ sibi inesse possunt naturaliter. Liberum autem arbitrium creatum non est beatitudo,

do, vt per se patet, nec est ordinabile ad beatitudinem per modum naturæ, cum hæc sit ad vnum, & illud ad vtrumlibet duorum. Ordinatur igitur ad beatitudinem moraliter mediantibus actibus meritorijs ipsius. In hunc scopum accommodatur magno cum fundamento à D. Thoma vbi supra illud Apocal. 21. 17 *Mensura hominis, quæ est Angeli*, Vt scilicet Angelus nõ secus ac homo consequatur beatitudinem iuxta communem vtrique mensuram meritorum, nihil eatenus conferente immediatè, & ratione sui natura, quæ non est vna vtriusque, sed valde dissimilis, ac inæqualis.

Art. 3. Quibus porro actibus meruerint Angeli beatitudinem,, duplicem habet quæstionem, quarum altera spectat ad conditionem, & speciem actuum, altera ad instans, pro quo elicitisunt. Species eorum actuum patebit ex dicendis quæst. 27. circa qualitatem peccatorum, quibus demones demeriti sunt beatitudinem. Maior namque claritas habetur ex sacris litteris, alijsque documentis de qualitate peccatorum, quæ commiserunt demones, quam de qualitate bonorum operum, quibus infliterunt Angeli boni. Certum autem est, bonos Angelos in veritate perstitisse, atque ad beatitudinem peruenisse per actus oppositos ijs, ob quos mali inciderunt in damnationem. Dicetur etiam aliquid de hac re in re-

sponſionibus obiectiõnum. Altera difficultas breuiter, & facile expediri poteſt ex dictis de merito in communi in qq. de act. hum. præſertim quaest. 32. Inde enim conſtat in primis actus diſponẽtes ad gratiam eſſe meritorios eiufdem de congruo & conſequenter etiam gloriæ, non verò de condigno. Quia videlicet actus, qui non præcedunt ex gratia, vt non procedunt, qui diſponunt ad ipſam, non ſunt meritorij de condigno, aut gratiæ, aut gloriæ. Omnes vero actus liberi ſupernaturales elicitĩ à viato e ſunt meritorij vtriuſque ſaltem de congruo. Quia vero actus, quos primos omnium elicuere Angeli, fuerunt diſpoſitiui reſpectu infuſionis gratiæ ſequitur per eos primos actus non promeruiſſe gloriã de condigno, quatenus extiterunt præciſe pro primo inſtanti. Conſtat rurfus, Angelos non minus quam homines eſſe incapaces merendi, ex quo beatitudinem conſequentur, idque ex natura ipſa rei, & non ex ſola extrinſeca diſpoſitione, & lege ſpecialiter libera Dei. Superẽt igitur viſ meritoria de condigno gratiæ, & gloriæ in ſolis actibus Angelicis elicitis inter inſtãſ beatificationis, & creationis, de quo inſtanti medio, deque tota huiusmodi partitione inſtantium dicetur quaest. 28. de bonis ſimul, & malis Angelis, ne eadem doctrina ſæpius moroſe repetatur.

Art. 4. Vnum circa hæc quæ dicta ſunt

sunt, notare non piget, tametsi ad modum loquendi magis fortasse spectare videatur. Dicitur nimirum posse Angelum meruisse de condigno gloriam, non solum quoad augmentum, sed etiam quoad substantiam, idque duplici modo. Primus est nimis proprius conveniens actibus elicitis pro primo instanti præcisè quatenus existentibus in eodem primo instanti. Licet enim Angelus, quatenus tunc eliciens eos actus, non mereatur de condigno gloriam condignitate operis, meretur tamen de condigno condignitate merentis. Opus namque non procedens ex gratia non est secundum se meritorium gloriæ de condigno. At vice versa operans, qui simul habet in se gratiam sanctificantem, eo ipso habet condignitatem respectu gloriæ. Est igitur merens de condigno gloriam condignitate merentis. Alter modus est magis proprius ratione actuum procedentium ex gratia pro secundo instanti. Hi enim actus ita merentur augmentum gloriæ absolutè, & simpliciter, ut etiam dici aliquatenus possint meritorij eiusdem gloriæ quoad substantiam. Licet enim gloria quoad substantiam debeat ut tanquam hereditas ratione primæ gratiæ, eaque propterea non detur dependenter præcisè à merito deinde subsequenti, sicut datur augmentum, atque præmium eatenus præcisè habeat rationem præmij, quatenus dependet à meri-

to: Nihilominus quia ius ad gloriam, ut hæreditatem, fundatum in prima existentia gratiæ, non est omnino absolutum, sed conditionatum, aut quasi conditionatum, ut pote capax exceptionis, & frustrabile superueniente peccato, atque hoc impeditur per subsequens opus meritorium, dici optima ratione potest, ius illud hæreditarium reddi omnino absolutum pro instanti subsequenti, ac proinde conditionatam gloriæ quo ad substantiam compleri ultimo, ac adequatè per ipsum meritum subsequens ad primam existentiam gratiæ. Eò vel maximè, quia eadem hæreditas gloriæ exercet propriissimum munus præmij respectu eiusdem operis subsequents, quatenus metus amittendæ hæreditatis, & spes, ac desiderium illà obtinendi mouent ad actum meritorium eliciendum pro instanti sequenti. Tametsi autem eadem consideratio fieri possit, videatur de gratia etiam præexistenti, quatenus conseruata pro eo instanti, pro quo superadditur opus meritorium impeditum peccati: Adest tamen ratio discriminis quoad hoc punctum inter gratiam, & gloriam. Nempe gratia, neque etiam ut conseruata potest habere rationem præmij sicut gloria: Quia conseruatio gratiæ est deuincta physicè actioni meritoria, ut pote ortæ physicè ab ipsa gratia, & à supposito illam habente, ut habente cum tamen sit de ratione præmij, ut solum

lum moraliter dependeat ab accipiente; physicè vero a sola alterius remunerantis actione. Quod manifestum est conuenire gloriæ. Atque hæc sufficiant circa meritum Angelorum, cum quæ ad maiorem eius intelligentiam desiderari possunt, habeantur in loco indicato de act. hum.

Ad 1. D Thomas in indicato art. 4. ad 1. Respondet opera bona elicita ab Angelis superasse virtutem naturæ cum essent supernaturalia. Difficile autem esse opus, quod superat virtutem operantis. Verum quia illud difficultatis genus est commune beatis, quibus non est commune meritum, cum tamen adsint illis cætera ad meritum requisita, ut ponderatum est quæst. 3. de act. hum. & quia difficultas operis meritorij debet esse re-tractiua ab electione ipsius, positis etiam omnibus principijs requisitis ad operandum, necesse est plussculum promouere eam responsionem. Dicendum itaque est, Angelos eo ipso, quod potuerunt peccare, uti certissimè potuere, cum meruere, passos difficultatem in contrariâ operatione honesta retrahentem ab eius electione, propter motiuium peccandi, ut pote utile, aut iucundum. Quod absque aliqua difficultate dimitti nõ potest ab indigente, id est non dum beato, simulque potente proximè illud habere libera sua electione.

Ad 2. Patet ex nuper dictis art. 4. Ad 3. Ratio illa paritatis inter modum consequendi beatitudinem naturalem, & supernaturalem, non est apud me usque adeo debilis, ac est apud plures alios, sed cenſeo illam debere omnino retineri. Dicendum itaque est, Angelos, si relictī fuissent in statu puræ naturæ, non fuisset consecuturos ultimum complementum beatitudinis suæ naturalis independentē ab actibus suis liberis, ac proinde aliquatenus meritorijs eiusdem ultimi complementi beatitudinis. Id quod apparebit distinctē ex dicendis quæst. 25. circa peccabilitatem Angelis connaturalem independentē ab elevatione ad finem supernaturalem. Si enim sunt peccabiles ex sua natura independentē ab elevatione, potuissent utique fieri verē miseri, ac infelices peccando, tametsi relictī fuissent in statu puræ naturæ. Ergo ut euaderent completē fælices naturaliter, habere non potuissent, nisi per actus bonos oppositos impeditivos peccatorum, ac proinde meritorios aliququaliter beatitudinis naturalis uti exponetur magis in illa quæstione. Dicit denique potest, ordinem supernaturalem non assimilari quoad omnia ordini naturali, atque possibilitatem obtinendi beatitudinem supernaturalem coniunctam cum contingētia amittendi eamdem, & incidendi in penam æternam, esse æstimabiliorem.

magisque beneficam incomparabiliter, quam certitudinem omnino indefectibilem consequendi beatitudinem purè naturalem, quæ magis est miseria, quam beatitudo, si comparatur cum visione Dei immediata; maximè cum beatitudo purè naturalis non habeat sibi deinctam certitudinem metaphysicam, sed solum physicam absolute; defectibilem permanentiæ suæ æternæ.

Ad 4. Quod attinet ad actum fidei ex quo derivatur omnis difficultas obiectivis: Non desunt quidem Deo modi, quibus inducat evidètiâ mysteriorum omnium supernaturalium in intellectum, tû Angelicum, tum etiam humanum. Sed neque desunt eidem modi, quibus eadè mysteria reddantur certo, ac infallibiliter credibilia absque evidentiâ credendorum, tam respectu Angelorum, quam respectu nostri. Quis enim audeat dicere virtuti omnipotentis deesse modum, quo intellectum quemlibet creatum obliget ad credendum firmissimè, quæ ipse dicit, tametsi non cognoscatur evidenter, ipsam dicere, sed tantum evidenter cognoscatur, esse credibile quod non alius loquatur, quam Deus ipse. Sicut ergo placuit Deo iustissimis de causis, ut nos dirigeret ad beatitudinem lucerna lucente in caliginoso loco, instrueretque intellectum nostrum per argumentum non apparentium; ita etiam credendum est.

Angelos per eundem proportionaliter fidei modum direxisse similiter in suum finem. Siquidem enim placuit, ut Angeli non secus ac homines peruenirent ad gloriam per merita, credendum est utrisque prouisam esse vniformiter radicem omnium meritorum, quæ est fides, atque ad eo utrosque indiscriminatim esse vocatos ad cognitionem mysteriorum per argumenta euidentia credibilitatis eorum absque euidentia credendum, seu ipsorum mysteriorum secundum se. Quæ tamen euidentia deesse non potuisset, si adiuisset euidentia, quæ dicitur in attestante, seu quod manifestatio eorum mysteriorum esset à Deo ipso alloquente, ut patet ex ijs, quæ dicta sunt quæst. 19. de virt. theol. præsertim ad 3. nec non quæst. 24. præsertim ad 5. quibus in locis hæc ipsa doctrina circa Angelos tradita est.

Alt 2. Quod additur in obiectione de perspicacia intellectus Angelici, valentis euidenter discernere locutionem Dei, ab omni locutione creata, & non valentis alteram cum altera confundere, quæ esset supinitas nimium stupida, ac crassa, nihil est. Quia locutio Dei propriè talis, est intrinsecè supernaturalis ex suo conceptu, ut dictum est quæst. 26. de virt. theol. Ad cognoscenda autem, atque discernenda distinctè, & clare obiecta intrinsece supernaturalia non

sufficit perspicacia intellectus Angelici, ut probatum est superius quæst. 14. Illa igitur cognoscit pro qualitate luminis supernaturalis sibi a Deo gratiosè collati. Cum igitur fieri potuerit, ut Deus daret lumen supernaturale sufficiens ad cognoscendam euidenter credibilitatem, quòd locutio esset Dei, quin esset sufficiens ad cognoscendum euidenter locutionem esse Dei; fieri utique potuit, ut non discerneret euidenter locutionem Dei à locutione creata, licet euidenter discerneret esse credibilem, & debere credi eam differentiam: atque expediens fuit pro augmento meriti, & maiori laude, ac gloria fidei præstitæ ut ita fieret. Ita igitur factum est. Accedit perspicaciam in primis intellectus Angelici non dum infecti peccato non esse præcise ex sua natura maiorem, quàm perspicaciam intellectus diabolici. Deinde dici non potest esse magis discernibilem ex sua natura locutionem Dei ab omni locutione purè creata, quam sit discernibilis ipse Deus ab omni pura creatura. Cum igitur dæmon non potuerit euidenter discernere hominem Deum à puro homine, tametsi Christus Deus & homo simul faceret epera, quæ nemo alius fecit, & vi quorum erat euidenter credibile, & debebat credi ipsum esse Deum; mirum videri non debet si Angelus, seu idem dæmon, antequam peccaret, non

magis potuit ex perspicacia sui intellectus euidenter discernere loquutionem Dei ab omni loquutione purè creata. Neganda igitur est Angelis, dum essent in via, euidentia in attestante, solaque illis concedenda est fides, qua, & per quam, & formaliter, & causaliter mereri possent, sicut nos meremur. Quo corrumpit omne, quod deinde additur in obiectione circa actus aliarum virtutum, quorum alioquin meritum redditur difficilioris intelligentiæ, ac dispositionis, tametsi non euacuetur re ipsa
 necessario, ut mihi quidem videtur.



Q V A E S T I O X X I V .

Verum Angeli consequuti sint gratiam, & gloriam inaequales, iuxta inaequalitatem naturae?

IDENTVR non necessario consequutos esse utramque, vel alterutram cum eiusmodi proportionem ad perfectionem naturae. Quia homines cum sint aequales in natura, inaequales nihilominus gratiae, & gloriae gradus sortiuntur, ut dictum est quæst. 13. de Deo, & nonnulli euadunt superiores Angelis quo ad utramque, ut est certissime superior, & quidem incomparabiliter, saltem Beata Virgo. Quid nō igitur idem acciderit; accidere certe potuerit etiam Angelis, ut inferiores in natura præeminerent quoad gratiam, & gloriam superioribus naturaliter, atque pares in natura fierent dispares donis gratiae, & gloriae?

2. Naturæ Angelicæ nequidem de congruo debentur absolute vlla dona supernaturalia. Cui autem nihil debetur absolute, non potest deberi plus, vel minus determinatè ex suppositione, quod ali-

aliquid absolute conferatur pure gratis. Eadem nempe proportionis ratio esse videtur quoad simpliciter, & quoad secundum quid.

3. Ut Angeli dicantur accepisse inaequaliter iuxta inaequalitatem naturae quoad ea dona supernaturalia, quae ipsis collata sunt independenter à libera eorum dispositione, & merito. Dici nihilominus non potest eam proportionem servatam esse necessario ex natura rei quoad ea etiam, quae consequuti sunt dependenter à propria libera dispositione, & merito. Quia quae liberè ab unoquoque fiunt, possunt fieri cum maiori, vel minori conatu, ut placet. Neque fieri potest, ut cui est liberum absolute velle aliquod obiectum, vel nolle, sit nihilominus necessarium, ut velit illud summo conatu absolute sibi possibili ex suppositione, quod determinetur ad volendum. Quia obiectum non necessitans ad amorem sui, non potest necessitare ad determinatam intensiorem amoris ex suppositione, quod amandum sit. Cui enim possibile est resistere totaliter, possibile etiam necessario est resistere, quantum placet.

4. Multi ex superioribus Angelis inciderunt liberè in damnationem, multis inferiorum perseverantibus libere in amore iustitiae, ideòque proVectis ad gloriam. Sicut plures homines boni in-
dolus

dolis damnantur, plures verò consequuntur gloriam superata per gratiam mala indole. Multo igitur facilius fieri potuit, vt aliqui ex superioribus Angelis operarentur segniter, licet honeste, & e conuerso nonnulli ex inferioribus operarentur feruenter, summaque cum intentione, ac proinde, vt inæquales in natura consequerentur inæqualem gloriæ gradum contraria inæqualitatis ratione, sicut contingit pluribus bonæ, & malæ indolis hominibus.

5: Si supremas inter beatos Angelus præemineret necessariò quoad gloriæ gradum necessitate fundata in excessu naturæ, posset gloriari quoad suum gloriæ excessum, quasi eum non accepisset. Possetque sibi arrogare, tanquam propriam discretionem sui ab habente minorem gloriam. Quod tamen est absurdum, & contradicit Apostolo vniuersaliter dicenti, dicenti profecto ratione vniuersali. *Quis te discernis? quid habes, quod non accepisti. Si autem accepisti, quid gloriaris quasi non acceperis?*

Art. 1. Respondetur. Dona omnia supernaturalia, tam dependentia, quam non dependentia ab vltu libertatis, & merito, distributa esse Angelis inæqualia, iuxta inæqualitatem naturalem ipsorum, & seruata iusta proportione inter naturam, & gratiam. est sententia Magistri dist. 3, §. *Ille igitur*, & D. Thomæ quest.

6a, art. 6. aliorumque ita communis ut dixerit Vasquez, neminem se vidisse, qui oppositum assereret. Sed nec asserere posteriores neoterici, nisi quod Becanus, Franciscus de Lugo, DerKennis, alijque nonnulli rem incertam pronunciant, praeunte Molina. Probat Magister. *Quia id pertinet ad sapientiam Dei, a qua moderatione cuncta ordinantem.* Probat similiter D. Thomas, *quia id videtur rationabile.* Confirmat exemplo artificis ordinantis ad honoratiorem partem dormus lapides pulchrius, & decentius aptatos. Addit quoad ea, quae dependent ex libera cuiusque dispositione, & merito, Angelos non impediri, sicut impediuntur homines mutua pugna diversarum naturarum, quod minus semper operentur iuxta omnem conatum sibi absolutè possibilem. Qui nempè perfectioribus Angelis præstantior proculdubio est possibilis.

Art. 2. Verùm quod ad primum illud attinet, Magistro, & D. Thomae commune de equitate sapientiae, ac providentiae divinae rationabilia semper sectantis, non desunt modernis illis auctoribus rationes congruentiae ad oppositum. Quia, præter rationes dubitandi iam præmissas, plurimum contulisset ad manifestationem gratiae Dei superantis dignitatem naturae, si ea conferretur vberior aliquibus inferioribus in natura. Deinde ea
ratio,

ratio, vt habeat aliquam vim persuadendi quoad ea dona, quę proueniunt ex sola libera electione diuina, quoad ea tamen, quę dependent etiam ex libera electione creata; vti dependet gloria, nihil suadere videtur. Quia electio creata potest exorbitare a dictamine sapientię Dei. nec semper elicit, quod rationabilius est. Quod verò specialiter addit D. Thomas de artifice creato, & de operatione Angeli difficultatis experte, difficultate non vacat. Quia paritas artificis creati, si quid suaderet, suaderet vtique non debuisset derelinqui a Deo in infimo inferorum loco quemquam ex Angelis naturaliter superioribus, eleuatis in supremum glorię culmen pluribus Angelis ordinum inferiorum. Quod verò Angeli fuerint expertes difficultatis in operando, id verò videtur difficillimum. Primum absolutè; tùm quia omne agens liberum, præter Deum, patitur aliquam difficultatem in deferenda altera parte contradictionis, propter motuum proprię alicuius conuenientię impellentis ad illam, quod semper adfit necesse est; tùm quia constat Angelos stantes pugnasse cum cadentibus, atque per eorum victoriam, de cuius ratione est difficultas, obtinuisse coronam glorię, vt dicitur infra quęst. 28. Idem præterea est difficile ad propositum. Quia etiam Deus, omnis licet expertus difficul-

tatis,

tatis, potest obiecta in se equalia inæqualiter, immò & idem obiectum modò plus, modò minùs amare pro libito, ex sola libertatis prerogativa, potentis se, applicare operi, non solùm cui, & quando vult, sed etiam pro vt vult, & quantum vult. Deinde duo homines pari difficultate præventi possunt inæqualiter illi cedere, plus minùs, vt libet. Ergò Angeli pari facilitate præditi possunt illa similiter. vti inæqualiter, vt placet. Apparet igitur oportere, vt eę rationes plusculum promouéantur.

Art 3. Quoad ea dona, quę non dependent, neque formaliter, neque causaliter ex libera electione suscipientis, qualia certò sunt auxilia actualia gratię præeuntia ad primum actum salutarem. Supponendum est in præsentì ex dictis quæst. 21. & 22. de Sacram. Angelos, sicut & alia quęuis agentia entitatiuè naturalia, ex suppositione eleuationis in ordinem supernaturalem, impendere, in actus supernaturales, eandem, quantum est ex se, actiuitatem, quam impenderent non eleuati in actus naturales, ac proinde conferre posse actibus supernaturalibus tantam, quantum est ex se, perfectionem, quam conferre possent actibus naturalibus. Manifestum autem est. Primo Angelos inæqualem, pro inæquali cuiusque perfectione, actiuitatem impendere posse in actus naturales, &
inæ-

inæqualem similiter perfectionem eisdem conferre. Secundo; unicuique causæ deberi ex natura rei, pro quouis statu, comprincipia sufficientia, vt possit impendere, atque reducere in actum secundum totam suam actiuitatem naturalem, vtque communicare possit effectibus totam eam perfectionem, quæ potest eisdem simpliciter ab illa conferri, quantum est ex se. Tertio: comprincipia supernaturalia, quæ iussè sufficiunt ad impendendam minorem causæ naturalis actiuitatem, conferendamque effectibus minorem, ex vi causæ naturalis, perfectionem, non sufficere pro maiori & actiuitate in causa, & perfectione in effectu. Patet istud vltimum punctum. Quia actiuitas, & perfectio correspondens causæ naturali est conserta actiuitati, & perfectioni correspondentibus comprincipio supernaturali, dum producit effectus supernaturalis, nec fieri potest, vt perfectio correspondens causæ entitati uè naturali augeatur, quin simul augeatur perfectio formaliter correspondens comprincipio supernaturali, respectu eiusdem effectus indiuisibilis à parte rei. Qui scilicet, secundum omnia sua prædicata simul crescat, aut decrescat necesse est. Ob hæc igitur omnia debentur ex natura rei comprincipia, & effectus supernaturales, saltem qui non sunt electiones liberæ. Debentur inquam inæquali-

qualia pro inaequalitate naturali substantiae, ex suppositione, quod hæc eleuetur ad finem supernaturalem.

Art. 4. Confirmatur hic discursus. Quia ob eam præcisè rationem, quæ modo ponderata est, debentur homini ex natura rei supposita eleuatione, actus supernaturales intellectus, tum deliberati, tum indeliberati, dependentes intrinsecè à phantasia compositionis. & diuisionis participes, similiterque debentur virtutes per se infusæ comprimendis passionibus idoneæ, & sic de cæteris proportionaliter. Angelis verò debentur species impressæ, actus intellectus, & habitus voluntatis, oppositæ per omnia conditionis. Ergo Angelis inuicem disparibus ad eum fere modum, quo infimi Angeli sunt dispares respectu hominum, qui non nisi paulò minùs ab illis minorati sùt debentur similiter dona gratiæ inuicem disparia proportionaliter, saltem, quæ, & quatenus conferuntur independenter à merito, & libera dispositione, & ita, vt foret miraculosum, si Angelo minùs perfecto conferrentur maiora dona gratiæ preuenientis omnem liberam electionem quam Angelo perfectiori; sicut esset miraculosum si homini conferrentur eius generis auxilia, & virtutes, cuius sunt quæ conferuntur Angelo ex natura rei. Idemque dicitur de donis disparibus Angelorum substantialiter æqualium, aut paribus inaequalium.

Cir-

Art. 5. Circa ea, quæ dependent à meritis, & libera dispositione suscipientis & circa ipsos actus liberos, obseruandum est, sæpe accidere, vt causa difficultatis auocantis animum ab aliqua electione impellentisque ad eius omissionem, & illam difficilem, hanc verò reddentis facilem, nullam nihilominus ingerat specialem difficultatem aduersus intensiorem, & summum conatum actus, quo fit electio ex suppositione, quod hæc facienda sit. Qui enim dubitat ex gr. de capeßenda militia, aut scientijs comparandis, & motiua in vtramque partem perpendit anceps, aliquam eo ipso difficultatem patitur in vtriusuis partis electione; & nullam nihilominus necesse est, vt patiatur specialem indidem difficultatem aduersus summum conatum, eam in partem impendendum, quæ animo demum infederit. Quia videlicet quælibet electio efficax vnius partis, vt cuiusque remissa, æque priuat commodis oppositæ partis. Vnde illis æque contradicit electio remissa, ac intensa. Dicendum iam est, ita rem omnino habere in omnibus & quibusuis electionibus liberis Angelorum. Quia quælibet electio efficax, siue intensa siue remissa ex gr. persistendi in obedientia Dei, æque erat impossibilis cum commodis, & motiuis omnibus impellentibus ad peccandum vt per se patet. Idemque dicitur de quibusuis a-

lijs

lij electionibus eorum inuicem incompossibilibus.

Art. 6. Sed neque ex defatigatione maiori in eliciendo actu intensiori potuit in Angelis exurgere difficultas aliqua specialis aduersus summam vniuscuiusque actus intensiorem. Quia Angeli sunt libera grauamine corporis, cuius defatigatione redditur nobis specialiter difficilis summa intensio, summusque conatus operandi. Ita autem sublata difficultate ex defatigatione eo est delectabilior, ac proinde, & faciliior vnusquisque actus siue intellectus, siue voluntatis, quò intensior est. Necessè igitur fuit, vt Angeli incumberent operi meritorio summo conatu absolutè possibili respectu vniuscuiusque. Impellebat nimirum ad summum conatum maior honestas, maiorque delectatio, deuinctæ maiori intensiori actus, nullaque specialis difficultas pugnare potuit aduersus magnitudinem conatus in opere, sed solùm quoad electionem operis absolutè. Impossibile porrò est, vt qui superat difficultatem aliquam pro consequitione alicuius sui emolumenti, non velit augmentum eius maximum, si hoc obtineri possit, nulla alia speciali difficultate superata; id est, vt velit facere expensas sufficientes ad maius lucrum, simulque nolit excessum lucri, maioremque ex eodem excessu delectationem.

sed

sed velit esse contentus minori, solaque sua spontanea electione facere exclusionem maioris, nullo motivo specialiter alliciente ad hanc iacturam, seu quod magis exprimit absurditatem, ut velit pugnare contra inclinationem, & inclusionem maioris boni, & maioris inde futuræ delectationis, atque difficultatem omnem, quæ inest utriusque desertioni, superare solum, ut habeat, quod minus est, nullo propterea spectato, aut quæsito commodo speciali. Ratio evidens huius rei est. Quia nemo intendens ad malum operatur, ut dicit Philosophus, atque minus bonum comparatione maioris intra idem genus, eiusdemque prorsus rationis, est purum malum, ut ostensum est quæst. 12. de act. hum. præsertim ad 1. & 3. Necesse igitur fuit, ut Angeli elicerent actus meritorios gratiæ, & gloriæ, & dispositivos ad gratiam, summo conatu, summaque cum intentione absolute possibili respectu uniuscuiusque ac proinde inæquales iuxta inæqualitatem substantialem eorum: Omnes itaque Angeli consequuti omnia dona gratiæ, & gloriæ, tam dependentia, quam non dependentia ab actibus liberis, cum inæqualitate, & æqualitate iuste commensurata inæqualitati, & æqualitati naturali, ac substantiali cuiusque.

Ad 1. Homines in ordine etiam naturæ sortiuntur inæquales perfectiones
acci-

accidentales, licet sint in se omnes substantialiter æquales. At nihil eiusmodi accidere potest in Angelis. Ratio est, quia homo ex sua natura expositus est diversis, ac longè inter se disparibus causarum occurribus, potentium influere in ipsum, cuius oppositum convenit naturæ Angelicæ, uti ponderatum est supra q. 5. Indè fit, ut homines numero diversi evadant in ordine naturali quasi specie diversi propter accidentium disparitatem ipsis connaturalem; cum Angeli tales necessario sint accidentaliter quoad naturalia, quales sunt quoad substantiam.

Quia verò ordo gratiæ imitatur, quoad fieri potest, ordinem naturæ, mirum non est quod hominibus, licet æqualibus in natura, distribuuntur inæqualia dona gratiæ; Angelis verò æqualibus æqualia, & inæqualibus inæqualia necessario contingant. Quid quod etiam h. minibus iuxta providentiam ordinariam, distribuuntur æqualiter dona supernaturalia independentia à meritis. Quoad ea verò, quæ dependent à meritis, patet clara ratio discriminis inter homines, & Angelos ex ijs quæ nuper dicta sunt art. 6.


Ad 2. Patet satis ex toto superiori discursu. Et præterea instatur argumentum in perfectionibus naturalibus Angelorum. Licet enim Angelis non deberetur absolute, ut essent, utque haberent perfectiones aliquas naturales, nihilominus ex
sup.

suppositione, quoad existant, debentur singulis ex natura rei perfectiones naturales inæquales iuxta inæqualitatem naturæ, quidni ergo similis inæqualitas debeatur quoad supernaturalia, supposita elevatione? Illud de simpliciter. & secundum quid tenet solum cæteris omnino paribus. Non sunt autem paria; nulli factam esse, & aliquam factam esse suppositionem.

Ad 3. Fieri potest, ut adsint motiua nuicem opposita ratione quorum sit absolute liberum idem velle & nolle; & nihilominus nõ adsint motiua similiter opposita, quoad maiorem, & minorem intensiõnem actus ratione, quorum reddatur libera maior & minor applicatio virtutis ad agendum; atque ita necessario contingit in Angelis, ut dictum est supra. Vndè licet Angelis quoad plura sit liberum velle, & nolle simpliciter, atque idèd omittere, vel non omittere maiorem simul cum minori intensiõne cuiusq; actus, non tamen est liberum, ut elicitò aliquo actu, omittatur nihilominus libere aliqua eius intensiõ absolute possibilis. Eodem prorsus modo respondetur ad 4.

Ad 5. Cum Angelo non insit, iuxta dicta, specialis libertas quoad summam applicationem virtutis, summamque intensiõnem actus diuersa ab ea, qua est liber ad operandum simpliciter, eodem

indivisiſſim auxilio gratiæ confert Deus ex
 natura rei diſcrimen operantis bene ab
 operanti male, atque operantis cum
 ſumma bonitate ab operanti cum ſumma
 malitia. Non igitur habet Angelus, vt be-
 nè operetur, ex gratia, ex ſe verò, vt val-
 dè bene operetur; ſed vtrumque indi-
 viſſim eodemque modo habet ex gratia,
 ſolusque habet ex natura, vt ſiquidem
 Deus dignetur conferre alterum eo uni
 per ſuam gratiam conferat. & alterum
 per eandem gratiam. Saluatur ita-
 que vt ſonat intentio, & ſenſus
 legitimus Apoſtoli in ver-
 bis illis obiectionis,
 iuxta ſuperio-
 rem no-
 ſtram doctrinam.



QVÆSTIO XXV.

Virum Angeli sint peccabiles.

IDENTVR non esse peccabiles. Quia nullus potest esse defectus in voluntate, quin præexistat aliquis defectus in intellectu, à quo ea dirigatur in omni opere suo. At in intellectu Angelico nullus potest esse defectus vel circa finem, & media naturalia, vel circa finem, & media supernaturalia. Non quidem circa naturalia, quia ea cognoscit comprehensiuè. Neque circa supernaturalia, quia hæc cognoscuntur per fidem, cuius certitudo, ac infallibilitas est maior, quàm quæ convenit rationi naturali, vt dictum est quæst. 22. de virt. theol. eademque fides est clarior ac luminosior, quàm ratio naturalis, vt dictum est ibidem quæst. 24. Ergò in voluntate Angeli neque eleuata, neque non eleuata potest esse ullus defectus, ac proinde nec peccatum potest esse vllum.

2. Peccatum consistit in priuatione, vt dictum est quæst. 29. de act. hum. ideoque dari non potest, nisi in his, quæ sunt in potentia, vt dicit Philos. 9. metaph. tex. 19. Angeli autem non sunt entia in potentia, cum sint forme simplices, &

Incompositæ. Ergo in Anglis non potest dari peccatum.

3. Angeli ex vna parte comparantur cum substantia intellectuali corporea, sicut comparantur corpora cælestia cum sublunaribus. Ex alia vero parte, peccatum comparatur cum substantia intellectuali, sicut comparatur corruptio defectio, & mors cum substantijs corporalibus. Ergo sicut corpora cælestia sunt expertia corruptionis, nec naturaliter corrumpi possunt; ita Angeli sunt expertes peccati, nec peccare vlllo pacto possunt. Nempe repugnat conceptui peccati, ut sit supernaturaliter possibile, idest possibile auctore Deo specialiter ipsum inducente supra facultatem naturæ.

4. Peccatum est impossibile cum dilectione Dei, ac proinde cui necessario, ac inseparabiliter inest dilectio Dei, est impossibile, ut in sit peccatum aliquando. At Angelis inest necessario, ac inseparabiliter dilectio Dei, vel formaliter, vel saltem virtualiter, ut dictum est supra quæst. 20. sub initium. Ergo Angelis nullum unquam potest inesse peccatum.

5. Voluntas non potest appetere nisi bonum, vel apparens bonum, nec peccare potest appetendo verum bonum. Respectu autem Angelorum bonum apparens conuertitur cum vero bono, nec fieri potest, ut voluntati eorum proponatur

tur bonum purè apparens . Quia Angeli sunt per se incapaces falsitatis , nec in eam incidere possunt independenter à peccato , vt dictum est supra quæst. 15. versus finem . Ergò Angeli peccare non possunt .

6. Non repugnat ex suo cōceptu substantia intellectualis creata intrinsecè im-
peccabilis . Ergò datur de facto . Ergò Angeli sunt intrinsecè impeccabiles . Patet prior consequentia . Quia datur de facto omnè genus substantiarum possibile , vt ostensum est supra quæst. 1. Manifestum autem est , substantiam intellectualem creatam intrinsecè impeccabilem constituere genus quodam peculiare diuersum ab omni alio genere , iuxta notionem generis seu gradus , & classis peculiaris substantiarum traditam in eadem quæst. 1. Patet similiter posterior consequentia , Quia nulla datur de facto substantia superior , ac nobilior Angelis , vt tradit Dionys. cap. 4. de diu. nom. & alibi sæpè . Probatur antecedens , quia im-
peccabilitas coniuncta cum intellectualitate non includit in suo conceptu infinitatem perfectionis , vt patet in substantia intellectuali beata , quæ quatenus beata , est essentialiter impeccabilis . & tamen non est perfectionis infinitæ .

7. Peccabilitas Angelorum neque à priori colligi à nobis potest , neque à posteriori , Non quidem à priori , Quia .

natura Angelica, & magnitudo perfectionis eius est nobis valde ignota, ideoque vires eius, ac potestatem metiri ipse nequaquam possumus. Sed neque à posteriori. Quia quod dæmones de facto peccauerint, non arguit Angelos etiam peccare potuisse. Quia dæmones sunt spiritus terrestres vt dixere veteres nonnulli Philosophi, & ex aliqua corporis commixtione compacti, vt colligitur ex Dionysio dicente cap. 4. de div. nom. par. 4. *in dæmonibus esse favorem irrationabilem, & concupiscentiam amentem.* Quæ quidem sunt affectiones dependentes essentialiter ab organo corporeo. At Angeli sunt omninò incorporei, vt dictum est quæst. 1. Patet autem, non valere consequentiam à peccabilitate spiritus terrestris, & infecti commixtione corporis, ad peccabilitatem puri, ac impermixti spiritus. Nulla igitur ratione dici potest, Angelos esse peccabiles ex sua natura,

8. Angelus non potest peccare venialiter. Ergò neque lethaliter, ac proinde nullo modo. Patet consequentia. Quia qui non potest minus, non potest maius intrà idem genus. Antecedens, quod est D. Thomæ 1. 2. quæst. 89 art. 4. probatur. Quia peccatum veniale consistit in privatione rectitudinis circa medium absque privatione rectitudinis circa finem, in qua posteriori privatione consistit peccatum læthale. In voluntate

te autem Angeli non potest dari priuatio rectitudinis circa medium absque priuatione rectitudinis circa finem. Quia intellectus Angeli, cum non sit discursiuus, ut dictum est supra quæst. 15. nequit cognoscere, sicut nos possumus, diuersis seorsim cognitionibus conclusiones, & principia conclusionum, sed necessario fertur indiuisim ad vnamquamque conclusionem sub suo principio. Ergo similiter voluntas Angeli nequit versari circa medium, quin simul ac indiuisim versetur circa finem, ac proinde nequit deuiare à rectitudine circa medium, quin simul, ac indiuisim deuiet à rectitudine circa finem. Patet hæc consequentia, quæ est D. Thomæ in eodem loco. Quia sicut se habent principia, & conclusiones respectu intellectus, ita se habent media, & fines respectu voluntatis. Vnde non potest cuiusquam voluntas aliter versari circa hæc, quam versetur intellectus eiusdem circa illa.

Art. 1. Respondetur. Certum est ex fide aliquos ex Angelis peccasse de facto, ut liquet ex illo Iob. 4. *Ecce qui seruiunt ei non sunt stabiles, & in Angelis suis reperit prauitatem* Quanto magis, qui habitant domos luteas &c. & epist. 1. Io. 8. 3. *Diabolus ab initio peccat, & Ioan. 8. Mendax est, & pater mendacij, ille homicida erat ab initio, & epist. Cath. Iudæ Apolloli vers 6. Angelos vero qui non seruauerunt suum prin-*

*cipatum sed delinquerunt suum domicilium in
 iudicium magnitudo vinculis æternis sub ca-
 ligine reſervantur. Quia verò, qui peccave-
 runt, fuerunt eiufdem naturæ cum ijs,
 qui permanferunt in accepta iuſtitia, cõ-
 cluditur, iſtos etiã peccare ſimiliter po-
 tuiſſe, Vnde Auguſt. lib. 3. contra Max.
 cap. 12. Et omnes, ait, qui non peccaverunt,
 peccare poterunt. E conuerſo quia aliqui
 Angeli peribiterunt ſemper immunes à
 peccato, vt infra dicitur colligitur ſimi-
 liter eos, qui ceciderunt potuiſſe ſtare,
 & permanere innocentes, ac proinde
 non natura, ſed libera electione eſſe
 malos, vti contra Manicheos, & Pri-
 ſcillianiſtas definitur in cap. firmiter de
 ſumma Trinitate ex Concil. Later. ſub In-
 nocentio III. atque alibi non ſemel do-
 ceturque luculenter ab antiquis Sanctis
 PP. maximè verò ab Auguſt. in libris de
 natura boni contra Manicheos, præſer-
 tim cap. 32 & 33. atque alibi perſepè, fu-
 ſè, & efficaciter, & colligitur, ex illo
 Genef. 1. ſine: Viditque Deus cuncta quæ fe-
 cerat, & erant valde bona. Vtramque
 partem de poteſtate bonorum ad iniqui-
 tatem, & malorum ad innocentiam ſta-
 bilem complectitur inter alios Gelafius
 Papa in diſput. contra Pelagium. Vnde
 ergo beati Angeli de perceptis grati piæ deu-
 tionis officio, & non ſeipſos, ſed potius ipſum
 præferendo conuenienter auctorem eã eius per-
 petuitatem proſicere, pronebique merentur in-
 de*

de illi, qui reprobis sunt de perceptis ingratis; debitumque negantes retracti sunt. Sin iliter Gregorius hom 7 in ezech Natura, ait, Angelica, quando creata est, liberum accepit arbitrium, utrum vellet in humilitate persistere, & in Omnipotentis Dei conceptu permanere; an ad superbiam laberetur, & à beatitudine caderet. Sed quia cadentibus alijs Sancti Angeli in sua beatitudine persistenterunt, hoc acceperunt in munere, ut iam cadere omnino non possent. Augustinus denique lib. 2. de Civit. cap. 9. ante med. loque, ait, sunt isti ab illorum societate discereri quod hi in eadem voluntate bona manserant, illi ab ea deficiendo mutati sunt, mala scilicet voluntate, hoc ipso quod à bono defecerant, à quo non defecissent si utique voluissent.

Art. 2. Superest videndum, an Angelis ex sua natura secundum se præcisè considerata insit peccabilitas proxima, ut peccare potuissent, tametsi in status puræ naturæ relictis fuissent; an verò ratione solius elevationis in finem supernaturalem visionis Dei immediatæ redditis sint proximè peccabiles. Et quidem ex elevatione ad finem supernaturalem subortas esse peculiare aliquas difficultates aduersus perseverantiam in accepta iustitia, adeoque speciales inde emanasse occasiones peccandi, dubitari minimè potest. Quia ratione eius elevationis debentur opera supernaturalia fidei, spei, & charitatis, aliarumque virtutum, quæ

sunt specialiter ardua, nec præstari possunt, nisi superatis grauibz difficultatibus, quæ ab illis specialiter retrahunt debilitatem naturæ, ægè assurgentis ad tam sublimem operandi modum, & vsque adeò dissidentem à modo connaturali operandi. Cæterum adduci nullatenus possum, vt assentia Martini, Sancto Thomæ dicenti cum nonnullis alijs sui præsertim ordinis Theologis, Angelos potuisse quidem peccare de facto, quia eleuati sunt in finem super naturalem; si tamen in statu puræ naturæ creati, ac deinde relictī fuissent, fore, vt peccare minimè vnquam potuissent. Multa nimirum sunt, quæ me vehementer retrahunt ab ea sententiā, atque efficaciter persuadent, Angelos non minùs, si non & multò magis fore peccabiles, atque expositos periculo peccandi, si relictī fuissent in statu puræ nature, quàm fuerint de facto in statu eleuationis. Sed suffecerit pauca breuiter indicare.

Art. 3. Primum est, quia prouidentia Dei quatenùs supernaturalis non est minùs perfecta, minusue benigna, ac liberalis, quàm foret, quatenùs purè naturalis. Qua propter non minùs sufficientia, minusue proportionata confert media, & auxilia in ordine ad finem supernaturalem, quàm exhibitura foret in ordine ad finem purè naturalem. Immo quia ordo supernaturalis est ordo gratiæ, & pro,

profusæ liberalitatis, exuberantis ultra
 limites naturæ & ordo verò naturalis est
 ordo iustitiæ commensuratus dignitati,
 & viribus natu. æ; videri meritò potest,
 ac debet profusius subuentum de facto
 esse imbecillitati naturæ Angelicæ in
 ordine ad obedientiam præceptorum
 supernaturalium, quàm subuentum fuisset
 in ordine ad obseruantiam folius legis
 naturalis, seruata de reliquo proportio-
 ne qualitatis auxiliõrum. Deindè eleua-
 tio ad finem supernaturalem fuit maxi-
 mum quoddam, & specialiter gratiosum
 beneficium Dei. Quale tamen certissi-
 mè non foret, nec ab vllò prudenter eli-
 gibile, si potestas peccandi ita fuisset de-
 uincta eleuationi, vt absque eadem po-
 testate, ac proinde absque vllò amitten-
 di periculo possidendus æternũ fuisset
 finis vltimus naturalis, bonum profecto
 minimè contemnendum absolute. Quod
 proinde consideratione sui reddit istam
 rationem satis ponderosam, tanret si non
 omninò forassis conuincat. Præterea
 opinio contraria non satis cohæret cum
 alia auctorum eius, aliorumque Theolo-
 gorum doctrina, deducta ex sacris litte-
 ris, & PP. quæ statuit, vt paulò post di-
 cetur, quamlibet substantiam pure crea-
 ram, libertate præditam, esse peccabi-
 lem ex natura sua, perque solam gra-
 tiam reddi posse impeccabilem, quæ sunt
 verba ipsius Sancti Thomæ disp. 23. art.

2. concl. 1. Sequeretur nāque ē con-
 uerso possibilem esse, darique de facto
 substantiam libertate præditam, impec-
 cabilem ex sua natura, seu sibi relictam,
 solumque peccabilem ratione gratiæ su-
 pernaturalis sibi diuinius concessæ, ita
 ut ea negata eo ipso abesset proxima
 peccandi potestas, quidquid sit de reli-
 quo, seu de modo, quo gratia requiritur,
 ut Angelus peccare proximè possit. Id
 nimirum unicuique conuenit, & dicitur
 absolutè conuenire ex sua natura, quod
 conuenit necessariò in statu puræ naturæ,
 idest in statu nihil superaddente vitra
 ea, quæ fert ex se natura vniuscuiusque.
 Quarto, omnes consentiunt, Adamum
 de facto in statu iustitiæ originalis facio-
 lius conseruare potuisse innocentiam,
 quam potuisset in statu puræ naturæ.
 Quid ni idem existimemus de Angelis,
 non minùs, sed magis dilectis à Deo an-
 te peccatum, & quibus nullum adesset
 bonum compensatiuum proportionaliter
 eiusdem defectus? Quinto, in statu eleua-
 tionis non sunt possibile actus, nisi affi-
 nes actibus possibilibus in statu puræ na-
 turæ, uti suppositum est iterum ex dictis
 quæst. 20. & 21. de Sacram. Nihil au-
 tem est minùs affine alteri, quam pecca-
 tum innocentie, & quam peccabilitas
 impeccabilitati. Impossibile igitur est,
 ut per eleuationem substituatur pecca-
 bilitas impeccabilitati, & quod eodem

recidit possibilitas peccati necessitati innocentiae.

Art 4. Illud postremò est attentandum consideratione, Sanctos PP. communiter docere omnem substantiam intellectualem creatam esse peccabilem, quia ex nihilo est, ut videre licet apud Suarez lib. 7. cap. 3. & apparet inter alios ex August. lib. 2. de ciuit. cap. 6. sine ubi sic habet. *Qui ergò dicit eum, qui consensit tentanti. Ecce, quærat, cur eam (malam voluntatem) fecerit. Vtrum quia natura est, an quia ex nihilo facta est: & inueniet voluntatem malam non ex eo esse incipere, quia natura est, sed ex eo, quod de nihilo natura facta est.* Et iterum cap 7. sine, post illud Psal. 18. *Delicta quis intelligit? Hoc scio, naturam diuinam nunquam, nusquam nulla ex parte posse deficere. & ea posse deficere, quæ ex nihilo facta sunt.* Natura autem pura tam est ex nihilo, quam eleuata, immò magis recedit à nihilo per eleuationem, quam per purum esse naturale. Impossibile igitur est, ut natura, quæ sibi relicta in statu præcisè naturali non est proximè peccabilis reddatur nihilominus peccabilis proximè ratione eleuationis, seu dum eleuata est; immò est impossibile ut non sit minùs peccabilis, dum eleuata est, quàm foret absque eleuatione. Quam in rem expedit audire verba Augustini, quæ annectit immediatè verbis postremò relatis ex eodem m.

Quæ

Qua tamen quanta magis sunt, & bona faciunt. Tunc enim aliquid faciunt cum causas habent efficientes. In quantum autem deficiunt, & ex hoc mala faciunt, quid enim tunc faciunt, nisi vana? causas habent deficientes. Cum ergo natura eleuata, ex hoc ipso magis sit, quam natura non eleuata, siquidem eleuatio sit superaddita actualitate donorum supernaturalium. Quorum solum defectum superaddit sibi natura, quatenus pura, consequens praesentia est ex mente Augustini, quae aliorum quoque PP. communis, naturam eleuatam hoc ipso esse magis idoneam ad faciendum bonum, & ad non deficiendum; naturam vero puram e conuerso. Quae quidem omnia talia sunt, quibus praestaret assentiri, tamen si occurreret in contrarium aliquid minoris soliditatis, & maiorum tamen tricarum, quae expedire, aut omnino ab aliquo non possent, aut non usque adeo dilucide possent. Quid ni quando nihil tale occurrit, ut apparebit ex solutione argumentorum?

Art. 5. Dicendum itaque est absolute, omnem substantiam pure creatam ratione, aut intellectu praeditam, esse peccabilem, siue sit, siue non sit eleuata a Deo in finem supernaturalem. Unde & natura Angelica talis dicenda est. Augustinus lib. 27. contra Faustum cap. 28. discreuit causam Angelorum quo ad hoc punctum a causa communi substantiarum.

omnium possibilium. Cum enim præ-
 misisset: Si nihil delectaret illicitum, nemo
 peccaret, subiungit: *Verum autem sit aliqua
 rationalis creatura quam nihil illi citum pos-
 sit delectare, magna questio est.* Ac demum
 concludit: *Quid si est, non in eo genere
 factus est homo, nec illa natura Angelica
 quæ in veritate non stetit; sed in eo genere
 ista rationalia facta sunt, ut inesset eis possi-
 bilitas fruendi delectationem ab illicito,
 quam non fruendo peccauerunt.* Placuit
 nihilominus vniuersaliter complecti om-
 nem substantiam creatam, & creabilem;
 tum quia hic locus est opportunus diri-
 mendæ eius vniuersalis quæstionis, tum
 maximè, quia nulla occurrit ratio circa
 Angelos, quæ non sit communis omni
 substantiæ creabili, atque oportet ad-
 iungere rationem auctoritati, quæ
 sola vti voluit eo in loco Augustinus. Sed
 neque desunt auctoritates, quæ eidem
 vniuersalitati suffragentur. Primum enim
 illud Apostoli. 1. ad Timoth. 6. *Qui so-
 lus habet immortalitatem*, accipitur com-
 munitè de immortalitate prout oppo-
 nitur, non solum morti naturali, sed
 etiam morti peccati, ut liquet inter alios
 ex ista illatione Ambr. lib. 2. de Fide,
 cap. 3. ubi præmissis istis verbis Apostoli
 concludit *Ergo corruptionis, & mortis,
 etiam si non moriatur, aut peccet, capax est
 omnis creatura.* Eadem interpretatio ha-
 betur apud August. lib. 3. contra Max.
 cap.

cap. 1. Et cuiusque, ait, creatura rationali præstatur ut peccare non possit non est hoc natura propria, sed Dei gratia. Eodem pertinet ex mente Hieronymi epist. 146. & August. in prædicto libro cap. 73. illud Psalmi 142. Non iustificabitur in conspectu tuo omnis vivens; & illud Lucæ 18. Nemo bonus nisi solus Deus. Præterea D. Gregorius lib. 5. moral. cap. 27. rationem peccabilitatis Angelorum reducit in conceptum communem creatoræ, dicens: *Natura Angelica etiam si contemplationi auctoris sui inhaerendo, in statu immutabiliter permanet, eo tamen ipso quo creatura est in semetipsa vicissitudinem mutabilitatis habet.* Cuiusmodi quamplura frequenter occurrunt apud alios etiam Sanctos PP. Accedit D. Thomam tum in hac quæst. 63. ar. 1. tum 3. contra gent. cap. 108. atque alibi sæpe solam adhibere tanquam præcipuam rationem peccabilitatis Angelorum, quæ æquè convincit de qualibet alia substantia creabili, nempe quia nulla alia voluntas præter divinam est regula sui actus. Idemque apparet in omnibus alijs rationibus, quibus utuntur in euni scopum cæteri Theologi, ut videre licet apud Suarez lib. 3. cap. 7. lib. 5. cap. 1. & 2. & lib. 7. cap. 3. ubi congerit, & promouet accuratè omnium aliorum argumenta.

Art. 6. Ratio autem legitima est? Quia sola visio immediata Dei, eiusdemque

que summi, & puri boni, vt est in se,
 potest inflexibiliter stabilire voluntatem
 in amore prælatiuo Dei respectu rerum
 omnium creatarum, inque earumdem
 contemptu comparatione Dei. Omnis
 namque alia cognitio Dei, siue superna-
 turalis per fidem, siue naturalis per spe-
 cies solas rerum creatarum, est ænigma-
 tica, & repræsentat Deum ad modum
 rei creatæ, ac proinde Deus quatenus
 propositus voluntati per eiusmodi cogni-
 tionem, mouet eandem voluntatem ad
 instar rei creatæ, atque voluntas com-
 paratur cum Deo, quatenus sic proposito
 sibi, ad eum modum, quo comparatur
 cum bonitate creatæ. Quia modus amo-
 ris, & modus mouendi conueniens vni-
 cuique bonitati sequitur modum cogni-
 tionis, qua proponitur voluntati, vtpote
 essentialiter subordinatę in sua operatio-
 ne operationi præuię intellectus. Pro-
 num autem est confundere illa, quorum
 alterum ad modum alterius, & cogno-
 scitur, & amatur, atque vtrumlibet alte-
 ri, & præponi, & postponi pro libito po-
 test, quandocunque contigerit vtraque
 esse, vel apparere inuicem impossibi-
 lia, & quatenus vel quoad substantiam,
 vel quoad modum contigerit apparere
 impossibilia mutuo. Cum ergo, nec
 Angelis, nec vlli alij substantiæ creatæ
 sit connaturalis visio Dei, vti suppositum
 est sæpius ex quæst. 10. de Deo, atque
 cuili-

cuiuslibet substantiæ creatæ sint connaturalia bona aliqua creata diligibilia, quantum est ex se, & moderate, & immoderate, seu cum subordinatione, & absque subordinatione ad Deum, quæ quatenus diligibilia immoderate, & absque subordinatione ad Deum sunt impossibilia cum amore debito ipsi Deo; concluditur neque Angelos, neque ullam aliam substantiam creatam, aut creabilem impeccabilem esse posse ex sua natura, neque ad impeccabilitatem totalem, & omnino perfectam peruenire posse quousque pervenerit ad visionem Dei immediatam. Quæ ratio urgebitur amplius in quaestione proximè sequenti, ubi etiam apparebit, unde, & quousque conveniat Angelis possibilitas peccandi, tum physica tantum, tum etiam moralis, seu facile reducibilis in actum.

Art. 7. Interim ex hoc discursu comprehenditur quo pacto modificandæ sint communes Sanctorum PP. ac D. Thomæ probationes de peccabilitate Angelorum, aliarumque quarumlibet substantiarum creabilium, præditarum intellectus, & voluntate; nempe quod sint ex nihilo, & quod earum voluntas non sit regula sui actus. Et quidem perspicuum est, rationes istas indigere modificatione, ac limitatione aliqua. Quia beati, ex quo beati sunt, impeccabiles omnino sunt, & tamen sunt ex nihilo etiam in sensu composito.

posito beatitudinis, ipsa quoniam etiam beatitudo illis intrinsece inhærens est similiter ex nihilo, nec voluntas beatificata, propterea est prima regula sui actus. Modificatio igitur earum probationum, quam utique subintelligunt præfati profundissimi ipsarum auctores, in hoc consistit, quod voluntas, quæ est ex nihilo, ideoque non est regula sui actus, est peccabilis ex sua natura, & eo usque peccabilis perseverat, quousque non traducitur, donante Deo per gratiam suam, ad perfectam coniunctionem cum ipso Deo, qui est purus actus summè ac infinitè oppositus nihilo, simulque est regula omnis voluntatis. id eoque impedit omnes effectus nocivos nihilitatis, omnemque remouet operandi obliquitatem ab eo, cui perfectè coniungitur, ut est in se ipso, eundemque propterea reddit simillimum sibi in modo essendi, ac operandi iuxta illud: *cum apparuerit similes illi erimus.* Patet itaque, tam Angelos, quam alias quaslibet substantias creabiles rationis, seu intellectus participes esse peccabiles ex sua natura, nec à peccandi possibilitate, & contingentia liberari perfectè, ac totaliter posse, dum peregrinantur à Domino, seu nondum potiuntur visione eius immediata.

Ad 1. Duplex est considerandus defectus in intellectu, alius erroris, seu falsitatis, quo attribuit obiecto aliquid, quod
re ipsa

re ipsa illi non conuenit, vel ab eo remo-
uet, quod conuenit re ipsa, Alius defe-
ctus est solius ignorantiae, seu inadæqua-
tæ. & insuper alienæ, ac impropriæ co-
gnitionis, ratione cuius obiectum repre-
sentatur aliter, ac est in se, & ad modum
alterius, atque cum quodam confusionis
genere respectu aliorum. Vterlibet ex
his defectibus sufficit ad peccandū. Quia
sub utrolibet cognitionis genere bonitas
objecti mouet voluntatem, non vt est in
se, & secundum totam vim motiuam,
conuenientem sibi absolute, sed ad mo-
dum alterius à se distincti, atque ab ip-
so plurimum dissidentis re ipsa. Qua-
propter voluntas sub utrolibet cognitio-
nis genere potest aberrare à legitimo, ac
debito absolute amoris modo circa obie-
ctum cognitum imperfectè ac defectuo-
sè utrolibet ex prædictis deficiendi mo-
dis. Cum igitur Angelus, tam per fidem,
quam per cognitionem naturalem cogno-
gnoscat Deum defectuosè posteriori de-
ficiendi modo, quatenus per utramque
ipsum cognoscit ad modum creaturari,
patet Angelum peccare posse per actum
voluntatis comparatiuum Dei cum crea-
turis, tametsi motiua omnia creata co-
gnoscat comprehensiuè. Nempe, vt defi-
ciat voluntas in amore comparatiuo duo-
rum obiectorum inter se non necesse est,
vt cognitio præuia sit defectuosa circa
vtrumque comparisonis extremum, sed
suf-

sufficit eue defectuosam modo explicato circa alterutrum. Hæc responsio colligitur ex D. Thoma quæst. 16. de malo art. 2. ad 5. vbi sic de peccabilitate demonis pronunciat: *In his, quæ ad naturalem cognitionem pertinent, non errat ut existimet, aliquid falsum esse verum sed cum Deû propter infirmitatem eius. apprehendere non possit, nihil prohibet, quod intellectus eius defecerit in apprehendendo sufficienter ordinem diuini regiminis, & ex hoc consequens est peccatum in eius voluntate* Cuius doctrine substructionem, quæ habetur tustius ibidem in cæ exponemus distinctius quæst. 27. vbi etiam apparebit D. Thomam nunquã restrinxisse peccabilitatem Angelorum ad statum eleuationis, licet de eo maior cum expressione loquatur in hac quæst. 63. art. 1. atque alibi non semel, quatenus hic solus status datus de facto est. ideoque expediebat ipsum expressius cõsiderare. Ceteræ rationes, quibus probat & modi, quibus exponit potentiam Angelicam peccandi, sunt communes statui puræ naturæ, & eleuationis vt innotuit supra art. 5. sine, innotescit magis in dicta quæst. 27.

Ad 2. Licet Angelus non sit in potentia quoad sũum esse naturale, ideoque pati non possit priuationem formæ per quam natura eius est, ac subsistit; est tamen in potentia quoad actus intentionales, per quos potest ferri in hæc vel illa obie.

obiecta, & hoc vel illo modo, prout eligere libet, & secundum hoc potest pati priuationem, tum aliorum actuum, tum etiam actus, & rectitudinis debitæ.

Ad 3. iam iterum notatum est supra, non esse omninò certum, corpora cælestia non posse pati corruptionem secundum partes. Vnde obiectio laborat falsa suppositione, quatenus supponit tanquam indubitatam oppositam incorruptibilitatem. Deinde corpora cælestia, sicut, & alia agentia pure naturalia non habent actionem præterquam purè naturalem, quæ procedit ex solo appetitu innato, id est, vti alibi expositum est cum D. Thom. ex sola directione sapientiæ diuinæ, ideoque pati non possunt malum inordinationis in vlla sua operatione. At substantiæ intellectuales, præter operationem naturalem, ac necessariam, secundum quam, similiter sunt incapaces deordinationis, habent operationes electiuas, & liberas, quæ procedunt ex directione propriæ cognitionis, quæ est imperfecta, ac defectuosa circa Deum, vt dictum est. Propterea in eiusmodi operationibus potest accidere malum deordinationis relatè ad Deum voluntatemque diuinam, atque in hac deordinatione consistit mors spiritualis. Patet itaque comparationem obiectiois non esse adequatà sed deficere ex parte alterius extremi, nempe ex parte substantiarum intellectualium, quæ-

tenus in eis solas considerat operationes naturales, seu necessarias ratione quarum conueniunt cum corporibus cælestibus, omittit vero electiones liberas, ratione quarum differunt ab eisdem. Non igitur tenet similitudo quoad omnia, & præsertim quoad punctum de quo agitur.

Ad 4. Dilectio Dei, quæ Angelo necessario inest non est amicabile, volens conformitatem suam cum eius voluntate, sed solum concupiscentialiter tendit ad ipsum præcisè, ut ad principium dñs sibi esse. Quæ dilectio non est incompossibilis cum peccato.

Ad 5. Voluntas potest appetere bonum perfectè, & adæquatè, tum etiam imperfectè, & inadæquatè apparens, ut patet in appetitione quavis creatæ circa Deum, & circa alia quatenus referuntur ad Deum, & ad diuinam voluntatem, atque ordinem sapientiæ eius. Sufficit autem ad peccandum imperfectio, & inadæquatio cognitionis, nec præcisè requiritur falsitas, per quam putetur, verum esse, quod falsum est, ut dictum est supra. Transmisso igitur Angelos ante peccatum falli in nulla re posse, siue natural, siue etiam supernaturali, negatur consequentia de impeccabilitate eorum. Quia nihilominus possunt habere cognitionem imperfectam, & defectuosam ex inadæquatione, ratione cuius non correspondet totaliter obiecto, ut est in se, ideoque

que fieri deinde potest, ut voluntas feratur in obiectum modo. qui ipsi non congruit, quo modo tendendi continetur peccata.

Ad 6. Vtrique consequentia probatur sufficienter in obiectione. Sed antecedens est falsum, ut patet ex dictis. Ad probationem, negatur rursus impeccabilitatem substantialem, ac essentialem, coniunctam cum intellectualitate non includere in suo conceptu infinitatem perfectionis. Quia includit in suo conceptu potentiam connaturalem comprehendendi Deum, vel saltem videndi ipsum immediate, ut est in se. Huiusmodi autem potentia connaturalis includit in suo conceptu infinitatem perfectionis, ut ostensum est in loco superius indicato. Iam vero substantia creata quæ de facto est beata quatenus talis, ultra omnia sibi connaturalia includit lumen gloriæ supernaturale respectu sui. Quod licet nec ipsum sit infinite perfectum, esset tamen infinite perfectionis identitas, tum eiusdem luminis, tum exigentiæ innatæ, ratione cuius ipsum connaturaliter deberetur, cum aliqua substantia; sicut intellectio ex suo conceptu vniuersali non est infinita perfectio, & tamen identitas eius cum intelligente, ex suo conceptu, est infinita perfectio. Vnde in huiusmodi paritatibus ex collectione distinctorum ad identitatem earundem arguitur.

tur, sicut ex distributio ad collectum; ideoque ratio paritatis, & consequentiæ euadit nulla.

Ad 7 Peccabilitas Angelorum innotuit iam supra, & a priori, & a posteriori. Ad rationes in contrarium, quod ad primam attinet de ratione a priori. Quæ sunt Angelis communia cum omni ente creato, eisdemque conueniunt ratione limitationis, & imperfectionis, atque productionis ex nihilo, possunt cognosci a priori. Quia eatenus non transcendunt capacitatem nostri intellectus, nec naturas alias, quarum proprietates possumus cognoscere a priori. Innotuit autem supra, peccabilitatem Angelorum esse prædicatum eius generis, nec esse formaliter perfectionem capacitatis nostræ superioris, sed esse puram formaliter imperfectionem fundatam in alia notissima, & pluribus rationibus manifesta imperfectione. Quoad alteram rationem de probatione a posteriori, ostensum iam est superius, & dicitur iterum infra, Angelos, qui peccauerunt, seu dæmones esse eiusdem naturæ cum Angelis sanctis. Vnde quod dicitur ex Philosophis de terrestritate eorum, & commixtione corporis est fabulosum, & subortum ex delusione phantasie obseruata supra quæst. 1. initio. Iam Dionysius adscribit dæmonibus furorem, & concupiscentiam per metaphoram, ut dicit D. Thomas quæst. 59. art. 1. ad 1. ad
T cum

eum modum quo in sacris litteris tribuitur Deo ira, aliæque affectiones humanae, & corporales.

Art. 1. Ad 8. Transmisso in primis antecedenti, quod præterquam est Divi Thomæ, redditur valde probabile ratione eius, quæ ibi proposita est; negatur consequentia, quam Der-Kennis, & nonnulli alij perperam putant esse evidentissimam. Ad eius probationem. Qui non potest minus, nec potest maius intra idem genus, si respectu ipsius sit separabile, minus à maiori; secus verò si sit inseparabile. Hac ratione Deus potest iudicare certò, & tamen non potest iudicare probabiliter, nec potest puram aliquam simplicem apprehensionem habere. Similiter agens liberum potest peccare offendendo Deum simul, & proximum, & tamen non potest peccare offendendo solù proximum, & sic de similibus. Ratio autem obiectionis contendit, respectu Angeli esse inseparabilem deordinationem circa medium, in qua consistit ratio peccati venialis, à deordinatione circa finem in qua consistit ratio peccati lethalis. Còtendit verò argumento maximæ apparentiæ, quod vsque adeò dilucidè propositum à D. Thoma, mirum est, aliquos auctores, nec legitimè adæquatè referre, aut satis ad ipsum advertere potuisse.

Art. 2. Videtur deinde negari nihilominus posse antecedens, cum Suarez lib. 3. cap. 8.

3. cap 8. & alijs pluribus, nec eius probationem esse omnino conuincentem. Verissimum namque est, finem ita se habere in appetibilibus, & operatiuis, sicut se habet principium in demonstrabilibus, atque voluntatem subordinari intellectui in actu suo. Sed falsum est, voluntatem ita comparari quoad omnia respectu mediorum, & finis, sicut se habet intellectus respectu conclusionum, & principij indemonstrabilis, atque voluntatem ita ferri ad suum obiectum, sicut intellectus fertur ad idem obiectum per actum, quo ipsum proponit voluntati. Intellectus enim cum sit potentia necessaria necesse est, vt dum cognoscit aliquid, cognoscat illud relatè ad omnia, ad quæ referibile est, seu cum quibus intrinsecè connectitur ratione suæ perfectionis peculiaris, siquidem perfectè, & comprehensiuè cognoscat, vt cognoscit Angelus motiua peccandi, quæ sunt naturalia. At voluntas è conuerso, quia est potentia libera, potest ferri ad eligibilia, quin ea referat ad omnes fines, ad quos sunt referibilia ex sua natura, tametsi præcognoscantur esse taliter referibilia. Quia videlicet potest repræsentari aliqua ratio bonitatis in eligibili secundum se, aut relatè ad aliquem finem determinatum, quin simul repræsentetur similis ratio bonitatis in relatione ad alium finem, immo etiam repræsentata simul aliqua ratione

peculiaris malitiæ in eadem ad alium finem relatione. Vnde fit, voluntatē sæpe aliter ferri ad suum obiectum, quàm feratur ad ipsum actus intellectus, quo proponitur eidem voluntati. Hac de causa omnes concedunt posse à voluntate amarisatione sui, quod intellectus cognoscit ratione alterius. Nec enim dubitatur, vt non diffundat in alia plura, Deum diligere immediatè, & ratione sui per charitatem etiam in via, tametsi præcognoscatur mediatè, & ratione alterius per ænigmata creaturarum, dum sumus in via.

Art. 3. Hoc igitur prænotato discrimine inter voluntatem, & intellectum, atque manifestato voluntatem nõ necessariò ferri ad obiectum, sicut fertur in intellectus, sed solum sicut intellectus representat, illud esse appetibile, & deberi, aut posse appeti, non videtur difficile satisfacere ponderationi obiectionis. Fatemur enim Angelum cognoscere indiuisim vnamquamque conclusionem simul cum suo principio, & prout subest eidem. At negamus voluntatem simili necessitate ferri itidem indiuisim ad vnũ quodque eligibile, & ad omnem finem, ad quem illud est referibile cum subordinatione actuali, ac voluntaria ad ipsum. Itaque licet mendacium exemp. gratia aut iocus possint referri ad contemptum Dei, atque ad hominis damnationem æteram.

æternam, atque hoc modo velit dæmon
de facto quæcunque obiecta mala de se
leuia, ideoque circa eiusmodi obiecta
semper lethalter peccet, vt obseruat D.
Thomas in dicta quæst. 89. art. 4. ad 3.
nec non quæst. 7. de malo art 9. ad 4. Id
tamen non prouenit necessario ex natura
eius secundum se, sed ex præuia obstina-
tione in auersione à Deo. Nempe ex na-
tura rei non repugnat, vt Angelus velit
aliquid de se leuiter, ac venialiter ma-
lum, hæc coniunctim duplici de causa.
Quia scilicet est delectabile, aut vtile
aliquaqualiter respectu sui, simulquæ tale
est, vt non auertat totaliter à Deo, nec
inducat amissionem veri vltimi finis. Hæc
enim duo, cum sibi inuicem nullatenus
repugnent, sed sint omnino compossi-
bilia, atque vt talia possint ab Angelo præ-
cognosci, sicut cognoscuntur à nobis;
possunt vtique simultaneè terminare actû
electionis Angelicæ.

Art. 4. Eo autem ipso datus erit defe-
ctus, & priuatio rectitudinis circa me-
dium absque defectu, & priuatione re-
ctitudinis circa verum vltimum finem.
Datum igitur erit peccatum tantummo-
do veniale, non quidem ex surreptione,
quam constat repugnare Angelo, idque
probatur concludenter in obiectione,
sed ex paruitate materiæ non vitiata
grauiter ex fine lethalter peccaminoso;
aut ex contemptu veri vltimi finis, Quod

nullatenus ibidem conuincitur repugna-
 re Angelo. Potest igitur Angelus, quan-
 tum est ex sua natura peccare venialiter,
 & ita fortasse de facto peccauit, quicun-
 que peccauit lethaliter, pro prioris natu-
 re antequam lethaliter peccaret; nem-
 pe ratione diuersionis ad obiecta, quo-
 rum considerationi, & omissioni consi-
 derationis aliorum obiectorum suberat
 periculum speciale peccandi, deinde le-
 thaliter, iuxta ea, quæ dicentur in
 quaestione sequenti inter expec-
 tendum potentiam mora-
 lem Angelorum ad
 peccandum pro
 secundo in-
 stanti,
 eiusdemque potentie defectum
 pro primo instanti.



Q V A E S T I O X X V I.

*Utrum Angeli potuerint peccare pro
primo suae existentiae instanti ?*

IDENTVR potuisse pec-
care 1. Quia potuerunt pec-
care post primum instans.
Ergo potuerunt etiam pec-
care pro primo instanti. Pa-
tet consequentia, quia Angeli non pro-
ficiunt, aut deficiunt temporis progressu,
sicut homines, sed cum primum existunt,
consequuntur plenitudinem totius suae
perfectionis, & actiuitatis tum substan-
tialis, tum accidentalis. Ergo in primo,
& in reliquis instantibus habent ex natu-
ra rei æqualem ad omnia habilitatem, &
& potentiam.

2. Angeli potuerunt bene, & laudabi-
liter, atque meritoriè operari pro pri-
mo instanti; siquidem acceperunt gratiã
sanctificantem pro primo instanti depen-
denter à propria cuiusque dispositione
libera, ac morali, vt dictum est supra. Er-
go potuerunt etiam peccare pro eodem
instanti. Patet consequentia, quia actus
bonus, & meritorius est maius opus, ma-
gisque arduum, quam peccatum, & qui
potest plus, & quando potest, potest, &
& minus.

3. Si Angeli peccarent in primo instanti, non propterea peccatum eorum tribueretur Deo, tanquam auctori potius, quam peccatum secundi instantis. Quia pro utrovis instanti æque proveniret peccatum ex defectuosa Angeli voluntate libere deflectente a Deo ad creaturam, & non ex determinatione Dei sicut claudicatio tribuitur curuitati tibie, & non virtuti eius ambulantiæ, siue claudicet pro primo suæ existentie instanti, siue claudicet deinceps. Nullum igitur est inconueniens, quod reddat specialiter impossibile peccatum Angelorum pro primo instanti.

4. Immo videtur, dæmones de facto peccasse pro primo instanti, ut apparet ex 1. Ioannis 3. *Ab initio diabolus peccat*, & ex verbis Christi Domini Ioan. 8. *Ille homicida erat ab initio*. Confirmatur ex Auguſtino dicente lib. 11. super Genes. ad litt. cap. 23. Angelum cecidisse, non ab his bonis, quæ acceperat, sed quæ acciperet, si peccando non obtinisset. Eodem pertinet, quod longiori discursu tradit lib. 1. eiusdem operis cap. 5. & 15. informatam creaturam non præcessisse formationem tempore, sed origine tantum, atque formationem Angelorum bonorum intelligi per lucem, quæ simul ac facta est, distincta est à tenebris, per quas intelligitur peccatum dæmonum. Ergo pro primo instanti data est discretio Angelorum

rum bonorum, & malorum per gratiā,
& per peccatum. Confirmatur rursus.
Quia si dæmones non peccassent pro pri-
mo instanti, pro eodem conuersi essent
ad Deum per dilectionem perfectam, ac
proinde nunquam deinceps peccare po-
tuisent, propter immutabilitatem natu-
ræ Angelicę in proposito semel concep-
to, de qua dicitur infra quest. 28.

Sed contra est 1. Quia operatio primi
instantis tribuitur causæ, a qua procedit
operans, vt assumit D. Th. q. 63. art. 5. &
prosequitur fustus Anselm, de casu diaboli.
cap. 12. 13 & 14. potestque confirmari ex
vulgari axioma: Qui dat formam, dat
consequentia ad formam. Causa autem,
a qua procedit Angelus, & quę dat ipsi
formam essendi, est Deus, cui repugnat,
vt tribuatur peccatum, tanquam auctori,
ad eum modum, quo claudicatio tibię,
quod est exemplum D. Thomę tribuere-
tur debilitati seminis, ex quo nascitur, si
a primo instanti claudicaret; & quo tri-
buitur artifici defectus artefacti pro pri-
mo instanti qua paritate vtitur Grana-
dos.

2. Omnis operatio libera fundatur in
aliqua operatione necessaria prius exillē-
te. Quia ex doctrina Philosophi electio
libera procedit ex præexistente intentio-
ne necessaria finis. Peccatum autem cō-
mittitur per electionem liberam. Ergo
præsupponit operationem aliam necessa-

rio existentem prius. Repugnat igitur, ut peccatum insit alicui pro primo instanti, sitque prima eius operatio.

3. Si omnes Angeli habuissent potestatem peccandi pro primo instanti, aliqui eorum de facto peccauissent pro eodem instanti. Impossibile namque est totam aliquam magnam multitudinem indifferentium ad aliquid vniformiter, nulloque excepto, vitare illud. aut amplecti, ut ostensum quæst. 5, de gratia. Nullus autem Angelorum peccauit de facto primo instanti, ut est in confesso apud omnes. Non habuere igitur Angeli potentiam peccandi pro tunc.

4. Beneficia recens accepta pollent vi maxima inducendi gratitudinem, & remouendi ingratitudinem quam in se continet, erga Deum omne peccatum, eaque vis eò est maior, quo maiora sunt beneficia, magisque recentia, & melius cognita. Cum ergo Angeli acceperint à Deo summa, & incomparabilia beneficia, eaque pro primo instanti essent summè recentia, nec deesset perfecta, ac comprehensua eorum cognitio, summa utique vi, atque omnino insuperabili induxerunt affectum gratitudinis ipsorum erga Deum, atque remouerunt contrariam inclusam in peccato ingratitudinem. ac proinde abstulerunt omnem prorsus potestatem peccandi. Quæ tamen ipsa obrepere, postea potuit, languentibus temporis decursu

cum suu stimulis gratitudinis, atque amore benefactoris in odium conuerso. propter odium operum, quæ debentur ex gratitudine, vti plerumque contingere solet, & experientia quotidiana satis superque demonstrat.

Nullus potest esse defectus in voluntate nullo præeunte defectu in intellectu, iuxta illud: Omnis peccans est ignorans. Nullus autem defectus potuit esse in intellectu Angelico pro primo instanti. Quia cognitio primi instantis non potuit provenire, vel ex libera electione ipsorum Angelorum, vel ex alijs causis secundis. Quia electio libera præsupponit necessario aliquam cognitionem, ac proinde repugnat, vt prima cognitio insit alicui ex propria electione. Sed neque aliæ causæ secundæ potuerunt inducere in Angelos eandem cognitionem; tum quia nulla causa secundā præexistit primo instanti existentie Angelorum; tum quia Angeli non dependent à causis secundis quo ad vllam suam perfectionem, vt superius dictum est; Ergo cognitio primi instantis inducta est in Angelos à Deo, cuius perfectæ sunt opera, omnisque defectus expertia, Nullus igitur defectus esse potuit in Angelica primi instantis cognitio: ne.

Art. 1. Respondetur Certum est, nullum Angelorum peccauisse de facto pro primo suæ existentie instanti. Est verò

hoc usque adeo certum, ut D. Thomas
 quæst. 62. ar. 5. recte dixerit oppositam
 sententiam tanquam erroneam rationa-
 biliter à Magistris reprobata esse, alij-
 que auctores communiter grauib. cen-
 suris illam insequuntur. Constat satis de
 eius falsitate ex his testimonijs; quibus o-
 stensum est supra quæst. 22. omnes Ange-
 los creatos fuisse in gratia, quæ certo est
 incompossibilis cum peccato, ut liquet ex
 quæst. 9. de iustis. Constat vero ea de re
 præcipue ex testimonio Iudæ Apostoli
 ibidem producto: *Angelos vero qui non ser-
 uauerunt suum principatum sed dereliquerunt
 suū domicilium &c.* Habuerūt igitur saltem
 per vnum instans, & principatum iam
 suum, quem non seruauerunt, & domici-
 lium iam idem suum, quod derelique-
 runt. Eodem pertinent, saltem per ac-
 comodationem ex communi sensu Patrū
 illud Isaïæ 14. sub figura Principis Baby-
 lonis: *Quomodo cecidisti Lucifer, qui manē
 eriebaris &c.* illud Ezech. 28. sub persona
 Regis Tyræ: *In delicijs Paradisi Dei fuisti.* Ear-
 dem veritas videatur manifeste, licet obi-
 ter tantum defini in Concilio Brachar.
 Can. 7. qui est sextus epilole 92. Leonis
 Magni contra Priscillianistas: *Si quis dicit
 diabolum non fuisse prius Angelum bonum à
 Deo factum, nec Dei opificium &c. anathema
 sit.* Superest igitur videndum de possibili;
 an videlicet sicut Angeli nonnulli pecca-
 uerunt in secundo instanti, ita iidem, &

reliqui omnes peccare potuerint in primo instanti.

Art. 2, Negant communiter Thomistæ & nonnulli ex nostris, vt Arrubal, Gracianados, cum antiquis theologis non paucis. Affirmant è contra Scotistæ, & Nominales, & plerique ex nostris, vt Molina, Valentia, Vasquez, Alarcon, Meracius Martinon DerKennis. Distingunt Suarez, & Tannerus, & ex parte Arrubal, atque concessa potentia physica peccandi, negant moralem. Quod ipsum mihi etiam probabilius esse videtur. Ante probationem suppono quod est certum, Angelos peccare nullatenus potuisse in sensu composito gratiæ habitualis, aut dispositionis ad illam per dilectionem Deæ supernaturalem, quas dictum est omnibus fuisse communes pro primo instanti. Certum rursus videtur, estque saltem vi consequentiæ innegabile ab omnibus auctoribus memoratis, Angelos de facto habuisse impotentiam antecedentem, vt minimum moralem peccandi pro primo instanti. Quia omnes de facto conuenire in non peccando pro eo instanti ex communi, ac indubitato consensu PP & theologorum. Impossibile autem est, vt minimum moraliter, omnes ex aliqua maxima multitudine conuenire, quoad amplectendam vnā partem contradictionis, absque impotentia saltem morali singulorum ad oppositam partem, & quidem

impotentia ita reddenti impossibilem
 eandem partem, ut nunquam accadat de-
 facto, ut ostensum est in praedicta
 quaest. 5. de Gratia. Consequens porro
 ex his est, deberi Angelis ex natura rei
 impotentiam saltem moralem peccandi
 pro primo instanti. Quia quod non est
 debitum ex natura rei, non reperitur v-
 niformiter in omnibus, & singulis indiui-
 duis ex multitudine propè infinita, nec
 intra ordinem naturalem, nec intra or-
 dinem supernaturalem, supposita vtrius-
 que, aut vtriusvis ordinis institutione.
 Qua de causa, quod omnibus, & singu-
 lis hominibus inest, nulla facta exceptio-
 ne, eo ipso ab omnibus indubitanter cre-
 ditur, esse proprietatem connaturaliter
 debitam homini, & sic de similibus quo-
 ad ea quae antecedunt vsum libertatis crea-
 tae. Eadem etiam de causa fuit necessa-
 rium ex natura rei, quod iterum obser-
 uatum est supra, ut ex suppositione,
 quod eleuaretur aliquis Angelus in ordi-
 nem supernaturalem, simul ad eundem
 reliqui omnes eleuarentur.

Art. 3. Impotentia istiusmodi morae-
 lis Angelorum ad peccandum pro primo
 instanti, atque necessitas ex natura rei,
 ut eis inesset pro tunc talis impotentia.
 Suadetur efficaciter ex duobus principiis.
 Alterum est, inter cognitiones tam natu-
 rales, quam supernaturales contentas in
virtute actiua naturali Angeli, & in au-
 xiis

xilijs gratiæ ipsis concessis, debetur eidem ex natura rei pro primo instanti omnium perfectissima, & perfectissimè omnium dirigens in ultimum finem, & circa ea, quæ conferunt ad eundem finem. Quia cuilibet causæ quatenus necessario agentibus debetur ex natura rei effectus, præsertim immanens perfectissimus omnium, qui ab ea fieri possunt, dum non adest ullum impedimentum ex aliqua causa secunda. Quod ab inductione faciliè, & efficaciter suaderi potest. Et probatur a priori. Quia si causa determinetur ad agendum ex innata sua propensione, cum hæc sit maior in effectum meliorem, præsertim sibi intrinsecum, in hunc erumpet necessario. Si vero determinanda sit a causa prima, hæc etiam tenetur ex natura rei ad explendam omnem boni capacitatem naturalem, convenientem causis secundis, dum nullum adest impedimentum creatum. Quia omnes causas, omnesque res creatas necessario prosequitur, ac producit, & fouet omni eo amore, cuius sunt naturaliter capaces, ut dictum est sæpe in qq. de Deo, maximè vero q. 25. Angelis autem nullum potuit obesse impedimentum optimæ, & perfectissimæ cognitionis pro primo instanti. Quia sunt causæ, nullam habentes causam contrariam, atque prima primi instantis cognitio antecessit omnem usum propriæ libertatis, ut per se patet. Necesse igitur

fuit

fuit ex natura rei, vt Angeli proprio instanti præuenirentur, ac præmunirentur cognitione perfectissima inter omnes sibi absolutè possibiles.

Art. 4. Alterum principium est, cognitionem perfectissimam inter omnes absolutè possibiles respectu vniuersiusque substantiæ intellectualis, dum est in via, continere in se impotentiam moralem ad peccandum, vel certe esse inseparabilem ex se ab eadem impotentia, Quia rationes auertentes à peccato sunt infiniti propemodum ponderis, & efficacior ipse. Nituntur enim infinita Dei bonitate, cui displicet, & opponitur peccatum; æterna beatitudine, quam excludit, & æterna damnatione, quam inducit; summaque operantis perfectione, quam includit in se innocentia, Motiua è conuerso peccandi sunt nullius ferè momenti re ipsa, vt potè innixa exigua, & breuissima aut delectatione aut utilitate. Hæc autem perfectissimè considerata, atque inuicem composita reddunt proculdubio peccatū moraliter impossibile. Profecto in omni vniuersim deliberatione, si occurrant extrema valde inter se disparia, & quorum alterum alteri præemineat quasi incomparabiliter, redditur moraliter impossibili electio extremi inferioris, dummodo vtrumque perfectissimè præcognoscatur, atque intime, quantum absolutè fieri potest consideretur. Et tunc

men nulla alia duo extrema rari possunt esse inter se disparia, ac sunt, quæ retrahunt à peccato, & impellunt ad peccandum.

Art. 5. Confirmatur, quia perfectissimæ nouissimorum consideratio attert secum moralem impotentiā peccandi, iuxta illud Eccl. 7. 40. *In omnibus operibus tuis memorare nouissima tua, & in æternum non peccabis.* Nec enim ea memoria posset esse certissimum, quale in his verbis significatur, innocentiae pignus respectu omnium, & pro omni opportunitate operandi, si moralis impotentia peccandi non esset ab ea prorsus inseparabilis. Expedierit videre, apud Cornelium à Lapide ibi, communem consensum Patrum in hunc scopum. Dici autem non potest cognitionem, quæ est perfectissima omnium respectu Angeli, non habere tantandem virium ad continendum ipsum in officio, eundemque determinandum ad amorem castum Dei, quantum valet respectu hominis cognitio nouissimorum, utcūq; perfecta Eò vel maxime, quia labilitas hominis est maior, quā labilitas Angeli. Accedit Deo inesse potentiā essentialiter inimpedibilem conuertendi ad se, & uertendi à peccato quancumque voluntatem creatam; ita ut sit metaphysicè impossibile, ut Deo desit aliquod auxilium, quo infallibiliter conuertat, si velit, quancumque substantiam intellectualem.

ut ostensum est quæst. 34. de Deo art. 1.
& 2. Quod tamen verificari non posset,
nisi daretur auxilium inductivum impossi-
bilitatis moralis peccandi respectu cuius-
vis voluntatis creatæ. Sed neque necesse
esset, ut semper suppeteret Deo aliquod
eiusmodi auxilium, si tale non esset co-
gnitio omnium perfectissima respectu cu-
iusque. Continet igitur in se impotentia
moralem peccandi eiusmodi cognitio. Ex
his itaque apparet, necesse fuisse ex na-
tura rei, ut Angelis inesset pro primo in-
stanti impotentia moralis peccandi.

Art. 6. De istiusmodi porro impotē-
tia accipiendum esse puto D. Thomam in
dicta quæst. 63. art. 5. de malo quæst. 16.
art. 4. & alibi, dum negat Angelos po-
tuisse peccare in primo instanti. Frequēs
nimirum est apud D. Thomam, ut impo-
tentiam moralem significet nomine im-
potentiæ absolutè prolatæ, quatenus po-
tens physicè, simulque impotens morali-
ter ad aliquid, plus habet ad id de impo-
tentia, quam de potentia. Sic dicitur,
solet non posse vitari omnia peccata ve-
nialia cum auxilijs ordinarijs gratiæ, exi-
stentem in peccato habitualiter non pos-
se pe. senerare diu sine nouo peccato, &
sic de similibus. In quibus nihilominus
subintelligitur impotentia tantum mora-
lis. Nec mouere quemquam debet, quod
in re præsentieam impossibilitatem, quā
asserit, fundet in eo, quod prima cuiusq;
opce

operatio est ei ab agente, à quo habet esse. Quia hoc ipsum principium assumptum à nobis est in discursu superiori pro impotentia morali. Nempe prima operatio Angeli pro primo instanti non est actus voluntatis, sed cognitio directiva eius actus. Hæc proinde cognitio tribuitur Deo, ideoque defectuosa esse non potest, sed necessario est perfectissima. Argueretur vero, non esse perfectissimam ac proinde non esse à Deo, si daretur peccatum in primo instanti. Quia peccatum non componitur cum cognitione perfectissima. Unde si daretur peccatum in Angelo pro primo instanti, illud reduceretur aliquomodo in Deum, quatenus ex ipso argueretur defectus aliquis in cognitione prævia, quæ est à Deo, seu ex determinatione inducta à Deo. Nec D. Thomas instituit quæstionem ex professo de potentia, sed de facto. Quia titulus articuli est, non utrum diabolus potuerit esse, sed *utrum fuerit malus in primo instanti*. Unde ad hoc punctum principaliter respicit intentio D. Thomæ in illa sua probatione, nec diuertit ad potentiam peccandi, nisi quantum necesse omnino erat ad scopum præfixum, quæ est formalitas ubique invariabilis Angelici Doctoris. Necesse autem non erat agere de impotentia physica. Quia impotentia moralis perinde concludit quoad quæstionem de facto.

Art. 7. Iam vero adiuuante nihilominus Angelis potentiam physicam peccandi pro primo instanti efficaciter suaderi potest tum ad hominem, tum etiam à priori. Ad hominem quidem. Primo quia Angeli pro primo instanti habuerunt potentiam physicam omittendi dispositionem ad gratiam habituales, & consequenter carendi eadem gratia. Habuerunt igitur potentiam physicam peccandi. Patet consequentia. Quia nemo proxime potens, ac liber ad habendam gratiam habituales, ea caret absque culpa, ac proinde nec carere potest absque culpæ possibilitate. Tum quia peccatum constituitur per liberam gratiae habitualis priuationem, vel certe hæc illud præsupponit ex sua natura, ut alibi ostensum est consentientibus quoad hoc aduersariis nostris. Tum quia, ut iidem aduersarii merito docent, omnes iure naturæ tenentur habere gratiam habituales, cum primum possunt, saltem, nisi præsupponantur illam demeruisse antecederet per aliud peccatum. Tum denique, quia, cum Angelorum via fuerit breuissima, & deliberatio pro primo instanti plenissima eadem est ratio obligandi illos ad eam dispositionem pro eo instanti, atque homines pro longo tempore, aut pro eo, quod apparet propinquissimum morti. Probatur iam antecedens. Quia ex confessione aduersariorum Angeli acceperunt
pro

pro primo instanti gratiam habitualementer
dependentem à propria dispositione mo-
rali, & merito de congruo. Libertas au-
tem ad dispositionem moralem, & me-
ritum, est potestas saltem physica ad eius
omissionem, & consequenter ad priva-
tionem etiam formæ dependentis à talī
dispositione. Neque vero sufficit, si di-
catur cum Bannes quæst. 63 art 6 dub. 2.
præsertim ad primū actum illum disposi-
tūum fuisse liberum tantum quoad exer-
citium, necessarium verum quoad speci-
ficationem. Non inquam hoc sufficit.
Quia inde sequitur potuisse omitti eum
actum, licet non potuerit elici actus po-
sitivus contrarius. Argumentum autem
nostrum contendit, potestatem omitten-
di illum actum, ex eo præcisè fuisse po-
testatem peccandi siquidem ab eo actu
pendebat receptio gratiæ.

Art. 8. Arguitur rursus ad hominem.
Angeli habuerunt actum fidei pro primo
instanti. Quod non negant aduersarij.
Quicumque autem habet actum fidei pro
aliquo instanti, potest illum omittere
pro eodem instanti, & omittendo pec-
care. Quia cum obiectum fidei propo-
natur obscurè, non potest, sicut quod est
evidenter cognoscibile, necessitare phy-
sicè intellectum, aut voluntatem ad sui
assensum, maxime cum circa præcipua
mysteria sit difficillimus ratione naturali.
Neque vero licet recurrere ad evidentiam
in

in attestante. Quia negata illa est Angelis à nobis superius, eandemque negant ipsi Thomistæ, ut videre licet inter alios apud Bannes quæst. 32. huius partis art. 1. dub. 2. Omissionem autem fidei, seu resolutionem credendi Deo cum primum credenda sufficienter proponit, & vocat ad agnitionem sui, atque ad suam gratiã esse peccatum, non indiget probatione apud Theologos.

Art. 9. Postremum argumentum ad Thomam est huiusmodi. Omnes Angeli habuerunt pro secundo instanti potestatem proximam peccandi, nec liberum illis fuit, ut eam tunc non haberent. Quod sponte datur ab aduersarijs, & communiter supponitur ut certum. Liberum autem fuisset Angelis, ut non haberet pro secundo instanti potestatem proximam peccandi, si pro primo instanti nullam, ne quidem physicam habuissent potestatem proximam peccandi. Liberum namque fuit Angelis, ut retinerent pro secundo instanti eadem omnia comprincipia, & requisita operandi, præcipue vero idẽ dictamen rationis, omnemque, & solam cognitionem, quæ adfuit pro primo instanti. Quia nihil cogere ipsos potuit, quo minus nollent ad nullam aliam cognitionem digredi, sed vellent adherere primæ illi cognitioni, & dictamini, quæ extiterat perfectissima pro primo instanti, neque impedire existentiam cæ-

terum, quo minus transfiret ad secundum
instant, & continuaretur, sicut prius.
Manifestum autem est, eadem omnia,
& sola eadem omnino potentiam, aut
impotentiam apta esse constituere pro
utroque instanti. Nec dici potest, ipsam
liberam facultatem diuertendi ad alias
cognitiones, & considerationes, iisque
impediendi perseverantiam primæ per-
fectissimæ cognitionis, & dictaminis, fuis-
se potestatem proximam peccandi. Quia
transitus ad alias cognitiones, & consi-
derationes non erat prohibitus saltem
sub lethali. Quod si præterea dicatur, ut
videtur omnino dicendum, voluntatem
liberam transeundi ad alias cognitiones
pro secundo instanti directam fuisse per
aliquam primi instantis cognitionem, nec
aliter eum transitum accidere potuisse;
sequitur potestatem diuertendi ad alias
cognitiones ad summum fuisse potesta-
tem tantum remotam, & mediatam,
peccandi.

Art. 10. Adde iam rationem à prio-
ri. Pro qua legitimè instruenda reuocan-
dum est in memoriam documentum An-
gustini iterum productum superius ex lib.
22. contra Faultum cap. 28. *Si nihil dele-
ctaret illicitum, nemo peccaret.* Et quod de-
inde subiungit: *Non in eo genere* (nempe
non delectabilis per aliquid illicitum)
*factus est homo, nec illa natura Angelica, qua
in veritate non statit, sed in eo genere ista ra-*
tio.

*Connaturalia facta sunt, ut inesset eis possibilitas fru-
nandi delectationem ab illicito, quam non fru-
nando peccauerunt. Subintere: Ergo ex
quo Angeli fuerunt proximè capaces quod
iplos delectaret aliquid illicitum, fue-
runt etiam proximè capaces ad peccan-
dum. Quia sicut se habet altera capaci-
tas ad alteram absolute, ita se habeat
necesse est pro quouis instanti determi-
nato. Angeli autem pro primo instanti
fuerunt proximè capaces, quos delecta-
ret aliquid illicitum, Eadem namque in
primis fuit natura Angelorum, & rerum
delectabilium pro primo, & pro reli-
quis instantibus. Deinde non defuit pro
primo instanti cognitio earumdem rerū
delectabilium seu potentium, quantum
est ex se ad delectandum illicitè. Quia
cum huiusmodi delectabilia sint Angelis
connaturalia, ea certissimè cognouerunt
à primo instanti per comprehensionem
sui. Nec enim comprehendere se potue-
re, vti certissimè comprehenderunt à
primo instanti, quin cognoscerent per
quam obiecta delectari connaturaliter
possent, tum licitè, tum illicitè. De-
num non adfuit pro eodem primo instā-
ti possessio boni honesti, quæ plenè, &
perfectè satietaret totum appetitum Ange-
licum. Quia huiusmodi plena, & per-
fecta satietas solum prouenire potest ex
plena, & perfecta possessione summi bo-
ni, quæ per solam visionem immediatā
ha-*

haberi poteit. Nullum namque aliud bonum, nullaque alia summi boni possessio pellere omninò. potest, atque extinguerè indigentiam, miserià, atque adeò, & capacitatem quærendi vndequaue subsidia quorumlibet delectabilium siue licita ea sint, siue illicita, esto minuere eam possit perfectio cognitionis ænigmatice circa summum bonum, & eo magis, quo ea maior fuerit. Adfuere igitur Angelis pro primo instanti, quæ pertinent positinè ad peccabilitatem ipsorum, nihil quæ adfuit pro eodem instanti, quod ad illam physicè impedienda, penitusque tollendam omninò sufficeret. Habuerunt igitur pro primo instanti potentiam saltem physicam peccandi. Hæc ratio reddetur illustrior in questione sequenti; expositis ijs obiectis, quæ Angelos delectare possunt illicitè. Ibi enim apparebit eiusmodi delectabilia, & facultatè illis ad herédi adfuisse aliquatenus pro primo instanti. Interim quivis facile coniicit, applicari facile posse ad scopum propositum omnia argumenta, quibus communiter probatur viatores, dum sunt in eo statu, esse proximè capaces peccandi, loquendo per se, nullamque cognitionem distinctam à visione beata esse sanctificantem, aut impossibilem physicè cum peccato propter magnitudinem suæ qualiscumque perfectionis, atque Deum cognitum non vt est in se, sed ad modum

creaturarum. mouere ad modum earum. dem, nec satiare omninò appetitum creatum, aut ei conferre posse physicam respectu sui immobilitatem, tametsi aliqua cognitio abstractiva Dei propter e-
ximiam beatitudinis participationem peculiarem possit, vt dictum est, conferre impotentiam moralem peccandi accedentem proximè ad physicam, & felicem illam beatorum impotentiam. Itaque Angeli habuerunt pro primo instanti impotentiam moralem peccandi coniunctam cum physica peccandi potentia. Oportet proindè respondere ad rationes dubitandi pro vtraque parte, quatenus obesse possunt alterutri parti sententiæ nostræ.

Ad 1. Sententiæ affirmantis. Non valet paritas. Quia licet Angeli nec proficiant, nec deteriorescentur vnquam quoad substantiam, & proprietates naturales sūt nihilominus capaces varietatis quoad actus intellectus, & voluntatis. Vnde de deposita cognitione, quam pro primo instanti habuerunt perfectissimam ex determinatione, & causalitate Dei, potuerunt pro secundo instanti ex propria electione demitti ad cognitionem minus perfectam circa eligibilia, & circa ipsū finem vltimum. Et quia possibilitas peccandi maior, vel minor dependet ex precognitione magis, vel minus perfectæ, fieri omninò potuit, vt deesset pro primo
mo

mo instanti, adesset vero pro secundo instanti potentia moralis peccandi.

(Ad 2. Potestas disponendi se moraliter, ac meritorie ad gratiam pro primo instanti, solam probat potentiam physicam peccandi pro tunc. Quia ut operatio sit moralis, & meritoria sufficit potentia physica illam omittendi, tametsi desit potentia moralis, ut patet in Christo Domino merente per actus optimos quos erat moraliter impossibile, ut omitteret. Quod dicitur de posse plus, & posse minus, non habet locum, quando adest aliquid specialiter adiuuans, ac determinans ad plus, & maius. Dictum autem est, Deum specialiter iuuisse, ac determinasse Angelos pro primo instanti ad non peccandum.

Ad 3. Si Angelus peccaret pro primo instanti, recte argueretur per illationem moraliter infallibilem deuisse illi pro priori naturæ cognitionem perfectissimā inter omnes sibi absolute possibiles ex natura rei. Quia huiusmodi cognitio est moraliter impossibilis cum peccato in summo gradu impossibilitatis moralis atque quod ita est impossibile numquam contingit. Defectus aptem eiusdem perfectissimæ cognitionis, seu quod ea non daretur, tribueretur Deo. Ad quem nimirum pertinet determinatio ad primam cognitionem. Igitur peccatum primi instantis tribueretur Deo tanquam.

remouenti prohibens, cū deberet ex natura rei inducere idem prohibens. Quod est inconueniens. Quia Dei perfectissima sunt opera, & quæ ad ipsam pertinent, omnia semper præstat perfectissimè, & cumulativè. Obiectio autem solum, probat, Angelo peccante pro primo instanti, non propterea peccatum attributum iri Deo, tanquam auctori. Quod conceditur metaphysicè repugnare, nec sequi ex ea hypothese. Verùm hinc sola concluditur in Angelo potentia physica peccandi pro primo instanti, & quod peccatum primi instantis si daretur, ipsi soli tribueretur tanquam auctori, sicut tribuitur claudicatio curuitati tibie, quādounque ea datur.

Ad 4. In illis duobus testimonijs non sumitur metaphysicè, sed moraliter, & iuxta communem loquendi modum particula, *ab initio*, nec significat primum instans creationis mundi. vel Angelorum, sed primum tempus complectens distributiue idem instans, & alia instantia illi propinqua, sicut cum dicitur in eadem illa epistola Ioanni cap. 3 *Hæc est annuntiatio, quam audistis ab initio*, idest propè primum instans prædicationis. Deindè quod diabolus dicitur peccare ab initio, pertinet magis ad significandam pertinaciam eius nunquam cessantem à peccando, ex quo cæpit peccare. Et similiter quod dicitur homicida ab initio refertur potius ad

ad tentationem, qua induxit Adamum ad peccatum, vel Cain ad homicidium. Ad priorem confirmationem: Augustinus in priori loco loquitur de bono beatitudinis, à quo cecidit nondum accepto, & accepturus si non peccasset. In posteriori verò loco distinguit informitatem à formatione, & vtriusque, atque lucis, & tenebrarum ordinem exponit tropologicè, non de rebus, vt sunt, seu fuerunt in se ipsis, sed solum in mente, & præscientia Dei, vt liquet ex contextu, & ex illo eiusdem lib. 11. de Ciuit. cap. 19. *Solus lucem, ac tenebras discernere potuit, qui potuit etiam priusquam caderent, præscire casuros.*

Ad alteram confirmationem Angelus est immutabilis in proposito semel concepto, dum non superuenit noua cognitio: Superuenit autem pro secundo instanti, vt dicetur in duplici quæstione sequenti.

Ad 1. Sententię negantis. Operatio primi instantis tribuitur, tanquã auctori, causę, à qua procedit operans, si operatio sit naturalis, ac necessaria, non verò si sit libera, & electiua, simulque mala, atque axioma vulgare de datore formę dante consequentia ad formam, verificatur de priori operationum genere, siue existant pro primo instanti, siue pro quolibet alio; non vero de posteriori operationum genere. Vnde apparet paritates ex causis necessarijs non tenere in re proposita, nempe circa peccatum, de cuius

conceptu est libertas, & electio moralis. Hæc enim tribuitur ipsi eligenti, tanquā auctori, tam pro primo, quam pro quouis alio instanti. Recognoscatur responsio nuper data ad tertium partis oppositæ. Nec enim variatio instantium, seu priorum, seu posteriorum quidquam confert ad attributionem operationis respectu causæ mediatae potius quam immediatae, vel è conuerso, si nihil intercedat aliud, quod sufficiat ex sua natura, quandoocumque interuenerit, ad variandam prædictam attributionem.

Ad 2. Instantia Angelica non multiplicantur iuxta multiplici-
tatem quarumlibet operationum inuicem subordinatarum, nec series durationis realis sequitur seriẽ causalitatis realis, & dependentiæ inter aliam, atque aliam operationem. Alioquin cognitio dirigens ad volendum, & volitio, ab ea procedens non possent exillere in vno, eodemque instanti reali. Quod est absurdum. Multiplicatio igitur realis instantium, & durationum sequitur ad solam multiplici-
tatem, & coordinationem operationum inuicem incompossibilium, quarum altera alteri succedit. Non sunt autem huius posterioris generis intentio finis, & electio libera. Nec enim intentio est impossibilis cum electione mediæ necessarij ad finem intentum, sed potius est connexa cum eadem, atque inducit ex sua natura
coe-

coexistentiam eius respectu sui. De reli-
quo dubitari minimè potest, quin omnis
electio libera fundetur in aliqua neces-
saria finis intentione, eamque necessariò
præsupponat ordine causalitatis, uti doc-
cent Philosophus D. Thomas, & alij fre-
quenter, ut dictum est quæst. 53. de acti-
hum. art. 3 & quæst. 15. art. 3. Qua de cau-
sa inutilis, & absonus omninò est conatus
eorum, qui gratiam Angelorum à gratia
nos adiuuante per hoc distinguere inten-
dunt, quod Angeli sola, supernaturali il-
lustratione intellectus adiuti fuerint, nos
verò inspiratione, & sancta delectatio-
ne insuper adiuuemur. Quia manifestis-
simum est, utrisque utrumque auxiliorum
genus esse omninò necessarium, atque
utrumvis ab altero esse inseparabile ex
sua natura, quaecumque sit subiectum
gratiæ, ut apparet ex dictis quæst. 15. So-
let nihilominus Augustinus gratiam neces-
sariam respectu nostri significare cum
maiori, & nonnunquam cum sola expres-
sione victricis delectationis, gratiam
vero Angelorum expressione solius illu-
strationis, subintellecta tamen utrobique
altera parte, quæ non exprimitur. Ratio
autem disparis eiusmodi conatus in expri-
menda altera potius parte, quam altera,
fundatur in corruptione, ac dissolutione
concupiscentiæ quæ in nos redundavit
ex peccato originali, & ratione cuius pe-
culiariter indigemus auxilio victricis de-

lectionis diuinitus concessio. Quæ peculiaris indigentia supernaturalis delectionis nulla dabatur in Angelis, ideoque eorum gratia congruentius significatur per illustrationem intellectus, quam spontè, ac faciliè sequeretur affectus salutaris.

Ad 3. Collectio vtcunque magna indifferentium ad aliquid non infert necessariò dispares, & oppositas electiones inter illos, si adsit simul cum indifferentia physica necessitas moralis singulorum ad vnam partem, sed potius infert uniformitatem omnium in operando, vt liquet ex eadem illa quaest. 5. Dictum autem est, Angelorum libertatem ad peccandum pro primo instanti fuisse coniunctam cum necessitate morali non peccandi.

Ad 4. Differentia illa recentis, & veteris beneficij nullum habet locum in beneficijs, quæ non semel tantum conferuntur, & quorum donatio non perseverat in sola memoria, & fieri potest vt neque in memoria perseverent, qualia sunt humana beneficia; sed singulis momentis noua donantis libertate instaurantur cum auctario perseverantiæ; obijciturque donatio assidue præsens intuitiuae donatarij cognitioni, & per ipsum prorsus ineuitabili, qualia fuere beneficia Dei in Angelos. Vndè ex hoc capite tam facile peccare potuerunt, immò

&

& facilius pro primo instanti, quam pro reliquis, si nihil obstitisset aliud.

Ad 5. Duplex potest considerari defectus in cognitione directiua voluntatis. Alius est priuatiuus, excludens perfectionem debitam inesse cognoscenti, alius est negatiuus excludens perfectionem, possibilem quidem, sed indebitam. Prima Angelorum cognitio, quia extitit auctore Deo exque ipsius determinatione totali, non potuit pati ullum defectum priuatiuum perfectionis debitæ. Cæterum passa est defectum perfectionis absolutè possibilis. Quia non habuit perfectionem visionis beatæ. Ad potestatem autem physicam peccandi sufficit posterior iste defectus, vt liquet ex dictis supra ab art. 7. Nempè quod communiter dicitur ex 3. Ethic. cap. 5. *Omnis malus est ignorans*. Prou. 14. *Errant, qui operantur malum*, non pertinent ad potentiam purè physicam peccandi coniunctam cum impotentia morali, sed ad potentiam moralem peccandi coniunctam cum ipso opere malo, & quod ad eos textus attinet cū frequentia etiam habituali peccandi, vt patet illos consideranti. Nec enim ad possibilitatem, qualècumque peccandi requiritur præcisè ignorantia propriè talis, aut error positius, vt sepe dictum est in 79 de act. hum & colligitur ex illo Iacobi 4. *Scienti bonum, & non facienti peccatum est illi*, & ex Lucæ

12. *Servus, qui cognovit voluntatem domi-
ni sui, & non facit, vapulabit multis.* Vnde
August. *serm. 8. in psal. 118. Sapè, ait,
quid agendum sit videmus, nec agimus.* Ve-
rùm de his alibi dicetur iterùm ex pro-
fesso. Hæc nimirùm sufficiunt ad con-
cludendum solam impotentiam morale
peccandi redundasse in Angelos pro
primo instanti ex perfectione
cognitionis inditæ à Deo,
iuxta capacitatem
eorum pro
statu viæ.



QVÆSTIO XXVII.

Utrum primum peccatum Dæmonum fuerit superbia?

IDETVR non fuisse. 1.
 Quia nemo peccat amore
 eius rei, quam destruit eo
 ipso actu. Peccatum autem
 superbiæ consistit in nimio
 amore excellentiæ propriæ. Angeli au-
 tem peccando destruxerunt excellentiā
 propriam. Quia peccando deciderunt
 à culmine dignitatis, in qua conditi fue-
 re, & inciderunt in summam vilissimæ
 conditionis miseriam, inxta illud supe-
 rius memoratum ex 14. Isaïæ. *Quomodo
 cecidisti Lucifer, qui mane oriebaris?* Ergo
 Angeli non peccauerunt amore nimio ex-
 cellentiæ propriæ.

2. Dæmones nunquam cessant à pec-
 cato, quod primitus commiserunt, ut
 apparebit quæstione sequenti, & colli-
 gitur ex illo 1. Ioannis 3. *Ab initio diabolus
 peccat;* idest nunquam cessat à peccato.
 quod commisit initio. Nunc autem dæ-
 mones non peccant peccato superbiæ.
 Quia euidenter cognoscunt sibi esse im-
 possibile, ut emergant à vilitate, in quam
 sunt coniecti à Deo, ad aliquam maiorem

rem dignitatem. Nemo autem peccat amore rei impossibilis cognitæ vt talis. Ergò dæmones non peccant modo amore dignitatis, & excellentiæ propriæ, ac proindè nec initio eo amore peccauerunt.

3. Angeli peccauerunt non conseruando gradum suæ dignitatis: seque infra illum deprimendo, vt constat ex testimonio Iudæ Apostoli, dicentis: *Angelos verò qui non seruauerunt suum principatû, sed dereliquerunt suum domicilium.* Quod est proprium non superbiæ, sed pusillanimitatis, & acediæ. Superbus, enim, non modò conseruat suum principatum, sed etiam promouet, quantum potest, & plusquam debet, nec derelinquit suum domicilium, si nullum appareat maius in quod se transferat, quale nullum apparere Angelis potuit. Ergò Angeli acedia potius, & pusillanimitate peccarunt, quàm superbia.

4. Inferiores dæmones peccauerunt Luciferi instigatione, & exemplo, vt docent communiter Sancti PP. quos latè refert Suarez lib. 7. cap. 17. & Theologi cû D. Thoma quæst. 63. art. 3. & colligatur ex illo Ezech. 31. *Æmulata sunt eum omnia ligna voluptatis qua erant in paradiso Dei,* idest ex interpretatione Gregorij Magni, & aliorum æmulati sunt Luciferum, eiusque imitatione peccauerunt dæmones natura inferiores. In eundem
sco-

scopum accipitur à Magistro in 2. dist. 6. à D. Thoma loco indicato, & ab alijs communiter ibidem, quod dicitur de dracone Apocal. 12. *Cauda eius trahebat tertiam partem stellarum cali.* Superbus autem non est idoneus ad pertrahendos alios in partes suas. Omnes enim oderunt superbum, & ab eo fugiunt, maximè verò si & ipsi sint superbi, immo etiam si superbi non sint, dummodò sint valdè excellentes, Et siquidem illi obsequantur alij, atque secundent eius vota, eo ipso deprehenduntur esse potius pusillanimes, & abiecti. Ergò Lucifer non peccavit peccato superbiæ, & si quidem tale fuit eius peccatum, eo ipso deprehenditur peccatum cæterorum Angelorum non fuisse superbiæ.

S. Peccatum dæmonum exprimitur ex communi PP. & Theologorum consensu illis verbis Isaïæ 14. *Qui dicebas in corde tuo, in Cælum conscendam super astra Dei exaltabo solium meum, & similis ero altissimo.* Nihil autem horum pertinet ad superbiæ respectu Luciferi, aut aliorum dæmonum. Quia non est peccatum superbiæ appetere eum dignitatis, & excellentiæ gradum, ad quem quis dirigitur à Deo, & ad quem, ut aspiret, ducitur voluntate Dei, Angeli autem ex voluntate Dei erant ordinati, ut conscenderent in Cælum, soliumque suum collocarent super astra; maximè verò omnium

bium, ut essent Deo ipsi simillimi, si quidem eos fecit ad imaginem, & similitudinem suam, magis etiam quam homines, ut dictum est quæst. 1. ad 1. Ergo Lucifer, & alij Angeli non peccaverunt peccato superbiæ.

6. Peccatum superbiæ consistit in nimio desiderio excellentiæ supra alios. Impossibile autem est primum peccatum alicuius committi per nimium desiderium excellentiæ supra alios. Quia istud desiderium relatiuum ad alios essentialiter præsupponit; ut arguit Scotus nimium amorē absolutum excellentiæ propriæ secundum se. Omne namque relatiuum præsupponit essentialiter aliquod absolutum intra idem genus in quo fundetur. Nimius autem amor absolutus excellentiæ propriæ non est actus superbiæ, sed luxuriæ spiritualis, ut ille loquitur. Igitur primum dæmonis peccatum non fuit superbia, sed eiusmodi luxuria.

7. Superbia est peccatum præ cæteris stultum. Quia per se ipsum conatu suo contradicit præ cæteris peccatis. Deprimat enim in vilissimum gradum, dum contendit sublimiorem, quam par est gradum perducere iuxta illud Psalm. 72. *deiecisti eos, dum alienarentur.* Id vero est summum, & præ cæteris manifestum stultitiæ genus. Angeli autem ex sua natura sunt perspicacissimi intellectus, idēoque necesse fuit, primum eorum peccatum,

antequam perturbaretur, & offusicaretur intellectus ipsorum, fuisse, quam minime stultum, & quale cadere posset in intellectum optimum, optimèque dispositum.

Art. r. Respondetur. Quicumque peccat, appetit aliquid quod appetere non deberet, ut modo, quo non deberet. Appetitus autem est boni veri, vel apparentis respectu appetentis, siue quoad substantiam, siue quoad modum. Istud bonum respectu hominis est duplici genere. Quædam enim sunt bona illi, quatenus intellectualis est, & quædam alia quatenus corporeus, & carnalis est. Vnde fieri potest, ut homo peccet, quia appetit aliquid, non solum eo modo, quo non deberet appetere, sed etiam quod nullo modo deberet appetere. Quia fieri potest, bonum sibi conveniens quoad corpus, sit simul disconveniens, quoad animam, & quod tale est, nullo modo appetendum est. Angelus autem, cum sit substantia simplex, non est capax nisi bonorum, quæ sibi conveniunt secundum se totum, nec fieri potest, ut aliquod eius bonum sit impossibile cum aliquo alio eiusdem bono præcisè secundum substantiam. Fieri enim alioquin posset, ut nunquam liceret sibi appetere aliquod suum bonum. Quod est absurdum. Quia unumquodque est ordinatum à Deo ad omne suum bonum
pro

pro tempore, & loco. Itaque Angelus solum peccare potest per excessum, aut defectum in amore alicuius sibi absolute convenientis, quoad modum ipsius amoris. Iam verò defectus in modo amoris circa aliquod bonum necessariò præsupponit excessum eiusdem circa aliquod aliud bonum. Omnis namque alius affectus siue positivus, siue negativus fundatur in amore, atque in positiva eius vi, & adhæssione ad aliquod bonum. Excessus autem in modo amoris circa aliquid per se loquendo excitatur primò circa id, quod præ cæteris omnibus delectare vnumquemque, aut prodesse potest. Respectu autem naturæ purè intellectualis vis maxima alliciendi, ac pertrahendi nõ potest esse penes vtilia. Quia natura purè intellectualis ex suo conceptu est minime indigentiae, cum à primo instanti consequatur protinùs complementum totius perfectionis sibi connaturalis. Primum igitur peccatum Angeli fuit circa aliquod delectabile, per nimium eius amoris. Inter delectabilia autem respectu naturæ intellectualis, vel unica, vel certè præcipua est propria excellentia. Quæ videlicet maxima illi inest, ideòque delectare maximè potest, & maxima vi pertrahere ad amorem nimium sui. Nimius autem amor propriæ excellentiæ est superbia. Primum igitur peccatum demonum fuit superbia,

Art. 2. Hæc est communis Sanctorum PP. sententia, quos refert cumulatè, & expendit diligenter Suarez lib. 7. cap. 9. Idem sentiunt plerique, & præcipui Theologi cum Magistro, & D. Thoma locis nuper indicatis in quarta ratione, dubitandi, & ex illo Eccl. 10. *Initium omnis peccati est superbia*, & Tobie. 4. *In superbia initium sumpsit omnis perditio*. Initium autem omnis peccati, & à quo omnis perditio sumpsit initium re ipsa fuit primum peccatum dæmonum. A quo videlicet redundarunt deindè tum cætera, omnia ipsorum dæmonum peccata, tum etiam peccatum primorum parentum, quod tentante dæmone, ac proinde influente, & cooperante primo eius peccato commissum est, & à quo cæterorum omnium hominum peccata deriuantur. Hinc Ambros. lib. 4. epist. 33. alias 84. *Sive in lapsu diaboli, inquit, sive in pravaricatione hominis initium peccati superbia est*. Eodem pertinet, quod Isaïæ 14. Ezech. 28. 1. ad Timoth. 3. poena dæmonis attribuitur superbix eius. Quod non fieret, nisi primum, ac præcipuum eius peccatum fuisset eadem superbia. Verum, quia quoad hoc pûctum vix est vlla inter Doctores controuersia realis, expedit magis transire ad expositionem obiecti quod potuit mouere, mouitque de facto voluntatem dæmonis ad actum superbiæ. Circa quod sunt plures opiniones, pluresque

que modi exponendi singulas opiniones. Primum reiiciuntur ea, quæ nec mouerunt, nec mouere potuerunt, tum in genere, tum in specie. Deinde subinfertur, quid mouere potuerit, moueritque de facto in genere pariter, & in specie.

Art. 3. Dicendum itaque primò est, Angelum non potuisse peccare intendendo aliquid impossibile, aut modo impossibili, quod absolute esset possibile. Quia obiectum appetitus est bonum unicuique conueniens. Impossibile autem non est conueniens. Quia non habens entitatem non potest habere bonitatem. Quod æquè viget de bonitate impossibilis, siue quoad modum, siue quoad substantiam. Licet autem, quod re vera non est possibile, nec bonum, possit apparere nobis bonum, ac possibile, atque obiectum appetitus sit bonum verum, vel apparens; tamen respectu Angeli, præsertim antè primum ipsius peccatum, id locum non habet. Quia Angelus maximè cum esset innocens, nullam habuit cognitionem falsam, nec decipi potuit apparentia sensus, ac phantasie, prout accidit in nobis, aut alio modo æquivalenti, sed vnumquodque obiectum, & modum, quo haberi posset, cognouit cōcepturebus ipsis accommodato, & conformi. Accedit ne homines quidem, ut per experientiam est omnibus notissimum, multum moueri impossibilem apprehensione, sed facile

cile contemni quælibet impossibiliæ, æque eadem facilitate vitari complacentiâ deliber. tam, siue inefficacem, siue efficacem conditionatam circa illa, si non adsit affectus aliquis absolutus, & efficax circa obiectum re ipsa, aut apparenter possibile ita connexum motino volendi impossibilia, vt sint eius appendices illæ alię complacentiæ simplices aut conditionatę. Quapropter est saltem moraliter impossibile, vt homo, ædum Angelus, lethaler peccet per eiusmodi affectus circa impossibilia, nullo præexistenti affectu absoluto, & efficaci, circa obiectum possibile, & certò cognitum vt tale. Impossibile igitur saltem moraliter fuit, Angelos primo peccare solo appetitu exaltationis impossibilis, aut sola fuga humiliationis necessariæ. Idemq; dicitur proportionaliter de modo appetendi, ac fugiendi. Non autem accidit de facto, quod est moraliter impossibile. Verùm prior ratio solidè probat impossibilitatem physicam eiusmodi peccati respectu Angeli nondum peccatoris.

Art. 4. Ex his refellitur sententiâ Scoti, & aliorum dicentium Angelos peccauisse appetendo æqualitatem cum Deo in natura. Quia æqualitas ista erat impossibilis, impossibilitate Angelis clarissimè nota. Deindè æqualitas Angeli cum Deo in natura includit in se desitionem nature Angelicę. Quia vt Angelus esset
Deus

Deus, necesse erat, vt desineret esse Angelus, & sic inciperet esse Deus; Repugnat autem, vt quis velit definitionem suam per nimum suum amorem, vt patet ex natura, & communi amoris definitione. Indidem similiter refellitur sententia Catherini, & aliorum, quæ docet Angelos peccasse appetendo diuinitatem per unionem hypostaticam, quam sibi voluerint, & inuiderint naturæ humanæ. Quia vel illam voluerunt obtinere in sensu composito decreti diuini contrarij, vel præscindendo ab hoc decreto, idque, vel per vires proprias vel solum illam petendo humiliter à Deo. Si dicatur hoc posterius, manifestum est, nullum in eo esse peccatum, Si dicatur alterutrum è duobus primis, modus erat prorsus impossibilis. Quod & nobis est manifestissimum. Ergo neuter modus potuit cadere in intentionem Angelorum. Eadem est ratio reiiciendi tertiam aliorum opinionem; Angelos peccasse volendo consequi beatitudinem supernaturalem per vires proprias absque meritis prouenientibus ex auxilio gratiæ Dei. Quia hoc similiter euidentissimè cognoscebant sibi esse omnino impossibile. His igitur, alijsque similibus exclusis propter rationes datas, & alias similes, quæ ex illis deduci facile possunt.

Art. 5. Dicendum rursus est, Angelos peccasse affectata peculiari aliqua similitudine

tudine cū Deo, modo minimē congruenti naturæ ipsorum; aut cui repugnaret dispositio diuinæ volūtatis. Apparet hoc in primis ex verbis Isaïæ superius memoratis, *Qui dicebas Ecce. & similis ero Altissimo.* Hæc enim clausula terminatiua expressionis superbiæ Angelicæ, clarè denotat similitudinem cum Deo fuisse summam votorum, qua tanquam basi niterentur cetera omnia iniquitatis capita. Dictum deinde est primum peccatum Angelorum fuisse superbiam, quæ in nimio excellentiæ amore sita est. Quolibet autem excellentia pertinet ad peculiarem aliquā similitudinem cum Deo. In quo nimirum datur per essentiam omnis gradus excellentiæ & dignitatis. Cecinit hoc eleganter Nazianzenus carm. 6. dicens:

Lucifer, (eximio nam quod fruoratur honore)

Sperabat regale Dei, soliumque, decusque.

Et iterum infra.

Dum Deus esse cupit, terra caligine totus Obscurus est.

Idem efficacius colligitur ex illo Ezech. 28. communiter attributo demonibus: *Elevatum est cor tuum. & dixisti Deus ego sū, & in cathedra Dei sedi in corde maris.* Idem etiam vehementer persuadet illud Michaëlis resistentis: *Quis sicut Deus!* Hæc enim resistentia, & contradictio non fuisset è re, nisi intentio aduersariorū ad hoc

hoc tetendisset, ut essent sicut Deus. Potuerunt autem exorbitare in appetitu similitudinis cum Deo, volendo, aut altiore excellentiæ gradum, quam qui sibi permitteretur, aut volendo modum altiore permissio. Dictum autem est Angelos non peccasse volendo unionem hypostaticam cum persona diuina, Qui porro vnicus gradus est superior eo gradu excellentiæ, & dignitatis, ad quem de facto vocati sunt à Deo omnes Angeli. Vocati namque sunt ad visionem Dei immediatam, eamque duraturam æternum, qua nihil est maius inter bona purè creata. Sed conclusum similiter est, Angelos non potuisse peccare volendo consequi beatitudinem supernaturalem per solas vires naturales.

Art. 6. Dicendum itaque tertio est, Angelorum superbiam sitam fuisse in nimio amore beatitudinis suæ naturalis, contemptu beatitudinis supernaturalis, & mediorum conducentium ad ipsam. Hec est sententia D. Thomæ quæstione illa 63. art. 3. Licet enim proponat tanquam probabile ex Anselmi doctrina, Angelos peccasse volendo consequi beatitudinem supernaturalem, per vires naturales; primo nihilominus loco præfert peccatum nimij amoris erga vltimum finem naturalem contempta beatitudine supernaturali, quæ est ex gratia, atque priorem illum peccandi modum approbat.

bat præcisè quatenus coincidit re ipsa cum nimio amore beatitudinis naturalis. Dicit enim sic. *Et hæc duo quodammodo in idem redeunt. Quia secundum utrumque appetit finalē beatitudinem per suam virtutem habere. Quod est proprium Dei.* In eundem nimium beatitudinis naturalis amorem cum contemptu beatitudinis supernaturalis recurrit vnicè lib. 3. contra gent. cap. 109. Eiusdē opinionis sunt plures alij, & graues Theologi, nec ab ea quidquam dissentire videtur Scotus dist. 4. quæst. 2. Quia complacentiam nimiam Angeli in se ipso, quam dicit fuisse primum eius peccatum, non potuit non principaliter excitare beatitudo naturalis, quæ iam sibi fuerat quoad substantiā, quæque erat præcipuum decus, & ornamentum naturæ. Vt appareat credibilitas, & veritas huius sententiæ duo principaliter obseruanda sunt. Alterum est prædicatum maximè proprium, maximèque appetibile diuinitatis esse, vt sibi se sola sufficiat, solaque sua vi, & sufficientia sit beata. Alterum est non potuisse Angelum peruenire ad beatitudinem supernaturalem, nisi per magnam, & extremam demissionem, ac humiliationem, & quoad intellectum, & quoad voluntatem. Quoad intellectum quidem quia oportebat captiuare intellectum in obsequium fidei, amplectendo mysteria difficillima, quale in primis est mysterium

San-

Sanctissimæ Trinitatis respectu omnis intellectus creati adhuc viatoris, ut innotuit quæst. 38. de Deo; amplectendo vero ea mysteria firmissimè, & super omnia, cum tamen proponerentur obscurè, & absque argumento euidenter conuincente. Quod patet esse opus humilitatis eximiæ, & valdè repugnans naturali inclinationi intellectus cuiusvis ad euidentiam, & ad commensurandum apparentiæ obiecti gradum adhæSIONIS ad ipsum, idque eo magis, quo perspicacior est intellectus, & aptus ad inducendam maiorem claritatem, & euidentiam circa plura, & perfectiora obiecta. Similis fuit necessitas humiliationis quoad voluntatem. Oportuit enim, ut adhæreret firmissimè & super omnia promissionibus diuinis obscurè propositis, & continentibus obiecta maximè ardua, quale in primis est respectu cuiusvis naturæ creatæ visio Dei vnius, & trini, ut est in se ipso. Oportebat similiter, ut per charitatem diligeretur Deus super omnia, tanquam auctor supernaturalis, propositus obscurè ut talis. In quibus affectibus eminet eximia quædam humiliatio voluntatis, dum cogitur amplecti bona obscurè transparentia postpositis bonis apparentibus euidenter. Est enim quodammodo infra dignitatē impedere vires amoris omnes in ea que suggeruntur latenter, & offeruntur sub velamine, cum adsunt bona alia minimè

con-

contemnenda absolute, quæ se totis clarissimè patent, atque immediatè innotescunt voluntati. Mirum igitur non est, (impossibile certè non est) quod Angeli magnam experti fuerint difficultatem in amplectendis medijs necessarijs ad beatitudinem supernaturalem, & quod proinde aliqui eorum cesserint tantæ difficultati. nec voluerint subire tantam, & intellectus, & voluntatis humiliationem in prosecutione bonorum supernaturalium, eaque contempserint comparatione beatitudinis naturalis consequibilis viribus proprijs, & absque eiusmodi demissione omnium suarum virium ad bona, & obscure proposita, & nonnisi per gratiosum, ac liberale auxilium alienum consequibilium.

Art. 7. Augetur plurimum prædicta difficultas, & necessitas magnæ humiliationis Angelorum in prosecutione beatitudinis supernaturalis, si verum est, quod est valdè probabile, propositam fuisse Angelis ab initio existentiam Christi Domini. Hoc enim posito pronum valdè fuit, ut peccarent Angeli per superbiam, nolendo Christum reuereri, ut caput, & Principem ipsorum, nec puros homines iustos, & amicos Dei beneuola societate dignari tanquam participes eiusdem substantialiter dignitatis, & beatitudinis, & insuper nonnullos tanquam superiores quoad intensionem, & magnitudinem.

X

ipsius.

ipsius : Istam sententiam de occasione &
 causa superbix dæmonum amplectuntur
 absolute , vt valde probabilem Granados
 tract. 13. d. sp. 2. lect. 5. cum Suarez & plu-
 ribus alijs. Negari profectò minime po-
 test hoc obiectum esse maximè propor-
 tionatum permouendę voluntati Angelo-
 rum ad superbiam. Notum siquidem ex-
 perientia nobis est , quàm sit difficile
 humilitatis opus subesse etiam pari in na-
 tura , eumque reuereri tanquam superio-
 rem . Hæc autem difficulas crescit plu-
 rimùm si penes accidentia naturalia ani-
 mi , & corporis idem existat inferior .
 Fuit igitur maxima respectu Angelorum
 difficultas in agnitione , & cultu Principis
 essentialiter inferioris penes naturam. Nec
 ad minuendam istam difficultatem iuua-
 re quidquam potuit dignificatio humanæ
 naturæ per Diuinitatem Verbi . Quin po-
 tius id contulit ex alio capite ad augendâ
 difficultatem . Fuit namque acerbi dolo-
 ris . & vehementis indignationis materia
 respectu Angelorum , quod tanta , & tam
 sublimis dignitas communicaretur nature
 inferiori , transmissa , & quasi pro nihilo
 habita natu a superiori purè spirituali , &
 insuper coacta , reuereri propterea cum
 submissione propemodum infinita naturâ
 de se inferiorem . Valde igitur credibile,
 est, hac occasione incidisse dæmones in
 peccatum superbix , si ipsis ab initio re-
 uelatus , & propositus fuit Christus Do-
 mi-

minus, tanquam suum caput, & princeps.

Art. 8. Adfuisse autem Angelis antequam peccarent notitiam Christi venturi, ex eo suaderi efficaciter potest. Quia mysterium incarnationis Verbi Divini multis ante eius existentiam sæculis reuelatum est hominibus, nec non Adamo ante peccatum, ex probabiliori D. Thomæ, aliorumque sententia. Quidni, & Angelis eadem notitia communicata sit à principio existentie suæ? Accedit, fidem perinde ferri in absentia loco, & tempore, atque in ea, quæ sunt præsentia. Quia non cognoscit obiecta dependenter ab eorum præsentia, & influxu immediato, sed dependenter a testimonio reuelantis, qui semper adest, & ubique. Vnde non est maior ratio allerendi in Angelis notitiam existentie Christi in aliquo postea determinato tempore, quam in ipso mundi exordio, primoque instanti existentie eius. Qua propter absque sufficienti ratione videntur contradicere sententia Salmeronis Cornelius a Lapide & ex eo Granado, restringendo ad tempus realis existentie Christi, vel aduentus eius in iudicium illud Pauli ad Hebr. 1. Cum iterum introducit Primogenitum suum in orbem terra, dicit & adorent eum omnes Angeli Dei Ex quo testimonio constat prætere de præcepto Angelis imposito circa adorationem Christi, quod nostra sententia, & probatio supponit, esseque

consequens ex natura rei ad notitiam Christi. Hæc autem ipsa notitia, coniuncta cum eo præcepto, decet maxime dignitatem infinitam Christi pro omni tempore, & omni creatura intellectuali. Alia testimonia fauentia huic sententiæ videri possunt apud Suarez lib. 7 c. 11. Illud præteriri non debet, in quo Apocal. 12. ver. 9. 10. & 11. describitur prælium in fine mundi inter Michaellem, & eius assecclas ex vna parte, & inter Luciferum, Antichristum, & vtriusque assecclas ex altera cum allusione historica ad primum prælium inter eosdem Michaellem, & Luciferum his verbis *Et proiectus est Draco ille magnus &c. Et audiui vocem magnam in Cælo dicentem. Nunc facta est salus, & virtus, & regnum Dei nostri & potestas Christi eius &c. Et ipsi vicerunt eum propter sanguinem Agni.* In quibus deficeret allusio prædicta in quam consentiunt communiter interpretes. Deficeret inquam quoad præcipuum caput expressum in celeumate, seu acclamatione gratulatoria, & in causa victoriæ, si nõ innotuisset Angelis Christus Dominus in illo primo suo conflictu cum Lucifero. Accedit Christum Dominum esse caput omnis principatus, & potestatis, adeoque Angelorum non minus quam hominum, vt ostensum est ex Apostolo quæst. 41. de incarnat. vbi pariter ostensum est omnem ab initio gratiam Angelorum processisse ex meritis Christi.

Irrationabiliter autem crederetur non innotuisse Angelis caput suum, cuius erat membra, & suum mediatorem, cuius interuentu accepissent à Deo dona gratiæ. Magno itaque cum fundamento creditur hanc etiam fuisse occasionem, ut dæmones peccarent per superbiam, negatis Christo adoratione, & cultu ipsi debitis.

Art. 9, Mouet nonnullos aduersus illud discursum, decretum de mylterio Incarnationis conceptum à Deo fuisse dependenter à peccato Adami, quod peccatum pependit rursus à peccato dæmonis tentantis; atque adeo peccatum dæmonis non pependisse ab eo mylterio, ne admittatur mutua prioritas. Verum hæc difficultas est leuis. Primum quia probabilius est decretum Incarnationis secundum se fuisse independens ab omni peccato. ut ostensum est quæst. 17. de Incarnatione. Deinde quia potuit reuelari Angelis existentia Christi secundum se, quia reuelaretur eius passibilitas, & occasio existentiae eius ex peccato Adæ. Quo cessat inconueniens propositum. Nempe decretum diuinum secundum se non dependet à priori ab ullo obiecto creato, uti vniuersaliter de omni decreto Dei, deque omni obiecto creato dictum est sæpe in qq. de Deo, maximè verò à quæst. 31. ad 34. Quod dicunt nonnulli, Angelis à primo instanti solam reuelatam fuisse pos-

sibilitatem incarnationis, atque imposi-
 tum praeceptum de proposito conditio-
 nato adorandi Christum, si fortè existeret, ad exercendam obedientiam, & humilitatem Angelorum; ideo mihi placere non potest. Quia eni subtilitas purè voluntaria, inuenta praecise ad vitandam difficultatem, absque exemplo similium, praecceptorum. Sed displicet non minus eadem subtilitas, quia necessaria nequaquam est, ut iam apparuit. His igitur modis videntur sufficienter, & solide explicari occasiones superbiae Angelorum, in quam inciderunt de facto. Qualis porpo potuisset esse occasio peccandi per superbiam pro statu purae naturae, parum interest, ut operosius manifestetur. Potuere superiores Angeli dedignari mutuam cum inferioribus Angelis communicationem, tanquam cum conciuibus suis, ac sociis eiusdem perfectae reipublicae; potuere similiter recusare inferiores subordinationem sui respectu superiorum, quoad illuminationem in speculabilibus, & directionem in operabilibus. Potuere demum ut ique negligere directionem, & custodiam rerum sublunarium, ac praesertim hominum, tanquam ministerium non usque adeo decens sublimitatem substantiae purè spiritualis, & sic de similibus. Illud est magis proprium rei, & status praesentis, praesupposito peccato superbiae hucusque explicato, protinus exarsisse

sisse dæmones inuidia aduersus, & homines, & Angelos bonos. Quia eiusdem est nimium affici erga dignitatem, & excellentiam propriam, atque odisse tanquam nociuam respectu sui dignitatem, & excellentiam aliorum. Qua ratione, redditur valde probabile, dæmones eodem indiuisim actu, & elatos esse per superbiam, & exarsisse inuidia, per complacentiam sui, & displicentiam aduersus alios. Certè affectus iste posterior duelli non potuit à priori illa deordinatione, tam etsi dicatur ab ea distingui realiter, ut docet D. Thomas in illo art. 2. vsus auctoritate Aug. lib. 14. de ciu. cap. 3. dicentis: *Diabolus non est fornicator. aut ebriosus neque aliquid huiusmodi. Est tamen superbus & inuidus.*

Art. 10. Id quoque observatione dignum est peccatum Angelorum explicatum hucusque esse quoad motiui eius formale. De quo nimirum est præcipua difficultas, agiturque à Theologis præcipuo conatu. Cæterum ex superiori discursu apparet clarè, Angelos peccasse peccato infidelitatis, & præsumptionis, atque odij Dei, inobedientiæ, ingratitude, nec non irreligionis, & inobseruatæ. Verùm quia non inciderunt in hæc peccata ex motu uis peculiaribus eorum, sed ex motu superbiæ, ideò in superbiam cetera omnia reuocantur. Insunt præterea dæmonibus quoad reatum om-

nes species peccatorum, in quæ incidunt homines. Quia ad ea omnia impelluntur à dæmonibus, qui proinde eadem intendunt, & perpetrant per homines. Sed quia a dō nō ē istiusmodi iniquitatē incitantur motu superbiæ, cui vni oblitæ sēper adhærent, propterea in omni opere suo malo magis sunt superbi, quàm aliquid aliud, iuxta illud vulgare: Qui turatur propter mæchiam, magis est mæchus quàm iur. Peccatum igitur primum, ac præcipuum dæmonum est superbia, ac deinde inuidia.

Ad 1. Hoc est commune omni peccato, ut se ipso destruat re ipsa, quod intendit peccator. Omnis enim peccans excedit in amore sui, ac proinde amat sibi felicitatem, quam tamen impedit, ac destruit peccatum. In hoc igitur errat omnis peccans, quod collocat suam felicitatem, & ultimum finem, summumque suum bonum in re creata, illique postponit bonum increatum, ac verè infinitum, ideoque amittit veram felicitatem, dum peruerso ordine adhæret nimium bono ad felicitatem insufficienti. Verum quia hæc contradictio accidit absque eius expressione in cognitione præuia, & cum solo virtuali eius conceptu, propterea nulla est implicantia formalis in cognitione, & opere peccatoris, uti expositum est semel, atque iterum in qq. de act. hōm. Quod ad Angelos attinet, ipsi contempserunt

serunt beatitudinem supernaturalem propter necessitatē humiliationis in eius medijs, & contemnendo amiserunt, vt adhererent bono absolute quidem minori, sed secundum quid maiori, ideoque præferibili absolute per electionem liberam iuxta dicta quæst. 13. de act. hum. præsertim ad 2.

† Ad 2. Conceditur idem esse peccatū dæmonum, nunc & prius. Sed negatur ~~non~~ peccare eos nunc etiam peccato superbiæ. Licet enim non adspirent ad excellentius genus bonorum, quam quæ habent, hæc tamen habent cum superbia eorum prælatione, comparatione bonorum, quibus carent, atque ex hac radice ambiunt colli ab hominibus, eosque pertrahunt ad suam seruitutem, quantum possunt. Vnde ita tristantur miseria, & infelicitate, qua premuntur, vt tamen exultent in rebus pessimis.

Ad 3. Angeli non potuerunt seruare suum principatum, ac domicilium, nisi captiuando humiliter intellectum, & voluntatem in assensu veritatum, et prosecutionem promissionum propositarum obscure, et dependentium ab aliena voluntate, ac adiutorio, & quin demitteret se ad adorationem, & cultum naturæ inferioris in persona Christi. Quod quidem erat paruum, si quod tamen erat, dispensandum dignitatis ipsi connaturalis, sed tamen erat præsens difficultas. demissionis.

cùm lucrum beatitudinis supernaturalis
 esset absens, & obscurè translucens. Hec
 autem est commune omni peccanti, vt
 propter exiguam difficultatem præsentē
 amittat æternam summi boni possessio-
 nem, siue peccatum sit superbiæ, siue
 alterius vitij. ad eum modum, quo aua-
 rus sepe facit iacturam magni lucri de
 futuro, ne faciat de præsentī expensas vt-
 cunque paruas. Igitur demon amisit qui-
 dem bona maiora, quam quibus adhæ-
 sit; adhæsit tamen his tanquam maiori-
 bus propter excessum secundum quid,
 quem agnouit in ipsis quoad excellen-
 tiam, et dignitatem. Quod est propriū
 superbiæ cum acedia incumbat bono mi-
 nori non tanquam excellentiori, sed tan-
 quam faciliiori solum.

Ad 4. Conceditur, Luciferum fuisse
 auctorem peccandi ceteris peccatoribus
 Angelis, et exemplo et suasionē. Quod
 sufficienter comprobatur ab auctoribus
 ibi indicatis. Sed negatur peccatum su-
 perbiæ non posse utroque eo modo pro-
 pagari ab vno in alios, præsertim infe-
 riores, siue accidentaliter, siue substan-
 tialiter. Quia fieri potest, vt superbia
 non sit ultra modum eleuatiua vnus re-
 late ad alios, qui incitantur ad imitatio-
 nem, sed solum relate ad aliam terram.
 Atque in hoc euentu superbia vnus cuius-
 que peccantis non contradicit superbiæ
 cæterum, vt per se patet. Ita enim ac-
 cidit

cidit in dæmonibus. Nec enim peccauerunt contemptu mutuo, sed contemptu Dei aduersus, quem rebellauerunt impietis reuelationibus, & promissionibus eius, eiusdemque filio incarnato, vt dictum est. Quæ erat causa, seu occasio communis.

Art. 1. Ad 5. Dictum est sæpe, dæmones non peccasse appetendo bonum nimis excellens, sed amore magno, ac nimio parue excellentiæ, qualis erat excellentia sibi connaturalis comparata cū supernaturali, quam Deus ipsis obtulit. Vnde non imputatur illis ad peccatum, quod voluerint esse in Cælo, & habere solium super altis, sed quod vtrūq; voluerint solum iuxta mensuram suarū virtutum, iisdemque solis viribus vtendo. Quod indicat illud *conscendā & exaltabo solium meū* nempe propriam virtutem tantam. Similitudinem etiam Dei non concupierunt maximam, aut nimiam, sed parvam modo nimio, vt expositum est supra. A Deo autem erant ordinati ad maximam similitudinem secum, vt apparet ex illo communi omnibus beatis: *Similes ei erimus* 1. Ioann. 3. 2. Erant vero ordinati per humilitatem, cui contradixit superba adhe- sio ad aliam parvam similitudinem cum Deo, absolute inferiorem incomparabili- ter, qualis est similitudo cum Deo Ange- lis connaturalis.

Art. 2. Quia vero similitudo cum Deo

Angelis connaturalis est maior, ac præstantior in vnoquoque eorum iuxta maiorem vniuscuiusque perfectionem substantialem; atque similitudo maior ac præstantior cum Deo vim habet maiorem alliciendi ad amorem sui; concluditur maximum peccandi motuum aduise in supremo Angelo. Vnde est valde probabile, vt hoc obiter determinemus, quod docetur à D. Thoma quæst. 63. art. 7. & ab alijs communiter, Angelum supremum inter peccantes fuisse absolutè supremum inter omnes. Quia videlicet is habuit maius motuum peccandi, nempe excellentiam naturalem maiorem, atque probabilius est, eum potissimum peccasse, quem ad peccandum urgebat motuum de se efficacius. Indidem etiam factum est, vt primus inter peccantes peccaret absque exemplo, & suasionem cuiusquam alterius. cæteri verò indiguerint incitamento, & suasionem Luciferi, vt dictum est nuper ad 4. Quia nimirum secluso hoc additamento non vsque adeò vehementer impellebantur ad superbiendum.

Art. 3. Neque euacuat penitus vim huius rationis, quod in supremo Angelo videretur compensare, & contraponere ex æquo maius motuum peccandi, maior pronitas ad honestum, quæ est propriæ naturæ præstantioris, vt obseruat optimè D. Thomas loco indicato, quatenus natura intellectualis ex se est prona, &
est

essentialiter ordinata ad bonum honestū,
 & eò magis, quò præstantior est. Non
 inquam hoc euacuat vim rationis propo-
 sitæ, quia nulla natura creata ex se præci-
 sè vllam habet pronitatem ad bona su-
 pernaturalia. Cùm tamen motiua natu-
 ralia habeât vniuersaliter vim contradi-
 cendi eorundem bonorum prosecutioni.
 Dæmones autem peccauerunt de fa-
 cto per contemptum bonorum superna-
 turalium, perque nimium naturalium bo-
 norum amorem. Conceditur itaque ean-
 dem illam rationem non concludere pro-
 portionaliter pro statu puræ naturæ, sed
 fore peccatum eque probabile pro eo sta-
 tu respectu superiorum, & inferiorum.
 Sed quidquid sit de hoc statu, primatum
 Luciferi de facto inter omnes Angelos
 tuentur communiter alij etiam Theologi
 præter D. Thomam, cum magno funda-
 mento in Sanctis PP. ac præsertim Dio-
 nysio cap. 2. de diu. nom. p. 1. fine, vbi
 Luciferum dicit *primatem antiquissimorum*
Angelorum. Videantur plura, si placet,
 apud Suarez lib. 7. cap. 17.

Art. 4. Hoc ego specioliter aduerte-
 rim; prouidentiam Dei simpliciter ante-
 cedentem non fuisse minus propitiam, ac
 beneficam erga supremum Angelum ta-
 met si eum exposuerit maiori periculo.
 Quia simul eundem vocauit ad spem ma-
 ioris beatitudinis iuxta dicta supra qu. 4.
 spes

spes autem maioris boni cum periculo tantundem maiori perinde æstimatur, atque spes boni minoris cum periculo tantundem minori: Vnde æqualitas proportionalis providentiæ Dei potius postulabat, ut periculum supremi Angeli esset maximum. Idemque dicitur de cæteris respectivè.

Ad 6. Amor Angeli erga se secundum se præcise consideratum, non potuit esse nimius. Quia is amor est in vnoquoque necessarius, ut dictum est supra quæst. 20. Ideoque est magnus, ac intensus tota magnitudine, & intensiōe absolutè possibilis. Igitur nimietas amoris erga se necessario refertur ad bona alia distincta a substantia amantis, nec dari potest nisi volendo sibi maiora bona, quam par est, aut minora bona modo, quo par non est ea velle. Atque hoc posteriori modo peccaverunt Angeli, ut dictum est. Peccaverunt verò, non tam præferendo se, quibus præferre non deberent, sed non submittendo se, cui, & quantum summitti debebant, nempe Deo. Falsum porro est, nimietatem amoris huiusmodi comparativè, ac relatiuè fundari necessario in aliquo priori amore nimio, ac vitioso prorsus absoluto. Quia in sola libera electione potest reperiri excessus vitiosus, atque electio libera ex conceptu suo fundatur in aliqua finis intentione necessaria

ria, vt dictum est quælt 15, de act. num. art. 1. Quæ proinde intentio vitiosa esse minime potest. Quapropter opinio Scoti quoad hanc partem non videtur sufficienter fundata, cum necesse sit, vt omnis actus malus oriatur ab actu minimè malo prout coniuncto cum imperfectione naturæ peccabilis.

Ad 7. Corruptio optimi est pessima. Vnde peccatum Angelorum fuit deformius & grauius peccatis hominum. Peccatum autem ex suo conceptu est opus stultum. & eò magis, quò maius est. Quapropter inter Angelos quoque ipsos supremus peccauit stultius, quam cæteri. Quia decidit à bono maiori, & incidit in poenam iidem maiorem. Ratio autè, obquam stultitia maior practica non repugnat magis, sed potius minus, naturæ præstantiori, exposita est nuper in respõsione ad 5. Itaque mirabile protecto est, Angelos vsque adeò perfecte instructos à Deo donis naturalibus, & supernaturalibus. atque præditos altissima rerum omnium scientia vsque ad:ò desipere potuisse. Quæ admiratio exprimitur apud Isaiam 14. verbis illis: *Quomodo cecidisti de Cælo Lucifer, qui mane oriebaris!* commutans ubi iam splendores matutinos, & plenitudinem lucis cum tenebris nocturnis, & cum tetra peccati caligine. Verùm illa ipsa abundantia lucis fuit occasio

casio tenebroſæ ſuperbiæ, vt expoſitum
 eſt ſupra, & indicatur apud Ezech, c. 28.
 dum dicitur: *Elevatum eſt cor tuum in de-
 core tuo.* Vnde Angelis peccantibus ac-
 commodari optimè poteſt, quod dici-
 tur de diuitibus in illo ipſo psalm. 72,
 translata, in abundantiam ſcienciæ,
 multitudine, & magnitudine diuitiarum:
*In labore hominum non ſunt, & cum homini-
 bus non flagellabuntur. Ideo tenuit eos
 ſuperbia. Operi ſunt iniquitate,
 & impietate ſua. Prodiſſe
 quaſi ex adipe (ſcien-
 tiæ, & perfectio-
 nis natura-
 lis)
 iniquitas eorum;*



QVÆSTIO XXVIII.

Virum Gloria, & pœna Angelorum statim post unicum actum meriti, & demeriti inductæ sint, idque ex natura ipsa rei propter immutabilitatem eorum?

IDENTVR non fuisse inductæ post eos actus, sed vel simul cum ipsis, vel non immediatè post ipsos, saltè necessariò, & ex natura ipsa rei, i. Quia neque premio, neque pœnæ repugnat, vt inducantur in eodem instanti, in quo primum existunt opus meritorium, & demeritorium, vt patet in infusione gratiæ, eiusdemque priuatione, quarum altera inducitur in eodem instanti, in quo primum existit opus meritorium altera verò in instanti, in quo primum existit peccatum. Ergo non fuit necesse ex natura rei, vt aut gloria, conferretur bonis Angelis post opus meritorium eius, aut demonibus infligeretur pœna æternæ damnationis post instans peccati; sed vtrumque fieri potuit pro illo ipso instanti, pro quo primum extitere meritum, & demeritum.

2, D, August. lib. de Ciuit. cap. 9. dicit

cit, partem sanctorum angelorum eò beatiorem esse quod nunquam est peregrinata à Domino. Nunquam igitur caruit visione beata. Nempe peregrinaria domino est carere visione, & ambulare per fidem, ut liquet ex illo 2. ad Corinth. . *Dum sumus in corpore, peregrinamur à Domino, per fidem enim ambulamus.* Verùm istam doctrinam de beatitudine perfecta bonorù Angelorum à primo instanti inclusivè docet fuisse multis modis lib. 4. super Genes. ad 1. cap. 24. & lib. 11. cap. 26. nec non lib. 12. confess. cap. 9. atque in lib. de Eccles. doctrinat. cap. 59. dicitur, sanctos Angelos in ea, in qua creati sunt beatitudine perservere. Eadem autem est ratio de damnatione demonum à primo instanti. Quia simul discreti sunt boni, & mali, atque in suam quique sortem coniecti. Neutrù ergo accidit post instans meriti, & demeriti.

3. Idem semper idem, semper est aptum facere idem. Angelis autem adfuerit eadem omnia ante, & post actum meriti, & demeriti. Ergo eadem ratione, qua boni Angeli peccare, ac demereri potuerunt, antequam mererentur beatitudinem, eandemque mereri potuerunt mali Angeli, antequam peccarent, potuerunt etiam, & hi posteriores poenitentiam agere, & priores peccare post primos actus meriti & demeriti. Ergo necesse non fuit ex natura rei, ut
post

post vnicum actum meriti, & demeriti
statim inducerentur gloria, & poena
æterna. Sed oportuit potius, vt detine-
rentur diutius in via, sicut detinentur ho-
mines. Vt nimirum daretur locus poeni-
tentiae peccantibus, nec frustra nacti es-
sent naturam mutabilem, atque emenda-
bilem, vtque probitas bonorum proba-
retur magis, & daretur locus augmento
coronæ per continuationem boni operis,
& perseuerantiam in accepta iustitia.

4. Dæmones de facto mutati sunt de
bono in malum propositum, atque con-
uersionem ad Deum primitus conceptam
commutarunt deinde in conuersionem
ad creaturas, & in auersionem à Deo.
Ergo similiter potuerunt, quantum est ex
natura rei, regredi iterum ad Deum, &
auerti à creatura, atque ita emendare
priorem errorem. Patet consequentia,
Quia nulla est maior difficultas in muta-
tione de malo in bonum, quam in con-
traria mutatione de bono in malum, quā-
tum est ex parte naturæ mutabilis. si non
desit auxilium gratiæ Dei, quod nemi-
ni negatur ad profectum spiritualem,
cuius est capax natura vniuscuiusque

5. Angeli conueniunt cum homine,
quā intellectualis est. Homo autem mu-
tat sepe sæpius prop situm, non solum
circa corporalia, quæ mutantur tempo-
ris decursu. sed etiam circa intelligibi-
lia, quæ innariabiliter, semper eadem, eo-
dem.

demque permanent modo, & cognoscunt ut talia. Ergo Angeli sunt etiam capaces multiplicis similiter mutationis circa obiecta utcumque inuariabilia in se, atque in eorum intellectu.

Art. 1. Respondetur. Breuissimam fuisse viam Angelorum, tam bonorum, quam malorum communis est, & indubitata Theologorum omnium sententia cum D. Thoma quæst. 62. art. 5. & q. 63. art. 6. Et quidem nonnullis audentibus olim dicere, Angelos bonos non esse perducendos ad beatitudinem usque ad d. e. iudicij aperte contradicit Christus Dominus Matth. 18. dicens: *Angeli eorum semper vident faciem Patris*. Nec quidquam facit ad oppositum, quod dicitur 1. Petri 1. *In quem desiderant Angeli prospicere*. Quia desiderium non accipitur ibi p. o. appetitui rei absentis, sed pro gaudio nullum afferente tedium, & perinde inhiante, ad bonum suum, atque si semper quæreretur de nouo. *Desiderant enim, ut exponit ibi Gregorius, sine labore. Quia desiderium satietas comitatur, & satietas est sine fastidio. Quia ipsa satietas ex desiderio semper accendit.* Ad eum utriusque modum, quo sapientia diuina dicit de se Eccl. 4. *Quiescunt me, adhuc esuriens & quibibunt me, adhuc sitiens*. Ratio breuitatis viæ Angelorum est. Quia sicut spatia multo plura pertinere possunt in rectu oculi, quàm possit homo per plures annos; ita etiam per intellectum

lectum potest obiecta omnia eligibilia
in ordine ad ultimum finem melius consi-
derare intra moram durationis utcumq;
breuem, quam homo toto tempore viæ
mortalis, quonaturaliter viue e potest.
Eadem igitur ratione, quâ homini ex na-
tura rei ad summum conceditur pro sta-
tu viæ spatium centum, aut circiter an-
norum; ita Angelis ex natura rei concedi
debut breuissima mora. Licet autem
quanta ea fuerit determinari a nobis
omnino non possit sub aliqua mensura
iusta, quæ videlicet caremus pro mensu-
randa duratione naturæ Angelicæ, & o-
peratione eius; dici nihilominus potest
moram viæ Angelorum diuisibilem qui-
dem fuisse, sed simul fuisse breuiorem
qualibet parte utcumque minima tempo-
ris nostri discernibili, ac designabili seor-
sum. Hoc enim, persuadet satis ratio pro-
posita.

Art. 2: Solet autem ea qualiscunque
mora dici vnum instans respectu bonorum
Angelorum duo verò respectu malorum.
Ratio est, quia instantia Angelorum nu-
merantur iuxta numerum operationum
inuicem impossibilium, sibi que inui-
cem succedentium. In Angelis autem bo-
nis vnus actus conuectionis in Deum per-
seuerauit inuariatus, dum fuere viatores.
Tota igitur eorum via fuit vnicum instans
reale. Licet enim, quando peccarunt
dæmones illis resisterint, atque hic resi-
sten;

scientiæ actus fuerit distinctus à primo actu conuersionis in Deum quo se disposuerunt ad gratiam; non tamen fuit impossibilis cum eodem actu conuersionis in Deum, ac proinde nullum superaddidit nouū innans, idemque dicitur de alijs eiusmodi actibus superadditis illi primo, tanquam in ipsorum radici. At dæmones primo actui conuersionis in Deum substituerunt peccatum, quod est actus impossibilis cum actu conuersionis in Deum. Cæterum mora vtrorumque inuia fuit prorsus equalis. Quia dum peccauerunt dæmones, retinuerunt boni Angeli potentiam peccandi, quæ solum in viatore dari potest. Verum hæc partitio instantium, vtrunque exponatur, est secundum se præcisè parui momenti. Quia nihil refert pro re theologica, an sic, vel secus lituas.

Art. 3. Duo alia supersunt circa hoc punctum, quæ sunt maioris momenti, ac propriè theologica. Alterum est an potentia proxima merendi, & demerendi sit incōpossibilis cum beatitudine pro eodem instanti reali, ideoque necesse fuerit, vt gloria conferretur, & infligeretur poenæ peccati pro instanti realiter distincto ab instanti, pro quo primum extitit meritum consummatum & demeritū seu peccatum. Alterum est, vtrum Angeli sint inflexibiles ex sua natura, ita vt neque ijs, qui peccauerunt, fuisset possibi-

le

le retractare suum actum, atque poenitentiam, tametsi Deus voluisset illis continuare priora auxilia gratiæ, nec inferre protinus poenam damni, & sensus, seu quasi sensus, neque ijs, qui perseuerauerunt in actu dilectionis supernaturalis Dei pro instanti, pro quo cæteri peccauerunt, tuisset possibile peccare deinceps, tametsi collata protinus non fuisset visio Dei immediata, seu perfecti beatitudo. Quoad utrumque punctum sunt variae Theologorum opiniones. Quia quoad primum nonnulli putant, aduersus communem sententiam, beatitudinem, & reprobationem passivam coexistere posse ex natura rei actui meriti, ac demeritis. Quoad secundum verò punctum D. Tho. quæst. 62. 15. et quæst. 64. art. 2. et alij plures ibidem Angelos dicunt omnino inflexibiles, nec illis inesse potentiam physicam mutandi propositum semel conceptum, si permanenter, et sine limite determinatæ alicuius durationis semel ab eis concipiatur. Scotus verò, et D. Bonaventura, Molina, Suarez, Vasquez, Valentia, et alij oppositam quantum est ex sua natura, flexibilitatem attribuunt Angelis, similem humane. Granados verò, post alios Angelos dicit moraliter inflexibiles, et flexibiles physicè.

Art. 4. Dicendum autem primum est, beatitudinem, et reprobationem esse intrinsece impossibiles cum actu meriti,
et

& deneriti, quo utraque inducitur, tanquam præmium, & pœna. Non potuerūt quidem Angeli accipere præmium gloriæ pro eodem illo instanti, pro quo existit eius meritum. Quia potestati merendi coniuncta in illis fuit potestas proxima peccandi, cum qua coniungi minime potest beatitudo. Idque non ex eo præcisè, quia potestas proxima antecedens peccandi est realiter impossibilis cum impotentia consequenti peccandi, siue morali, siue purè physica, quo perperam, ut paulo post apparebit, recurrit operoso conatu Martinon. Sed quia potestas proxima peccandi, præcise per seipsam, constituit formaliter statum miseriæ impossibilem cum existentia, & statu beatitudinis pro eodem instanti. Nempe potens proximè peccare, cognoscit, posse existere peccatum pro eo instanti, estque anceps de euentu futuro, & angitur magna de illo sollicitudine. Quæ profectò est magna quædam miseria. Beatitudo autem ex suo conceptu affert secum tranquillam, & securissimam huiusmodi dubitationis, & sollicitudinis exclusionem ut ostensum est quæst. 3. de act. hum. ab ar. 9. Accedit actum meriti Angelici ortum esse ab actu fidei, & spei, atque utrumque hunc actum pertinuisse partialiter ad idè meritum. Uterque autem est impossibilis cum visione beatificante, ut dictum est in loco, Simili ratione fuit impossi-

sibilis

sibili reprobatio passiva cum actu peccati pro primo instanti existentiae eius. Quia pro eo instanti data est in Angelis malis possibilitas proxima euadendi poenam æternam simul cum cognitione possibilitatis proximæ vitandi illam,, atque impediendi. Est autem de conceptu reprobationis passivæ impossibilitas eam vitandi, & cognitio huius impossibilitatis. Patet autem istas cognitiones, eamque potentiam, & impotentiam esse impossibiles pro eodem instanti reali, cum opponantur contradictoriè. In summa nemo est, aut potest esse perfecte beatus, dum potest esse miser, nec totaliter infelix, dum potest esse beatus. Quia potestas incidendi in miseriam est misera; & sælix potestas consequendi beatitudinem. Unde neutra compatitur secum consummatam, ac totalem, aut beatitudinem, aut miseriam. Necessè igitur fuit, ut Angelis bonis beatitudo, & malis reprobatio passiva accederet post actum meriti, & demeriti, & neutra potuit coexistere his actibus.

Art. 5. Dicendum deinde est, Angelos ex sua natura esse saltem moraliter inflexibiles quoad propositum semel conceptum permanenter, dum non apparet novum motivum. Inquam permanenter conceptum. Quia quasdam electiones concipiunt Angeli cum restrictione ad tempus finitum, seu vagè, seu determina-

tè, vt patet in præsentia ad hoc, vel ad illud spatium, successiua corporum motione, apparitionibus, inspirationibus, suggestionibus multipliciter varijs pro diuersa rerum opportunitate. Similis est ratio de cessatione à propositis conditionatis de futuro, quæ similiter cessant expleta conditione, in quam vsque ab initio voluntas tendebat. Huiusmodi autem electiones, & alias similes, non solum physicè, sed etiam moraliter, & facile possunt mutare; si tamen ea mutatio dicenda est, & non pura quædam successio actuuni exequens priorem voluntatè. Quod obseruare oportuit ad vitandas quasdam non vulgarium Theologorum æquiuationes circa controuersiam præsentem.

Art. 6. Dixi rursus nisi appareat nouum motiuum. Quia dubitari minimè potest, quin voluntas quælibet mutare possit, potentia etiam morali, propositum iam præconceptum, si occurrat nouum motiuum nouitate vel totali & entitatiua, vel partiali, ac formali propter nouam apparentiam maiorem quoad aliquas formalitates prius latentes. Quia nimirum voluntas, siue Angeli, siue hominis perinde comparatur cum nouo motiuo nouiter occurrente in contrarium, atque si nihil prius determinasset, nihilque prælegisset. Hac ratione quidam ex Angelis libere perseverarunt tota viæ suæ duratione
in

in dilectione Dei primitus concepta, .lij
verò ab eadem recesserunt peccádo. Quia
videlicet in primo instanti omnes vnifor-
miter acceperunt ex determinatione
Dei in instanti creationis cognitionem
perfectissimam, quæ proinde efficacissi-
mè repræsentaret omnes rationes obie-
ctiuas allicientes ad amorem Dei super
omnia, & minus efficaciter motiua crea-
ta in contrarium. In secundo verò in-
stanti boni Angeli noluerunt ab ea cog-
nitione diuerti, vel diuertentes ab illa re-
sisterunt nihilominus motiuis peccádi no-
uiter efficacius apprehensis cum liberta-
te morali illis cedendi. Dæmones verò
ab ea priori cognitione liberè diuerterút
ab eadem illa cognitione diuinitus immis-
sa ad efficaciorē considerationem mo-
tiuorum contradicentium dilectioni, &
obedientiæ Dei, eisdemque incubuere
spreta priori perfecta ad Deum conuer-
sione: Nonnulli, vt exponant istam no-
uitatem motiui pro secundo instanti, di-
cunt, notitiam Christi, quem ignoraue-
runt Angeli pro primo instanti, affulsisse
illis de nouo pro secundo instanti, eam-
que fuisse occasionem peccandi, & rece-
dendi à dilectione Dei primitus concep-
ta. Verum ego censeo longè probabilius
cum D. Thoma 2.2. quæst. 2. ar. 7. in c.
iuncta responsione ad 1. & cum Augulli-
no ibidem innotuisse Christum Angelis
pro primo instanti, atque per fidem me-

diatoris gratiam sanctificantem cōsequu-
 tos esse non minus, aut aliter, quā Ada-
 mum, cui etiam reuelatus est Christus
 ante peccatum, licet non sub conceptu
 passibilis, & Redemptoris, benè tamen
 sub conceptu mediatoris ad gratiam, &
 gloriam obtinendam à Deo vt docet ibi-
 dem D. Thomas. Nempe sub eo concep-
 tu æquè pertinebat ad Angelos notitia
 Christi ante peccatum, & ante omnem,
 notitiam futuritionis peccati, vt dictum
 est in quaestione præcedenti. Dicendum
 igitur potius est nouitatem illam motiui
 pro secundo instanti sitam fuisse, iuxta di-
 cta ibidem in noua comparatione excel-
 lentiae propriæ naturalis cum dimissione,
 & humiliatione necessaria ad credendū
 obscura mysteria, & ad sperandum dona
 obscurè proposita, nec non cum vilitate
 humanæ naturæ, quæ exaltata in Chri-
 sto, adoranda propterea humiliter ip-
 sis proponebatur. Nempe circa hæc mul-
 ta de nouo considerari potuere, à quo-
 rum explicita consideratione prouide-
 auerterat Deus Angelos omnes pro pri-
 mo instanti auctor primæ eorum cogni-
 tionis. A qua postea, qui voluere, &
 quantum voluere, pro sua libertate re-
 cessere, & in alias æternæ salutis minus
 opportunas cogitationes prolapsi sunt,
 amissa propterea priori impossibilitate
 morali peccandi, simulque labefactata vi
 dilectionis Dei primitus conceptæ, vt cō-
 tine-

tinerentur in officio, eamdemque dilectionem constanter, ac inuariabiliter retinerent.

Art. 7- His igitur ita constitutis, probatur de cætero conclusio proposita de inflexibilitate saltem morali voluntatis Angelicæ. Quia Angelus cognoscit in primis cõprehensiuè pleraque motiua naturalia, & cætera naturalia, atque supernaturalia omnia actualiter occurrentia, quæ placet considerare pro vnaquaque electione, cognoscit omni conatu, ac proinde cum omni perfectione sibi absolute possibili; ita vt perfectio cognitio- num, vel auertentium ab electione, vel ad illam impellentium, augeri ab eo minimè possit per discursum, aut maiorem rei, de qua agitur considerationem. Omnia siquidem quæ cognoscit, complectitur immediata eorum inspectione, nec potest proficere per discursum in eorum manifestatione, vt dictum est supra quæst. 15. Deinde dispositionem purè physicam retinet Angelus semper inuariatam, dum est in via, & dispositio, quæ in termino viæ superuenit de nouo, fouet potius electionem antea factam. Demum cuius suæ electioni incumbit Angelus summa cum intentione, & adhæsiõne affectiua, summoque conatu absolute sibi possibili sub iisdem motiuis: Hæc autem omnia inducunt maximam quandam difficultatem, atque impotentiam moralem nu-

tandi electionem. Quilibet enim voluntatis actus pollet vi aliqua peculiari inclinandi voluntatem ad conseruationem sui, & impediendi actum oppositum retractatiuum eiusdem prioris actus, vt obseruatum est quest. 73 & 75. Sacram. initio. Eaque vis eo est maior, quo maior est intensio ipsius actus, & perfectior cognitio motiuorum, in vtraniq; partem maiorque de reliquo vniformitas dispositionis ex parte subiecti eligentis. Ergo vbi hec tria concurrunt in summo gradu vti concurrunt in Angelo, ea vis electionis inclinans ad permanentiã sui redditur maxima, atque infrustrabilis, vt minimum moraliter.

Art. 8. Confirmatur. Quia in humanis electionum, ac propositorum mutationibus, seu retractationibus semper interuenit, vel maior, ac attentior reiconsideratio emendatiua prioris inconsiderationis, vnde est frequens illud, *non putarã*, in volentibus mutare, & mutantibus defacto propositum; vel physica diuersitas dispositionis corporalis, & humorum, atque passionum; vel remissio, & tepiditas propositi prius cõcepti ex defatigatione, & lassitudine illud continuandi. Liqueet enim per experientiam vnicuius manifestissimam, nunquam euenire in nobis mutationem, & retractationem electionis iam factæ, nulla interueniente de nouo ex ijs, seu causis, seu occasionibus mutandi,

di, ac retractandi, Impossibile igitur est saltem moraliter, vt accadat mutatio eiusmodi, ac retractatio, vbi ea omnia deficient, vti plane deficient in Angelis, vt apparet ex dictis superius de natura eorum, & de modo, quo tam per intellectum; quam per voluntatem operantur.

Art. 9. Addo, probabilius mihi videri, ne quidem physicam mutandi, ac retractandi potentiam conuenire Angelis sub conditionibus prius obseruatis circa impotentiam moralem. Ratio est quia, perinde comparatur voluntas cum sua electione pro diuersis instantibus, & pro decursu durationis, vtcunque longo sub iisdem numero cognitionibus, & motiuis; atque comparatur cum eadem pro eodē instanti subdiuersis numero tantum cognitionibus, & complacentijs praeuentibus ad actum electionis. Vtrobique enim diuersitas est purè materialis, & numerica; ideoque perinde valitura, aut non valitura ad inducendam diuersam electionem. Impossibile autem est, non solum moraliter, sed etiam physicè, vt voluntas eligens vnā partem contradictionis de facto sub vna aliqua praeognitione, & complacentia, ac praeuia dispositione, electura foret pro eodem instanti oppositam partem sub alia cognitione, aut complacentia, aut dispositione qualicunque praeuia numero tantum diuersa ab ea, quæ datur de facto, Impossibile

namque est ph^{is} sicè, vt diuersitas tantùm numerica comprincipiorum inducat specificam diuersitatem in electione, existente eodem numero principio electiuo, vtque illud eligat diuersimodè nulla existente diuersitate formali ex parte motionis, & allicientiae praeuiæ impellentis ad vtramque partem contradictionis. Ergo similiter est impossibile, vt idem numero principium electiuum erumpat in electiones inuicem oppositas pro diuersis instantibus sub dispositione intentionali, & physica adæquatè. & totaliter eadem. Neque verò dici potest vnā substantiam intellectualem quatenus existentem pro pluribus instantibus, æquivalere pluribus substantijs intellectualibus, quatenus simul coexistentibus pro vnico tantùm instanti; atque ideò illam vnā substantiā posse pro diuersis instantibus eligere opposita, tametsi cætera omnia perseuerent eadem, sicut plures substantiæ pro vnico instanti possunt eligere opposita; nec necesse est, vt sint similes omnino, atque conformes in electione, tametsi omnibus insit dispositio praeuia totaliter vniformis. Non inquam hoc dici potest. Quia æquiualentia vnius substantiæ ad plures non potest tenere quoad omnia, vt per se patet, vtcunque cætera considerentur. Vnde necesse est aliunde ostendere, quod teneat quoad punctum de quo agitur; idque nego ostendi vlla ratione posse. Hæc
certè

certè ratio discriminis negari minime potest, vnamquálibet substantiam affici intrinsecè electione sua, atque ratione eius reddi specialiter difficilem electionem oppositam pro instanti sequenti, nec esse tam facilem trásitum ab vna electione habita pro vno instanti ad electionem oppositam pro instanti sequenti, quàm facilis initio fuisset eadem opposita electio, cum tamen certum, manifestumque sit nullam substantiam affici intrinsecè electione alterius substantiæ sibi coexistentis, nullique substantiæ reddi specialiter difficilem electionem vtriusvis partis, propter qualemcunque electionem alterius substantiæ pro eodem instanti. Patet igitur comparisonem prædictam esse inutilem, neque quidquam convincere in re proposita.

Art. 10. Ex his itaque omnibus apparet, premiũ æternæ beatitudinis, & poenam damnationis æternæ nõ fuisse inducta pro illo ipso instanti, pro quo primũ extitit meritum consummatum bonorum Angelorum, & peccatum malorum; Eadem verò inducta fuisse pro instanti immediatè sequenti, nullaque omnino interposita mora; atque vt vtrumque ita fieret fuisse necessarium ex natura ipsa rei propter impossibilitatem status beatifici, & reprobationis passivæ cum statu merendi per vitiationem liberam peccati, atque demerendi per peccatum.

propter immutabilitatem physicam, vel
 scilicet moralem voluntatis Angelicę post
 considerationem omnium in vtramque
 partem motiuorum absolutè possibilem
 eidem nature, vti de facto data est in An-
 gelis prout exillentibus in primo, & in
 secundo instanti quatenus pro primo om-
 nes vniformiter acceperunt à Deo cogni-
 tionem omnino perfectam, quę comple-
 teretur omnia motiua impellentia ad di-
 lectionem Dei, in secundo verò instanti
 qui voluerunt digredi ad motiua creata
 impellentia ad peccandum, ea similiter
 omnia complexi sunt cognitione ipsis om-
 nino adequata, certè tali qua maior nullo
 temporis decursu existere posset in iis-
 dem Angelis propter incapscitatem eor-
 um, vt proficiant per discursum in co-
 gnitione rerum iam præhabita per sim-
 plicem earum intimam inspectionem, &
 qui noluerunt similiter digredi ad vltorio-
 rem, ac maiorem considerationem, seu
 inspectionem motiuorum eiusmodi natu-
 ralium, non magis potuerunt præhabere
 maiorem notitiam motiuorum inclinanti-
 um ad eiusmodi digressionem, & consi-
 derationem. Quę omnia ostendenda
 erant, vti ostensa sunt.

Ad 1. Conceditur sponte, non esse
 de conceptu vniuersali præmij cuiusvis, &
 poenę, ne existat pro eodem instanti rea-
 li, pro quo primum existit meritum, &
 demeritum cui rependitur, Sed negatur
 esse

esse vice versa de cōceptu vniuersali omnis præmij, & poenę, vt possit realiter coexistere merito sui, ac de merito. Quia ostensa est supra specialis quoad hoc ratio repugnantię in præmio æternæ beatitudinis, & in poena damnationis æternæ.

Ad 2. D. Augustinus clarissimè distinguit cap. 10. de correp. & grat. Angelicā durationem ac statum vię duratione, & statu termini, dum dicit, *sic ordinasse Deus Angelorum, & hominum vitam, ut in ea prius ostenderet, quid posset eorum arbitrium, deinde quid posset sua græcia beneficium.* Quia vero hic liber est postremū opus, & quasi testamentum Augustini, hinc exponenda sunt, quęcunque in alijs operibus prius dixerat circa hoc punctum. Constat autem in illis locis super Genes. atque alibi non semel egisse de hac re non resolute, sed opinatiue tantum, atque dubitatiue, disputand, & non determinand, tanquam in re sibi pro tunc omnino dubia. In verbis autem illis ex 11. de Ciuit. Tō peregrinari non accipitur, vt oppositum statui perfectę beatitudinis, sed solum prout conuertitur cum statu peccati, & alienationis, atque auersionis a Deo. Quę usurpatio cadit aptissime in illud verbum. Nec necesse est, vt eo vbique ab omnibus sensu usurpeter, quo usurpatur ab Apostolo. Iam in libro de Eccles. dogm. Sancti Angeli dicuntur perseverare in ea beatitudine, in qua creati sunt.

Quia nunquam recesserunt ab eo genere dilectionis Dei, & coniunctionis cum Deo, quam conceperant in primo instanti, tametsi ea fuerit post statum viæ longe perfectior, atque diuersæ speciei, ut dictum est quæst. 4. de act. hum.

Ad 3. Imo, quia idem semper idem, semper est aptum facere idem, concluditur potius, Angelos, post adæquatam omnium in vtramque partem motiuorū considerationem, semper incumbere inuariabiliter electioni semel conceptæ eamdemque semper facere, & continuare electionem. Quia videlicet non subeunt varias, ac dispares dispositiones naturales temporis decursu sicut homines, sed semper eodem modo permanent, & physicè propter simplicitatem, puramque spiritualitatem nature suæ, & intentionaliter propter deiformem, ut loquitur Dionysius cap. 4. de diu. nom. intellectum eorum. Non igitur tenet paritas quoad hoc punctum inter Angelos, & homines, nec fuisset conueniens, sed prorsus inutile, si Angelis peccantibus concessa fuisset, sicut vtiliter conceditur hominibus, longior mora viæ pro peragenda poenitentia. Quam nimirum nunquam peragere possent propriè talem, seu salutarem, ut ostensum est. Idemque dicitur de longiori experimento bonorum Angelorum pro augmento meriti. Quod scilicet augere nullatenus possent, utpotè

expertes nouæ libertatis ad omissionem continuationis, & ad continuationem operis meritorij. Ad 4. constat ex dictis supra præsertim art. 10.

Ad 5. Conuenientia Angelorum cum homine, quâ intellectus est, est tantû generica. Atque homo ratione suæ differentię specificę subiaceret multiplici varietati cognitionum, & apprehensionum circa obiecta quælibet etiam purè intelligibilia, atque inuariabilia secundum se. Quia illa cognoscit dependenter à phantasia, & per discursum. Apprehensio autem phantasie variatur quoad modum repræsentandi eadem obiecta per momenta singula propter variationem, tum obiectorum sensibilium, quæ successiuè occurrunt diuersa, & diuersimodè eadē, tum dispositionis naturalis in corpore, quæ inducit diuersum repræsentandi modum in eadem phantasia. Similiter discursus est irrequietus, & progreditur, ac regreditur modis innumerabilibus. Angeli autem ex neutro capite sunt variabiles in apprehensione obiectorum, & modo illa repræsentandi. Vnde patet, paritatem esse nullam.

Q V A E S T I O XXIX.

*Verum daemones verè cruciantur
igne inferni?*

IDENTVR non verè crucia-
ri, sed in sensu metaphori-
Vco accipienda esse quæcun-
cunque dicuntur in sacris li-
teris de tortura daemonum,
per ignem. Quis alias etiam frequen-
ter accipitur ignis metaphoricè in sacra
scriptura, vt Lucæ 3. Matt. 3. vbi dicitur
de Christo Domino: *ipse vos baptizabit in
spiritu Sancto, & igne*. Hic enim ignis expo-
nitur in sensu metaphorico, vt dictum
est quæst. 9. de sacram. ad 1. Verum vr-
gentiora sunt in hunc scopum testimonia
quædam scripturæ, quæ loquuntur de
igne inferni cum metaphora manife-
sta. Primum est ex Lucæ 16. vbi diues
damnatus exclamat: *Quia crucior in hac
flamma*, & mox additur, quod eleuans o-
culos suos vidit Abraham à longè: & quod
precatus eum sit dicens: *Mitte Lazarum,
vt intingat digitum suum in aquam, & refri-
geret linguam meam*. Circa quæ Augusti-
nus lib. 21 de Civ. cap. 20. sic vrget sensû
metaphoricum: *Dicerem quidem sic arduos
ine ullo suo corpore spiritus. Sicut ardebat apud*

apud inferos ille diues, quando dicebat, *Cru-
cior in hac flamma, nisi conuenienter respon-
deri cernerem talem fuisse illam flammā, qua-
les oculi quos leuauit, & Lazarum vidit,
qualis lingua cui humorem exiguum desidera-
uit infundi, qualis digitus Lazari, de quo id
sibi fieri postulauit, ubi tamen erant sine cor-
poribus anima. Sic ergo incorporealis, est illa
flamma, qua exarsit &c.* Alterum testimo-
nium est ex Isaia 66. *Vermis eorum non mo-
rietur, & ignis eorum non extinguetur.* Quæ
verba poenis damnatorum accimmodat
Christus Dominus Marci 9. 42. Manifestū
autem est vermes ibi accipi in sensu me-
taphotico, vti ab omnibus indubitanter
accipiuntur. Nec, nisi distortē, ac vio-
lenter accipi potest ignis in sensu proprio
& vermis in metaphorico, vbi vterque
eodem modo exprimitur in eadem pe-
riodo, & cum iisdem omnibus circum-
stantijs. Postremò nomine ignis significa-
tur tota poena, vel ce tē præcipua dam-
natorum spirituum, sicut & corporum,
vt colligitur ex Matth. 25. vbi illis verbis
exprimentibus totum vel certē præcipuū
præmium beatorum: *Venite benedicti Pa-
tris mei, possidete regnum,* Contraponun-
tur à Christo Domino hæc alia: *Ite ma-
ledicti in ignem æternum.* Per quem pro-
inde tamen necesse est intelligere totam
similiter, vel certē præcipuam poenam
damnatorum, vti intelligendam esse pu-
tat inter alios D. Thomas in 4. dist. 50.

quest. 1. 2. 1. ad. 1. Certum autem est poenam damnatorum: vel totam, vel præcipuam non nisi metaphoricè ignem dici posse, cum constet præcipuam poenam esse priuationem visionis Dei. Ergò metaphoricè, & non in sensu proprio cruciantur dæmones igne inferni.

2. Ignis inferni nec physicè cruciare potest spiritus, nec intentionaliter. Non quidem physicè. Quia spiritus non est capax, qui vel comburatur, vel nimium calefiat, sicut corpus inanime non est capax, quod informetur speciebus intentionalibus, aut vt intelligat, vel sentiat. Quæ paritas omninò conuincit. Quia, utrobique est par extremorum distantia, ac diuersitas quoad genus rei. Sed nec intentionaliter cruciare potest. Quia, vbi nullum est verum, ac reale nocumentum, nulla potest esse apprehensio contritativa, nisi purè imaginaria, aut intellectualis, deceptoria apprehendens obiectum per species alienas. In dæmonibus autem, nec imaginatio habet locum, cuius sunt expertes, vt dictum est supra, nec deceptio ratione specierum alienarum, cum ignem, omnemque eius operationem cognoscant immediatè, & videant per species proprias. Præterea non deest Deum, vt cruciet per apprehensionem, & cognitionem falsam. Quia hoc est proprium non habentis vires sufficientes ad placendum verè, & realiter, atque inde.

dependentem ab omni falsitate, quantum par est. Qui defectus virium adscribi Deo nequaquam potest.

3. Angeli boni non delectantur rebus ullis corporalibus, nec aliqua eiusmodi delectatio est beatitudo, aut pars beatitudinis eorum. Ergo neque dæmones cruciantur rebus ullis corporeis, nec aliquis eiusmodi cruciatus est poena, aut pars poenæ eorum. Antecedens videtur supponi communiter, ut certum. Patet consequentia. Quia impium est credere Deum plura adhibere ad torquendum, quam ad beatificandum, nec totidem modis indulgere plenitudini gaudiorum in beatis, quot modis cumulat cruciatus & dolores malorum spirituum.

4. Quatuor Doctores Ecclesiæ docent ignem inferni non esse materialem, qualis est iste noster, quo utimur mortales. De Augustino constitit iam in primo argumento. Hieronymus ad verba Isaie 66. ibidem indicata: *Vermis, ait, qui non moritur, & ignis, qui non extinguitur, à plerisque conscientia accipitur peccatorum, quæ torqueat in supplicijs constitutos*. Clarius significat idem, Gregor. lib. 15. moral. cap. 17. ad illud: *Devorabit eum ignis*. Ignis, inquit, corporeus, ut ignis esse valeat, corporeis indiget fomentis; non vero ignis gehennæ, cum incorporeus sit. Ambrosius denique lib. 7. in Lucam, ad cap. 14. §. 3. clarissime idem pronunciat concludens: *Ergo neque corporaliū*

Aridor aliquis dentium, neque ignis aliquis perpetuus flammarum corporalium neque vermis est corporalis Recedendum autem nequaquam est ab vnanimi consensu sanctorum quatuor Doctorum Ecclesiæ.

Art. 1 Respondetur. Circa beatitudinem Angelorum, & poenam dæmonū vix quidquam opus est dicere, præterquam de tortura dæmonum per ignem. Quia cæterum sunt communia Angelis, & dæmonibus cum hominibus beatis, ac reprobis, de quibus dictum est alibi. Quapropter Angelorum beatitudo quoad suum conceptum essentialem consistit in visione Dei, iuxta illud Matthæi 18. *Angeli eorum semper vident faciem Patris, mei* Quoad conceptum verò secundarium, ac integram constituitur per dilectionem, & fruitionem Dei. Ac demum quoad conceptum accidentalem in aggregatione rerum omnium creatarum, quatenus placent in ipsis. Quæ patent ex quæst. 3. & 4. de act. hum. Poena dæmonum consistit proportionaliter in priuationibus contrarijs eorum bonorum. Inquam autem eorum bonorum. Quia bona naturæ Angelicæ debita ex exigentia eius determinata non sunt ablata dæmonibus, dicente Dionysio cap. 4. de diu. nom. par. 4. naturalia in dæmonibus mansisse integra, eaque esse splendidissima. Vnde species retinent, quas accepere ante peccatum, obiectorum omnium naturalium, eaque

cognoscunt comprehensiuè, sicut prius, nec quoad veritates speculatiuas ordinis naturalis vllam iacturam passi sunt. Sed neque quoad veritates practicas obtenebrationē patiuntur maiorem, quam quæ consequitur necessario, ad obstinationem assertam quæstione præcedenti, in primo peccato, ratione cuius omnia ordinantur ad prauum finem superbiæ, & inuidiæ primitus conceptę, omniaque cætera trahentis ad scopum suum. Solis itaque priuati sunt in integrum donis supernaturalibus, tūm proprijs beatitudinis, quā nunquam habuerunt, tūm proprijs viæ, quæ amiserunt per peccatum. Id præterea est commune spiritui cum hominibus, vt magnitudo bonitatis repertæ in beatitudine bonorum, atque delectationis indè redundantis sit incomparabiliter maior, quam tota malitia, & vis contristandi, quæ inest poenæ reproborum. De qua comparatione dictum est ex professo quæst. 35. de Deo ab art. 5.

Art. 2. His igitur ita constitutis ex cōmuni, ac indubitato consensu, sola superest difficultas de tortura dæmonum per ignem, & de modo, quo is illas cruciat, aut cruciare omninò potest; Circa quod quatuor dicenda sunt. Primum, idque certissimum est, dæmones aliquo vero, ac reali modo cruciari per ignem verum; ac realem, & qui hac voce communiter significatur in sensu proprio. Hæc veritas

tas fundatur in multis & claris testimonijs scripturae docentibus, animas damnatorum, de quibus ante reditum ad corpora, est eadem ratio, atque de daemones, ipsosque daemones puniri igne inferni. Atque haec testimonia accipienda esse in sensu proprio constat, tum ex eorum contextu, tum maxime ex communi Sanctorum PP. intelligentia, à qua recedere non licet, iuxta documentum traditum à Conc. Trid. sess. 4. monente praeterea Augustino lib. 3 de doctr. christ. cap. 30. & 11. Scripturam esse intelligendam in sensu proprio, ubicunque non cogit ad metaphoricum, vel aliud patentius eiusdem scripturae testimonium, vel ratio evidens. Quorum neutrum adest in praesenti. Testimonia illa frequentia scripturae, & praedictus communis sensus, ac interpretatio Sanctorum PP. de vero igne inferni, veroque per ipsum cruciatu omnium damnatorum, habentur apud Suarez lib. 8. cap. 12. Verum hic syllogismus, cuius utraque praemissa apparet certa ex fide, est eam in rem efficacissimus. Homines damnati resumptis post diem iudicii corporibus punientur igne corporeo, & punitione propriè talibus, ut liquet ex Eccles. 9. *vindicta carnis impij ignis, & vermis* Iudith. 16. *Dabit ignem, & vermes in carnes eorum, ut urantur, & sentiant usque in sempiternum.* Et Apocal. 14. 18. 19. 20. & 22. saepius describitur infernus, ut flagrant

ardens igne & sulphure, similiaque dicuntur
2. ad Thessal. 1.2. Petri 2. & in epistola
Iudæ. Atqui idem ignis est communis
dæmonibus, eorumque torturæ inferuit,
vt liquet ex illa supremi iudicis vltima
sententia Matthæi 24. *Discedite à me male-*
dicti in ignem eternum, qui paratus est diabo-
lo, & Angelis eius. Et Apocal 20 *Diabo-*
lus missus est in stagnum ignis, & sulphuris, vbi
est Bestia, & Pseudopropheta cruciabuntur
die, ac nocte in sacula saculorum. Igitur dæ-
mones non minus, quam homines verè
cruciantur vero igne corporeo; quando-
quidem respectu corporum nulla est ne-
cessitas, aut etiam probabilis ratio, vt ignis
accipiatur metaphoricè; idem vero ignis
diserte asseritur cruciator, & punitor
dæmonum.

Art. 3. Dicendum rursus est, dæmo-
nes non cruciari igne corporeo, vel ipsis
recipientibus in se per potentiam obe-
dientialem passiuam, calorem, & ardorè,
aut aliquam aliam qualitatem materiale
producibilem naturaliter ab igne, vel eo-
dem igne agente, ac inducente per po-
tentiam obedientialem actiuam, qualita-
tem aliquam spiritualem purè physicam,
quæ connaturaliter recipiatur in dæmo-
nibus, eosdemque angat, & cruciet ad
eum modum, quo homo angitur, & cru-
ciatur ab igne, igneisque qualitatibus.
Constat hoc ex principio vniuersali tra-
dito quæst. 21. 22. & 23. de sacram. vbi o-
sten-

stentum est, nullam causam efficere, nullumque subiectum recipere posse obediē-
tialiter ullos effectus, aut formas, prae-
quam affines effectibus, & formis sibi cō-
naturalibus, quoad perfectionem, & mu-
nus proprium, & peculiare, seu diffe-
rentiale eorundem connaturalium uni-
cuique causae, & subiecto effectuum, &
formarū. Patet nimirum qualitatem pu-
rē spirituales, & purē materiales, ac
corpoream participes nequaquam esse,
posse eiusmodi affinitatis, ac similitudi-
nis mutuae. Huiusmodi argumento pro-
bant communiter Theologi cum D. Tho-
ma 1^a p. quæst. 12. art. 2. & ostensum à no-
bis est quæst. 11. de Deo ad 3. non posse
oculos corporeos eleuari ad videndum
Deum, aut aliquod aliud obiectum spiri-
tuale. Nec apparet quo pacto absque
inconsequentie nota contradicant nihilo-
minus in præsentī nonnulli ex iisdem
Theologis conclusioni positæ quoad alte-
rutram ipsius partem.

Art. 4. Dicendum tertio est, ignē cor-
poreum inferni cruciare physicē dæmo-
nes modo aliquo vero, ac reali, & non
solum per puram apprehensionem con-
tristatiuam, quasi imaginariam, vti con-
tingit contristari, & angī vehementer ho-
mines præsertim in somnis, apprehensio-
ne, ac imaginatione terribilium, quæ re
ipsa non subsistunt. Hoc docet im primis
Augustinus lib. 21. de Cuit. cap. 10. ante
med,

med. Cur enim non dicamus, quamvis miris, tamen veris modis etiam spiritus incorporeos posse pœna corporalis ignis affligi? si spiritus humanum &c. Quod ipsum deinde repetit, & exponit iterum, atque iterum ibidem. Similiter Gregorius lib.9. moral.cap.38. Rectè, inquit, inferni claustra tenebrosa terra nominantur, quia quos puniendos accipiunt, nequaquam pœna transitoria, vel phantastica imaginatione, sed ultione solida cruciant. Ratio est. Quia impossibile est, ut dæmones apprehendant, & quasi imaginentur terribilia, quibus non afficiuntur re ipsa, ac si re ipsa afficerentur, utque ita inani cogitatione angantur, sicut accidit hominibus, præsertim dormientibus, sed necessario discernunt vera à falsis, nec sunt deceptionis capaces magis, quam sensus exterior est capax, ut fallatur circa proprium sensibile, nulla præsertim existente similitudine obiecti, quod re ipsa ad est, cum eo quod apprehenditur. Quo profecto modo se haberet ignis nihil re ipsa nocens physicè respectu ignis apprehensi, ut nocentis, & cruciantis.

Ar. 5. Dicendum denique est, cruciatum dæmonum per ignem corporeum communem corporibus hominum reprobis fieri per physicam ipsorum alligationem ad eundem ignem seu per unionem mutuum utrorumque alligatiuam in ordine ad locum, Hanc sententiam docet D. Thomas in hac quæst.64, art.4. præser-

fertim ad 3. & in 4. dist. 44. quaest. 3. & alij plures Theologi vtrobique. Huc proculdubio pertinet celebris sententia Gregorij lib. 4. dialog. cap. 29, *Teneri autem spiritum per ignem, dicimus, ut in tormento ignis videndo, atque sentiendo puniatur. Ignem namque eo ipso patitur, quod videt, & quia cremari se aspicit, crematur. Teneri enim spiritum per ignem, nihil aliud esse potest, quam spiritum inseparabiliter igni alligari. Nec ignem ideo pati, quia videt, & ideo cremari, quia aspicit se cremari, aliud esse potest, quam videre se indissolubiliter igni addictum esse, atque hac ipsa visione contristari, & angere vehementer tanquam vera representatione obiecti sibi physicè dissoni, ac dedecentis, Qua de causa immediatè addit: Sicque fit, ut res corporea incorpoream exurat, dum ex igne visibili ardet, ac dolor invisibilis erahitur: ut per ignem corporeum mens incorporea etiam incorporea flamma crucietur. Ac demum in fine capitis: Quisam, inquit, sapiens reproborum animas teneri ignibus negit.*

Art. 6. Ratio possibilitatis huiusmodi torturae est. Quia negari in primis minime potest, quin demones sint vnibiles corporibus vnione purè aggregatiua in ordine ad locum, quandoquidem dictum est cum communi supra quaest. 7. Angelos naturaliter posse assumere corpora per veram sui vnionem, cum ipsis in ordine ad locum

locum præcisè. Quid? quod huiusmodi alligationem videtur apertè docere Apostolus Iudas in sua epist. vers. 6. dum dicit: *Angelos vero, qui non seruauerunt suum principatum, sed dereliquerunt suum domicilium in iudicium magni diei, vinculis æternis sub caligine (ignis tenebrosi) reseruauit.* Et 2. Petri 2. 4. *Deus Angelis peccantibus non pepercit sed rudentibus inferni (ignis, & sulphuris) detractos in carcerem tradidit cruciandos.* Dubitari deinde non magis potest eiusmodi alligationem spirituum ad ignem inferni esse valdè molestanti, atque vehementer contristatiuam, atq; cruciatiuam respectu ipsorum, idque duplici de causa. Quarum altera est, quia talis alligatio plurimum contradicit connaturali spirituum libertati, & amplæ indifferentiæ, vt absoluator ab omni corpore, vtque assumat, hæc vel illa corpora. Assumat verò quodlibet ex illis dominando eisdem, nullamque patiendo seruitutem ineuitabilem, ac inuoluntariam respectu eorundem. Altera causa est, quia eadem alligatio contradicit non minus, tum naturali eorum excellentiæ, qua sunt vsque adeo superiores corporibus, tum maximè superbix eorundem peccaminosæ, qua efferuntur ab initio. Cum enim ille ipse ignis sit instrumentum Dei ad puniendos homines peccatores, & inimicos Dei, ad eoque vilissimos, summaque infamia summè contemptibiles, nequit non esse per

moletum sublimitati spirituum, eorumque arrogantiae, quod inseparabiliter alligentur eidem igni, nec possint dissolui ab instrumento torture hominum pssimorum, & quod iisdem sint æternum ad futuri cum societate eiusdem flammæ vtroque indiscriminatim tenentis, atque vinculis indissolubilibus apprehendentis æternum. Dubitari igitur minimè potest, quin dæmones cruciari plurimum, & vehementer torqueri possint per eiusmodi alligationem ad ignem inferni.

Art. 7. Ratio autem, ob quam conueniens fuerit ex natura ipsa rei, vt dæmones torquerentur per talem alligationem ad ignem, desumitur ex eo quod modus poenæ sequitur modum culpæ sicut poena simpliciter sequitur culpam simpliciter iuxta illud Apocal. 18. 6. *In poculo, quo misceuit, miscete illi duplum.* Quantum glorificauit se, & in delictis fuit, tantum date illi tormentorum & luctum. Et sap. 11. 17. *Per quæ peccat quis per hæc & torquetur.* Et Ierem.

50. 20. *Iuxta omnia, quæ fecit, facit illi.* Peccatis autem hominum, & Angelorum est communis auersio à Deo, & contemptus donorum spiritualium. Vnde vtrique similiter priuantur visione Dei, donisque omnibus supernaturalibus. Sed quoad abusum rerum corporalium est magnum discrimen inter spiritum humanum, & Angelicum. Quia spiritus humanus vnitur corpori vnione per se, eoque mediā-

te delectatur rebus corporalibus, eorumque actione, & passione afficitur intrinsecè. At Angelus vnitur corporibus vnione tantùm aggregatiua in ordine ad locum proptereaque non afficitur intrinsecè actione, & passione corporalium delectabilium, totusque abusus peccaminosus circa illa consistit in actione, qua illis dominatur in ordine ad fines suos prauos. Hac igitur de causa oportuit, vt homines paterentur in inferno ab igne, alijque agentibus materialibus per qualitates ab eis productas, atque inhærentes physicè hominibus, eisdemque molestas, ac nociuas. At respectu dæmonum solùm oportuit, vt vis eorum dominatiua supra corpora, quoad motum localem, de qua dicitur quæst. 31. conuerteretur in seruitutem per alligationem ad corpus præcipuè nocuum respectu hominis, ideòque infamantium, seu dehonestantium respectu dæmonum. Per hæc igitur patet, dæmones verè torqueri verò igne, & qualis sit torturæ modus.

Ad 1. Non dubium est, quin ignis, sicut, & alia eiusmodi sumantur metaphoricè in sacris literis. Sed non propterea licet vbique illis accommodare sensum metaphoricum. Considerandus itaque est, pro discernendo sensu legitimo, contextus, & capacitas materiæ cū collatione aliorum locorum de eadem re. His autem consideratis apparuit iam clarè,

ignem inferni, eiusque vim punitiuam, neque respectu dæmonum, & multominus respectu hominum post diem iudicii accipi posse in sensu metaphorico. Oppositum verò apparet de baptismo in igne, vt dictum est in illo eodem loco de sacram. Anima verò diuitis nondum erat vnita corpori, proptereaque est probabile in verbis illis apud Lucam, cruciatum flammæ qualem vtique experimur in corporibus metaphorice significari, sed metaphora fundata in vero, & reali cruciatu, qualis nuper exposita est respectu dæmonum, estque communis animalibus separatis. Quo sensu accipienda esse puto, quæ dicit ea de re Augustinus. Qui tamen verum alioquem ignem, verumque eius cruciatum agnoscit in inferno. vt liquet ex verbis eius indicatis supra art. 4. Qui proinde non censet eandem metaphoram extendi posse vniuersaliter ad alia etiam loca scripturæ circa ignem inferni, & vim eius cruciatiuam. In verbis apud Isaiam probabile est, & verum, & ignem promiscuè vsurpari metaphoricè pro cognitione, & memoria peccati præteriti vehementer afflictiua, & contristatiua. Probabile quoque est, vtrumque verbum sumi in sensu proprio. Quia nec impossibile, nec absolum est, vt veri vermes dentur in inferno sicut vera flamma, & fodient assidue corpora damnatorum, dæmones vero, & animas se-

paratas vexent consequenter per alligationem prout dictum est de igne. Probabile denique est, vermem metaphoricè, & ignem nihilominus sumi propriè. Quia ignis est magis idoneus ad torturam universalem, & corporum, & spirituum, quam vermes. Quae de causa Augustinus lib. 21. cap. 9. tres istos sensus docet, ut probabiles. Sed nulla iterum consequentia est, eisdem sensus, vel quemlibet eorum promiscuè accommodandi alijs locis scripturae de igne inferni. In quibus nimirum deest ea coniunctio ignis cum vermibus, simulque ad sunt alia, quae sensum proprium specialiter exigunt, ut ostensum est supra. Demum comparatio illa inter regnum beatorum, & ignem reprobatorum nihil convincit. Quia frequenter significatur sine metaphora totum per partem, & substantialia per accidentalia, illis inseparabiliter adiuncta. Conceditur itaque, nomine ignis, in quem coniiciuntur maledicti, comprehenditur totam eorum poenam. Sed negatur propterea, non significari verum ignem, verumque cruciatum per ipsum; cum haec veritas, ac proprietas sit magis idonea ad significandam reliquam etiam poenam, eamque praecipuam privationis visionis Dei, cui privationi adiacet per se haec alia poena secundaria ignis.

Ad 2. Virum nobilem sedere ligatum in transiris remi gum damnatorum ad id

ministerium propter infamia delicta, grauissima proculdubio poena est, & quæ angere, & contrillare plus etiam possit clarissimum natalitus hominem, tametsi corporaliter non laboret, quam angat, & contristet vilissimum hominem eadem fessio, & alligatio coniuncta cum labore remigandi, alijsque eius ministerij ærumnis. Nec ea poena est phantastica, soliusque apprehensionis intentionalis, quales sunt angustiae, & afflictiones somniantium horridè, sed vera, & realis. Quidni idè proportionaliter dicatur de natura Angelica vsque adeo sublimi, ac nobili ex se, quatenus alligata igni tortori corporum scelestorum? De reliquo verum est, quod contendit & efficaciter comprobat obiectio, torturam dæmonum per apprehensionem intellectualem ignis subsistere nequaquam posse absque nocumeto reali inducto à Deo in dæmones per alligationem ad ignè modo superius explicato. Nec valet in contrarium paritas somniantium, nisi aliquo modo modificetur. Vti modificanda proculdubio est apud Augustinum, quæ ea vtitur lib. 21. de ciuit. cap. 106. Quia, vltra rationem ponderatam superius art. 4. simul cum verbis eiusdem Augustini somniantes horribilia, non possent propterea angì, & affligi, nisi obiecta imaginationis essent verè, & realiter nociua respectu ipsius somniantis. Ergo nec dæmones angì, ac affligi vllate-

nus possent per vllam apprehensionem intellectualem ignis, nisi hic esset aliquo modo verè, ac solidè nocius respectu ipsorum anteedenter ad eandem apprehensionem.

Ad 3. Nulla vnquam ratio persuadere mihi poterit, plus aut aliter cruciari dæmones rebus corporalibus, quam Angeli beati delectentur eisdem, aut hoc genus rerum maiorem habere ac exercere vim nocendi, & contristandi inimicos Dei, quàm fouendi, ac delectandi amicos eiusdem, quamquam D Thomas oppositum insinuare videatur de verit. q. 26. quæ est de passionibus art. 1. ad med. Dicendum itaque est, Angelos beatos delectari statione Cælorum sibi à Deo disposita, sicut dæmones cruciantur claustris inferni, eiusque igne, nisi quod hī violententer tenentur alligati, tanquam serui nequam, Angeli vero tenentur amicabiliter sola cognitione voluntatis diuinæ propriique decoris delectatione decenti. Ratio porrò ob quam magis exprimitur in sacris litteris, & diligentius exponitur à Theologis tortura dæmonum per ignē, quam delectatio Angelorum ratione augustissimi habitaculi cælestis fundatur, nisi fallor in excessu incomparabili bonitatis, & delectabilitatis, quæ conuenit visioni & dilectioni Dei, supra totam malitiam, quæ inest priuationi vtriusque iuxta dicta quæst. 35. de Deo ab art. 5. Hac nimirum

de causa respectu Angelorum merito reputatur pro nihilo, atque despicitur sub silentio, aut cum exigua expressione delectatio perceptibilis ex rebus corporalibus; cum respectu dæmonum non sit malum usqueadeo exiguum contristatio ex eodem rerum genere. Quia videlicet poena damni non est malum usqueadeo præeminens huic alij secundariæ poenæ, quæ ipsi irrogatur loco poenæ sensus, atque huc respexisse videtur D. Thomas loco indicato. Cæterum hoc est bonis, & malis proportionaliter commune, ut neutri amittant, seu dimittant eiusmodi, aut delectationem, aut cruciatum, dum mittuntur in hunc aerem nostrum, extra, & cælum, & infernum. Quia retinent nihilominus notitiam certam, ac evidentem de habitaculo vniuscuiusque proprio, in quod redituri sunt, æternumque man. furi finitis custodia, & tentatione hominum.

Ad 4. De Augustino, & Gregorio, quatenus docentibus veritatem ignis inferni, & torturæ per ipsum: constat ex verbis eorum indicatis supra art. 4. & 5. Quod in contrarium obijcitur ex Augustino, non est vniuersale, sed pertinet ad illum solum locum scripturæ de diuite, & Abrahamo, de quo iam satis dictum est. Quod non tollit, quominus in alijs locis intelligat, prout intelligit, verum ignem, verumque eius cruciatum, propter diuersas

fas diuerforum locorum circumstantias,
 & scopos. Hieronymus similiter loqui-
 tur, idque narrative potius, quam asser-
 tiue, de solis illis locis, in quibus vermis
 & ignis simul efferuntur, circa quæ loca
 permissus nuper est sensus metaphoricus
 absque præiudicio veritatis. De reliquo
 idem Hieronymus epist. 59. inter errores
 cauendos in libris Origenis, notat, *quod*
ignis inferni non purit in supplicijs, sed in con-
scientia peccatorum, eundemque errorem
 refellit ad Ephes. 5. ad illud *Nemo vos se-*
ducat. Gregorius, cum vè dictum est cla-
 re alibi doceat, verum corporeum ignem
 cruciari in inferno, non aliter dicit in
 verbis obiectionis eandem ignem incor-
 poreum, nisi quia est pura flamma, nec
 alitur corpulenta strue continui pabuli, &
 combustibiliū, vt clarius docet lib. 4. dial.
 cap. 31. fine. Ambrosij denique exposi-
 tio legitima, eademque consona præsen-
 tis dogmatis veritati est valde difficilis,
 sed est facilis excusatio, quatenus tempo-
 re Ambrosij non erat vsque adeo stabilita
 vniuersali omnium consensu veritas hæc
 de vero igne inferni.

QVÆSTIO XXX.

Utrum detur aliquis ordo inter dæmones?

IDETVR nullus esse r.
Quia, infernus dicitur terra
V miseria, & tenebrarum, ubi
U umbra mortis, & nullus ordo,
 sed sempiternus horror inhabitat
 ex lib. Iob. 10. 22. Ergo in dæmonibus,
 quorum locus est infernus nulla inuenitur
 ratio ordinis.

2. Vbi deest ordo mediorum ad finē,
 necessario deficit ordo mediorum inter
 se; sicut admissō errore in primis princi-
 pijs necessario inducitur error in conclu-
 sionibus. Deest autem in dæmonibus or-
 do ad finem ipsorum, qui est Deus. Ergo
 deficit necessario in eisdem ordo etiam
 mediorū inter se, qui solus superest præ-
 ter ordinem ad finem, ac proinde deficit
 in illis omnis ordo.

3. In Angelis bonis nulla est deordi-
 natio. Ergo in malis nullus est ordo. Pa-
 ter consequentia, quia sicut in bonis An-
 gelis datur plenitudo bonitatis, cui con-
 tradicit deordinatio quælibet; ita in
 dæmonibus datur plenitudo malitiæ, cui
 similiter contradicit ordo, cum is perti-
 neat ad rationem boni, ut docetur sus.

ab Augustino cap. 3. & 4. de nat. boni.

Art. 1. Respondetur, Vbicumque sunt naturæ invicē inæquales, necessario reperitur aliquis ordo prioris, & posterioris in perfectione & dignitate. Rursus omnis multitudo ordinata ad unū aliquem finem, necesse est, ut ordinetur sub aliquo vno per quem ad eundem finem dirigatur, siquidem multipliciter intendi, ac obtineri ille possit. Demum necesse est, ut supersit aliquis ordo superioritatis, & inferioritatis inter eos, qui ab initio immobili voluntate consenserunt in obsequium alicuius ex eadem multitudine, tanquam principis sui. In dæmonibus autem datur inæqualitas naturarum. Datur etiam intentio uniformis quoad rebellionem adversus Deum, & quoad incitandos homines ad malum. Data denique fuit initio consensus reliquorum dæmonū in Luciferum, tanquam in Principem suū, siquidem is exemplo suo & suavitēne reliquos induxit in peccatum, volentes utique ab eo superari, atque ita servitutem eius subire. Hac igitur triplici ratione datur inter dæmones realis aliquis ordo constitutus sub vna natura essentialiter præeminente, sub vno Principe agnito, & constituto per unanimem cæterorum consensum, & sub vno fine intento itidem unanimiter.

Art. 2. Et quidem dari vnum aliquem principem demoniorum constat certo ex

Ioannis 14. & 16. ubi Christus Dominus eum appellat, certè non apparet, quem alium appellare, aut voluerit, aut potuerit, *Principem huiusmodi*. Idem supponitur cap. 12. dum dicitur. *Nunc iudiciũ est mundi, nunc Princeps huius mundi eijcitur foras*. Circa quæ Chrysost. homil. 42. in Matth. *Si diabolus*, arguit, *Princeps est, ceteri demones illi subijciuntur*. Idem supponitur in testimonio Matthæi producto in quæstione præcedenti de igne parato *diabolo, & Angelis eius*. Clarius apparet ordo demonum sub vno Principe & ad vnum aliquem finem, ex argumento quo Christus Dominus conuincit Iudæos Lucæ 11. *Omnis regnum in seipsum diuisum desolabitur. Et si Satanas in seipsum diuisus est, quomodo stabit regnum eius?* Vbi clarè supponitur dari, ac stare, seu conseruari, minimeque desolatum esse regnum Sathane. Est autem de ratione regni, vt subsit alicui suo Principi peculiari, vtque ad vnum aliquem finem peculiarem ordinetur, ex doctrina Philosophi, aliorumque communi. Iste igitur duplex ordo certissime reperitur inter demones.

Art. 3. Primus vero ordo fundatus in naturarum intrinseca inæqualitate constituitur ex communi Theologorum consensu cum fundamento in Apostolo. Communis namque sensus Theologorum est cum D. Thoma quæst. 109. præsertim a. 1. ex Dionys. cap. 4. de diu. nom. part. 4.
ali.

aliquos ex omnibus hierarchijs, & ordinibus Angelorum descriptis supra quæst. 4. lapsos in peccatum, & reprobatos esse, ac proinde adesse in dæmonibus post peccatum eam omnem coordinationis feriem, qua omnes Angeli erant ex sua natura ordinati; ante peccatum, quatenus naturalia manserunt integra post peccatum. Fundamentum in Apostolo apparet ex epist. ad Ephes. 6. & 1. ad Corinth. 15. ubi varia nomina ordinum Angelicorum dæmonibus attribuuntur. Non autē illis attribuuntur omnia eiusmodi nomina tametsi ex omnibus ordinibus deciderint. Quia ratione lapsus, amissæ charitatis, & admissæ rebellionis in Deum amiserunt eas omnes appellationes, quæ sanctitatem, ardorem charitatis, innocentiam, & obsequiosam ad Deum adhæSIONem significant, vel consignant.

Art. 4. Vnde nec Hierarchia, quæ sacrum Principatum significat, nec nomen, aut Seraphinorum, quod ducitur à charitate, aut Thronorum, quod Deum superinsidentem consignificat, aut dominationum, quod denotat præminentem excellentiam, aut Archangelorum quod à rebus magnis nunciandis deductum est, dæmonibus attribuuntur. Attribuuntur vero nomina Cherubinorum, Principatum, Potestatum, & Angelorum, & aliquatenus etiam virtutum, quæ à scientia, alijsque qualitatibus minimè impossibilibus cum pec-

peccato, originem ducunt, & fundantur in perfectione propria naturæ Angelicæ, quam dictum est quoad naturalia mansisse integra post peccatum. Tot igitur modis ratio ordinis in dæmonibus reperitur, atque componitur cum absoluta eorum deordinatione respectu sui ultimæ finis, cui deberent esse perfectè subordinati, ut essent ordinati ordine absolute & simpliciter tali.

Hinc patet responsio ad 1. Quia verissimum est simpliciter nullum esse ordinem in inferno, tametsi detur multiplex ordo secundum quid talis.

Ad 2. Patet etiam in idem responsio. Quia licet desit in dæmonibus ordo mediorum re ipsa ultimum respectu ipsorum quantum est ex voluntate, & intentione eorum. Manet nihilominus ordo ad eundem finem institutus per diuinam voluntatem, quæ ordinat naturas dæmonum, eorumque mala ad gloriam suam; nec nõ ordo ad finem prauum institutus voluntate ipsorum dæmonum intendentium, per antiquam superbiam, ac inuidiam exaltationem suam, & perditionem, & depressionem, ac seruitutem hominum respectu sui. Nempe ut perueniant ad hunc finem, subsunt voluntati, & directioni Luciferi, tanquam Principis sui, & præminentia naturæ, & agnitione inferiorum ab initio voluntaria.

Ad 3. Nullum est purum malum, sed

omne malum fundatur in aliquo bono, cui
nocet, nec malum esse posset, nisi adiun-
geretur bono, vt arguit sæpe Augustinus
aduersus Manichæos, maxime vero lib. 1.
de eorum moribus ab initio. Bono autē
non repugnat similiter, vt sit purum, at-
que impermissum penitus malo, idest nul-
la carens ratione bonitatis sibi debitæ.
Necesse igitur est, vt sit in deū omnibus ali-
qua ratio ordinis, cū ordo sit de concep-
tu bonitatis, vt rectè docet Augustinus in
illo loco. Necesse vero similiter est, nul-
lam dari vlla ex parte deordinatio-
nem in Angelis beatis, vt pote
habentibus in se perfe-
ctam omnem bonita-
tis sibi debitæ
plenitudi-
nem.



Q V A E S T I O XXXI.

*Utrum Angeli, & daemones possint
aliquid agere circa corpora
præter motum localem
ipsorum?*

IDENTVR plures alios
effectus producere posse im-
mediatè, & non posse effi-
cere motum localem corporum, 1. Quia perfectiones, quæ sunt dispersæ in naturis inferioribus reperiuntur collectæ in superioribus. Ergo in natura Angelica, quæ præeminet omnibus rerum corporalium speciebus reperiuntur unitæ omnes earum perfectiones. Mensura autem actiuitatis unicuique conuenientis est perfectio præcontenta in ipso. Ergo Angeli possunt per se ipsos immediatè producere omnes species rerum corporalium. Confirmatur. Quia corpora cælestia influunt immediatè in omnia sublunaria, propter præeminentiam perfectionis respectu ipsorum. Præeminent autem Angeli multò magis sublunaribus, ipsisque cælestibus corporibus.

2. Homo hominem, & ignis ignem producere potest immediatè, & sic de
similibus.

similibus. Ergo & Angelus Angelum producere similiter potest, Ergo, & quemlibet effectum corporalem. Patet prima consequentia. Quia est eadem utrobique proportionis ratio. Patet item secunda consequentia. Quia est à maiori ad minus affirmatiuè.

3. Qui potest inducere in aliquod subiectum maiorem perfectionem, potest etiam inducere in idem subiectum perfectionem minorem intra idem genus. At Angelus potest inducere in res corporales motum localem, vt supponitur in titulo quæstionis. Motus autem localis est perfectissimus inter omnes motus corporeos, vt ostendit Philosophus 8. physic. tex. 57. Ergo potest idem in easdem inducere motus, etiam alterationis, & generationis, qui sunt minus perfecti, quam motus localis, simulque pertinent ad idem cum ipso genus motus corporalis.

4. Vnumquodque corpus habet in se principium sufficiens motus localis sibi congruentis, estque ad eundem motum intrinsecè determinatum ex sua natura, & ex diuina ordinatione. Ergo perperam, & absque vlla, aut necessitate, aut utilitate daretur in Angelis virtus motiua corporum in ordine ad locum. Confirmatur ex axioma Philosophi dicentis, naturam semper facere, ac ordinare vnum ad vnum. Confirmatur rursus, quia Angelis negatur virtus ad motum alterationis,

nis, & generationis circa corpora ex eo, quod corporibus insit ex se virtus sufficiens ad utrumque istum motum. Inest autem eisdem eadem sufficientia ad motum localem. Eadem igitur ratione neganda est Angelis vniuersaliter omnis virtus actiua circa corpora.

5. Si Angelis obediret materia corporalis ad nutum quoad motum localem, possent Angeli praesertim mali inuertere totum ordinem vniuersi, collocando grauia in loco superiori, & leuia in inferiori loco, & sic de similibus. Hoc autem est inconueniens, vt ministri Dei possint inuertere ordinem institutum ab ipso Deo in hoc mundo corporeo. Ergo Angelis non inest virtus motiua corporum in ordine ad locum. Augetur difficultas, quia omnis motus localis corporum est eisdem vel utilis, ac necessarius, vel inutilis, ac nociuus. Neutrum autem motum localem possunt inducere Angeli. Non quidem utilem, ac necessarium. Quia ad talem motum habent sufficientiam, & determinationem à Deo. Alioquin Deus fecisset res corporeas imperfectas, & insufficientes in genere suo. Quod repugnat bonitati eius coniunctae cum potentia infinita, praeterea repugnat testimonio illi, quod habetur 1. Genes. *Vidit Deus omnia quae fecerat. Et erant valde bona.* Talia scilicet, quibus nihil deesset eorum, quae pertinent ad perfectionem vniuscuiusque rei

rei intra suum genus . Sed. neque inutile,
& nocium motum localem possunt inducere Angeli : Tum quia nullam virtutē actiuam instituit Deus purē nociuam , aut ordinatam ad inutilia : tum quia motus localis nociuus, ac inutilis accidere non potest absque impeditiōe motus vtilis, ac necessarij, atque hic à nulla virtute creata impediri potest, cum sit à Deo, cuius potentia est infinita, ideoque inimpedibilis.

6. Angeli non possunt facere miracula virtute sua naturali. Ergo non possunt mouere causas corporales localiter atque ita applicare actiua passiuis quælibet quibuslibet pro libito . Antecedens docetur ab omnibus, tanquam indubitatum cum D. Thoma quæst. 1 10 art. 4. Probatur cōsequentiā . Quia applicando actiua passiuis, vt libet, possent repente conuertere hominem in statum salis, in lignum, ignem &c. Possent itidem facere, vt corpus mortuum reuiuisceret . Ac demum, vt alia plura similia prætermittantur, possent facere, vt virgo in sensu composito virginitalis conciperet, & pareret. Quia causæ naturales corporeæ applicatæ cuiuslibet materiæ vbicunque, & qualiter, & qualitercunque existenti sufficiunt, vt inducant in ipsam dispositiones omnes requisitas ad prædictos effectus, atque ideo ad inducendos etiam eosdem effectus. Eiusmodi autem opera censentur ab omnibus

nibus miraculosa. Ergò virtus sufficiens ad motum localem, & applicationem causarum corporalium quandolibet, & quomodolibet, eo ipso esset sufficiens ad opera miraculosa.

Art. 1. Respondetur. Nulla natura creata est perfecta in omni genere, quod est proprium Dei, sed habet omnem suam perfectionem restrictam ad determinatum genus, & gradum perfectionis; & quo magis præeminet in vno genere, eo magis recedit ab opposito genere, minusque participat de perfectione eius propria. Natura autem intellectualis est in diuerso genere, atque natura corporalis, vt per se patet & expositum est supra in quaest. 1. Vnde quo maioris est intellectualitatis eo minus participat de perfectione propria, naturæ corporalis. Natura autem Angelica est in supremo gradu intellectualitatis infra Deum, vt dictum est in eadem quaestione. Quapropter participat minus de perfectione rerum corporalium propria, & peculiari, quam anima rationalis, quæ est infima in genere substantiæ intelligentis. Cum igitur vnumquodque agat, habeatque virtutem agendi circa aliqua, secundum quod præhabet, & præcontinet in se perfectionem sortum propriam, eisdemque communicabile; concluditur, Angelis conuenire minimam actiuitatem, & virtutem effectiuam respectu corporum, ac proinde

nec alterare illa poſſe, neque gignere,
aut corrumpere immediate per ſe ipſos;
Nempe vtrumque iſtud genus cauſalita-
tis eſt maximè proprium cauſarum cor-
poralium, & pertinet ad maximam per-
fectionem ipſarum in genere ſuo. Tam
ergo repugnat, vt Angeli qualitates, &
formas corporales producant immediate
virtute ſua propria, quàm repugant, vt
cauſæ purè corporales producant aliquid
in eſſe intelligibili, ſeu ſecundùm eſſe in-
tentionale quoad rationes præſertim
vniuerſales virtute ipſarum propria. Sed
ſicut cauſæ corporales ſolum producere
poſſunt alia à ſe ſecundùm eſſe phyſicum;
ita Angeli ſolum efficere poſſunt alia à ſe
ſecundùm eſſe intentionale, ac intelli-
gibile, nec vterque agendi, ac producen-
di modus reperiri ſimultaneè poteſt per-
fectè in vlla natura creata, propter di-
uerſitatem genericam alterius ab altero
modo agendi, ac producendi. Hac ratio-
ne concluditur præterea, Angelos non
poſſe producere phyſicè ſe inuicem, quo-
ad entitatem, & ſubſtantiam, ſicut res
corporales poſſunt ſe inuicem producere
vnaquæque intra limites ſuos propria, &
peculiari ſua perfectione determinatos.
Quia videlicet vnusquique Angelus poteſt
alios Angelos perfectè intelligere, atque
adèò efficere ſecundùm eſſe intentionale
ac intelligibile. Qui modus producendi,
ac præcontinendi differt toto genere à
mo.

modo producendi, & præcontinendi physice, & secundum entitatem, ac proinde est incompotibilis in eadem natura creata, ac limitata cum prædicto modo producendi, & præcontinendi physice. Verum quoad istam repugnantiam, ut Angelus ab Angelo producat physice, sicut homo ab homine, & ignis ab igne, adest alia insuper ratio vniuersalis desumpta ex improducibilitate physica Angeli præterquam per creationem. Quæ actio repugnat ex genere suo omni, & cuilibet virtuti creatæ, atque finitæ, ut traditur communiter cum Diuo Thoma, & alibi ostendetur.

Art. 2. Verum redeundo ad comparisonem virtutis actiue Angelorum cum rebus corporalibus, superest vnum quoddam genus actionis & motus, commune spiritibus, & corporibus, nempe quoad motum localem, qui est illis omnibus promiscuè communis. Ratio huius conuenientie fundatur in celebri principio Dionysij, quod *supremum infimi attingit infimè supremi*, & quod, ut dicit cap. 7. de diu. nom. *diuina sapientia coniungit fines primorū principijs secundorum*. Inter actiones autè rerum corporalium prima, ac suprema est, qua motus localis peragitur, eademque est infima inter actiones spirituum. Est quidem hæc actio prima, & suprema inter actiones corporum, ut positum est ex Philosopho in tertia ratione. dubitans

di. Quia motus secundum locum non tendit ad aliquid intrinsecum mobili, sed solum, ad aliquid extrinsecum, scilicet ad locum, ideoque minimam omnium passibilitatem, quam patet pertinere ad perfectionem, præsupponit in ipso mobili. Est igitur hic motus nobilissimus inter omnes corporales relatè ad suum principium, & subiectum, licet relatè ad terminum immediatè productum vix, aut ne vix quidem sit vllius perfectionis. Idè verò motus, & actio tenet infimum locum inter actiones, & motus proprios naturæ intellectualis. Cui videlicet soli præterea supersunt motus intelligendi, & volendi, quos patet esse perfectiores, multoque magis perficere subiectum suum, quatenus per motum localem appropinquat ad ea, quorum propinquitas placet, & remouetur ab alijs; per intellectionem verò trahit ad se alia à se distincta, quoad veritatè ipsorum & remouet, quoad falsitatè; & similiter per actum voluntatis vnitur perfectè cum obiectis placentibus, & remouetur à displicentibus. Conueniunt igitur specialiter res corporales, & spirituales quoad motum localem, Eoque tanquam confinio inuicem nectuntur. Sed conueniunt cum excessu aliquo peculiari perfectionis ex parte spirituum. Quia ipsum vbi spirituale, propter suam indiuisibilitatem, maioremque amplitudinem, est perfectius, quam vbi corporale, quod est di-
ui.

difficile, magisque restrictum, ut patet ex dictis supra quaest. 9. Cum ergo, intra unumquodque genus, minus perfectum, continueatur in magis perfecto, & non è conuerso; concluditur in Angelica virtute loco motiua contineri virtualiter, & eminenter motum localem corporum; licet è conuerso motus localis Angelorum non præcontineatur in vlla corporali virtute loco motiua. Possunt igitur Angeli mouere corpora localiter; tametsi à nullo corpore moueri ipsi localiter possint.

Art. 3. Doctrina ista, tùm quatenus negans Angelis omnem actiuitatem physicam, præter loco motiuam, tùm quatenus affirmans virtutem loco motiuam corporum, est communiter accepta cum D. Thoma quaest. 110. & lib. 3. contra gentes cap. 103. Vtramque partem prosequitur pluribus Suarez lib. 4. cap. 25. 26. 27. Et quidem cum in sacris litteris, aut patribus nullum appareat fundamentum ad attribuendam Angelis virtutem sufficientem ad gignendum, vel alterandum, vel ad producendas vllas alias qualitates purè physicas; virtus tamen loco motiua corporum manifestè eisdem tribuitur Genes. 18. & 19. vbi apparent Angeli Abrahe & Loth. circumferentes secum corpora quocumque liberet. Idem apparet ex Matth. 4. vbi permittente Deo Christus transfertur à dæmone ex deserto ad pinaculum templi, & deinde ad montis cul-

men. Et similiter Lucæ 8. porci præcipi-
tantur à dæmonibus in itagnum. In Phi-
losophia iam diu auctore Philosopho lib.
12. metaph. à tex. 44. eadem in Angelis
agnita est virtus motiua corporum, quan-
doquidem i. his attributa fuit virtus moti-
ua cælorum eorumque assidua circûlatio.
Nonnulli hic obiter inquirunt, an etiam
se ipsos inuicem mouere localiter, atque
detinere in loco determinato possint An-
geli? Communis autem, & vera respon-
sio est superiores ab inferioribus. violen-
ter moueri, aut detineri minimè posse; è
conuerso posse. Pater prior pars. Quia
virtus inferior præualere aduersus supe-
riorem minimè potest. Posterior pars pa-
tet ratione contraria, adde non esse
contra conceptum spiritus, vt ab extrin-
seco moueatur localiter. Quod patet à
posteriori. Quia animæ damnatorum
rapiuntur à dæmonibus ad inferos. Pro-
babile etiam valde est, dæmones al-
ligari igni inferni per Angeles bonos; si-
quidem hi sunt spiritus vniversaliter ad-
ministratoriij respectu diuinæ prouiden-
tiæ. Dici consequenter potest, Angelum
superiorem moueri posse localiter motu
violento, quantum est ex natura rei, per
plures Angelos inferiores collatis viribus
ad id nitentes. Quæri præterea solet,
an motus localis corporum, aut spirituum
causetur ab Angelis impresso impetu, &
producta qualitate impetuosa; an vero

ueniendo se mobili, vnione aggregatiua in ordine ad locum, ac deinde mouendo se directè, indirectè verò, & consequenter corpus, vel spiritum sic vnitum? Probabilius autem videtur vtrumque mouendi modum virtuti Angelicæ esse possibilem, & æquè accommodatum, maximè, quia anima rationalis vtroque modo potest mouere corpora, vt experientia patet.

Art. 4. Vt vt autem hæc habeant, quæ sunt leuiores, illud est diligenti dignum obseruatione, non qualemcumque indiscriminatim motum, aut detentionem corporum esse virtuti Angelicæ vniuersaliter possibilem. Pro cuius rei intelligentia distinguendus est triplex corporum motus, & quies, seu detentio. Alij namque sunt motus locales, quos corpora mobilia exigunt omninò determinatè. Alij quos exigunt tantum indeterminate, & vagè. Rursus motus determinatè exacti alij sunt necessarij ad conseruationem vniuersi, vt circulatio corporum cælestium, fluxus, & refluxus maris, lapsus fluviorum, impetus ventorum. & similes. Alij verò requiruntur ad conseruationem aut commodum, & conuenientem statum singulorum corporum, vt motus cordis in animalibus, grauium quorumlibet, & leuium sursum, ac deorsum. Idem dicitur suo modo de quiete, seu detentione. Certum porro apud me est non
con-

conuenire Angelis virtutem naturalem, sufficientem ad impediendos motus corporibus connaturales, necessarios ad conseruationem, & rectam vniuersi coordinationem vniuersalem, vel ad inducendos motus eidē conseruationi, & coordinationi contrarios. Primo quia Angeli ex sua natura sunt quædam pars vniuersi. Est autem de ratione partis, vt sit propter totum, ideoque vt illius conseruationi, & conuenienti coordinationi inseruiat, nec heri potest, vt à Deo accipiat virtutem ad oppositum, Deinde quia Deus, qui est auctor vniuersi, vult conseruationem eius, estque necesse, vt eam velit simul cum conuenienti omnium partium coordinatione, ex suppositione, quod voluerit condere idem vniuersum, vt dictū est quæst. 28. de Deo. Nulla autem causa secunda præualere potest aduersus voluntatem, & potentiam Dei, nec fieri potest, vt ipse contulerit alicui causæ secundæ virtutem sufficientem ad inuertendum finē efficaciter præintentum ab ipso, atque præfixum causis omnibus secundis ea ipsa voluntate, qua eas totumque condidit vniuersum.

Art. 5. Certum similiter videtur, motus indeterminatē tantūm, ac disiunctiue exactā corporibus subesse ex natura rei virtuti loco motiue Angelorū. Quod in ista assertione supponitur de exigentia indeterminata, ac disiunctiua corporum

respectu aliquorum suorum motuum expositum, & comprobatum est quæst. 29. de Deo art. 4. Supposita autem eiusmodi indeterminatione ex parte corporum, dubitari non potest, quin ad Angelos pertineat determinatio eorum, atque electio, & exequutio vnus motus potius quam alterius inuicem impossibile, & tamen possibile æqualiter cum exigentia, & innato appetitu cuiusque corporis. Tum quia corpus, cum sit expers libertatis, & electionis, non sufficit ad determinationem sui, quatenus est indifferens ad aliqua duo, ideoque necesse est, vt interueniat agens liberum, & electuum, cuius proprium est determinare principium indifferens per electionem vnus partis. Tum quia quoad eiusmodi, vt minimum euentus verificatur doctrina Dionysij communiter recepta, quod *inferiora administrantur à Deo per superiora*, & quod dicit Augustinus lib. 3. de Trinit. c. 4. *omnia corpora regi per spiritum vite rationalem*; & quod maiori cum vniuersalitate tradit Gregor. lib. 4. dialog. cap. 4. *in hoc mundo visibili nihil, nisi per creaturam inuisibilem, disponi posse.*

Art. 6. Quoad motus locales corporum non necessarios ad conseruationem, & conuenientem coordinationem vniuersi, & eius partium, & tamen exactos determinate ab vnoquoque corpore. non occurrit mihi vniuersalis regula iusta, & omnino

nino determinata, quantum Angeli naturali sua virtute, beatis, & reprobis communi, possint, vel non possint. Hoc generaliter statui potest, Angelos tam bonos, quam malos posse nonnunquam, mouere, ac detinere corpora aduersus exigentiam ipsorum determinatam; frequenter tamen, & ordinarie præstare id ipsum nequaquam posse. Prior pars patet. Primum ex locis scripturæ indicatis nuper art. 3. Apparet enim in illis, Angelos mouisse sæpius corpora motu locali, qui contradiceret exigentiæ eorum determinatæ, dum sursum attollerent graua, non subnixa ulli alij corpori, per quod ascendere possent, & similiter de alijs eiusmodi motibus. Deinde magi ope demonum inducunt plures eiusmodi motus, vt perhibent Augustinus, & alij plures apud Delrium lib. 2. disquisit. mag. à q. 13. Idem patet a fortiori ex potestate hominis mouente graua sursum, & leuia deorsum violenter; & simili violentia sæpe eadem detinente. Posterior pars inuenitur ex eo, quod si natura Angelica haberet sufficientiam, ad frequentem, & ordinariam eiusmodi violentiam, quoad motum, & detentionem corporum, posset domos frequenter diruere repente, fruges comburere, homines, & alia animalia tenere ligata, quibus similia quouis facile considerare facile potest quamplura. Qualia tamen nec accidunt frequen-

ter, nec naturaliter fieri potest. vt accidant frequenter, & ordinariè. Alioquin fieri naturaliter posset, vt genus humanù citò totum destrueretur, vtque dum conseruaretur miserrimè haberet, dum nihilcerui naturali necessitate esset circa corporum circumiacentium consistentiã, & motum, atque quietem in suis vnicuique locis congruentem. Quapropter hæc pars coincidit re ipsa cum principio tradito superius art. 4.

Art. 7. Vnde satius est credere Angelicæ naturæ, ac potestati non subesse motum, & quietem debitum determinatè vnicuique corpori, nisi ex peculiari permissione diuina. Quia nimirum corpora habent eatenus determinationem ex voluntate, & influxu Dei, cui nulla causa creata contradicere potest absque peculiari eius permissione. Hac de causa Philosophus lib. 12. metaph. a textu 44. solos cælorum motus Angelicæ potestati commisit, atque permisit. Ratus nimirum, vt obseruat D. Thomas quæst. 1. 10. art. 1. ad 2. de reliquo corpora hæc inferiora solos habere motus naturali necessitate omninò determinata subsequentes ad naturam ipsorum, prout coniunctam cum motibus cælorum, nec immediatè subesse diuinæ prouidentix, eiusque, & dispositioni, & permissioni quoad motum, & detentionem minimè prouenientem ex iisdem illis principijs, quinimò con-

tradicientem sæpè exigentiæ eorundem determinatę. Quod est falsum. Indidem apparet ratio, ob quam in lib. Iob describitur demon sollicitus de speciali Dei permissione, atque ab eadem dependens, vt posset tentare Sanctum Virum de molitione domus, internectione filiorum, plagis in corpore proprio, alijsque inductis effectibus, qui induci minimè poterant, nisi motis, ac detentis violenter pluribus corporibus aduersus exigentiam eorum determinatam. In eodem principio fundatur communis, & nota omnitus doctrina Sanctorum PP, dæmones nihil posse aduersus nos absque peculiari permissione Dei. Quod similiter dicendum est de commissione speciali Dei respectu bonorum Angelorum, vt nobis prosint. Virumque enim verificatur quoad ea, quæ exorbitant ab exigentia determinata causarum corporalium respectu sui motus, & quietis, nec non aliorum effectuum dependentium ab eodem motu, & quiete. Nempe quoad ea, quæ dependent à motu, & quiete indeterminatè tantum, & vagè debitis, inest Angelis tam bonis, quàm malis ordinaria potestas ex sua ipsa natura, ad eum iutique modum, quo causis rationis, & electionis expertibus inest facultas, & sufficientia quoad motum, & quietem, quos exigunt determinatè, & quoad cæteros effectos, qui inde proeunt, atque dependent. Talis igitur, &

tanta est virtus, & actiuitas naturæ Angelicæ circa res corporales.

Ad 1. Reperiuntur quidem collecta in superioribus, quæ sunt dispersa in inferioribus. Non tamen sunt eodem modo utrobique, sed diuerso longe modo, quatenus natura ipsa superior est longe diuersa ab inferioribus naturis. Vnde naturæ intellectuales intellectualiter tantum, ac intentionaliter ea omnia efficere possunt, quæ tantum physicè a causis corporalibus effici possunt, vt conuincit discussus superius propositus art. 1. In cuius vltiorem confirmationem hoc præterea addi potest; substantias intellectuales creatas existere gratia sui; & tamen indigere perfectione sibi superaddita, corporales verò, quæ corporales sunt existere gratia alterius. Vnde substantiæ intellectuales non sunt præditæ virtute, & actiuitate sufficienti, ad actiones transeuntes, quæ tendunt ad perfectionem aliorum, ab operante, sed solum ad actiones immanentes, quibus perficitur ipsi operans, cum sola exceptione motus localis, per quem ab intellectualibus diriguntur, ad vtilitatem, seu delectationem sui, vel hominis, qui & ipse est intellectualis, quæ intellectualia non sunt. At substantiæ, quæ sunt intellectus, & rationis expertes, omnem ferè suam actiuitatem impendunt in vtilitatem, aut delectationem aliorum, per actiones transeuntes, & si quid sibi pro-

profunt, id ipsum rursus ordinatur ad actionem transeuntem similiter utilem, aut delectabilem alijs. Præterea quilibet Angelus cognoscit comprehensiuè Angelum sibi æqualem, sicut homo generat hominem, & ignis ignem; atque pro cognitione comprehensiuâ requiritur æqualitas, aut superioritas comprehendentis respectu comprehensi vt dictum est q. 14. de Deo ab art. 3. sicut requiritur ad generationem. Vnde Angelus exercet æquiualeuter tantundem virtutis actiue atque agentia purè physica. Paritas confirmationis nihil euincit, cum corpora cælestia, & sublunaria contineantur sub eodem genere; intellectualia verò pertineant ad diuersum ab illis genus. Ex quo etiam, & ex eodem art. 1. patet etiam ad 2. Nec enim valet argumentum à maiori ad minus, quando fit transitus à genere in genus.

Ad 3. Notatum iam est supra motum localem esse perfectissimum omnium relatè ad suum subiectum; non tamen relatè ad suum terminum. Quapropter nõ præsupponit in suo principio, præcisè quatenus est principium ipsius, actiuitatem magnæ perfectionis, sed potius perfectionis omnium minimæ. Qua de causa nulla est res vsque adeo vilis, & exiguæ entitatis, ac perfectionis, vt non habeat virtutem sufficientem ad motum localem & quietem sibi congruentem, seu quam

habere sua interest, Non igitur tenet illatio obiectionis.

Ad 4. Argumentum illud cum duplici sua confirmatione diruitur distinctione superius exposita motus localis determinatè, & indeterminatè debiti unicuique corpori. Conceditur enim corporibus virtus sufficiens ad motum debitum sibi determinatè, non verò ad determinationem eius, qui debetur tantum indeterminatè. Quæ distinctio non habet locum in motu alterationis, & generationis considerato secundum se immediatè, ut per se patet.

Ad 5. Inconuenienti illi præclusus est aditus distinctione, & principijs, ac limitationibus traditis, art. 4. 6. & 7. Quod ibi subiungitur de sufficientia corporum ad motus locales utiles, ac necessarios, & de insufficientia naturæ intellectualis ad nocuos, ac inutiles, idè non conuincit. Quia fieri non potuit, ut res corporales propter magnitudinem suæ imperfectionis, sufficerent sibi ad omnia, quibus indigent, idèque opus fuit, ut eis subueniretur aliquatenus directione naturæ intellectualis. Rursus sapienter permittitur exiguum malum ex intentione maioris boni. Hoc autem modo comparantur motus locales nocui, inducibiles per dæmones, cum bonis, quæ inde colligit vberius diuina providentia per victoriam, & coronationem iustorum, ma-
lo.

lorumque punitionem.


Ad 6. Possunt quidem Angeli, tum boni, tum mali inducere effectus vere mirabiles respectu nostri, ac proinde miraculosos secundum quid & improprie, applicando activa passiva per motum eorum localem à Deo ipsis specialiter commissum, ut dictum est, ideoque nobis ignotum, qui solum cognoscere valemus res corporales, & ea, cum quibus eadem determinatè connectuntur. Nempe admiratio oritur ex cognitione effectus, cum ignorantia causæ, aut modi, quo ipsa applicata, & operata est. Ceterum vera miracula fieri ab illis non posse constat ex dictis supra. Dictum namque est Angelicæ naturæ solam inesse ex se virtutē ad motum localem corporum, nec effectus ullos alios sensibiles inducere posse nisi mediante activitate causarum corporalium, quas patet nō sufficere ad effectum ullum miraculosum proprie talem. Quia miraculum proprie tale est effectus superans virtutem, & sufficientiam omnium causarum secundarum, & prætergrediens totum ordinem naturæ, & contradicens dispositioni præexistenti in eadem natura adæquatè sumpta, ut dicit D. Thomas quæst. 110. art. 4. & alibi sæpe. Repugnat autem interminis ut aliquid eiusmodi efficiant causæ corporales, utcumque applicatæ, atque inuicem contemperatæ siue

ab Angelo, siue à dæmone. Quod tamen non tollit quominus Angeli ministerialiter cooperentur Deo ad opus miraculosum, præstando aliquid propria virtute loco motiua corporum, quod confert ad effectum miraculosè producendū à Deo, vt si colligant in vnum partes, & pulneres corporum humanòrum ad effectum resurrectionis vniuersalis. Quod est exemplum D. Tho. ibidem. Quod ad exempla obiectionis attinet, dictum iam est, non inesse Angelis virtutem naturalem ad motus locales corporum, per quos inuertatur ordo naturæ vniuersalis, nisi ex voluntate speciali Dei, & cooperante specialiter virtute eius. Quapropter, vt homo conuertatur repente in itatiam salis superat virtutem naturalem Angeli, Quia id repugnat ordini totius naturæ secundum se consideratae. Multo vero manifestius repugnat eidem, vt corpus mortuum reuiuifcat, Et similiter illi repugnat, vt Virgo concipiat, & pariat in sensu composito virginitatis. Falsum nimirum est causas naturales, quocunque denum artificio applicentur sufficere ad eiusmodi effectus in talibus circumstantijs. Nullus namque applicationis modus efficere potest, vt inducant in subiectum effectum, aut dispositionem, respectu cuius idem subiectum non est in potentia proxima, sed est cum forma, & dispositione contraria.

traria, eaque inauulnibili ex sua natura, vt accidit in euentibus propositis, De quo alibi fufius, & ex profeflo,

Q V A E S T I O XXXII,

Verum omnes homines subsint custodia Angelorum, & impugnationi demonum?

 DENTVR non omnes vtrique subesse. 1. Quia Apostolus ad Hebr. 1. restingit custodiam Angelorum ad solos electos, seu praedestinos dicens: Omnes sunt administratores spiritus in ministerium missi propter eos, qui hereditatem capiunt salutis Ergo reprobi, ac praesertim inheles, quibus nec initium salutis inest, non habent Angelum custodem.

2. Custodiente Deo, qui est sufficientissimus custos, frustra additur alia custodia Deus autem immediatè per se ipsum custodit omnes homines, vt colligitur ex illo Psalmi 1204. *Non dormitabit, neque dormiet, qui custodit Israel.* Et semel, atque iterum ibidem vers 5. & 7. *Dominus custodit te.* Superfluit igitur custodia Angelorum respectu hominum. Confirmatur, quia *nisi Dominus custodierit civitatem, frustra*

stra

stra vigilat, qui custodit eam, ut dicitur in psalmo 1261. Aequè autem frustra custodit alius, si Deus custodiat. Quia sicut nemo alius est sufficiens ad custodiam, non custodiente Deo, ita Deus solus sufficit ad custodiam absque aliquo alio. Ergo in omni euentu est vel insufficiens, vel superflua custodia Angelorum.

3. Quod pereat is, qui commissus est alicuius custodiæ, attribuitur negligentiæ, aut impotentia custodis. Si igitur omnes homines essent commissi custodiæ Angelorum, plures Angeli essent, vel negligentes in ministerio sibi commissio, aut impotentes ad illud perfecte præstandum, quandoquidè plures homines quotidie labuntur in peccata, ac demum pereunt. Neutrum autem illorum duorum dici potest de Angelis, cum sint, & impeccabiles, ac moraliter omnino perfecti, & virtute supernaturali præditi, adversus quam nulla causa naturalis prævalere potest. Ergo homines non sunt à Deo commissi custodiæ Angelorum.

4. Christus Dominus non habuit Angelum custodem, ac proinde non omnes homines illum habent. Immo inde concluditur nulli hominì dari Angelum custodem. Quia ad Philipp. 2. dicitur de Christo Domino, quod est *in similitudinè hominum factus, & habitu inuentus ut homo.* Non autem esset illis similis, si reliquos foueret, ipsam non foueret custodiā.

An-

Angelorum. Assumptum patet, quia Christus sapientia, potestate, & dignitate est superior Angelis. Inconueniens autem est superiorem quoad ea omnia custodiri ab inferiore.

5. Homo neque ante usum rationis indiget custodia Angeli, neque post usum rationis. Non ante quia pro tunc nullum ipsi imminet periculum peccandi, & aberrandi à via salutis, quod oporteat præcauere. Nec postea, quia homo iam compos rationis sufficit per seipsum ad directionem suarum operationum. Quæ de causa dicitur relictus à Deo in manu consilij sui. Ergo homo nunquam subest custodiæ Angeli, cum nunquam necesse sit, ut illi sub sit.

6. Nulla causa adhibetur ad aliquem effectum, præterquam ex ordinatione diuina. Nequit autem esse ex ordinatione diuina, ut homines subijciantur impugnationi dæmonum. Tum quia foret contra æquitatem, & iustitiam providentiæ diuinæ, ut miles infirmus, & ignarus, qualis est homo, conijceretur in pugnam cum forti, & astuto, qualis est dæmon. Tum quia intentio Dei est, omnes homines saluos facere, cui intétioni contradiceret, ut adhiberet impugnatores salutis, præsertim tam acres, ac sunt dæmones. Tum denique quia *Deus*, ut dicitur Iacobi 1. *neminem tentat*; tentaret verò si dæmones destinaret ad tentandum. Non
igi-

igitur subsunt homines impugnationi dæ-
monum .

7. Primus homo ante peccatum, nec
custodię Angeli suberat, nec impugnationi
dæmonis . Non custodię quia cum
esset dono integritatis optimè præmuni-
tus, custodia aliena nequaquam indige-
bat . Non impugnationi, quia quod nos
permitramur impugnationi dæmonum,
est in poenam peccati, quod nondum
dabatur durante statu innocentię . Ergo
non omnis homo, certè non semper sub-
est custodię Angelorum, & impugnationi
dæmonum .

8. Si homines inducerentur à dæmo-
ne in peccata, haberent excusationem
peccati, quatenus à fortiori superarentur .
Non autem habent, unde sufficien-
ter excusentur . Ergo non inducuntur à
dæmone in peccata .

Art. 1. Respondetur. Certum in pri-
mis est ex fide, homines esse à Deo com-
missos custodię Angelorum, atque Ange-
los esse ab eo deputatos, ut habeant assi-
duam curam hominum in ordine ad vi-
tam æternam, ut liquet ex psal. 90. *Quo-
niam Angelis suis mandavit de te, ut custo-
diant te in omnibus vijs tuis. In manibus por-
tabunt te ne unquam offendas ad lapidē pedem
rurum: Ex illo Christi Domini Matth. 18.
Videte ne contemnatis unum ex pusillis istis. Di-
co enim vobis. Quia Angeli eorum in Calis
semper vident faciem Patris mei.* Ac demū
ex

ex illo ad Hebr. 1. *Omnes sunt administrato-
rij spiritus in ministerium missi propter eos, qui
hereditatem capiunt salutis.* Hinc Dionys.
cap. 9. de cælest. hierarch. dicit infimam
hierarchiam Angelorum præesse humanis or-
dinibus, ut ferantur ad Deum, & conuer-
santur, eodemque sensu accipiant vnani-
miter prædicta testimonia reliqui Sancti
P.P. apud Suarez lib. 6. cap. 17. Conueniē-
tia, & necessitas huiusmodi custodiæ fun-
datur in natura hominis, & Angeli, at-
que in perfectione diuinæ providentiæ.
Nempe homo ex sua natura subest multis
periculis interius, & exterius. atque ad
ea præcauenda est insufficiens propter de-
fectum intelligentiæ; & constantiæ pro-
uenientem ex dependentia à sensu, & ex
vnione ad corpus, quod corumpitur,
proptereaque aggrauat animam. Angeli
vero sunt, & perspicacissimi quoad intel-
lectum, & inuariabiles quoad affectum,
firmatum in bono, Perfectio autem di-
uinæ providentiæ hoc vniuersaliter di-
sponit, ut defectibilia, minusque suffi-
cientia moueat, ac dirigat per ea, quæ
sunt indefectibilia, maiorisque sufficien-
tiæ, ut apparet præcipue in dependentia
sublunarium ab influxu cælorum, quibus
extremis, seruata proportionē æquipa-
rantur homines, & Angeli. Imo & in
vnoquoque nostrum idem ordo providē-
tiæ apparet manifestè, quatenus princi-
piorum inuariabilium stabili intelligentia
di-

dirigimur circa conclusiones opinativas multipliciter variables, ac defectibiles, & similiter inamissibili, semperque uniformi amore huius nostri, seu felicitatis, ac beatitudinis perducimur ad electiones illi congruentes. Apparet igitur ex natura ipsa rei, homines debuisse committi directioni, & custodiam Angelorum.

Art. 1. Certum rursus est, ita ut sine magna temeritate, ac forte etiam sine errore negari non possit, singulos Angelos singulis hominibus esse deputatos ad custodiam ab instanti natiuitatis. Sic semper tenuit, ac tenet communis fidelium omnium consensus cum magno fundamēto in scriptura, pro ut à Sanctis PP. communiter intelligitur, quorum testimonia in hunc scopum circa textus sacros nuper indicatos producit luculenter Suarez loco indicato. Hieronymus inter alios ad illud Matt. 18 *Angeli eorum &c.* Magna est, inquit, dignitatis animarum, ut unaquaque habeat ab ortu natiuitatis in custodiam sui, Angelum delegatum. Ratio huius rei apud D. Thomam quaestione illa 113, art. 2. est Quia unusquisque homo, propter incorruptibilitatem animæ semper manentis, æquiualeat toti uni speciei, vel generi rerum adæquate corruptibilium, quarum singulae deficiunt totaliter, solaque species manet perpetuò, sicut quilibet homo, quoad animam. Vnicuique autem speciei, seu generi rerum corruptibilium

præest

præest peculia is Angelus speciali virtute præditus, accommodatus naturæ cuiusq; speciei, seu generis, vt trad. i Greg. hom. 34. in Euang. ante med. Ergo vnicuique etiam homini præest specialiter vnus Angelus. Aia aiorum auctorum communis ratio est. Quia homo indiget assidua assistentia, & directione, ac custodia Angelis, vt apparet ex fundamento præcedentis conclusionis. Nequit autem vnus Angelus assidue adesse ductus hominibus. Quilibet naniq; duo homines sunt ex sua natura indifferentes, vt inuicem disient quantalibet distantia. Dicū autem est supra, Angelum non posse adesse simultanee extremis spatij quantumlibet distantibus inter se. Quod vero vni homini non deputentur ordinarie plures Angeli custodes, suadet ex sufficientia vnus Angeli pro vno homine. Quod ex perfectione Angelicæ naturæ in superioribus exposita credibile facile est,

Art. 3. Hoc tamen non tollit, quin plures Angeli aliquando concurrant pro rerum opportunitate ad custodiendum, ac dirigendum vnum hominem, vt colligitur ex 19. Genes. vbi dicitur plures Angelos eduxisse Loth, de Sodoma, & posuisse illum extra Ciuitatem, & dixisse illi, *salua animam tuam.* Et Dan 10 Gabriel Angelus testatur, Michaellem tulisse sibi suppetias pro populo Dei. Imo est valde probabile, & communiter receptum, hominibus

bus, quorum singuli sunt intenti ad operationes, multitudine, vel magnitudine sua, æquivalentes operationibus plurium aliorum hominum, deputari duos, vel plures Angelos custodes, pro qualitate, & amplitudine æquivalentiæ. Communis similiter Theologorum sensus est cum D. Thoma loco indicato, singulis provincijs alijsque communitatibus in vnum aliquem finem specialiter ordinatis deputari singulos præterea Angelos ad custodiam, & directionem earum. Quia hoc postulare omnino videtur iusta, & equa proportionis ratio. Quod autem huiusmodi custodia Angelorum incipiat à natiuitate hominem, & non prius, nec posterius, ex eo suadetur. Quia fetus ante natiuitatem censetur, & est quodammodo vnum cum matre, ideoque pro tunc curam eius habet Angelus matris custos. At post natiuitatem incipit seorsim indigere custodia pro vita corporali, & pro ijs causarum, ac rerum dispositionibus, quæ temporis decursu, directione ex tunc incipiente, possunt euadere specialiter vtilis multiplici ex capite ad salutem animæ, & præsertim ad baptismum, & ad bonam educationem; atque indigentiam huiusmodi adiutorij, & custodiæ defert secum puer inquantalibet distantia à matre, ad quam ex tunc incipit esse indifferens.

Art. 4. Inter Angelos singulis seorsim hominibus quasi monasticè viuentibus de-

de-

deputatos, & eos, qui præsunt communitatibus præsertim valde magnis, nec non singulis hominibus ad vniuersalem aliquam amplioris cure prouidentiam destinatis, hoc discrimen communiter statuitur cum D. Thoma ibidem art. 3, quòd priores sunt ex infimo Angelorum ordine, posteriores vero ex aliquo ordine superiori, atque eò altiori, quo maioris operæ, ac dignioris erit communitas, seu persona communis, & publica. Quia Angelorum infimi ordinis proprium est minima nuntiare, vt dicit Gregorius loco nuper indicato. Hoc autem est minimum in Angelico ministerio, vt vnius hominis sibi vni attendentis cura habeatur. Cæteri vero Angeli, quia quo perfectiores sunt eo habent vniuersaliores species, & inde cognitiones, atque determinationes voluntatis, sunt cum eadem proportionem idonei ad custodiam vniuersaliozem, latiusque patentem. Deus autem omnia disponit prout congruit naturis rerum singularum. Pertinet vero specialiter ad prouidentiam Dei missio, & deputatio Angelorum in custodiam, & directionem hominum. Solet circa hæc inquiri, an idem Angelus successiue deputetur ad custodiam plurium hominū. Affirmat Mag. dist. 11. idque putat necessario esse dicendum. Quia numerus hominum a principio ad finem vsque mundi excedit numerum Angelorum, solius saltem infimi ordinis

dinis. Negat Iustinus quæst. 30. lib. vii. Quia Angelus semel custos vnius hominis nunquam eum deserit ad finem vsque mundi, quando absoluetur eius cura, corpore reunito animæ, atque perducto ad itatum deinceps penitus inuariabilem. Sed res hæc apud me est omnino incerta. Quia est valde probabile, numerum Angelorum esse maiorem etiam intra vnumquemque ordinem seorsim, quam numerum omnium hominum siue simul, siue successiue existentium, vt indicatum est supra quæst. 4. Nec est minus probabile, quod innuit D. Thomas in dicta quæstione 113. art. 4. custodiam Angeli circa vnumquemque hominem absolui cum vita hominis. Nempe custodia Angeli solum est homini opportuna, ac necessaria dum est in via; idest dum subest periculis quoad animam, & corpus. Sicut enim hominibus per viam non tutam ambulantibus dantur custodes: Ita & cuilibet homini quamdiu viator est, custos Angelus deputatur: Quando autem iam ad terminum via peruenierit iam non habet Angelum custodem. Igitur neque probatio Magistri est efficax, neque Iustini.

Art. 5. Totidem ferè dicenda sunt circa impugnationem dæmonum. Certum namque in primis est ex fide, homines impugnari à dæmonibus, atque incitari ad malum vt liquet ex illo Ioann. 8. *Ille homicida erat ab initio* 2. ad Corinth. 11. *Ti-*

eneco ne sicut serpens reduxit &c. Maximè vero id liquet ex 1. Petri 5. *Aduersarius uer-*
ster diabolus, tanquam leo rugiens circuit qua-
rens, quem deuoret, Et Apoc. 1. 12. *Ille*
draco magnus, serpens antiquus, qui vocatur
diabolus, & satanas, qui seducit uniuersum
orbem. Hinc dæmon antonomastice dici-
 tur tentator Matt. 4. *Accedens ad eum sēta-*
tor, & 1. ad Thess. 3. dicitur, is, qui ten-
 tat. Ac demum ad Ephes. 6. monemur ab
 Apostolo de colluctatione difficili, & ar-
 dua aduersus, spiritus, & potestates te-
 nebrarum harum. Communis sanctorum
 PP. intelligentia, & consensus in hunc
 scopum habetur apud Suarez lib. 8. c. 18.
 Rationem reddit August. lib. contra Pri-
 scill. ad Oros. cap. 5. *Non ob aliud, nisi sti-*
mulus inuidētia agitat us nostra itinera, quibus
in Deum tendimus perturbare conatur. Nem-
 pe eadem ratione, qua dæmon per su-
 perbiā aduersus Deum rebellauit, ad-
 uersus homines etiam insurgit per inuidiā,
 ut impediat, quantum potest, profectum
 eorum spiritualem, & consequutionem
 æternæ gloriæ. Eadem præterea electio-
 ne superbiæ similitudinem Dei affectat,
 obseruans in tentandis, ac impugnandis
 hominibus eum ordinem, quem dictum
 est obseruari à prouidentia Dei in custo-
 diam hominum per Angelos bonos. Qua-
 propter Lucifer designat, iuxta communē
 sententiam singulos dæmones impugnan-
 dis singulis hominibus, eosque infini or-
 dinis

diis pro infimo hominum genere superiorum vero ordinum pro communitatibus, necnon pro singulis personis munerum, & operum vniuersalium, & insuper duos, vel etiam plures pro qualitate hominum, vel negotiorum singulorum, idque permanenter, vel ad tempus, pro vt opportunum fuerit. Ad eum vtiq; modum, quo dictum est de Angelis, eorūque custodia, quam æmulantur pro viribus dæmones, vt obseruant communiter Theologi cum D. Thoma q. 114. art. 1.

Art. 6. Prædicta, tam custodia Angelorum, quam impugnatio dæmonum peragitur, & interius, & exterius. Exterius quidem, procuratis vnicuique homini, aut multitudini hominum occurribus obiectorum sensibilium, quæ pollent vi ad pertrahendum animum humanum, vel occasionaliter, vel causaliter, vt operentur honestè, & mereantur vitam æternam, vel vt peccent, & incidant in damnationem. Interius vero disponendo phantasiam, prout expedit ad alterutrum scopum ex duobus modò propositis. Vtrumque autem fit ordinariè, & ex natura ipsa rei per determinationē noxiam, vel propitiā motuum localium, ad quos res corporales, nempe exteriora sensibilia, & spiritus vitales, quibus insunt species eorum obiectorum, alijque humores corporis humani, sunt indifferentes, atque indeterminati ex se præcisè, Ex quo de-
ter-

terminationum genere, atque inlexione
eiusmodi motuum, præsertim intra ipsum
hominem quot, & quam magna commo-
da, & incommoda temporalia, & spiri-
tualia prouenire possint, expositum est
quæst. 9. de gratia. Extraordinaria autè,
nec admodum frequenter, & cum depen-
dentia ab speciali permissione, aut com-
missione Dei peragitur eadem custodia,
& impugnatio motis, & applicatis obie-
ctis externis, eorumque phantasmatibus,
contra etiam, quam terat eorum exigen-
tia determinata. Quæ duo documenta,
& ratio vniuersalitatis quoad primum, &
restrictionis quoad secundum perspicui ab
vnoquoque facile possunt ex dictis in-
quæstione præcedenti ab art. 5. Apparet
igitur ex his, homines subesse, & quate-
nus subsint custodiæ Angelorum, & impu-
gnationi demonum.

Ad 1. Quæcumque Deus exequitur in
hoc vniuerso, vel immediate per se ipsum
vel mediate per causas secundas, omnia
sunt principaliter propter electos, iisdem
que solis efficaciter profunt simpliciter, &
absolutè. Ceterum id non tollit, quo-
minus quoad sufficientiam, & voluntate
antecedenti intendat Deus salutem, &
gloriam peccatorum etiam ac infidelium,
& reproborum. De quo alibi dictum est
ex professo: Eodem igitur modo custodia
Angelorum instituta à Deo est, atque

promissa hominibus principaliter propter electos, atque in ipsis solis consequitur adæquatè effectum, ad quem ordinatur. Secundario verò, & minus principaliter per eandem custodiam subuenitur infidelibus etiam, & reprobis, atque peccatoribus omnis generis, ut minora, & pauciora peccata committant, & minorem mereantur poenam, utque Deus satisfaciat muneri gubernatoris vniuersalis, atque inclinationi infinitæ suæ bonitatis, dū nemini negat in ullo genere, quantum ad ipsum pertinet, quæ sufficiunt ad salutem.

Ad 2. Deus nihil præstat mediatis causis secundis, vel in ordine ad mores, vel in ordine ad effectus purè physicos, propter indigentiam eius adiutorij, sed vseruetur in rebus ordo congruens naturis ipsarum, utque ostendat diuitias infinitæ suæ potestatis, dum alia facit participare vires, & efficaciam ipsius. Unde non tollitur necessitas custodiæ Angelorū ex eo, quod Deus immediatè custodiat. Quia Deus immediatè per se ipsum custodit, non quantum simpliciter, & absolute potest, sed quantum sufficit cooperante simul custodia Angelorum. Itaque est quidem frustra omnis alia custodia, non custodiente Deo. Quia causæ secundæ non possunt operari, nisi quatenus iuuantur à causa prima, atque ab eius coopera;

peratione essentialiter dependent in omni suo opere. At non propterea operantur frustra, siue custodiendo, siue aliter, tametsi Deus immediatè operetur circa eundem effectum. Quia Deus attemperat suum concursum, quantum satis est, vt euadant vtilis conatus, & operationes honestæ causarum secundarum in quouis genere.

Ad 3. Angelus non custodit hominem auferendo illi libertatem arbitrij, sed dirigendo solum, & confortando. Vnde fieri potest, vt homo non peccet, ac pereat, tametsi custodia Angeli sit diligens, & fortis. Quia videlicet fieri nihilominus potest, vt homo abutatur libertate sua, & nolit obsequi directioni Angeli deinde Angelus custos non ex negligentia, aut impotentia sinit hominem sibi commissum tentari à dæmone, sed ex obsequio, & subordinatione ad Deum, qui patitur, vt dicit Apostolus, nos tentari, præcisè quantum sufficit, vt possit fieri, & fiat, si per nos non steterit, cum tentatione prouentus.

Ad 4. Efficaciter ibi probatur, Christum Dominum non debuisse habere, ac proinde nec habuisse Angelum custodem. Verum illa ipsa probatio reddit rationē discriminis, ob quam ceteri homines debuerint habere, & habeant Angelum custodem. Quia sicut Christus Dominus

erat sapientia, & potestate superior Angelis; ita cæteri homines sunt inferiores iisdem. Quapropter Christus Dominus habuit Angelos ministrantes sibi, & obsequentes ad nutum, vt apparet ex Matth. 4. cap. cæteri vero habent eosdem custodes, & præfides. Iam similitudo Christi cum cæteris hominibus intelligitur tantum quoad perfectiones eorum, necnon quoad imperfectiones necessarias ad opus redemptionis, vt dictum est qu. 31. de incarnat. Non autem erat eiusmodi defectus inferioritas scientiæ, & potestatis respectu Angelorum, atque ideo neque indigentia custodiæ eorum.

Ad 5. Patet ex dictis supra art. 1. initio, & art. 3. fine. Ad 6. Impugnatio hominum non est ex positua ordinatione diuina, sed ex sola permissione, cum ea impugnatio sit peccaminosa: Permissio autem eiusmodi impugnationis, ac tentationis nullo ex capite est iniqua. Primum enim maiori altutiae, & fortitudini dæmonis contraponitur maior similiter fortitudo, & sapientia Angeli custodis, & insuper auxilium gratiæ Dei. Qua de causa Elisæus dicebat. 4. Reg. 6. *Noli timere, Plures enim nobiscum sunt, quàm cum illis.* Deinde vult quidem Deus omnes homines saluos facere, sed simul vult, vt sit militia vita hominis super terram, vtque perueniat ad gloriam, tanquam ad co.

ronam victoriæ, utque coronetur post legitimum certamen. Quem in finem oportuit, ut inter alias pugnas adesset colluctatio aduersus Principes, & Potestates aeris huius subministratis in hunc finem subsidijs modo indicatis. Denum tentatio est duplex, alia ordinata ad experimentum, & ad manifestationem alicuius adhuc latentis in tentato, & huiusmodi tentationis Deus est auctor, tentatque frequenter eo modo. Alia est tentatio ordinata ad ruinam tentati, eumque inducens ad peccandum ex intentione tentantis. Atque huiusmodi tentationis Deus non est auctor, sicut nec aliorum peccatorum, sed solum permittit illam, sicut & ista. De hac autem posteriori sola tentatione est sermo apud Iacobum. Cuius veritati nequaquam contradicit ordinatio demonum ad nos tentandos tentatione intentiua, ac inductiua peccati. Quia ea ordinatio non est ex præcepto, aut susatione diuina, sed ex obstinata ipsorum dæmonu nequitia, Deo permisso tantum se habente, ut dictum est.

Ad 7. In statu innocentie non fuit, aut necessaria custodia Angeli. aut possibilis impugnatio demonum interior. Quia dono integritatis erat homo firmissimè, præmunitus, ita ut nullis inferioris partis assultibus pateret ex se ipso. Exterius tamen suberat periculo peccandi, cui, &

Succubuit tentante dæmone. Propterea eatenus indiguit Angelo custode, eumque habuit.

Ad 8. *Fidelis autem Deus est, qui non patietur vos tentari supra id, quod potestis, sed faciet etiam cum tentatione prouentum, ut dicitur 1. ad Corinth. 10. 13.* Propterea nullam habent homines sufficientem suorum peccatorum excusationem, tamen subsint impugnationi dæmonum fortiorum se. Quia illam temperat prout oportet, eidemque contraponit Angelum custodē & gratiam suam. Præterea plura peccata committunt homines non tentante actualiter dæmone, ut docet D. Thomas q. 114. art. 3. alijque cōmuniter apud Suarez lib. 8. cap. 19. licet omnia, ratione peccati Adæ, saltem indirectè, & mediātè, ex eius tentatione proueniāt. Quia sæpe contingit nullam esse indifferentiā ad motus locales nocuos, & proficuos in rebus corporalibus, aut circumstantibus hominem exterius, aut existentibus intra ipsum hominem. Motus autem determinatè exactos, raro permittuntur dæmones, ut inuertant, pro ut positum est in quæstione præcedenti. Eademque de causa non omnia opera nostra bona procedunt singillatim, ac immediatè ex Angeli custodis operatione, ac dispositione præuia. Non tamen hinc verificatur vel Angelum, vel dæmonem vnquam

totaliter dimittere hominem, cui sunt
delegati. Quia semper nihilominus ob-
servant, si quæ occurrat opportunitas ex-
plendi sui ministerij, & semper re-
tinent intentionem utendi da-

ta opportunitate. Sed in-

terim in occasione ut

prædictis mani-

festius ca-

rent

homines excusatione suo-

rum peccatorum ex

dæmonis impu-

gnatione,



Q V A E S T I O XXXIII.

*Virum Angeli superiores influant
in inferiores, sicut infimi in-
fluunt in homines?*

IDENTVR eodem prorsus modo vtrunque inter se comparari: Quia modus, & ordo causalitatis sequitur modum, & ordinem entitatis, atque prius fundatur in posteriori. Homo autem ita comparatur cum infimo Angelo, ut sit paulo minoris perfectionis quam sit idem Angelus, ut apparet ex testimonijs Psalmistæ & Apostoli ponderatis quæst. 1. art. 5. circa istam comparisonem. At infimus Angelus est perfectionis similiter paulo minoris, quam sit Angelus sibi immediatè superior, & sic de cæteris vsque ad supremum. Ergo idem causalitatis, & influentiæ genus exercet vnusquisq; Angelus superior respectu Angeli inferioris sibi immediatè, quod exercet infimus Angelus, seu infimus Angelorum ordo exercet respectu hominis.

2. Inferiora reducuntur in Deum à superioribus per media, ut dicit Dionysius, cap. 3. Eccl. Hierarch. Ergo Angelus supremus ita reducit hominem in Deum per

An.

Angelum ipsi immediatum, sicut hunc
reducit in eundem per alium Angelum
priori similiter immediatum, & sic de cæ-
teris intermedijs.

3. Omnes naturæ intellectuales con-
tinentur intra idem genus, vt dictum est
in eadem quæst. 1. ab art. 21. Ergo in om-
nibus naturis intellectualibus datur idem
genus capacitatis ad influxum actiuum, &
passiuum inter superiorem, & inferiorem
respectiue. Cum igitur homo sit præditus
intellectu, sicut Angeli, necesse est, vt
ipsi insit capacitas ad recipiendum influ-
xum, & directionem infimi Angeli, qua-
lis capacitas inest eidem Angelo infimo
respectu Angeli immediate sibi superio-
ris, & sic de cæteris vsque ad supremum.
Existenti autem consimili capacitate in-
fluxus, oportet influxum, quoque ipsi
esse consimilem.

Art. 1. Respondetur. Mutua Ange-
lorum inter se ministeria considerari pos-
sunt pro duplici statu nempe viæ, & ter-
mini, seu beatitudinis. Quod ad statum
beatitudinis attinet, quatuor præcipua
documenta tradit D. Thomas quæst. 106.
ex Dionysio circa influxum aliorum in
alios Angelos. Primum est, quosdam An-
gelos à quibusdam Agenlis illuminari, &
intellectualiter perfici, idest in agnitio-
nem veritatis perducti, eadem veritate
manifestata ab Angelo, cui prius innot-
scit, alteri Angelo, cui nondum nota

erat. Quod traditur à Dionys. cap. 7. cæ-
lest. Hierarch. post med. dicendo, quod
*Theologi planè monstrant caelestium substantia-
rum ornatus à supremis mentibus doceri deificas
scientias.* Addit D. Thomas, illuminatio-
nem istam dupliciter peragi, nempe ex
parte principij seu intellectus, & obiecti.
Ex parte quidem principij quatenus virtus
intellectiva inferioris Angeli confortat
ex conuersione superioris Angeli ad ipsū,
sicut virtus actiua imperfectioris corporis
confortatur ex situāli propinquitate per-
fectioris corporis. Ordinem nimirum cō-
uersionis perinde valere in spiritualibus,
atque valet ordo propinquitatis localis in
corporalibus. Ex parte vero obiecti qua-
tenus Angelus superior veritatem magis
vniuersaliter cognitā iuxta dicta supra
qu. 13. distribuit in conceptus magis parti-
culares accommodatos capacitati Ange-
li inferioris, eosque partitim manifestat
eidem Angelo inferiori, eo vtrique mani-
festationis modo qui expositus est supra
quæst. 21. circa locutionem Angelorum.

Art. 2. Posterior iste illuminationis mo-
dus est facilè peruius, nec indiget vltorio-
ri aliqua explicatione vltra ea, quæ ex-
posita sunt in prædicta quæsti. Primum
vero illuminationis modum per confortā-
tionem, seu per conuersionem intellectus
superioris ad inferiorem, ego omnino nō
cappio nec quidem lecto Caietano ibi, aut
etiam considerato art. 1. q. 9. de veritate

ad quem ipse remittit lectorem. Videntur
tamen mihi satis capere, paritatem ex virtute
perfectioris corporis localiter propinqua
virtuti actus corporis imperfectioris, non esse
satis accommodabilem coniunctioni, seu qualicumque conue-
niunt intellectus superioris ad inferiorem.
Quia cum causae corporales operentur
transeuntes, possunt ad effectum com-
manem se inuicem iuuare, tamen si neutra
afficiat alteram intrinsecè eidemque in-
trinsecè non insit. At verò intellectus, cum
sit ex suo conceptu principium immanens
operans non potest iuuare similiter in-
tellectum alium ad perficiendam suam
intellectionem, quin vel obiecto super-
addat cognoscibilitatem, vel ipsi intelle-
ctui ingerat qualitatem, qua intrinsecè
perficiatur. Relicto igitur isto illumina-
tionis modo per confortationem, retinea-
tur alter modus illuminationis ex parte
obiecti.

Art 3. Secundum documentum est,
vnum Angelum non posse mouere volun-
tatem alterius ex parte ipsius potentiae,
nempe immutando immediate ipsam po-
tentiam, posse tamen mouere ex parte
obiecti per modum suadentis, manifestan-
do aliquas rationes bonitatis ex parte rerum
creatarum, quatenus sunt quaedam
bona ordinata ad bonitatem Dei, ideoque
induecentia specialiter ad eius amorem.
Quod traditur à Dionysio cap. 6. Ecclesiasticae

rar. ubi dicit, quod in celesti Hierarchia purgatio est in substantijs & essentijs, tanquam ignotorum illuminatio in perfectiorem scientiam inducens. Nempè motio voluntatis unius Angeli per alium Angelum ordinatur ad purgationem eius, idest ad puriorem, atque à rebus creatis abstractiorem tendentiam affectiuam in Deum. Quare perinde est, purgationem in Angelis fieri per illuminationem inductiuam perfectioris scientiæ modo nuper explicato, atque motionem voluntatis fieri in eisdem per eandem. Quod autem voluntas unius Angeli non possit moueri per alium ex parte principij probat D. Thomas art. 2. Quia operatio voluntatis est inclinatio quædam volentis in volitum. Inclinationem autem huiusmodi solus ille immutare potest directè, ac immediatè, qui confert virtutem volendi, qui est solus Deus: Sicut etiam naturalem inclinationem, seu appetitum innatum illud solum agens potest immutare, quod potest dare virtutem, in qua fundatur eadem inclinatio, seu appetitus. Quæ quidem est optima ratio. Verum ego si caperem, præcedentem illam confortationem intellectus inferioris per conuersionem intellectus superioris ad ipsam inquirerem, cur similiter voluntas inferior confortari non possit per conuersionem superioris voluntatis ad ipsam, quandoquidem sicut in intellectu superiori datur amplior,

ac vniuersalior capacitas ad verum, ita in voluntate superiori datur maior, ac purior inclinatio ad bonum honestum.

Art. 4. Tertium, & quartum documentum est, Angelum inferiorem illuminari a superiori; superiorem verò illuminari ab inferiori minimè posse. Quæ tradit Dionysius cap. 5, Eccl. Hier. & cap. 15. cælest. Hier. dicens hanc esse legem diuinitatis immobiliter firmatam, vt inferiora reducantur in Deum per superiora: Et rursus vnamquamque cælestem essentiam, intelligentiam sibi à superiori datam, inferiori communicare. Illuminatio inferioris per superiorem patet ex dictis circa primum documentum. Quoad repugnantiam, vt superior illuminetur per inferiorem, notandum est, quod iterum obseruatum fuit superius. Nempe non quamlibet cuiuslibet veritatis manifestationem dici illuminationem, sed solam, quæ ducit ad maiorem cognitionem Dei, voluntatisque diuinæ. Notitia namque rerum creatarum secundum se est obscura, ideoque ab Augustino dici solet cognitio vespertina. Quapropter licet Angelus inferior possit alloqui superiorem, eique proinde communicare aliquam notitiam, quam nondum habebat, non tamè illuminare illum propriè potest. Quia per locutionem solos potest manifestare suos conceptus, & determinationes, atque affectus suæ voluntatis, quæ sunt quid
pu

pure creatum. De sapientia autem, & voluntate, aliisque perfectionibus diuinis plus nouit Angelus superior quam inferior, ideoque instrui eatenus ab inferiori minimè potest ex natura rei, nisi forte ex peculiari aliqua, & extraordinaria dispositione prouidentiae Dei.

Art. 5. Conferenti hæc cum ijs, quæ dicta sunt in quaestione præcedenti circa custodiam hominum per Angelos, facile apparet, influxum superiorum Angelorum in inferiores pro statu beatifico analogicè tantum conuenire cum influxu Angelorum custodum in homines. Quia utrobique datur illuminatio intellectus, eaque mediante directio, & inclinatio voluntatis in Deum. Sed modus est diuersus. Quia Angelus illuminat Angelum manifestando illi immediatè suum aliquem conceptum, in quo relucet aliqua veritas specialiter perducens ad Deum. Cuius illuminationis non est capax homo pro statu vitæ mortalis. Quia non potest intelligere quidquam nisi dependenter à sensu. Quapropter nec illuminari, nec moveri ad Deum potest, nisi dependenter ab idonea in eum scopum applicatione, ac propositione exteriorum sensibilibus, & à congruenti similiter dispositione phantasie. Similis est ratio conuenientiae, & discrepantiae inter Angelos inuicem, & cum hominibus comparatos pro statu viæ ipsorum Angelorum. Dictum namque est supra

pra quælt. 27. inferiores Angelos qui peccauerunt inductos fuisse ad peccandum exemplo, & suasionē Luciferi, qui creditur esse supremus inter omnes Angelos, & similiter Michaelē qui est superior reliquis bonis Angelis, fuisse ducem reliquorum in victoria, quam simul cum ipso reportarunt de dracone, & Angelis eius. Fuit igitur pro eo statu custodia, & impugnatione inferiorum Angelorum per superiores affimilis custodiæ, & impugnationi quibus dictum fuit, subesse homines. Sed diuersitas fuit, & est in modo, qualis nuper exposita est. Atque per hæc patet satis ad rationes dubitandi, & quo modo distinguenda sint, quæ dicuntur in illis. Hæc porro omnia tenuiter, ac ruditer dicta sunt utcunque ad laudem, & glorificationem bonorum Angelorum, qui Angeli simpliciter dici consuevere, atque in detestationem, & infamiam malorum, quibus demonum nomen absolute prolatum adhæsit.

F I N I S.

INDEX

INDEX

Reverendissimi

quarationibus de

Angeli

De Angelis
De Angelis
De Angelis
De Angelis
De Angelis

De Angelis
De Angelis
De Angelis
De Angelis
De Angelis

De Angelis
De Angelis
De Angelis
De Angelis
De Angelis

De Angelis
De Angelis
De Angelis
De Angelis
De Angelis

De Angelis
De Angelis
De Angelis
De Angelis
De Angelis

I N D E X

Rerum contentarum in quæstionibus de Angelis ;

A



Abstractiua cognitio Dei da-
tur in Angelis q. 14. art. 2.

Accidentia non participant
necessario totam sui generis
perfectionem quæst. 11. ad 1
quæst. 17. ad. 2.

Actiuitas Angelorum circa corpora est
minima, 31. ar. 1. & ad 1.

Actio, Actus

Actiones vitæ quas exercere possint An-
geli in corpore assumpto, qu 7. ad 5.

Actuum sibi subordinatorum diuersitas
non arguit diuersitatem potentia. .
q. 18. ad 4. art. 1

Actus intelligendi distinguitur à substan-
tia intelligente creata quæst. 11. ar. 4.
quæst. 18. ad 5.

Actus primus dispositiuus Angelorum fuit
liber q. 26. art. 7.

Alterare immediatè corpora nequeunt
Angeli quæst. 31. art. 1

Amor

Index rerum de Angelis

Amor sui secundum se, non potest esse nimius quæst. 27. ad 6

Angelorum existentia, nomen, natura.

Angelorum existentia probatur quæst. 1. ar. 14. & seqq. **Necessitas eorum ex natura rei ad finem vniuersi** ar. 17. & seq. & ad directionem art 20.

Angeli sunt intellectuales q. 1. a 14.

Indefectibilitas eorum ex natura rei. quæst. 3

Ex nulla materia etiam spiritali componuntur quæst. 2

Sunt perfectiores substantialiter hominibus. quæst. 1. art 5. 6

Spiritualitas eorum probatur. quæst. 4. art 8. & seqq. **Non est de fide** ar. 13. **sunt summe spirituales solum quoad conceptum negatiuum.** q. 11. ad 3

Angelorum multitudo.

Angeli sunt plures secundum speciem. quæst. 4. tota. **Possunt multiplicari solo numero.** quæst. 5. art 6. & seqq. **sunt discernibiles naturaliter** ibid.

Angelorum duratio. Vide duratio.

Angelorum potentia. Vide intellectus, voluntas.

Angelorum ubicatio. Vide ubicatio.

Anima rationalis, in quo sensu dicatur esse æqualis Angelis q. 1. ad 7.

Anime rationalis immortalitas, est de fide quæst. 3. art 5.

Index rerum de Angelis

Apparitiones Angelorum in corporibus non fuerunt imaginarię q.7.art.2. conueniebat eas esse frequentiores in lege veteri; cur; quęst.7.ad 2.

Appetitiones in Angelis an dentur. q. 17. ad 4.

Angelus non potest appetere obiectum, quod nullo modo, debet appetere, quęst. 27. ar. 1.

Appetitus innatus solus non sufficit in sentientibus, & intelligentibus, quęst. 17. art. 3. & 4.

Assumptio corporum est triplex, q.7.ar.3.

Angeli non assument corpora per vnionem physicam perfectiuiam assumpti, ibid. Nec possunt assumere per vnionem hypostaticam ibid. Assument, verò per vnionem assumentis cum assumpto in ordine ad locum, & in ratione motoris ac moti, cū vi repręsentatiua assumentis, art.2.3.

Assumptio corpora assumpta cur plerumque sint aerea, q.7.ar.4.

Auxilia Angelorum non sunt solum illustrationes, sed etiam inspirationes, q. 26. ad 1. presentis negantis.

B

Beatitudo.

Beatitudo debet esse ab aliqua intrinseca dignitate beati, q. 22.ar.2. Est impossibilis cum merito sui, q.28. art.4.

Beatitudo Angelorum non potuit esse ex natura

Index rerum de Angelis

natura rei in primo instanti, quest. 22.
ad 4. art. 1.

Beatitudo naturalis perfecta debuisset
conferri Angelis dependenter a meri-
tis, quest. 23. ad 3. Imò supernatura-
lis ex natura rei collata est ex meritis
ipforum ibid. art. 1. & seq.

Beatitudinis naturalis nimius amor fuit
primum peccatum Angelorum, q. 27.
art. 6.

Index rerum de Angelis

C

Choros Angelorum esse novem est de
fide, quest. 24. art. 5.

Chori unius vel etiam Hierarchiæ præe-
minencia supra aliam desumitur, ex o-
peratione superiorum Angelorum cir-
ca inferiores substantias intellectuales
ibid.

Ex hac partitione in choros non po-
test colligi distinctio specifica in Ange-
lis ibid. Ex omnibus choris aliqui An-
geli peccarunt, q. 30. art. 2. Non ta-
men retinent damnati Angeli denomi-
nationem cherubinorum seu seraphino-
rum &c. art. 4.

Christus D. propositus fuit adorandus An-
gelis, q. 27. art. 8. Angeli habuerunt
gratiam per fidem in Christum, q. 28. art. 6. Christus D. non habuit Ange-
lum custodem, q. 32. ad 4.

Celorum motus an probet existentiam
Angelorum, q. 1. ad 6. Co-

Index rerum de Angelis

Cogitatio . Cognitio.

Cogitationes non cognoscit Angelus infallibiliter sine consensu cogitantis ex natura rei, quæst. 14. art. 14.

Cognitio abstractiva est radix peccabilitatis, quæst. 25. art. 6. Si tamen est perfectissima inter omnes possibles constituit impotentiam moralem peccandi, quæst. 26. art. 4.

Cognitio omnis etiam speculativa monet voluntatem, q. 17. ad 2.

Cognitio Angelorum obiectum & modus cognoscendi.

Cognitio Angeli matutina, & Vespertina, q. 16. art. 1, Ab omni cognitione sui nequit Angelus cessare ibid. ad 3.

Cognitio inter omnes possibles perfectissima debebatur, ex natura rei Angelo in primo instanti, q. 26. art. 3.

Cognoscit Angelus naturaliter intuitivè omnia existentia infra Deum, non subiacentia dominio speciali alterius, qu. 14. art. 1.

Deum solum cognoscit abstractivè naturaliter art. 2.

Futura contingentia libera non cognoscit infallibiliter, art. 3. Plura ut plura non subordinata non potest cognoscere simul, quæst. 16. ad 4.

Seipsum, æqualia, & inferiora comprehendit, quæst. 14. art. 1.

Sin-

Index rerum de Angelis

Singularia cognoscit Angelus, & materialia, q. 16. ad 4.

Supernaturalie nec quoad existentiam, nec quoad possibilitatē cognoscit certo distincte, quæst. 14. ar. 7. seqq.

Angelus in sua essentia non potest clare, ac distincte cognoscere omnes perfectiones obiectorum tam superiorum quam inferiorum, q. 16. ad 2.

Cognoscit independentē à propinquitate obiecti, q. 12. ad 1.

Modus cognoscendi sequitur modum essendi, quæst. 15. art. 3.

Angelus potest cognoscere inadæquatē superiora per se, inferiora vero per accidens ob diuersionem attentionis, q. 15. ad 6.

Potest Deum quem cognouit mediatē, cognoscere immediatē sola specie relicta concurrere, q. 16. art. 3. & seqq.

Angelus nil cognoscit componendo, aut diuidendo q. 15. art. 8.

Absentia, & præsentia sibi omnia cognoscit per speciem impressam multo magis materialia, q. 12. art. 8.

Seipsum & accidentia sibi vnita physicē cognoscit sine specie impressa, ibid. art. 7.

Compositio.

Compositio in Angelis ex nulla materia etiam spiritali datur, q. 2. art. 1. & seqq.

Com.

Index rerum de Angelis

Comprehensio,

Angelus seipsum æqualia, & inferiora comprehendit, q. 14. art. 1.

Potest cessare a comprehensione sui, quæst. 16. ad 3.

Cum comprehensione sui potest coniungere cognitionem alterius motui, ib.

Cooperatio causarum secundarum, cui requiratur, q. 31. ad 1.

Corpus.

Corporeitas Angelo uni refutatur, qu. 1. art. 1. & seq. Quomodo sit explicanda in locutionibus PP. q. 1. ad 4.

Corporum assumptio. Vide assumptio.

Angelus nequit corpora immediate alterare, gignere aut corrumpere, qu. 31. art. 1.

Creatio Angelorum nomine creationis Cælis comprehenditur, q. 2. ad 2.

Custodia Angelorum est de fide, & conuenit homini ex natura eius q. 37. art. 1.

singuli Angeli singulis hominibus cur deputentur art. 2. Singulis provincijs, &

communitatibus superadduntur, art. 3. ex ordine altiori art. 4. Custodia hæc

incipit a natiuitate, art. 3. Idem Angelus an successiue custodiat plures homines, art. 4.

Custodia hæc fit tum interius, tum exterius, per determinationem fauorabilem,

motuum localium, art. 6. In statu innocentie non fuit necessaria custodia

Angeli interior ibid. ad 7.

Deus

Deus quomodo cognoscatur ab Angelo
vide Cognitio.

Delectatio Angelorum beatorum est etiam
ex rebus corporeis, q. 29. ad 3.

Differentia secundum se non semper su-
peraddit maiorem perfectionem gene-
ri, q. 4. ad 1.

Difficultas intensionem actus non impe-
dit, q. 24. art. 1.

Difficultatem in operando quam habue-
runt Angeli, q. 22. ad 2. & q. 23. ad 5.

Dilectio.

Diligit Angelus naturaliter Deum supra
se, tum amore concupiscentie, tum
amicitiæ, q. 20. art. 5. & seq.

Substantiam suam, & existentiam Dei se-
cundum se diligit necessario, q. 20. art. 1.

Non diligit seipsum necessario dilectione
maxima, & comprehensiva sui, art. 2.

Dilectio Angelorum mutua inter se, est
necessaria quoad speciem actus, art. 3.

Nequit tamen vnus amare alterum æ-
qualiter, ac seipsum art. 4.

Discernibilitas naturalis in Angelis vnde
desumitur, qu. 5. art. 6. In rebus mate-
rialibus sumitur ex loco, & tēpore, a. 2.

Discursus formalis repugnat in Angeli,
quæst. 15. art. 2. & 3.

Discurrere non est precise rem cognosce-
re in medio ibid. ad 4.

Distinctio rei differt ab indiuiduatione
quæst. 5. art. 7.

Index rerum de Angelis

Distinctio sine discernibilitate dari non potest, **art. 4**

Dæmones nunc etiam superbia peccant, **q. 27. ar. 10.** quomodo cruciantur igne corporeo, **q. 29. ar. 5. seqq.** Ex omnibus Hierarch. aliqui Angeli sunt damnati, **q. 30. ar. 2.**

Duratio.

Duratio aliqua vagè est essentialis creaturæ, **q. 8. art. 1.** Distinguitur realiter à re durante **art. 2.**

Duratio Angeli est media inter æternitatem, & tempus, **art. 3.** Habet partes realiter distinctas, **ar. 3. 4.** Quomodo est indiuisibilis **ar. 5. 6.**

E

Evidentiam in attestante non habuerunt Angeli, **q. 23. ad 4**

Existentia in loco. Vide locus.

F

Falsitas repugnat per se loquendo intellectui Angelico **q. 15. ar. 4. 5.**

Fidei actus in Angelis fuit liber, **q. 26. ar. 8.**

Finis vniuersi exigit existentiam Angelorum, **q. 1. ar. 17. seqq.**

Futura contingentia non determinata in causis non cognoscit infallibiliter Angelus, **q. 4. art. 3.**

G

Genus & differentia dantur in Angelis, **q. 2. ad 5**

Genus peculiare perfectionis quæ constituent, **q. 1. ar. 2. 1.**

Ce

Ge-

Index rerum de Angelis

Genera, quò sunt perfectiora, eò in plures species diuiduntur quæst. 2. art. 23. quæst. 4. ar. 1.

Gratia.

Gratia tam actualis, quàm habitualis concessa omnibus Angelis in primo instanti ex natura rei, q. 22. art. 4. seqq. Omnia dona gratiæ, tam actualis, quam habitualis fuerunt inæqualia in Angelis pro inæqualitate naturæ, q. 24. ar. 1. seqq. Gloria Angelorum. vide Beatitudo.

H

H Alitus supernaturales infusi sunt Angelis ex natura rei in primo instanti q. 22. art. 4. seqq.

Hierarchia. Vide Chorus.

Homo non sufficit ad perfectam directionem irrationalium, q. 1. ar. 20.

I

I Gnis dæmones crucians est corporeus, q. 29. ar. 2. Non eleuatur per potentiã obedientialem ad cruciandum dæmones ar. 3. cruciantur illo dæmones per alligationem ad illum, ar. 5. & seqq.

Ignorantia quæ fuerit in Angelis, quæst. 26. ad 5. partis negantis Illuminatio quid sit, q. 21. ad 2. quomodo Angelus superior illuminet inferiorem, q. 33. ar. 1. 2. solus superior potest illuminare inferiorem, ar. 4.

Imago Dei cur homini potius quam Angelo tribuatur, q. 1. ad 1.

Immutabilitas Angelorũ moralis in pro-

Index rerum de Angelis

positio probatur, q. 28. a. 7. 8. imò etiam
physicè esse immutabiles, ar. 9.

Incarnatio proposita fuit Angelis in pri-
mo instanti, q. 27. ar. 8. 9.

Incorrumpibilitas conuenit Angelis ex na-
tura rei, q. 3. a. 1. seq.

Individuatio quo sensu sumitur ex mate-
ria, quæst. 5. ad 2.

Indiuidua multiplicari ob conseruationem
specierum, non est verum vniuersaliter,
q. 6. ad 5.

Instantia Angelorum quomodo multipli-
centur, qu. 26. ad. 2. partis negantis.

Angeli boni absoluerunt viam vno in-
stanti, mali vero duobus instantibus, q.
28. art. 2.

Instrumentum nihil potest agere immè-
diatè, non coagente immediatè prin-
cipali, q. 18. ar. 5.

Intellectus Intellectio.

Intellectiuium connectitur ex suo concep-
tu cum volituiuo, q. 17. ar. 1. seqq.

Intellectiuium præeminet omnibus gene-
ribus, q. 1. art. 2.

Intellectualis substantiæ perfectæ existèn-
tia probatur, q. 1. tota.

Intellectio est operatio prorsus immate-
rialis, q. 2. ar. 2. debet effici immè-
diatè à substantia intelligente, q. 3. ar. 6.

Intellectus, & intellectum quomodo
sit idem in immaterialibus, q. 12. ad 4.

Intellectus non potest differre specie ab
alio, ob solam vim reflectendi se supra
se, q. 4. a. 3.

Index rerum de Angelis

Intellectus non distinguitur realiter à voluntate, q. 18. ar. 2. & seqq specialiter **2.7**

Intellectus creatus superans virtute intelligendi intelligibilitatem totius ordinis naturalis repugnat, **q. 4. ar. 3.**

Intellectus Angelicus quæ obiecta naturaliter, & quomodo intelligat. Vide cognitio.

Indicativa cognitio. Vide compositio.

L

Libertus datur in Angelis, q. 19. ar. 1
Libertas quomodo consistat in indivisibili ib. ad **5.**

Limitatio est principium distinctionis, q. **5. ar. 7.**

Locus.

Esse in loco non convenit propriè Deo & Angelo, q. 9. ar. 7. Angelus est dupliciter in loco, physice per operationem metaphysicè per vocationem spiritua-lem, **art. 4.** Angelus potest esse physice in loco minori pro libito, in ò in nullo loco, aut in extremis spatii, quin sit in medio **ar. 5.** Non possunt esse physice duo Angeli in eodem loco, ibid. Opposita omnia conveniunt modo existendi in loco metaphyce, **ar. 6.** & seqq Vide Vbicatio.

Locutio.

Quomodo loquantur Angeli cum Deo, vel homine, q. 21. ar. 1.

Loquuntur inter se Angeli sola voluntate reuelandi suos conceptus, ibid. **ar. 3.** & seqq. Hæc voluntas reuelandi est solum con-

Index rerum de Angelis.

conditio, ar. 5. 6. vel obiectum partiale ad 8.

Locutio Angeli inferioris cum superiori potest esse manifestatio ignoti, non tamen illuminatio, ad 2.

Possunt loqui secum signis, & actionibus externis significantibus naturaliter, vel ex placito, art. 8.

Lucifer fuit auctor peccandi aliis Angelis, q. 27. ad 4. fuit supremus inter omnes angelos ad 5.

M

Malum purum implicat, q. 30. ad 3.
Materia quomodo sit principium distinctionis, q. 5. ad 5.

Materia etiam expers quantitatis non datur in angelis, q. 2. ar. 1. 2.

Materialia an cognoscat angelus. Vide cognitio.

Mentiri possunt angeli, q. 21. ad 4.

Meritum

Angelis data est gloria ex meritis ex natura rei, q. 23. ar. 2. quibus actibus eam meruerint art. 3. quomodo meruerint substantiam gloriæ ar. 4.

Meritum angelorum fuit summo conatu necessario exhibitum, q. 24. ar. 6.

Cum merito non potest componi beatitudo, q. 28. a. 4.

Miracula vera nequeunt facere angeli, q. 31. ad 6.

Index rerum de Angelis

Motus.

Motus quomodo sit actus imperfecti, qu. 10. ad 2. partis negantis.

Motus angeli metaphysicus & spiritalis est discretus physicus autem potest esse continuus ad 2. partis affirmantis.

Quomodo angelus possit transire de loco ad locum sine medio ibid. ar. 1

Motus localis est nobilissimus inter actiones agentis corporei relate ad subiectum q. 31. ar. 2. Angeli possunt corpora mouere localiter ibid. & seqq. superior angelus potest mouere localiter inferiorem, ar. 3. quos motus in corporibus causare possint angeli ar. 4. seqq.

N

AD naturalium proportionem data est angelis omnis gratia. V. gratia. Ex naturalibus non potest euidenter cognosci possibilitas supernaturalium, q. 14. ar. 9. 10

Numerus angelorum. Vide angelorum multitudo.

Numerus non semper est species quantitatis, q. 8. ad 2. partis affirmantis.

O

Obiectum.

Obiecti concursus requiritur ad omnem intellectionem creatam, q. 12. ar. 1

Obiectum cognitionis angelicæ, q. 14. tota.

Obiecti propinquitas non sufficit ad cognitionem angelicam, q. 12. ar. 8

Angelus cognoscit independenter a propinquitate obiecti ad 5

Obiectum

Index rerum de Angelis

Obiectum immediatum potentiae cognos-
citivae, non potest eam mouere ad fal-
sum q. 15. art. 4

Obiecta materialia perficiunt angelum
per speciem sui, q. 14. ad 4

Cognoscuntur per accidens ab angelo, ib.

Ordo angelorum. Vide Chorus inter de-
mones datur aliquis ordo, secundum quid
q. 30. a 1. fundatur in inaequalitate natu-
rarum art. 3. finis huius ordinis ad 2.

P

Peccabilitas, Peccatum.

Peccabilitas proxima conuenit angelis
ex natura rei, q. 25. ar. 2. & omni sub-
stantiae creatae ac creabili ar. 4. & seqq.

Peccabilitas physica tollitur per solam
visionem Dei immediatam, ar. 6. Co-
gnitio abstractiua inter omnes possibili-
les perfectissima, solam facit impoten-
tiam moralem peccandi, ar. 4.

An potuerint angeli peccare venialiter
ad 8.

Peccatum destruit id, quod intendit, q.
27. ad 5

Peccasse angelos in primo instanti est er-
roneum, qu. 26. ar. 1. In primo instanti
habuerunt impotentiam moralem pec-
candi ex natura rei ar. 2. seqq. Non au-
tem impotentiam physicam, ar. 7. & seqq.

Peccatum primi instantis cur tribueretur
Deo, q. 26. ad 3.

Peccati angelorum obiectum non potuit
esse aliquid utile, q. 27. ar. 1. Primum
pec-

Index rerum de Angelis

- peccatum eorum fuit superbiæ, artic.
1. 2. Non poterant peccare appeten-
do aliquid impossibiles etiam quod
modum art. 3. Peccatum eorum non
fuit appetitus diuinæ æqualitatis, nec
unionis hypostaticæ, nec beatitudinis
supernaturalis per suas præcisè vires, ar.
4 sed nimius amor beatitudinis natura-
lis. art. 6.
- Perfectio vt talis non repugnat alteri per-
fectioni, qu. 13. ad 3.
- Perfectio naturæ Angelicæ fuit ex natura
rei mensura donorum supernaturalium
quæst. 24. art. 1. Perfectio angelorum.
Vide Angelus.
- Phantasia est causa compositionis, aut di-
uisionis in intellectu, q. 15. ar. 1.
- Plura per modum plurium: an cognoscat
angelus. Vide cognitio angeli. In pœ-
nam non sunt priuati bonis naturæ de-
terminatè exigitis, sed tantum donis
omnibus supernaturalibus, q. 29 ar. 1.
- Potentie actiue substantiæ non identifi-
cantur cum illa adæquatè, qu. 18. art. 1.
- Potentie sunt per seipsas immediatè
relatiuæ transcendentaliter art. 4. Po-
tentie intellectiue & volitiue non
distinguntur à substantia ab ar. 2.
- Præsentia angeli ad locum est duplex, qu.
9. art. 3.
- Princeps dæmonum, q. 30. ar. 2.
- Producere immediatè quidquam purè
physicum nequit angelus, quæst. 31. a. 3.
- Nec

Index rerum de Angelis

Neque vnus angelus alterum ibidem. 3

R

Reprobatio passiva est impossibilis cum statu demerendi, q. 18. a. 4.

Reuelatio qua Deus reuelet alicui se nol-
le concurrere cum illo ad vllum actum
voluntatis, repugnat, q. 17. ad 2. Deus
potest reuelare angelo conceptus alte-
rius angeli absque consensu eius, vel
per speciem connaturalem, vel per su-
pernaturalem, q. 21. ad 6.

S

Scientia de singularibus immateriali-
bus datur per se in angelo, q. 14. ad 5.
de materialibus per accidens ad 4.

Secreta cordis. Vide Cognitio.

Sensatio externa an immediate inducat
aliquam appetitionem, q. 17. ad 3.

Spatium cui simul potest adesse angelus
est finitum, qu. 10. ad 4. partis negan-
tis.

Species impressa.

Specie impressa indiget angelus, qu. 12.
ar. 2. non tamen ad cognoscendum se
vel accidentia sibi vnita physicè art. 7.
sed respectu aliorum omnium obiecto-
rum art. 8. species Angelicæ sunt infu-
sæ in creatione à Deo art. 9. Non sunt
omnes supernaturales ad 5.

Species impressæ angelorum perfectiorū
sunt vniuersaliores, qu. 13. a. 1. Nullus
angelus intelligit per vnicam speciem.
ar. 4. Angeli superiores habent paucio-
res

Index rerum de Angelis

res species, art. 3. Species impressæ angelorum differunt inter se mutuo secundum perfectionem diuersam, ad 3. Spiritualis substantia ex suo conceptu est intellectualis q. 11. ar. 1. & seq. si nō esset intellectualis non posset quidquam operari, art. 3.

Substantiæ creatæ conceptus non est omnino absolutus, q. 1. ad 3.

Substantia respectu quorum effectuum sit immediate actiua, ibid.

Supernaturale non solum est super omne actiuitatem naturæ, sed etiam supra exigentiam, q. 1. ad 5.

Supernaturalium cognitio. V. Cognitio.

Supremus angelus ex natura rei comprehendit se, & omnia creata pertinentiā ad complementum vniuersi, q. 4. ar. 2. nec plus intelligere potest ar. 3.

Tentationis dæmonis causa, q. 32. a. 5.

Designatur à Lucifero dæmones ad tentandos homines iuxta qualitatem negotiorum ibid. Tentationes peraguntur, tum interius, tum exterius ex determinatione noxiæ motuum localium, art. 6. Deus non est auctor tentationis ad 6.

Transire posse angelum ad extremum ab extremo sine medio, in quo sensu verum sit, q. 10. ar. 1.

Trinitas non potest naturaliter cognosci ab angelo, q. 14. ar. 1.

Vbi.

Index rerum de Angelis

V

V Bicatio aliqua vagè est essentialis creaturæ, q. 3. ar. 1. est realiter distincta à re vbicata, a. 2. Vbicatio angeli spiritualis independens à corpore, & operatione, q. 9. ar. 4. Est definitiua, qu. 10. ad 4. partis negantis, vide locus Veritas. Vide falsitas.

Via angelorum fuit breuissima, q. 28. ar. 1. Via bonorum angelorum durauit per vnum instans; malorum vero per duo instantia, ar. 1.

Virtutes omnes fuere infusæ omnibus angelis, q. 22. a. 2. idque in primo instanti ex natura rei art. 4 & seqq.

Sola visio Dei tollit peccabilitatem physicam, q. 25. ar. 6.

Viuentium operationes sunt in duplici differentia, q. 7. ad 5.

Vnio angeli cum corpore perfectiua vtriuslibet repugnat q. 7. ar. 1.

Vniuersum debet continere perfectiones omnis generis, q. 1. a. 16. finis vniuersi nequit subsistere sine existentia angelorum, ar. 17. In vniuerso nihil existit inutile omnibus, & singulis partibus vniuersi q. 11. ar. 3.

Voluntatis angelorum existentia probatur, ex scriptura, & ratione, q. 27. ar. 1. & seqq.

Voluntas non quoad omnia ita comparatur ad media, & finem, sicut intellectus ad conclusiones, & principia, q. 25. ar. 2.

Voluntas vnius angeli quomodo moueatur ab altero, q. 33. a. 3.


Erra.


Errata

Corrige

pag. 22. v. 14.	imperfecta	perfecta
45. 5.	q. 1.	q. 11.
47. 13.	recepit	recesserat.
ibid. 18.	villicatem	villicatem (vis in
52. 6.	differentia in	differentia duratio.
87. 8.	multitudinem	multitudine
ibid. 20.	positum	possum
104. 4.	conuenire possint	conuenire non possint
112. 3.	sunt	quae sunt
120. 3.	negatiue	negatiue
130. 5.	unione	alienae unione
161. 21.	isdemq vocibus	ide isdemq vocibus
171. 32.	aperti	asserti
207. 25.	non sufficientia	non sunt sufficientia
211. 4.	hic sermo	hic sit sermo
227. 12.	cognitio	cognito
230. 1.	quod quis	quod quis
236. 1.	comparatur	comparatiue
240. 14.	supernaturaliter	naturaliter
243. 16.	comparatiuum	non comparatiuum
254. 5.	breuiter	bene
275. 17.	solet	R. solet
329. 5.	est	&
341. 2.	finis	vires
357. 24.	ab	absque
378. 2.	non probet.	dele non
388. 9.	precedunt	procedunt
454. 3.	isdem	isdem
463. 7.	q. 13.	q. 3.
ibid. 20.	q. 15.	q. illa 15. de gr.
485. 23.	quia	quia
491. 20.	proprium.	propria
515. 9.	duratione	a duratione
525. 10.	est	& bestia
540. 4.	huiusmodi	huius mundi
542. 17.	re ipsa	ad finem re ipsa
551. 6.	perfectionem	imperfectionem.

F I N I S.





F